

鞏縣志

第一册
序 題 志 卷 聖 卷 興 卷 地
名 目 首 製 一 圖 二 理
册

卷 三 建 卷 山 卷 祀 卷 風 卷 物
置 四 川 五 典 六 俗 七 產
志 志 志 志 志 志 志

210.150.29
34.54.1
Sp=106

序

中憲大夫河南糧鹽道前知河南府事武岡劉文徵纂

余嘗謂文章與政治相表裏而志乘尤爲政之書俗吏動以簿書鞅掌爲辭未能徵文考獻故其政僅刀筆筐篋之務而不知體要乾隆甲辰由戶部尙書郎奉

命出守東都公餘繙各邑志乘大都纂在乙丑丙寅間迄今且四十餘年

聖朝德政之隆人材之盛風化之醇日增於昔宜補輯以昭茲來許况鞏舊志尤多紕謬體例則淆亂無章証據則牽援失實混河濟伊洛爲鞏水強孟郊盧仝爲鞏人至俚諺雜陳諛美

過當較他志爲甚遭逢

右文之世蓬觀石渠廣蒐掌故司茲土者仍循固陋何以上應采擇爰與諸明府課政之暇輒以補輯相勗越三年登封偃師志次第告成而鞏兩易其任適滇南李君來洛河役畢遂以修志與邑薦紳謀僉愉快集事延湘南張紫峴主筆諸薦紳各以採訪事實上孫孝廉枝榮考古尤有據於是取舊志鉏其荒類補其缺漏正其譌舛本正史及水經注而發明之事則徵信語則雅馴四十餘年文獻朗若列眉儼爲鞏志創始之書焉是舉也俾後人觀之者有所憑以爲振作續之者有所遵以爲編次更無事廣稽遠引之勞李君之功非淺

妙也不寧惟是鞏爲子華子挺生之鄉淵源遞衍名臣文彥
代有偉人自茲以後諸薦紳覽前哲之芳躅各規撫其子弟
尹司農蔡侍郎之輩接踵而起以仰副

聖天子壽考作人之化其砥行礪節者得則名貞氓之末轉相則
儆媿美二南則斯志之成非徒爲文章觀美也其所以移風
易俗裨益政治者詎不大與稿成適余蒙

恩晉河南糧鹽觀察李君以序請喜而弁諸簡端乾隆己酉蘭
秋書於大梁守署

序

鞏邑志不知椎輪所始

國朝順治初年修之者張君好奇也康熙三十年修之者顏君光昌也五十一年修之者多君時奇也其本皆散佚乾隆十年邱君軒昂續修之今又四十三年矣述武以丙午孟冬承乏是邑首謁郡伯今陞糧鹽觀察都梁劉公公語述武曰志者爲政之書也鞏舊志體例蕪雜文不雅馴焉足備輶軒採擇且四十餘年來令甲之昭垂

恩膏之盪沛及孝義節烈所當舉善而教者不可任其紀載缺

如子盍謀新之述武歸繙舊志惕然久之蓋彼時官署篋衍携書既少且限於聞見未能悉心搜討以故繼類叢出因思洛汭爲圖書所出之地况鞏得邑在春秋時光岳屢分疊遭兵燹紀載半已蕩爲雲烟幸有存者又復踳駁支離援引失實更千百年後沿譌襲謬何以爲網羅掌故者據是非官斯土者之責而誰責乎旋有洛河之役未遑也倥偬稍定乃謀重新焉聞施太守修郡志時邑孝廉孫君子陽分輯山川古蹟金石博采羣書最稱綜核幸文獻之可徵也與商之更廣集諸薦紳於庭咸踴躍勦盛事迺告於觀察公延湘潭張紫峴明府開局城南公廡與孫君及衆薦紳慎加編輯大約

據施郡志爲筆縷根諸經史佐以紀傳自夏伯封國以來邑
之大事及山川古蹟等類璘璘編編罔不綜載職官選舉舊
志漏者補之誤者芟之人物一門頗倍於昔用彰

聖天子久道化成之治而激勸微意亦寓於斯體衷諸正論協諸
公無疵無漏可爲一邑完書矣述武不敏賴諸君子補訂之
密搜訪之勤得免貽譏固陋懷鉛蓄素之餘忻幸爲何如也
是役也起已酉孟夏斷手季夏劂訖成述其顛末於卷首非
敢謂可副蓬觀羅采竊爲後之續纂者導夫先路云爾皆乾
隆已酉歲季夏書

他志序後有凡例茲散見各類小序中以便瀏覽云

校印鞏縣志序

鞏縣志續修於清乾隆己酉迄今百三十年無更修之者原版漫漶磨滅類多不可辨識閱者每興抱殘守缺之歎民國七年春龍章奉檄來鞏是歲淫雨爲災夏六月河洛驟漲巨浸毀城縣署傾圮志版與案牘均隨波散佚噫向之漫漶磨滅者今亦不可復覩矣今之郡邑猶古之邦國也邑之有志猶國之有史也邑志佚亡則一邑之政教廢興風俗升降與夫循良治績耆宿懿行惡足以徵信而垂遠矧鞏之爲邑建置最古名勝尤繁如夏伯之國鞏伯之封東周之分邦北宋之陵寢子華子之故里杜工部之殯宮以及河洛嵩山名區勝蹟若無志乘以昭示於來茲則年深代遠胥

將湮沒而弗彰矧言思之心焉滋懼歷五年始求得善本爰與同年友梁君養軒校讐其訛舛補拾其闕遺念剗剗梨棗之易於磨滅也付諸排印以全其真縣署與公款局各儲一帙交替則遞存書罄則更印以永其傳匪敢謂徵文考獻之功聊以償則古稱先之志云爾癸亥孟夏靜海毛龍章識

鞏縣志題名

叅訂

周作洵 邑教諭

較閱

王 彬 邑典史

採輯

焦鶴年 舉人

孫枝榮 舉人

劉文英 原任新鄉教諭

于建章 舉人

鞏縣志

第一冊 題名

一

河南商務印刷所印

馬敷錫 舉人

劉裕新 舉人

張耀南 舉人

康 誥 舉人

曹肅諭 舉人

張嵩木 拔貢生

張 燮 貢生

杜景星 廩生

焦萬年 廩生

閻作肅 廩生

校勘

張械榮 職監

牛會辰 廩生

謝錫嘏 例貢生

趙黃甲 庠生

張永亨 監生

劉紹鑑 監生

孫一鳴 廩生

李廷珍 庠生

監梓

鞏縣志

第一册 題名

二

河南商務印刷所印

趙聯甲 監生

題名終

鞏縣志目

卷首

恭紀

聖製

第一卷

輿圖志

第二卷

地理志

星野 沿革 疆域形勢附

第三卷

建置志

城池 公署 倉廩 驛遞 舖舍附 津梁 坊表 堤防 兵防 保里 鎮集 街巷 郵政

鞏縣志

第一册 目

河南商務印刷所印

第四卷

山川志

第五卷

祀典志 壇 廟 宋陵

第六卷

風俗志

第七卷

物產志

第八卷

賦役志 田賦 戶口 積貯 鹽引 蠲免

第九卷

學校志書院附

第十卷

職官志知縣 縣丞 主簿 典史

教諭 訓導 武職

第十一卷

職官志名宦

第十二卷

選舉志薦辟 進士 舉人 貢生例貢監附

武進士 武舉 武勳 封贈 鄉飲農官壽官附

第十三卷

鞏縣志

第一冊 目

二

河南商務印刷所印

人物志上儒林 名臣 政績

武功 忠節 孝義

第十四卷

人物志下流寓 列女

第十五卷

古蹟志上邑城 宮殿臺室亭館附

書院 溝渠陂池並載 倉場 關塞

屯堡 道路驛遞附 津渡 壇廟

第十六卷

古蹟志下陵墓 寺觀

第十七卷

金石志

第十八卷

藝文志上文

第十九卷

藝文志下賦詩

第二十卷

祥異志

鞏縣志卷首

鞏縣知縣李述武纂修



恭紀

聖製

順治八年

世祖章皇帝親政祭告宋太祖陵文

追維明德奉天撫民盛德宏勳萬世永賴陵寢所在英爽如存
茲特遣使賫捧香帛祇命致祭惟帝鑒歆

太宗真宗仁宗陵文同上

康熙元年

聖祖仁皇帝登極祭告宋太祖陵文

自古歷代帝王繼天立極功德並隆治統道統昭垂萬世朕受
天眷命紹繼丕基庶政方親前徽是景明禋大典亟宜肇修敬
遣專官代將牲帛爰昭殷薦之忱聿備欽崇之禮伏惟格歆尙
其鑒饗

太宗真宗仁宗陵文同上

康熙七年

皇帝親政祭告宋太祖太宗真宗仁宗四陵文同上

康熙十五年

皇帝建儲祭告宋太祖陵文

自古歷代帝王繼天立極功德並隆治統道統昭垂宇宙朕受天眷命撫御鴻圖懋建元儲前徽是景明禋大典亟宜舉行敬遣專官代將牲帛爰昭殷薦之忱聿備欽崇之禮伏惟格歆尙其鑒饗

太宗眞宗仁宗陵文同上

康熙二十一年

聖祖仁皇帝以彊宇蕩平祭告宋太祖陵文

自古帝王受天顯命繼道統而新治統聖賢代起先後一揆成功盛德炳如日星朕誕膺眷祐臨制萬方掃滅兇殘廓清區宇告功古后殷禮肇稱敬遣專官代將牲帛爰修禋祀之誠用展

景行之志仰企明靈尙其鑒饗

太宗眞宗仁宗陵文同上

康熙二十七年

孝莊文皇后祈廟祭告宗太祖陵文

自古帝王受天明命御歷膺圖時代雖殊而繼治同道後先一揆朕承眷祐臨制萬方稽古禮文肅修祀事茲以

皇祖妣孝莊仁宣誠憲恭懿翊天啟聖文皇后神主升祈

太廟禮成特遣專官將代牲帛虔修禋祀之典用抒景行之忱仰

冀明靈鑒茲誠悃

太宗眞宗仁宗陵文同上

康熙三十六年

聖祖仁皇帝以塞北永清祭告宋太祖陵文

自古帝王受天景命制治綏猷必禁暴除殘以乂安黎庶緬懷
往烈道實同符朕欽承

帝社臨御九圍茲以狡寇跳梁親征漠北蕩滌寇氛廓清邊徼永
清兵革以與普天率土樂育太和敬遣專官代將玉帛昭告古
先哲后虔修禮祀式彰安攘之模用展景行之志仰企明靈俯
垂鑒饗

太宗眞宗仁宗陵文同上

康熙四十二年

萬壽五旬祭告宋太祖陵文

自古帝王繼天立極出震乘乾莫不道洽寰區仁周遐邇朕欽
承丕基撫馭兆民思致時雍常殷惕厲歷茲四十餘載今歲適
屆五旬宵旰兢兢無敢暇逸漸致民生康阜世運昇平頃因黃
淮告成親行巡歷再授方畧善後是期觀民志之歡欣滋朕心
之軫恤適回鑾馭大沛恩膏用遣專官敬修祀典默贊邇隆之
治益宏仁壽之休尙鑒精忱俯垂昭格

太宗眞宗仁宗陵文同上

康熙四十八年

聖祖仁皇帝復儲祭告宋太祖陵文

朕維自古帝王正位臨民代有令德是以享祀千秋用昭鉅典
朕仰荷

天庥撫臨海宇建立元良歷三十餘載不意忽見暴戾狂易之疾
深維

祖宗洪業及萬邦民生所係至重不得已而有退廢之舉嗣後漸
次體驗當有此大事時性生奸惡之徒各庇邪黨借端構釁朕
覺其日後必成亂階隨不時究察窮極始末因而確知病原皆
由鎮厭所致亟爲除治幸賴

上天鑒佑平復如初朕比因此事耗損心神致成劇疾皇太子晨
夕左右憂形於色藥餌必親寢膳必視惟誠惟謹歷久不渝令

德益彰丕基克荷用是復正儲位永固國本特遣專官用申殷
薦尙祈歆格

太宗眞宗仁宗陵文同上

康熙五十一年

萬壽六旬祭告宋太祖陵文

自古帝王繼天出治建極綏猷莫不澤被生民仁周寰宇朕躬
膺寶歷仰紹前徽夙夜孜孜不遑暇逸茲御極五十餘年適當
六旬初屆所幸四方寧謐百姓乂和稼穡歲登風雨時若維徵
黎庶之協應爰妥羣祀之虔修特遣專官式循舊典冀益贊雍
熙之運尙永貽仁壽之休俯鑒精忱用垂歆格

太宗眞宗仁宗陵文同上

康熙五十八年

孝惠皇后祔廟祭告宋太祖陵文

自古帝王受天景命建極綏猷垂萬世之經常備一朝之典禮
朕欽承帝祚臨御九圍夙夜惟寅敬將祀典茲以

皇妣孝惠仁憲端懿純德順天翼翼聖章皇后神主升祔

太廟禮成特遣專官代將牲帛用展苾芬之敬聿昭禋祀之虔仰
冀明靈尙其歆饗

太宗眞宗仁宗陵文同上

雍正元年

世宗憲皇帝登極祭告宋太祖陵文

自古帝王繼天出治建極綏猷莫不澤被生民仁周海宇惟我
皇考峻德鴻勳媲美前古顯謨承烈垂裕後昆朕以渺躬繼膺大
寶當茲嗣位之始宜修享祀之儀特遣專官虔申昭告惟冀時
和歲稔物阜民安淳風遍洽乎寰區厚德常敷於率土尙其歆
格鑒我精誠

太宗眞宗仁宗陵文同上

雍正二年

聖祖仁皇帝配享禮成祭告宋太祖陵文

自古帝王體天立極表正萬邦愷澤遍於寰區仁風及於奔禩

丕承大統遙契曩徽茲於雍正元年十一月二十五日恭奉
聖祖合天弘運文武睿哲恭儉寬裕孝敬誠信功德大成仁皇帝
主配享園邱禮成特遣專官虔申昭告惟冀永贊修和之治益
昭安阜之庥鑒此精誠尙其歆格

太宗眞宗仁宗陵文同上

乾隆元年

皇帝登極祭告宋太祖陵文

禮崇典祀光俎豆於前徽念切景行薦馨香於往哲維皇繼天
建極撫世誠民豐功焜耀於簡編駿烈昭垂於宇宙溯典型於
在昔凜法監之常存朕以藐躬繼登大寶屬膺圖之伊始宜展
祀以告虔特遣專官祇遵彝典茲芬在列備三獻之隆儀靈爽
式憑仰千秋之明德尙其歆格永錫鴻禧

太宗眞宗仁宗陵文同上

乾隆二年

世宗憲皇帝配享禮成祭告宋太祖陵文

自古帝王憲天出治建極綏猷德澤洽於萬方軌範昭於百世
朕纂承鴻緒景仰前徽茲於乾隆二年四月十六日恭奉

世宗敬天昌運建中表正文武英明寬仁信毅大孝至誠

憲皇帝主配饗園邱禮成特遣專官虔申昭告維冀永佑雍熙之
盛益昭安阜之隆庶鑒精誠尙其歆格

太宗眞宗仁宗陵文同上

乾隆十四年

中宮攝位

慈寧晉號祭告宋太祖陵文

惟帝王繼天建極撫世綏猷教孝莫先於事親治內必兼於安
外典型在望緬懷至德要道之歸景慕惟殷心希武烈文謨之
盛茲以邊徼敕寧

中宮攝位

慈寧晉號慶洽神人敬遣專官用申殷薦仰惟歆格永錫鴻禧

太宗眞宗仁宗陵文同上

乾隆十七年

皇太后六旬萬壽祭告宋太祖陵文

惟帝王憲天作極受籙承庥教孝莫先於事親歛福用光乎繼
治是彝是訓緬維至德要道之歸壽國壽人允懷錫類推恩之
盛茲以

慈寧萬壽懋舉鴻儀敬晉

徽稱神人慶洽爰申殷薦特遣專官冀鑒茲忱永綏多福

太宗眞宗仁宗陵文同上

乾隆二十年

平定準噶爾大功告成上

皇太后徽號祭告宋太祖陵文

惟帝建極乘時綏猷馭世制臨無外德威之服遠者神教化有原孝道以尊親爲大景典型於在昔寔天經地義之不昭宏佑啟於方來惟文治武功之交凜茲以平定準噶爾大功告成加上

皇太后徽號神人治慶中外蒙庥敬遣專官用申禋祀伏惟鑒格
太宗眞宗仁宗陵文同上

乾隆二十四年

蕩平回部祭告宋太祖陵文

惟帝王建極綏猷經文緯武誕敷德教仁義備其漸摩克詰戎兵聲靈彰其赫濯惟恩威之兼濟先後道本同符更命討之昭垂古今功歸一軌茲以西師克捷回部蕩平緬駿烈於前型敷奏其勇遠徂征於絕域遙觀厥成中外騰歡神人協慶專官肅祀昭鑒惟歆

太宗眞宗仁宗陵文同上

乾隆二十七年

皇太后七旬萬壽祭告宋太祖陵文

惟帝王本仁祖義明物察倫修人紀以綏猷則天經而立極緬羹墻其可接先後攸同奉俎豆以常新楷模斯在茲以

慈闈萬壽懋舉鴻儀敬晉

徽稱神人慶治展尊親之義思克紹夫前型廣錫類之仁期永綏
夫後祿爰申祀告式薦馨香尙鑒悃忱俾膺多福

太宗眞宗仁宗陵文同上

乾隆三十七年

皇太后八旬萬壽祭告宋太祖陵文

惟帝王體元則天撫世誠民勳被寰區德昭往古羹墻匪隔累
朝之統緒相承俎豆維新百代之英靈如在茲以

慈闈萬壽懋舉鴻儀敬晉

徽稱神人治慶孝道以尊親爲大式仰前型

母儀之錫類者宏永綏厚福彝章載舉祀典斯崇布盼蠻以告虔

庶靈明之來格

太宗眞宗仁宗陵文同上

乾隆四十一年

平定金川祭告宋太祖陵文

惟帝德治恩威義嚴彰輝鋤奸禁暴昭命討之無私輯遠綏
荒振聲靈之有赫茲以兩金川大功全歲逆黨咸俘殄遺孽
於番陬戢武協求寧之志緬豐功於前代慶成覘耆定之麻
特遣專官肅將禋祀惟冀鑿歆

太宗眞宗仁宗陵文同上

乾隆四十五年

萬壽七旬祭告宋太祖陵文

惟帝體元贊化建極綏猷澤被生民勳垂奕世簡編明備累朝之治法相傳弓劍留藏千載之英靈如在茲以朕七旬展慶九有臚歡懋舉崇儀特申昭告緬當日之膺圖受籙每深景仰之忱撫此時之集嘏凝禧彌切祇寅之念冀佑邳隆之運永貽仁壽之庥式薦精禋惟祈鑒格


太宗眞宗仁宗陵文同上

乾隆五十年

皇帝御極五十年祭告宋太祖陵文

曰惟帝體元贊化建極綏猷澤被生民勳垂奕世簡編明備累朝之治法相傳弓劍留藏千載之英靈如在茲當鴻圖錫羨鳳紀增綿懋舉崇儀特申昭告緬當日之膺圖受籙每深景仰之忱撫此時之集嘏凝禧彌切祇寅之念冀佑邳隆之運永貽仁壽之庥式薦精禋惟祈鑒格

太宗眞宗仁宗陵文同上



鞏縣志卷之一

鞏縣知縣李述武纂修

輿圖志

輿圖例用繪工然舊志於山川方位多未詳倉驛館舍諸
建置類非今制茲山川仿

御纂尚書禹貢圖式建置悉依今制宋陵典在秩宗方位尤宜詳
也故別爲一圖八景舊志相沿併存簡端覽者可臥遊焉
至星野畧見地理中不另圖用班史志例也志輿圖

疆域山川圖

南

南接嵩嶽

軒轅山

浮戲山

與密縣接界

石城山

伏兒山

九山

嬰山

霍山

牛山

休水

與偃師分
休水為界

西

洛水

羅水

泗水

東

汜水界

虎牢

接汜水界

與偃師接界

與孟津接界

河水

神尾山


治縣

龍尾山

大助山

與溫縣分
水為界

北




紫金山

壇雨雷雲風



壇農先










廣壇

社稷壇


觀音堂

學宮圖

縣署圖



宋陵圖



宣宗

太祖

太宗

真宗

仁宗

英宗

□ 永安舊縣

哲宗

神宗

牛山

九山

霍山

羅水

白雲川

許


宋陵烟雨




樹山雲靄




石窟晚鐘



南岡古柏



什谷異流



黑石通津




洛口春遊



却掃秋風



祭宋陵圖式



鞏縣志卷之二

鞏縣知縣李述武纂修

地理志

倣班史星野叙於地理志各國之首不另立天文志以星野係一郡邑不得專之猶武功安陽靈壽等志例也沿革倣續通志表及施郡志表而取郡志古蹟內夏伯國四條入焉爲邑先紀其大者庶展卷瞭然非變前人例也疆域後仍附載河灘地以事關政治倣閩粵海灘江南蘆洲例不嫌瑣碎也志地理

星野

鞏縣志

第一冊 卷之二

地理

二十六

河南商務印刷所印

鞏於周爲鶉火之次

〔前漢書地理志〕周地七星張之分野也今之河南雒陽穀成平陰偃師鞏緱氏是其分也自柳三度至張十二度謂之鶉火之次周之分也

〔施郡志〕按鶉火之次分初中終以柳占十三度半七星占六度太張占十七度太故初柳七中七星七終張十四也柳接商洛之陽接南河上流當今郡城以西七星係軒轅中嶽象當今郡城以東舊府志謂郡城以東諸城屬於柳居多以西諸城屬於星居多謬矣

沿革

鞏在夏時爲夏伯國

〔名勝志〕鄩城在鞏縣西南禹封夏伯於此〔史記〕自洛汭延至伊汭有夏之居也

又爲陽無固

〔汲冢周書〕武王謂太公曰吾將因有夏之居〔史記〕武王問周公曰自洛汭延於伊汭居陽無固其有夏之居我南望三塗北望嶽鄙顧詹有河粵瞻洛伊毋遠天室

〔施郡志〕按周書所謂陽無固者鄩城別名也其城正在洛汭伊汭之間或以陽無固爲登封陽城陽城在嵩高南洛汭伊汭俱在嵩高北何得以陽無固以陽無因爲陽城蓋陽城亦在鄩

城封內故禹避舜之子於陽城示欲守舊封之意竹書舜命夏后有事於太室太室鄩山鎮也在禹封內故主其祀迨武周營洛諄諄無遠天室者其亦徵諸鄩城歟鄩於夏又爲鄩鄩氏於周又爲鄩羅之邑其後或以鄩名或以羅名實一地也于今爲羅庄在鞏西南五十里

又在夏爲鄩鄩國

〔竹書紀年〕帝太康即位居鄩鄩畋於洛表羿入居鄩鄩帝仲康即位居鄩鄩徐夔按前漢書臣瓚註曰鄩鄩在河南汲郡古文太康居鄩鄩又在傳郊尋註河南鞏縣有地名中括地志故鄩城在洛州鞏縣西南五十八里書序曰太康失邦昆弟五人

須於洛汭此即太康之居爲近洛也襄四年傳曰夏之方衰也
后羿自鉅遷於窮石晉地記曰河南有窮谷羿國於有窮者即
此也漢志北海平壽縣臣瓚引汲郡古文太康居斟鄩羿亦居
之時斟鄩又自河南遷北海也孔氏書疏曰羿廢太康猶立仲
康不自立則是時羿居斟鄩而立仲康故仲康亦居斟鄩也一
施府志一邵子皇極經世曰仲康崩相繼立依同姓斟灌斟鄩
氏二國夏同姓則斟鄩之封當在禹時禹以故邑封同姓守其
宗社人民後世遂於此即位耳地理志北海有斟縣郡國志平
壽有斟城獨臣瓚漢書註斟鄩在河南非平壽也書序太康弟
五人篯於洛汭是太康之居爲近洛也綱目前編謂太康城於

又夏爲有洛氏國

尙書五子之歌太康敗於有洛之表 一汲冢周書有洛氏宮
室無常池囿廣大工功日進以後更前民不得休農失其時饑
饉無食成湯伐之有洛以亡

一施府志一太康居斟鄩敗於有洛則有洛國當近鄩城解經者
皆言洛表爲洛水之濱不知有洛實國名也有洛見於夏初而

亡於成湯蓋與夏祚相終始矣

周爲鞏伯國

〔水經注〕鞏故城東周所居本周之畿內鞏伯國也

〔山河兩戒考註〕昭二十二年子朝奔京鞏簡公敗績於京杜註周卿士今鞏縣西南三十里有故鞏城

〔方輿記要〕左傳昭二十六年晉師克鞏逐王子朝爾雅曰鞏固也四面有河山之固也

〔施府志〕按鞏伯之封當在周初鞏簡公其後也爲王卿士在東周子朝之亂時又左傳闕鞏之甲武所以克商也路史闕鞏國也是武周以前已有鞏國之舊封矣

周考王時爲惠公子班所封邑號東周

〔史記〕考王封其弟於河南是爲桓公以續周公之官職桓公

卒子威公代立威公卒子惠公代立乃封少子於鞏徐廣曰惠公之少子也

以奉王號東周惠公也〔名勝志〕顯王二年西周惠公封少子班於鞏以奉王號東周

〔施府志〕按東周之封在顯王二年而前府續志載考王十有五年西周公封少子云云前後相隔且百年是又讀史公周本紀而誤者也周本紀曰考王封其弟於河南是爲桓公以續周公之官職桓公卒子威公代立威公卒子惠公代立乃封其少子於鞏以奉王號東周惠公史記本究考王封桓之始末而言

之而自桓及惠已至顯王之世矣何得爲考王時已有東周公之封也

〔徐廣前漢書註〕周比亡時凡七縣河南洛陽穀城平陰偃師鞏緱氏

戰國時半屬韓

〔戰國策〕蘇秦說韓王韓有鞏洛之險 〔史記〕莊襄元年蒙驩

伐韓韓獻成臯鞏

按左襄二年孟獻子請城虎牢以偪鄭杜註虎牢舊鄭地今屬晉十三年諸侯之師成虎牢晉師城梧及制杜注梧制皆舊鄭地晉並取之不獨虎牢曰將歸竟未歸也則虎牢以西至鞏伯封界自襄王以後皆屬晉矣昭二十六年晉師納王知軼荀躒首克鞏召伯遂逐子朝迎王晉師從已地入也其後韓分晉地鞏地遂半屬韓與東周君分鞏而治東周既滅其所保七縣皆爲秦所有韓之鞏是年亦即歸秦矣

秦屬三川郡爲洛陽東境

漢置鞏縣屬河南郡

魏仍之

晉屬河南尹

劉宋屬河南郡

東魏天平改屬成臯郡

北齊廢

隋開皇十六年復置屬河南郡

唐屬河南府河南縣

〔唐書地理志〕鞏緱

宋屬京西北路河南府

〔施府志〕永安城太祖父昭皇帝葬於此曰永安陵景德中割鞏假二縣置邑以奉陵寢後爲永安軍又〔方輿紀要〕又有南城軍紹興二年岳飛遣諸將收復河南楊遇復南城軍張憲復永安軍是也

金屬金昌府改永安軍曰芝田屬金昌府元廢

元屬河南府路廢芝田入鞏縣又改鞏縣爲軍州萬戶府

〔元史〕至正二十年改鞏縣爲軍州萬戶府招民屯糧

明屬河南府

國朝因之

鞏縣志

第一冊

卷之二 地理

三十一

河南商務印刷所印

疆域

縣在府東一百三十里東至汜水縣界三十里至汜水縣四十里西至偃師縣界三十里至偃師縣六十里南至登封縣界五枝嶺八十里至登封縣一百二十里北至濶縣黃河界二十里至濶縣二十五里東南至滎陽縣萬山六十里至滎陽縣八十里東北至汜水縣黃河界四十里西南至登封界崑嶺八十里至登封縣一百一十五里西北至孟津縣界七十里至孟津縣八十里東至省城開封府二百九十里北達京師一千八百里廣一百里袤一百二十里

附灘地界

乾隆五年鞏溫二縣會詳撫院雅批定鞏溫黃河灘地界址東至寥子峪汜界起西至支家峪止寥子峪至金溝鞏得地南北長五里二百四十弓至溫界洛口鞏得地南北長七里一百八十弓至溫界自桃峪溝起至七里舖止鞏得地東長九里至溫界西長七里至溫界神堤大王廟地字六號起至八號止東西寬三里鞏得地南北長四里二百一十弓至溫界又自地字九號起至十四號止東西寬五里三百二十四弓鞏得地南北長四里四十二弓一尺至溫界又自石板溝起至支家峪止東西十一里寬鞏得地南北長二里三百四十七弓三尺至溫界乾隆八年河洛二縣詳准撫院頒批定鞏孟黃河灘地界址東至

虎朋溝西至羊峪溝偃界止塌坡村灘地南除護山地二百四十弓外鞏得地南北長一千零七十弓至孟界趙家溝灘地南除護山地二百四十弓外鞏得地南北長九百六十九弓二尺至孟界其餘木蘭溝于家溝馬峪溝柏坡等處村庄黃河灘地俱與孟縣以河爲界

乾隆四十七年蒙 上憲斷案于家溝張家嶺遠楊嶺焦家灣黃河灘地與溫孟二縣以河爲界
形勝附

〔李通志〕鞏縣東接成臯西連古亳

鞏縣志卷之二

鞏縣知縣李述武纂修

建置志

城池爲捍禦公廨以出治居中馭外興事致力雖在一邑亦
綦重哉邑負山濱河暴漲齧城內外交患往事可鑒勿恃宮
陋勿委傳舍勿棄甌脫斯足固吾圉矣至地居衝衢軒蓋檄
書供億旁午節其勞逸禁其科歛使窮黎殘喘得以少蘇謂
非何易于腰笏趙元叔齋馬之遺意乎志建置

城池

舊誌鞏縣周圍七里四十八丈高二丈濠塹深八尺明景泰六

年縣丞趙昇修築成化十一年知縣柯忠重修正德七年流賊
攻燬分巡道翟鎬督修之嘉靖二十二年水復滄頽知縣周泗
增修萬歷十三年分巡道丁惟寧檄加磚石知縣李再思汪本
英後先修完周圍角樓三座窩舖墩樓三十座門五座東曰迎
恩西曰瞻洛南曰玉川又曰望嵩北曰納洛其一小東門蓋舊
城東門卑下一遇黃河水漲則浸滄入城萬歷四十年知縣程
宇鹿擇城垣高處另開一門又築土堤五百丈以衛城脚樹鞏
簡公旬坊一座與新門對峙城上建磚石高樓一座沿城加修
倍異前制至崇正十年知縣宋文瑞復增高五尺閱癸未流寇
攻陷傾圮者無數

國朝順治六年知縣徐樑修補康熙二十年知縣蔣徵猷復加磚石增修康熙四十八年六月大雨連旬黃冶山水與清洛暴漲衝刷城幾傾知縣多時崎冒雨搶護幸保無虞復栽柳數百株以護城東門逼近洛河每值山水奔騰洛川泛溢大溜灌入城門官舍民居悉受其害知縣多時崎於甕城圈門兩邊鑿砌石塊制木閘板水不得入城內恃以無恐

乾隆九年四月知縣邱軒昂奉文領銀修補城垣週圍以工代賑縣丞陳之煥典史王釋如監生李丕昌劉鴻誠趙桂萼生員姜公溥張鞏劉世馨份生劉王卿董銓同督工

乾隆二十七年四月東城外河水沖刷淤墊地勢漸高城內積

水不能宣洩知縣高兆煌於東門迤南北開設涵洞二處每年秋後令居民放水一次夏月仍堵塞以防山水及河水倒灌入城之患官廨民居均賴奠安庠生趙德恒等督工

按邑東南崇山巒峙每遇暴雨狂流建瓴而下衝突為患或黃河大漲阻遏洛流逆行汎濫城當其齧城內積流沆瀣民居僅西南一隅城根不無受傷現雉堞傾斜墉基滲裂非大加增築不可恃為捍禦也

公署

舊志縣署建置始於西漢見學校志元至正間沒於水明宣德復甚遂移今址嘉靖癸丑六月霖雨連旬城郭民舍蕩然無存知縣周泗請於郡伯葛公重建崇正癸未逆闖破城盡遭焚毀國朝順治癸巳知縣陳朱垣重建大堂三間後堂三間東西六房

十間縣廨一所三層高樓五間譙樓儀門

聖諭坊架閣庫後譙樓傾圮康熙二十年秋知縣蔣徵猷重修康熙四十八年大水入城東西六房並照壁圍牆盡行傾圮知縣多時琦重修乾隆五十四年知縣李述武重修譙樓

察院舊志在治東大街路南今建廩

布政司舊志在東街路北今廢

按察司舊志在東街路北今廢

巡檢司舊志在黑石渡今裁

典史署舊志在署右今圮僦民房以居

陰陽學

醫學

僧會司在石窟寺

道會司在盧醫廟

倉廩

舊常平倉二十四間順治丙申知縣張好奇建在縣治內譙樓

東

舊新建倉二十六間康熙四十六年知縣王世興建在縣治內

譙樓南

餘倉三間雍正六年四月內奉文知縣茹林建在縣治內譙樓

南

新常平倉三十間雍正十二年三月內奉文知縣季璟建在衙署西

新新建倉四十間雍正十三年八月內奉文知縣季璟建在衙署東

乾隆三年九月內奉文署知縣程志智鋪墊新常平倉三十間新新建倉四十四間共七十四間

驛遞附舖舍

洛口驛 在城內現設驛馬三十二匹 驛擯遞等夫五十名續省去

在城舖 新店舖 七里舖 界石舖 任村舖

鞏縣志

第一冊 卷之三

建置

三十六

河南商務印刷所印

洛口舖 金溝舖 城西舖

按七里舖洛口舖東至省城城西舖界石舖西至河南府

兵防

演武場舊志在東門外鞏邑舊設民快三百五十二名正東路十里舖墩臺營房一座乾隆五年知縣張雷光奉文建修乾隆二十七年知縣高兆煌重修

正西路在石河道墩臺營房一座乾隆五年知縣張雷光奉文建修

保里

明洪武編戶二十九里至萬曆併爲二十里

國朝歸併十里今新定里名距城里數

方郭里自城內起至水頭村止離城五十里

方趙里自七里舖起至泥河止離城四十五里

神堤里自常庄起至核桃園止離城七十五里

神石里自左村起至塔領止離城五十五里

孝石里自標木頭起至袁良寨止離城七十五里

孝羅里自駐駕庄起至魯砣庄止離城六十里

羅堤里自迴郭鎮起至蘇村止離城五十里

羅原里自和義溝起至羅庄村止離城四十五里

原蘇里自石灰務起至栢坡村止離城六十里

蘇村里自神堤村起至焦家灣止離城二十里

頂種里自南官庄起至羅口村止離城三十里

乾隆十六年將舉貢生監糧銀設爲儒宦二里以東西兩路爲

一里南北兩路爲一里乾隆四十九年改爲仁義禮智二里以

東西爲一里南北爲一里現十三里

按府志鞏縣保里門向開東西南北保名正東李密東北平樂正西谷水正南彭婆等處皆洛陽所屬其村庄鄉總保長名數全非鞏縣明係錯訛附載於此

鎮集

芝田鎮 在縣西南羅口保

清易鎮 在縣西南蘇村保

迴郭鎮 在縣西南蘇村保

洛口鎮 在縣東二十里

黑石渡鎮 在縣西二十五里

東站鎮 在縣東即舊遞運所今廢為鎮

營店 在羅口保東

茶店 在趙封保

孝義店 在孝義保

城中 東站 洛口 小關 小里河 泥河 迴郭鎮 蔡

家庄 益家窩 芝田鎮 羅庄 清易鎮 魯庄 左村

涉村 堤東頭 加村口 神堤 石關 孝義 自治河

焦家灣

按集之大者東站每月每集三十日迴郭鎮每月每集十五日芝田鎮每月每集十五日焦家灣每月每集三十日在城集每月每集三十日

街巷

自縣門大街直至迎恩門過柳巷至東站為東街自觀音堂南下出望嵩門外過南關至舊八蜡廟為南街自南街之中稍折關王廟出通函門外西關至社稷壇為西街自縣後元帝廟一帶為北街其雲路街學巷街獅子街久廢

津梁

南河渡 在縣北三里通懷慶府

培灣渡 在縣東二里

溫家渡 在縣東七里舖

金响渡 在縣東二十五里

洛口渡 在縣東三十里

鑿子渡 在縣東三十里

黃河渡 在縣北十里通溫縣達衛輝府其地名榆園

黑石渡 在縣西二十五里水手八名渡船三隻奉裁順治十

四年知縣張好奇造船以便行人其後舟人橫索爲行旅所忌知縣多時崎奉憲酌定車馬馱擔暨單人各出渡錢若干刊榜曉諭渡口建設茶亭冬湯夏茶以寺僧董其事乾隆五年二月知縣張雷光奉臬憲牌飭定各項渡刊木榜立渡口永遠遵行

東站河橋 康熙二十一年知縣蔣徵猷築城建

市橋 在東門外一名柳橋宏治八年置今廢

趙公橋 在縣南三十里鄉宦趙景星建

水浴溝石橋 水浴溝當衆山之麓爲城東孔道每逢霖霖暴

漲湍激洄漩知縣多時崎捐建石橋戊子經始辛卯落成俗名

三孔橋

坊表

明

叢桂石坊 在魁樓前生員趙應箕建

鞏伯遺封坊 在十里舖

三田故里坊 在孝義保

紫荆遺蹟坊 在孝義保
 進士題名坊 在縣治左
 舉人題名坊 在縣治右
 狀元坊 爲狀元盧亞立
 恩榮坊 爲進士周道立
 恩榮坊 爲進士馬隆立
 恩榮坊 爲進士趙迎立
 恩榮坊 爲進士張璉立
 恩榮坊 爲進士竇祥立
 凌雲坊 爲舉人康紹先立

起鳳坊 爲舉人趙迎立
 觀光坊 爲舉人崔遇立
 光裕坊 爲舉人康偉立
 鵬程坊 爲京舉宋鑑立
 天衢坊 爲舉人趙浩立
 鸚薦坊 爲舉人竇祥立
 接武坊 爲舉人張銳立
 登雲坊 爲舉人李唐立
 恩榮坊 爲舉人趙登立
 登瀛坊 爲舉人鄭繼宗立

昂霄坊 爲舉人費顯立

冠倫坊 爲舉人周道立

重光坊 爲舉人劉遜立

通政坊 爲通政魏敏立

繡衣坊 爲御史張璉立

豸繡坊 爲御史馬隆立

恩榮坊 爲地封趙登第立

崇祀坊 爲知縣趙景星立

堤防

神堤 在縣北五里上建金龍四太王廟以障黃流

防水堤 在縣西南羅口村宋人建立衛陵防水

鞏洛新堤在縣北週城五百餘丈明叅政楊俊民知縣韋以城創立知縣程宇鹿重建

季公堤 在迴郭鎮西有石河乾隆二年霖雨爲患水自白雲山來者直入村落百餘家胥受其害知縣季璟查賑畢率衆築堤民德之勒石於上曰季公堤

郵政

普濟堂舊在署南雍正十二年七月內知縣季璟奉文捐修草房十間置買義地六十畝坐落魯村嶺乾隆二十六年風雨連綿房屋傾圮乾隆三十年知縣李天墀移建南門外草房十間

乾隆五十一年知縣陳龍章重建

育嬰堂在縣南關雍正十三年知縣季璟奉文修建瓦房四間冬生堂在東站乾隆八年知縣王甲奉文修建今廢

漏澤園舊在縣西十里順治癸巳知縣陳朱垣於村鎮大路傍立園數十所掩埋遺骸立石碑封記順治己亥驛道程置地一區立義塚在縣五里堡

養濟院舊在縣東南隅明萬曆四十年知縣程宇鹿置凡五間順治丙申知縣張好奇康熙壬戌知縣蔣徵猷重修乾隆二十六年傾圮乾隆三十年知縣李天墀移建縣南關乾隆五十年知縣陳龍章重修

石河道義地

康熙己丑大水民間居址飄浸顛沛堪憐知縣多時琦買義地一區給失業者二十家起蓋房舍其最無力者則官助之令鄉保丈分界址各成永業石河道舊爲空闊之所自有二十家附近鄉民漸次鱗集宛一小聚落矣

鞏縣志卷之四

鞏縣知縣李述武纂修

山川志

古書志山者莫古於山海經志水者莫詳於水經注府志既仿二書志山川矣鞏邑山在南者與嵩對峙而支幹自份在北者與邙連體而主名各別故標南北山以經諸山治以西水盡洛入治以東水或入洛以入河或徑入於河故標河洛以經諸水體例紀載一仍施府志而稍加詳焉志山川

鞏南山

鞏南山之首曰轘轅山

鞏縣志

第一册 卷之四

山川

四十三

河南商務印刷所印

〔明史地理志〕鞏縣西南有轘轅山上有關

〔方輿紀要〕轘轅山在鞏縣西南九十里其坂有十二曲將

去復還故名 〔左傳襄二十一年〕晉欒盈奔楚過周王使

候出諸轘轅〔註〕今河南南府鞏縣西南有轘轅山

按後漢地理志以轘轅屬偃師晉地理志以轘轅屬登封惟明史及方輿紀要春秋彙纂以為屬鞏縣恭攬隸有古今兩道今道易在西隸偃古道險在東隸鞏兩道交處隸登封山傍古道則全入鞏

轘轅東十里曰講山

〔山海經〕講山其上多玉多柘多栢有木焉名曰帝屋葉狀如椒反傷赤實可以禦凶〔郭注〕反傷刺下勾也〔施府志〕講山西接轘轅東走浮戲南與太室隔深澗俗呼瓦屋川

北下有洞俗呼百葉洞

按講山及後嬰梁郭注雖未指名鞏山然以經文考之自少室以東所次道里方位二山當在鞏縣

講山西北十里曰九山

〔水經注〕九山一名百稱山其山孤峯秀出嵯嶢分立仲長統曰昔密有卜城者身遊九山之上放心不拘之境謂是山也山際有九山廟碑云九顯靈府君者太華之元子陽九列名號曰九山府君也南據嵩岳北帶洛澗又有百蟲將軍廟碑云將軍姓伊氏諱益字隤數帝高陽之第二子伯益也

按九山廟碑金石攷以為在登封據府志九山今名白雲山在鞏縣西南七十里有舊山廟坡蓋九舊音轉也更以碑文推之南據嵩岳北帶洛澗若在登封則與洛澗尚隔數山未確又九山東有嶺曰梯嶺舊志以為宋置鐵冶於此九山西北有毫邱晉稽含隱處直偃師西毫南殷人圓丘今為鞏六莊九山抵洛澗為禹封鄩城今羅莊

講山北迤西十里曰牛山

〔盧元明嵩高記〕太室後有小山名牛山其中多杏

按講山北嬰梁山北與霍山接體而牛山不見山海經府志雖疑即牛首而未嘗確指故但以嵩高記牛山而嬰梁則次霍山下

講山東十五里接開封界曰浮戲山

即方山府志一名五至山舊縣志一名五枝嶺

〔山海經〕浮戲之山有木焉名曰亢木汜水出焉而北流注於河其東有谷名蛇谷上多少辛〔郭注〕少辛細辛也〔水經注〕羅水出方山洛水方山即山海經所謂浮戲之山也

洛水注

〔施府志〕汜水出浮戲東麓羅水出浮戲西麓

按鞏西南山西界休水東北界羅水其中但有講山等四山餘則連體浮戲綿亘鞏地大半

浮戲北二十里曰霍山一名天陵山亦曰東西青龍山〔山海經註〕今平陽永安縣廬江濬縣晉安羅江縣河南鞏縣皆有霍山爾雅大山繞小山爲霍 一方輿紀要青龍山在鞏巽南四十里以在宋陵東得名

〔施府志〕浮戲北有雙峯高峙俗呼盤龍雙尖西北爲西青龍與東青龍異山合體中有慈雲寺寺前龍潭北流爲石子河西青龍有石人峯登峯見山脊環繞如高墉中列數十峯皆攢秀獻奇於足下所謂大山繞小山爲霍也西卸北走爲小青龍山盡處爲牛頭山眞宗陵在其後徐仁旺與丁謂所爭牛頭山前後即此非太祖太宗陵南之牛山宋史禮志又

謂之臥龍岡在永安縣東北六里岡北下有仁宗英宗陵東青龍北下爲鞏縣治治西北爲龍尾山

〔隋書地理志〕鞏縣有天陵山

〔文選注〕岳天陵詩序曰岳屏居天陵東山下

河陽詩註

按天陵山見隋志鞏山無有大於霍山者即天陵也且文選注人多讀爲天陵之東山下如是則曰天陵山東足矣不必曰天陵東山下也蓋天陵分東西如今人分東青龍西青龍者然宜解作天陵東山之下方合或疑天陵即今伏兒山以山東天龍坡爲証不知天龍坡入汜水不得爲據且西征賦注岳家在鞏縣東正當青龍東山下伏兒在鞏東南三十餘里盤巨半在汜水岳故居安得在其東

霍山西南五里曰嬰梁山

〔山海經〕講山北三十里曰嬰梁之山上多蒼玉罈于元石〔郭注〕言蒼玉依黑石而生也罈于樂器形似椎頭

〔施府志〕嬰梁在講山北牛山東與牛山中夾羅水水出峽處謂之羅口

霍山西北十五里抵洛水曰黑石山

〔方輿紀要〕黑石山在鞏縣西南二十五里下爲洛水津濟處隋末王世充與李密相持世充夜渡洛水營於黑石明日分兵守營自將精兵陳於洛北李密渡洛逆戰而敗復渡洛趨黑石世充還爲密所敗

霍山東北二十里曰龍尾山

〔方輿紀要〕青龍山尾接洛水者曰龍尾山在鞏縣西二里

按龍尾繞縣西南特起一峰色類紫金曰紫金山稍東又一峰曰虎頭山順治初邑令吳三仁改虎頭爲南極山

鞏縣志

第一冊

卷之四

山川

四十六

河南商務印刷所印

霍山東北三十里曰伏兒山

〔舊縣志〕伏兒山在縣東南三十里

按伏兒無古名以縣志補之至光武左夫人土俗附會不見漢紀宜刪之

伏兒西北五里曰侯山

〔芥隱碑記〕漢王元奕隱於侯山景帝每徵不屈遂就山封侯因以爲名宋亮詩王奕拜隱侯 一廬元明侯山記〔漢有

王元者隱於此山 一名勝志〕侯山在鞏縣東南二十五里

漢有王彥者隱於此山就而封侯至今指所居爲王彥崖志

謂之王亥山 〔施府志〕元奕彥亥傳寫字譌耳至廬元明

又以侯山爲緱山于封侯名山義不合

按侯山西北有奇堆山其山四時蒼翠故名見舊志

侯山北橫抵成臯三十里曰橫嶺

〔方輿紀要〕橫嶺鞏縣東四十里接汜水界李密據興洛倉

隋遣東都兵討之按綱目劉長恭帥步騎二萬五千討密陳於石子河

又使虎牢鎮將裴仁基自汜水西入以掩其後密分兵伏橫

嶺以待仁基按綱目密選驍勇分爲十隊六隊陳於石子河四隊伏嶺下嶺下即橫嶺下也仁基失期不進屯於

百花谷

按橫嶺雖非高山大阜東西橫拖如長虹自鞏至汜長三十里北多山凹李密伏兵處即此西南有崎嶇道通成臯道旁爲百花谷絕壑深澗亦險要之地

浮戲東迤北二十里曰石城山山半以北又曰趙封山一水經

注二石城水出石城山其山複澗重嶺欹疊若城山頂泉流

瀑布懸瀉下有濫泉東流洩注邊有數十石畦畦有野蔬巖

側石窟數口隱跡存焉而不知誰所經始也又東北流入於

汜水 〔施府志〕鞏東有老廟山即石城山

〔李通志〕趙封山在鞏縣東南宋種茶於此封固其地故名

按石城趙封本一山但石城南半皆石畦峭壁不可種茶趙所封者在小龍池二天門外北麓二十餘里皆沃土宜茶今石碑尚存即茶樹猶有生者土人採之曰趙家茶山口一村落名茶店據此則石城山半以北爲趙封而道元所謂石畦石窟皆傍水緣趙封也

鞏北山

鞏北山接偃師界至鞏縣故城東北曰小平山一曰崆峒邱

〔張平子東京賦〕王鮪岫居薛綜注一山有穴曰岫王鮪魚名

居山穴中長老言王鮪之魚由南方來出此穴中入河水見

日日眩浮水上流行七八十里釣人見之取之以獻天子用祭其穴在河南小平山

按郡國志小平城漢縣廢址在今鞏縣西北有河津曰小平津所謂小平山者當以故城得名

〔水經注〕鞏縣北有山臨城謂之峯原邱其下有穴謂之鞏穴言潛通淮浦北達於河直穴有渚謂之餽渚爾雅邢疏河南鞏縣東北崖二山腹有穴舊注云此穴與江湖通餽從此穴而來北入河西上龍門入漆沮 〔方輿紀要〕峯原邱在今鞏縣西北三十里

按文選薛注水經鄭注言王鮪穴居相類則小平峯原宜為一山據爾雅疏二山腹有穴似鞏穴在二山之間不得以峯原邱小平山為一山不知爾雅疏本作東北崖二山腹有穴古文二作下乃崖下山腹也蓋鞏故城在山上故曰山穴為崖下而穴復入山腹中若作二山解不唯崖字無着而亦無二山同腹之理

鞏縣志

第一冊

卷之四

山川

四十八

河南商務印刷所印

又按爾雅疏以為鞏東北指故城而言也方輿紀要以為鞏西北指今縣治而言也

小平山東北十五里曰大力山

〔石窟寺石刻〕宋西京鞏縣大力山淨土寺又金鞏縣大力

山石窟十方淨土禪師

大力山東迤北五里抵洛汭曰神尾山

〔方輿紀要〕神尾山在鞏縣北宋元豐初都水丞范子淵議

引洛入汴處 〔施府志〕神尾山為邙山盡處曰神尾者神

都山之尾也

按邙山入鞏東西僅三十餘里隨地異名得三山焉 又按古尺短於今尺古尺當今尺六寸古六尺為步今五尺為步古三百六十步為里今三百六十步為里以古準今則古百里當今六十里志中紀山里數俱以今里計前嬰梁山引山海經講山北三十里曰嬰梁之山今以嬰梁屬霍山下與講山中隔羅水相去不及二十里與古三十里正合

附紀
於此

河水

河水東過孟津入鞏縣界爲小平津

〔名勝志〕郡國志云小平城漢縣廢址在今鞏縣西北有河津曰小平津即城之隅也 〔施府志〕小平城在平陰東北平陰在孟津縣故方輿紀要以小平城屬孟津不知小平平陰本非一地平陰故城在今孟津鞏孟接壤故小平城遂入鞏縣

按今鞏西北裴峪渡即小平津以裴平音近而訛見府志古蹟

又東過鞏縣故城北右得鮪水

〔水經注〕鞏縣北有山臨城謂之釜原邱其下有穴謂之鞏穴潛通淮浦北達於河直穴有渚謂之鮪渚故河自鮪穴以上又兼鮪稱呂氏春秋稱武王伐紂至鮪水紂使膠鬲候周師即此 〔施府志〕鮪渚今已湮塞而河水舊兼鮪水之稱故著之

又東爲五社津

〔方輿紀要〕五社津在鞏縣北五里大河東過鞏謂之鞏河有五社津更始將朱鮪守洛陽遣兵渡鞏河攻淵又建武初遣將軍耿弇等軍五社津而使吳漢等圍洛陽是也

又東過神尾山洛水自西南來東北流注之謂之洛納 〔水經

注一洛水於鞏縣東洛汭北對琅邪渚入於河謂之洛口自縣西來而北流注河清濁異流儼焉殊別「程大昌書譜」洛既北入河河之南洛之北兩間爲汭汭之爲言在洛水之內也渭水入河之間亦名渭汭正其義也又洛水成臯西入河謂之洛汭即什谷也「明史地理志」洛水舊經鞏縣北入河謂之洛汭亦曰洛口嘉靖後東過汭水縣入河

「施府志」明史謂洛水過汭水縣入河者嘉靖後大河北徙去洛口遠故洛水又東流乃入河今大河復南徙洛水入河處在鞏東北界

又東過洛口柳泉水自柳橋出北流注之

「李通志」柳橋在鞏縣東 「舊志」柳泉在金溝正南

按柳泉水即洛口東金溝村所出之水也以泉畔多柳得名泉在金溝南五里許有村曰柳源村

又東過成臯入汭水界石城水合汭北流注之

按石城水俗名玉仙河流二十餘里入汭水界北流至成臯東入河故於汭界終記之

洛水

洛水東過偃師縣城南與鞏縣分水休水北流注之

「水經注」休水導源少室山西流逕穴山南而北與少室山水合水出少室北流西南流注休水休水又左會南谿水發大穴南山北流入休水休水又西南北屈潛流地下其故瀆北屈出峽謂之大穴口北歷覆釜堆東蓋以物象名矣又東

屈零星隴水流潛通重源又發側維氏原開山圖謂之維氏山休水又逕延壽城南維氏縣治故滑費休水又西轉北屈逕其城西又北流注於洛水

〔施府志〕酈注謂休水導源少室逕穴山南穴山者今黃鹿崗也休水又左會南溪水發大穴南山大穴南山者今偃師夾溝南山也至謂潛流地下故瀆出峽歷覆釜堆東屈零星隴水流潛通重源又發今亦不然蓋淵底多罅隙水流時有斷續道元據爾時所見言之非休水有重源也

又東歷鄆中

〔水經注〕洛水東北歷鄆中水南謂之南鄆亦曰上鄆逕訾

城西司馬彪所謂訾聚也鞏洛渡水有鄆谷水東入洛謂之下鄆亦謂之北鄆又有鄆城蓋周大夫鄆肸之舊邑 〔施府志〕上鄆今羅庄以鄆肸子羅得名也下鄆今孫家灣即鄆灣南北夾岸實一地今上鄆隸鞏下鄆隸偃師

又東爲訾店渡

〔方輿紀要〕宋景德四年造訾店渡橋 〔玉海〕景德四年二月西京新造訾店渡橋癸酉賜名奉先

又東北過訾城北羅水自東南來北流注之

〔水經注〕羅水出方山羅水西北流蒲池水注之水出南蒲陂西北流合羅水謂之長羅川亦曰羅中也蓋肸子鄆羅之

宿居故川得其名耳羅水又西北流白馬谿水注之水出嵩山北麓逕白馬塢東而北入羅水西北流白桐澗水注之水出嵩麓桐溪北流逕九山東又北九山東谿水入焉水出百稱山東谷東北流入白桐澗又北逕袁公塢東蓋公路始固有此也故有袁公之名矣此流注於羅水羅水又西北逕袁公塢北又西北逕潘岳子父墓羅水又於訾城東北入於洛水也

〔施府志〕羅水出方山即山海經浮戲之山也東接開封界西北至羅水入洛處幾百里蓋西南諸大山之水皆以羅爲經注曰羅水出方山下者則今核桃園水也其曰西北蒲池

水注之水出南蒲陂西北流合羅水者則今菩提寺水也其曰又西北白馬谿水注之水出嵩山北麓逕白馬塢東而北入羅水者則今羅漢寺水也其曰西北流白桐澗水注之水出嵩麓桐谿者則今車園水也於白桐澗水又曰北流逕九山東又北九山東谿水入焉水出百稱東谷者則今塔嶺水也九山東谿入白桐澗水在牛山西白馬谿水在牛首山東南蒲池水在講山北皆在羅水西南而羅水東北則青龍山自浮戲逆轉西北盤亘數十里故羅水西北流乃入於洛又東明谿泉水北流注之

〔水經注〕洛水又東明樂泉注之水出南原下五泉並導故

世謂之五道泉即古明谿泉也

〔春秋大事表〕賈辛軍於谿泉杜注鞏縣西南有明谿泉

〔施府志〕明谿泉即稍柴務水程明道提舉西京竹木務鞏之稍柴務亦屬西京也有數泉並導南原下側洛水注之

又東北爲黑石渡

〔明史地理志〕鞏縣西南有黑石渡 〔方輿紀要〕黑石渡

在鞏縣西南二十五里下爲洛水津渡處隋末王世充與李密相持充夜渡洛水營於黑石

又東北黃水自東南來西流注之

〔春秋大事表〕昭二十二年王猛居於皇杜註河南鞏縣西

南有黃亭按後漢志涅水即皇也水經注洛水合於谿泉又東濁水注之即古黃水京相璠曰黃亭在訾城北三里今在鞏縣西北

〔施府志〕涅水即和義溝水入洛處在故鞏城上水經注次涅水於故鞏城下豈當時水循岸至鞏城下乃入洛與京相璠謂黃亭在訾城北三里當有誤訾城在羅水入洛處去黃亭尚十餘里杜註謂黃亭在鞏西南是也而大事表又謂在

鞏西北誤

又東北康水東流注之

杜工部集甫十餘歲夢人令采文石於康水覺而問人水在

二十里外乃往求之見峨冠童子曰可於豆壠下取甫依言果得一石有金字文

〔施府志〕康水即康店南水工部故里在埭灣去康店在二十里外

又東北過鞏縣故城東

〔水經〕洛水東北過鞏縣東〔注〕洛水逕鞏縣故城南東周所居本周畿內鞏伯國〔施府志〕經謂過鞏縣東而注謂逕城南者蓋洛水自西南來過故城東也

又東北石子河西北流注之

即乾石河今名石河道

〔明史地理志〕鞏縣有石子河流入洛水〔綱目〕劉長恭

帥步騎二萬討李密陳於石子河〔施府志〕石子河水出東西青龍山澗中有龍湫渟泓不流入夏水乃出故俗呼乾石河方輿紀要謂即泃水非

按綱目王世充兵敗於黑石堅壁不出越王侗遣使勞之世充慙懼請戰與李密夾石子河而陳又大敗今有河道去黑石十三里當是此地

又東北水峪水東流注之

〔縣志〕水峪水出邙山在縣西二十里

又東北過縣治北泃水自南來北流注之

即市河水

〔水經注〕泃水發南谿石泉世亦謂之石泉也京相璠曰鞏東地名坎欲在泃水東疑卽此水也又逕盤谷塢東世又名之曰盤谷水司馬彪都國志鞏有坎欲聚春秋僖公二十四

年王出及坎欲服虔亦以爲鞏東邑名也晉太康地記晉書地道記並言在鞏西非也其水又北入洛

〔方輿紀要〕市河在鞏縣東源出青龍山流入洛

〔施府志〕河水出東青龍山東石澗中下流至黃冶北澗谷作八九盤廻其旁塢即盤谷塢也

按水經洞水宋本作洞水高士傳十隨投洞水而死疑即此水而宋謀璋以爲洞水古字通用乃陽城潁水也夫既有洞水矣似不必改從潁水爲是又或以魏并河當洞水於地形殊不合

又東魏氏河北流注之

〔縣志〕魏氏河在縣東三里流入於洛

又東飲馬溝水自南來北流注之

〔方輿紀要〕飲馬溝在鞏縣東七里呂布軍虎牢飲馬於此

按飲馬溝水出西橫嶺下經魯村西北流入於洛方輿紀要以爲在鞏東七里即今十里舖西溝水也地猶名飲馬溝

又東爲神堤渡

〔李通志〕神堤渡在鞏縣東北

又東任村水自南來北流注之

〔方輿紀要〕元豐初范子淵議引入洛汴遣宋用臣等相視興役自任村沙口至河陰縣瓦亭子達汴口接運河長五十

一里兩岸爲堤長一百三里

按任村今名任村溝其水即府志所謂任村溝水也

又東北流入於河

〔水經〕洛水北入於河又東北流入於河〔注〕山海經洛水成臯西入河是也謂之洛汭即什谷也張儀說秦曰下兵三川塞什谷之口謂此也黃帝東巡河過洛修壇沉璧受龍圖於河龜書於洛赤文綠字堯帝又修壇河洛擇良議沉榮光出河休氣四塞元龜負書背甲赤文成字遂禪于舜舜又習堯祀沉書於日稷赤光起元龜負書至於稷下榮光休至黃龍卷甲舒圖壇畔赤文綠錯以授舜舜以禪禹殷湯東觀於洛習禮堯壇降璧三沉榮光不起黃魚雙躍出潛於壇黑鳥以浴隨魚以上化爲黑玉赤勒之書黑龜赤文之題也故春秋說題辭曰河以通乾出天苞洛以流其吐地符王者沉禮

焉又洛水自縣西來而北流注河清濁異流儼焉殊別

施府志一水經於洛水再言入河似重出及舟下洛口見大河於上流分一枝與洛爲迎合流東下乃入大河知古人紀載不虛也至道元於河洛記圖書者凡三於和山九水曰堯率舜升於首山而導河渚有五老遊焉相謂河圖將來告帝期知我者重瞳也五老乃翻爲流星而升於昴今孟津負圖河是也於伊洛之交曰黃帝煞五牲醮大魚始得圖書今洛偃界伊入洛處是也於洛汭記堯壇歷叙黃帝堯舜受圖之事是圖書同出於洛口也

按府志以水經兩言入河謂舟下洛口見大河於上流分一枝與洛爲迎合流東下乃入大河知古人紀載不虛但分支或不常有謂洛入河清濁異流儼焉殊別嘗登什谷

南山望洛入河處循河東流一線清盤至洛口東始與黃河相交然則水經注所謂北入河者洛水始入河之口清濁未交雖入猶未入也又東北流入河者洛水循河東流至洛口東與黃水相參也○又按

文淵閣抄古本經注洛水條下訛字如舟師所保也案保近刻訛作堡鄴胖之舊邑案胖近刻訛作盼下同洛水又東逕管城北又東羅水注之案此十四字原本及近刻訛作經蒲池水注之水南出蒲波案近刻訛作出南蒲波謂之長羅川案近刻訛作長川羅白桐澗注之案近刻訛作相北流逕九山東案山下近刻衍東字密有卜成者案卜成近刻訛作卜城太歲在戌案此有脫誤近刻作太歲庚午考元康二年乃壬子也即古黃水也案黃近刻訛作涅又東北河水發南溪石泉案河近刻訛作洞下同盤谷水案盤近刻訛作鹽洛水又東北流入於河案此九字原本及近刻並訛作經赤文綠字案綠近訛作篆修河洛增擇良議沈案修近刻訛作循即作議七政之度案七近刻作什以授之堯案近刻訛堯字又習堯禮案禮近刻作祀

鞏縣志卷之五

鞏縣知縣李述武纂修

祀典志

邑有常祀有專祀有其舉之者莫或廢也壇廟修葺載之備矣宋陵在鞏太祖而下四陵

國初以來每遣重臣詣祭典肅秩宗茲倣馬氏通考修祀陵墓附宗廟之後用紀大禮

御製祭文恭載卷首體例始正其陵寢之詳仍在古蹟以備稽考焉至浮屠老子之宮糜蕩民財為大儒痛斥施府志寺觀附古蹟至明代止體識嚴正今遵之所以崇正祀也

社稷壇 在縣西門外

風雲雷雨山川壇 在南門外

先農壇 在東門外 乾隆五十四年知縣李述武重修

城隍廟 在縣南街

厲壇 在縣北

關帝廟 在縣治西雍正元年奉

旨追封為帝祀以太牢封三代

裕昌公

光照公

成忠公另立祠於殿後春秋祭祀

龍神廟

旗纛廟 在縣東門外

八蜡祠 在東門外乾隆二十六年水衝塌知縣高兆煌重修

五十三年知縣李述武重修

湯王廟 在縣北南河渡

泰山廟 有二一在縣西迴郭鎮一在縣西駐駕庄

金龍四大王廟 有二一在東站一在神堤

盧醫祠 在東站

杜工部祠 在東站

河濱廟 在城北神堤堡

五嶽廟 在縣南堤東堡

子華子祠 在城東石白泉子華子南向坐四十五代孫明道

伊川兩先生東西向從祀明季兵燹祠為焦土

國朝康熙初年重建

譙國公祠 在鞏縣洛口

包公祠 在迴郭鎮

宋太祖陵

宋太宗陵

宋真宗陵

宋仁宗陵

四陵皆坐落芝田鎮等處相距五六里十餘里不等每逢
國家大慶及膚功告成

欽差大臣祭告肅將玉帛虔詣珠邱有司先期灑掃於陵前張蓋
棚廠前爲牌坊二東爲官廳及更衣所西爲省牲所二門內
東向爲盥洗所中爲行禮所陵前爲設祭品所西爲焚帛爐
祭品牛一豕一羊一登一帛一酒樽三左籩十右豆十左簋
右簋燈十盞大燭一對自太祖陵以次祭

御製祭文恭勒石碑樹立陵前

鞏縣知事李述武纂修

風俗志

百里不同風千里不同俗地使然也鞏爲河山奧區土性龐厚淳茂之氣鍾焉士大夫多居深山孝悌力田以禮讓教其子孫足跡不入城闔民勤其業無咎窳媿生無浮華相競有成周邳隆之風然習尚之澆漓一人唱之則百人和之杜漸防微是在長吏矣志風俗

元日味爽設祭品禮神燔栢木儺逐尊卑以次相拜奉祀先人上元節火樹熬山照耀如晝老幼男女分道遊觀長幼以序十

四至十六三夜皆燃燈十九日爲添倉亦燃燈祀神祀先人

二月二日名龍擡頭敲梁除蝎

寒食節拜掃先塋封土祭奠

清明節遍插柳枝祀青苗牛王洪山諸神

三月三日臨流會飲祓除不祥

穀雨節畫符禁蝎至十三日爲玉仙社俗傳玉仙司上天風雨

故歲爲水社城市村舍皆合聚登山製爲旛幢旗幟侍從儀衛若王者然十八日爲中岳社其祀禮與水社同

四月八日爲廬醫社士民爭爲祭享病者尤先守土官詣祠告虔爲民求福

五月五日角黍蒲觴囊香佩艾綵縷繩絲相餽餉薦新麥於家廟

六月初一日爲城隍社奔走祭享合縣皆至

七夕具花菓浮針乞巧十五日記其先或坐或室設麻穀苗穗

八月中秋日以瓜菓月餅祭月祀先人亦相餽會飲

九月重陽日攜酒登高作餠餅相餉

十月一日祀先以五色紙剪爲服被焚之謂之送寒衣

長至日禮神祀先拜尊長

臘八日台米豆菓蔬煮粥祀先人二十三日掃舍祭竈祀先除

夕易門神更桃符貼宜春字焚紙家廟會飲守歲

〔施府志〕鞏縣土厚水深人性勇敢負氣尙力然禮俗多行古道

鞏縣志卷之七

鞏縣知縣李述武纂修

物產志

邑濱河洛者曰灘地水泉滋潤稱膏腴然不多有餘皆層巒
複谷砂石嶙峋土性淳鹵惟恃棉北為業收花之利倍於二
麥民食資焉兩澤愆期則絀於種其他果木以地瘠故遜於
他邑昔所載物產區區供日用之需而已仍之而無所增書
曰土物厥愛惟心臧勸課而節宣之斯無作為奇技淫巧以
蕩厥心矣

穀之屬 粟 黍 稷 大麥 小麥 蕎麥 芝麻 菘豆

鞏縣志 第一冊 卷之七 物產 六十三 河南商務印刷所印

匾豆 豇豆 黑豆 白豆 青豆 黃豆 豌豆 小豆

泉之屬 綿花 麻

藥之屬 桔梗 木通 蒼朮 防風 半夏 地黃 薄荷

茴香 瓜蒌 棗仁 芍藥 丹皮 射干 五加皮 天

仙子 何首烏

果之屬 柿 棗 桃 李 杏 榴 栗 梨 櫻 核桃

花之屬 蕙 蓮 菊 葵 牡丹 芍藥 石竹 木槿

木之屬 松 栢 槐 桂 榆 柳 椿 栗 桑 楸

柘 白楊 梧桐

蔬之屬 葱 芹 韭 蒜 芥 椒 茄 苜 菁 瓠

王瓜 葫蘆 芫荽 蒿苳 白菜 蒼蘆 山藥 香椿
 禽之屬 鷄 鵝 鴨 鴉 鴿 鳩 鶉 鵲 鳧 雀
 獸之屬 馬 騾 牛 驢 豬 羊 犬 貓 虎 豹
 鹿 兔

貨之屬 煤 炭 石炭 磨石

舊縣志鞏民資生之策強半以棉花為主多則貿易他鄉少則自行織紡上納公租下完婚嫁胥賴於是寒煥晴雨守土者所宜關心也柿之爲利雖屬細微成熟後削皮風晒販鬻通江淮非閭閻營運之一端乎 鞏邑產煤開鑿鑿井千百爲群受雇者皆四方貧瘠深抄淺掘日無寧晷其間病死壓死者間有之有屍親則妄行挾詐獄訟之繁其一端也若輩身無完衣其形如鬼雇之者不過資其力有何是非爭競而迫之死乎守土者靜以鎮之勿使奸人售其奸而民安訟息矣



鞏縣志

第二冊
卷八 賦役志
卷九 學校志
卷十 職官志上

卷十一 職官志下
卷十二 選舉志

地 150.29

341541

3932

鞏縣志卷之八

鞏縣知縣李述武纂修

賦役志

鞏邑民性愿朴急公趨事輸將恐後况

聖朝深仁厚澤休養生息百餘年賦有定則丁不加賦環河洛間無曠土無游民蒸蒸然共享恬熙之樂歲偶有歉

蠲緩之詔屢下嘔噢而拊循之民生今時何其幸歟按籍而徵寓撫字於催科寬一分則民受一分之福是在良有司也常平社倉歷代良法興其利除其害則得矣志賦役

田賦 節錄賦役全書

原額田三則並福府籽粒共地六千七百四十九頃八十六畝八分九釐二毫

原額賦三則並萬歷間加賦共銀三萬一千一百六十八兩八錢二分六厘三毫八絲四忽三微一纖五沙 遇閏加額銀五百五十八兩四錢五毫七絲

田賦三則上地一百二十四頃八十五畝八分每畝派銀一錢二分二厘遇閏加派銀二厘一毫八絲五忽七微 中地七百頃三十五畝五分每畝派銀八分一厘遇閏加派銀一厘四毫五絲二忽 下地五千九百二十四頃六十五畝五分九厘二毫每畝派銀四分四毫六絲二忽五微

七織四沙七塵八渺三漠遇閏加派銀七毫二絲四忽八微

順治二年六月內巡按審 具題奉

旨免荒徵熟

除荒蕪有主上地一頃四十一畝七分六厘中地二百五十七頃二十四畝二分四厘下地二千八百六十八頃七十七畝三分二厘七毫六絲 除荒蕪無主下地八頃二十六畝五分五厘

乾隆元年九月內撫部院富 具題奉

旨豁免水冲下地一頃五十畝三分

乾隆五年九月內撫部院雅 具題奉

旨豁免荒水冲中下地二頃二十五畝三分七厘八毫從舊志補

以上除荒並豁免共地三千一百三十九頃三十八畝五分五厘五毫六絲共一萬三千七百五十七兩九錢九分八厘五毫二絲六忽三微一織五沙 前雍正十一年報懇老荒民田旱下地五頃一十五畝四分一厘七毫至乾隆甲子年十年後限滿起科連閏其該銀二十一兩二錢二分八厘七毫補徵銀七錢四分四厘二毫俟陞科屆限隨年造報 除更名熟地並續報自首共下地六頃三十二畝八分照依民田則例連閏派銀二十六兩六分三厘四

毫另解外

見種行糧成熟並舊管康熙八年起至雍正十二年止首報並當年陞科共地三千六百一頃二十五畝四分九厘七毫四絲內分

上地一百二十三頃四十四畝四厘每畝派正供雜辦並加增九厘連閏派銀一錢二分四厘一毫八絲五忽七微內除減徵米價銀一分七毫七絲九微五沙四埃每畝止該連閏派銀一錢一分三厘四毫一絲四忽七微九纖四沙九塵六埃 共派連閏銀一千三百九十九兩九錢九分二厘八毫八絲七忽二微每畝該派本色漕米一升三合

四勺六抄三撮六圭三粟一粒三顆 共派本色漕米一百六十六石二斗四勺五抄一撮每石價銀八錢 共該米價銀一百三十二兩九錢六分三毫六絲八微

中地四百四十三頃一十一畝二分六厘每畝派正供雜辦並加增九厘連閏派銀八分二厘四毫五絲二忽內除每畝減徵米價銀七厘一毫五絲一忽四微五纖六沙三塵二埃每畝止該連閏派銀七分五厘三毫五微四纖三沙六塵八埃 共該連閏銀三千三百三十六兩六錢六分一厘九毫八絲三忽六微每畝該派本色漕米八合九勺三抄九撮三圭二粟四顆 共派本色漕米三百九十六

石一斗一升二合五勺三抄三撮每石價銀八錢 其該米價銀三百一十六兩八錢九分二絲六忽四微

下地三千三十四頃七十畝一分九厘七毫四絲每畝派正供雜辦並加增九厘連閏派銀四分一厘一毫八絲七忽三微七纖四沙七塵一埃八渺三漠內除每畝減徵米價銀三厘五毫七絲二忽三微七纖七沙八塵四埃每畝止該連閏派銀三分七厘六毫一絲四忽九微九纖六沙八塵七埃八渺三漠 共派連閏銀一萬一千四百一十五兩三分七毫二忽八微每畝該派本色漕米四合四勺六抄五撮四圭七粟二粒三顆 共派本色漕米一千三百

五十五石一斗三升七合七勺八抄四撮每石價銀八錢 共該米價銀一千八十四兩一錢一分二毫二絲七忽二微

以上三色熟地連閏共派銀一萬六千一百五十一兩六錢八分五厘五毫七絲三忽六微 共本色漕米一千九百一十七石四斗五升七勺六抄八撮每石價銀八錢 共米價銀一千五百三十三兩九錢六分六毫一絲四忽四微每畝均派補徵銀一厘四毫四絲三忽八微五纖七沙八塵八渺九漠六灰 共派補徵銀五百一十九兩九錢七分一毫一忽八微 該攤派丁銀一千九十三兩七錢

九分四厘一毫

每兩派丁銀一厘八絲零

地丁二項連閏共銀一萬九

千二百九十九兩四錢一分三毫八絲九忽八微

康熙八年四月新收更名原額地六頃三十二畝八分全數比下地則例除補徵等項不徵外每畝連閏派銀四分一厘一毫八絲七忽三微七纖四沙七塵一埃八渺三漠連閏共徵銀二十六兩六分三厘四毫該攤派丁銀一兩五錢六分五厘九毫丁地二項連閏共實徵銀二十七兩六錢二分九厘三毫

以上丁地通共實徵起存本折並補徵消耗銀米懇首更名夾荒入額連閏共銀一萬九千三百二十七兩三分九厘

六毫八絲九忽八微後加續報自首地銀四十兩

折色起運項

折色起運實徵銀一萬四千六百七十八兩七錢九分二厘一毫七絲四微內除徑解糧驛道及教職俸銀支給孤貧各役工食廩生廩糧民壯工食支給祭祀銀實運折色連閏銀一萬三千三百六十八兩九錢二分三厘八毫一忽四微

本色起運項

戶部本色起運 正兌原額米二千二百石每石價銀九錢五分除輕費外每石價銀八錢六分六厘五毫原額銀一

千九百六兩三錢除荒實徵米一千二石八斗二升七合
除荒實徵銀八百六十八兩九錢四分九厘五毫九絲五
忽五微外二八加耗原額米六百一十六石除荒實徵米
二百八十石七斗九升一合五勺六抄盤剝銀一十五兩
四分二厘四毫五忽 改兌原額米一千石每石價銀七
錢五分除折蓆外每石價銀七錢四分六厘五毫原額價
銀七百四十六兩五錢除荒實徵米四百五十五石八斗
三升四勺除荒實徵銀三百四十兩二錢七分七厘三毫
九絲三忽六微外一七加耗原額米一百七十石除荒實
徵米七十七石四斗九升一合一勺六抄八撮盤剝銀六

兩八錢三分七厘四毫五絲六忽 以上正改兌漕米遵
照部文每一百石加潤耗銀五兩米五石本縣共該實徵
漕糧正米一千四百五十八石六斗五升七合四勺該加
潤耗銀七十二兩九錢三分二厘八毫七絲該加潤耗米
七十二石九斗三升二合八勺七抄每石價銀八錢共該
價銀五十八兩三錢四分六厘二毫九絲六忽共該補徵
銀一百三十一兩二錢七分九厘一毫六絲六忽又照部
文正耗漕米每石價銀八錢一例編徵本縣共該實徵正
耗漕米一千八百一十六石九斗四升一勺二抄八撮共
該價銀一千四百五十三兩五錢五分二厘一毫二忽四

微除照舊例寔徵正米價銀一千二百九兩二錢二分六厘九毫八絲九忽一微仍該補徵耗米價銀二百四十四兩三錢二分五厘一毫一絲三忽三微 以上正耗漕米並潤耗米價共銀一千五百一十一兩八錢九分八厘三毫九絲八忽四微內奉文每石節省銀一錢五分該銀二百八十三兩四錢八分九毫四絲九忽七微留爲該縣運糧脚費之用實存每石六錢五分米價銀一千二百二十八兩四錢一分七厘四毫四絲八忽七微徵收本色起運德州倉本色米新奉文改撥運軍行糧原額米五十五石每石價銀八錢原額銀四十四兩實徵米二十五石七升七

勺實徵銀二十兩五分六厘五毫六絲外加一耗實徵米二石五斗七合七抄遵部文依正米價銀該補徵耗米價銀二兩五厘六毫五絲六忽 以上德州倉正耗米價共銀二十二兩六分二厘二毫一絲六忽內奉文每石節省銀一錢五分該銀四兩一錢三分六厘六毫六絲五微留爲該縣運糧脚費實存每石六錢五分米價銀一十七兩九錢二分五厘五毫五絲五微徵收本色支軍臨清廣積二倉新奉文改撥運軍行糧原額米五百一十五石三升每石價銀八錢原額銀四百一十二兩二分四厘實徵米二百三十四石七斗六升六合九勺實徵銀一百

八十七兩八錢二分三厘四絲外加一耗實徵米二十三石四斗七升六合六勺三抄遵部文依正米價銀該補徵耗米價銀一十八兩七錢八分一厘三毫四忽 以上臨清倉正耗米價共銀二百六兩五錢九分四厘三毫四絲四忽仍徵折色徑解糧道

甲字庫本色闊白棉布一十二疋二十尺 康熙三十年奉文解本色布一十疋六尺四寸

丙字庫本色棉花絨二十九觔六兩康熙四十五年九月奉文停解

本色黃丹四觔六兩八錢

後裁解

宗祿本色粳米實徵八十石二斗二升六合一勺實徵銀一百二十四兩三錢五分四毫五絲五忽

工部本色起運

本色弓折牛角 康熙三十九年停解

存留項

河工欸項 河夫一百五十名工食銀一百八十九兩四錢四分七厘六毫解交河庫

協濟驛站欸項 實徵銀二百六十二兩四錢二分一厘七毫 康熙七年改充兵餉

本縣驛站欸項 實徵銀一千四百六兩一錢三分六厘三

毫 康熙十四年奉文通融計算裁四留六至康熙二十
年欽奉

恩詔准復二分其實在銀數驛鹽道按年造冊報銷

裁解款項 自順治十三年舊裁等項康熙四年等舊裁等
項十四年新裁等項至雍正七年裁解連閏實徵銀共一
百六十八兩九錢八分七絲裁歸丁地起運項下充餉

應支款項 修理

文廟原額銀十兩實徵銀三兩五錢八厘三毫

本府知府皂隸十六名工食原額銀九十六兩遇閏加額

銀八兩

其餘荒實徵銀數後補額者不詳錄但錄
原額銀數後未補額者方錄實徵銀數

○轎傘扇夫七名工

食原額銀四十二兩遇閏加額銀三兩五錢

本縣知縣俸原額銀四十五兩實徵銀一十五兩七錢八

分七厘三毫照數支給不補額銀 門子二名工食原額

銀十二兩遇閏加額銀一兩 皂隸十六名工食原額銀

九十六兩遇閏加額銀八兩 馬快八名工食原額銀四

十八兩遇閏加額銀四兩 禁卒八名工食原額銀四十

八兩遇閏加額銀四兩 斗級四名工食原額銀二十四

兩遇閏加額銀二兩 轎傘扇夫七名工食原額銀四十

二兩遇閏加額銀三兩五錢 庫子四名工食原額銀二

十四兩遇閏加額銀二兩

縣丞裁不錄

本縣典史俸原額銀三十一兩五錢二分實徵銀一十一兩五分八厘一毫照數支給不補額 門子一名工食原額銀六兩遇閏加額銀五錢 皂隸四名工食原額銀二十四兩遇閏加額銀二兩 馬夫一名工食原額銀六兩遇閏加額銀五錢

本縣教諭俸原額銀三十一兩五錢二分乾隆元年奉文教職增添金俸每員俸銀四十兩在地丁項補給

訓導裁 齋夫三名工食原額銀三十六兩遇閏加額銀二兩減半 膳夫二名工食原額銀四十兩遇閏加額銀三兩

三錢三分三厘四毫 門斗二名工食原額銀一十四兩

四錢遇閏加額銀一兩二錢減半

黑石渡水手八名工食原額銀二十八兩八錢遇閏加額銀二兩四錢

舖司兵三十名工食原錢銀一百四十三兩四錢遇閏加額銀一十三兩七錢六分 以上各役工食在地丁折色

項下補給

文廟祭祀原額銀五十七兩二錢二分該縣係中學止額銀四十兩仍存未復銀一十七兩二錢二分在地項下補給 民壯五十名工食原額銀三百兩實徵銀一百五兩二錢

四分八厘七毫遇閏加實徵銀一十一兩三錢六分二厘五毫 雍正十年奉文民壯工食並置備器械每名照八兩支給計存民壯三十五名共該額銀二百八十兩除連閏實徵銀一百一十六兩六錢一分一厘二毫撥補銀一百六十三兩三錢八分八厘八毫在丁地折色項下撥給

後酌存三十名該工食銀二百四十兩內撥解本分府民壯工食銀二十四兩

本縣馬快喂馬草料實徵銀三十兩三錢一分一厘六毫遇閏加實銀三兩二錢七分二厘五毫 教職喂馬草料實徵銀四兩二錢九厘九毫遇閏加實銀四錢五分四厘五毫

五毫 後裁員減半

以上應支欸項見賦役全書更有

文廟香燭並各壇廟祭祀銀台前

文廟祭祀銀共支銀一百二十四兩九錢六分四厘

外有

廩生二十名廩糧銀八十二兩八錢八分 膳夫銀 孤貧九名 弁發給

口月糧銀三十一兩八錢六分

孤貧冬月花布銀三兩二分九厘

河道河夫銀一百九十兩四錢九分九厘

糧道漕項銀九百四十九兩二錢六分五厘

驛馬三十四匹草料銀五百四十兩 馬夫十八名工食銀

二百九十一兩六錢 所夫十八名工食銀二百九十一兩六錢 槽割鍋油等銀二十五兩七錢八厘倒馬九匹銀七十六兩五錢

留四夫銀一百九十四兩四錢 本色關布價值並鋪墊銀七兩一錢八分六厘

以上不閏月支銀遇閏依前例加額

乾隆五十三年^{不閏}月 額徵存留起運錢糧數目

額徵丁地等銀一萬九千五十四兩九錢九分九厘內除米價銀一千二百五十一兩六錢六分五厘實徵丁地等銀一萬七千八百三兩三錢三分四厘共支銀三千八百

五十四兩四錢八分三厘實解丁地等銀一萬三千九百

四十八兩八錢五分一厘

內有宗祿糶米更名鄉飲裁減驛站數項

遇閏額徵丁地等銀一萬九千三百六十七兩四錢三分

七厘內除米價銀一千二百五十一兩六錢六分五厘實

徵丁地等銀一萬八千一百一十五兩七錢七分二厘存

留銀四千三十七兩九錢八分三厘實解丁地等銀一萬

四千七十七兩七錢八分九厘

內有宗祿更名鄉飲裁減驛站數項

外有耗羨銀除解

糧務道漕項節省耗銀四十三兩二錢五分一厘七毫八絲六忽四微九纖五沙並支

本縣養廉銀一千二百兩 公費銀二百兩
本縣典史養廉銀八十兩餘數解

司

雜稅附

老稅原額銀二兩三錢四分

盈餘銀九兩六分

牙帖原額銀三兩六錢

盈餘銀六百七十一兩九錢五分

當稅銀二十五兩

新增銀五十兩

活稅銀儘收儘解

房地稅契銀儘收儘解

灘租附

原額黃灘租地四百一十七頃二十九畝五分零乾隆十九
年二十四四十四十六等年節次塌漲陞豁不等現在實

存數目

陽字號

上則租地四十三畝八分共徵銀一兩三錢一分四厘 中則租地六十八畝
一分共徵銀一兩三錢二分二厘 下則租地一頃二十八畝六分共徵銀一兩
二錢八分六厘

雲字號

上則租地四十畝六分共徵銀一兩二錢一分八厘 中則租地六十畝九分共
徵銀一兩二錢一分八厘 下則租地一頃二十二畝共徵銀一兩二錢二分

騰字號

上則租地四十三畝七分共徵銀一兩三錢一分一厘 中則租地六十畝五分
共徵銀一兩二錢一分 下則租地一頃三十畝五分共徵銀一兩三錢五厘

致字號

上則租地四十八畝八分共徵銀一兩四錢六分四厘 中則租地六十三畝八分共徵銀一兩二錢七分六厘 下則租地一頃三十五畝共徵銀一兩三錢五分

兩字號

上則租地四十二畝三分共徵銀一兩二錢六分九厘 中則租地八十四畝共徵銀一兩六錢八分 下則租地七十七畝六分共徵銀七錢七分六厘

露字號

上則租地四十一畝七分共徵銀一兩二錢五分一厘 中則租地四十畝八分共徵銀八錢一分六厘 下則租地一頃八十畝五分共徵銀一兩八錢五厘

結字號

上則租地四十三畝八分共徵銀一兩三錢一分四厘 中則租地六十一畝五分共徵銀一兩二錢三分 下則租地一頃三十畝五分共徵銀一兩三錢五分

爲字號

上則租地二十八畝八分共徵銀八錢六分四厘 中則租地六十一畝七分共徵銀一兩二錢三分四厘 下則租地一頃一十九畝六分共徵銀一兩一錢九分六厘

霜字號

上則租地四十九畝五毫五絲共徵銀一兩四錢七分二毫 中則租地四十五畝六厘三毫共徵銀九錢一厘三毫 下則租地一頃三十九畝二厘四毫五絲共徵銀一兩三錢九分三毫

金字號

上則租地五十畝九分共徵銀一兩五錢二分七厘 中則租地五十五畝六分共徵銀一兩一錢一分二厘 下則租地一頃一十四畝二分共徵銀一兩一錢四分二厘

三則共地二十三頃一十畝八分九厘三毫共徵銀三十兩七錢七分六厘

戶口

順治十六年版籍

戶四千一百四十二戶 口一萬三千五百八十四口

康熙五十年至乾隆十年編審加增見在新舊人丁一萬一

千四百二丁奉文編審

盛世滋生戶口人丁二千二百七十四丁欽奉

恩詔永不加賦現在徵賦人丁九千一百二十八丁每丁派銀一錢二分共徵丁銀一千九十五兩三錢六分遵照雍正四年十二月

題准部覆就一邑之丁糧均派於本邑地糧之內無論紳衿富戶不分等則一例輸將並無另徵丁銀計算按每地糧一兩該攤派丁銀六分一厘八絲九忽八抄三塵五埃一渺一漠三灰

乾隆三十七年奉

上諭編審之例永行停止

乾隆五十三年民數一萬六千八百四十七戶 男婦大口

四萬一千三百三十九口小口三萬二千五百二十五口
積貯

常平倉 義社倉 常平倉康熙間原額穀二萬石又康熙五十四年奉文義社倉附入常平倉內乾隆三十八年奉增額數四千石合計原額及三十八年新奉定額應額貯穀二萬四千石

勸捐社倉 乾隆三十二年監生張樞吏員王學周等一百七人捐倉穀二百九十九石六斗外更無捐輸之項亦未詳報旌獎議叙

新建漕倉 新建倉漕穀不知何年設立乾隆三十八年奉

文以一萬石爲定額

薊倉 薊倉薊米穀係乾隆三十七年截留薊糧米三百三十九石九斗五升詳明批允減價平糶秋後照一米二穀之例買穀貯倉至三十八年奉文以一萬石爲定額

鹽引

原額鹽引一千七百四十四道

新添鹽引四十四道

乾隆十一年奉文又代銷蒲夏額引四十七道

蠲免

乾隆十一年

特詔蠲免錢糧

乾隆十五年

特詔巡幸嵩洛蠲免十四年以前積欠帶徵錢糧

乾隆二十六年被水緩徵糟米耗米照數徵收

乾隆三十一年

特詔照依康熙年例普免漕糧一次

乾隆三十五年

特詔錢糧蠲免

乾隆四十三年

特詔本年錢糧緩至麥後開徵

乾隆四十三年

特詔豫省四十五年輸免錢糧即於本年先行蠲免又奉部議本年額徵耗羨漕項等銀緩至次年徵收

乾隆四十三年

特詔存倉薊穀儘數出借加

恩自本年秋收爲始分作三年帶徵


特詔本年地丁錢糧無論已未被災地方概行緩至秋後開徵又奉文分作三年帶徵

乾隆五十年

特詔歷年緩帶徵各項錢糧倉穀蠲免十分之三本年錢糧緩至

秋後開徵

特詔本年漕米先徵一半下餘分作二年帶徵麥豆緩



鞏縣志卷之九

鞏縣知縣李述武纂修

學校志

鞏密邇西亳周爲畿邑涵濡黨庠術序之教深且遠故其士秀而文矧

聖人久道化成學校之盛超邁前古鞏雖一隅黌序外有書院所以陶冶而成者備矣夫興學立教力行爲先經術爲重士生伊洛大儒之鄉派源一脉砥礪廉隅蓄奮訓籍仰副

壽考作人之化斯長吏所厚望也夫志學校

縣學在縣治南

〔李通志〕相傳西漢時建元末兵燬明洪武三年縣丞張庸重建天順成化間知縣孫讓初忠增修嘉靖間知縣沈源謝九叙榮華陶承祖周泗相繼修 〔舊府志〕萬歷間訓導冀純復知縣程宇鹿仍舊制修崇禎間知縣熊潤增兩廡基址廟始宏敞蓋從生員張善本議也 〔舊志〕

國朝順治十三年知縣張好奇重修康熙二十三年知縣蔣徵猷重修舊縣志四十八年知縣多時崎教諭劉濟寬訓道左其助補修乾隆元年知縣季璟補修大成殿十年知縣邱軒昂移照壁外五尺改建聖域賢關櫺星門敬一亭黑門樓復修泮池石橋乾隆四十七年三月知縣陳龍章修補兩廡房

庫房官廳墻垣及甬路櫺星門戟門等處

文廟

大清會典正殿祀

至聖先師孔子

四配

復聖顏子諱回字子淵魯人

宗聖曾子諱參字子輿南武城人

述聖子思子諱伋字子思至聖孫

亞聖孟子諱軻字子輿一作子車鄒人

十二哲

閔子諱損字子騫魯人

冉子諱耕字伯牛鄭康成曰魯人

冉子諱雍字仲弓鄭康成曰魯人

宰子諱予字子我鄭康成曰魯人

端木子諱賜字子貢衛人

冉子諱求字子有鄭康成曰魯人

仲子諱由字子路一字季路卞人一日衛人言子諱偃字子游吳人

卜子諱商字子夏衛人鄭康成曰溫國卜商顓孫子諱師字子張陳人

有子諱若字子若一字子有鄭康成曰魯人朱子諱熹字元晦一字仲晦宋婺源人

兩廡先賢先儒位次

依續通志乾隆十八年部頒依史傳按年序次式

東廡六十一位

先賢 蘧瑗字伯玉衛人

澹臺滅明字子羽孔安國曰魯人

原 憲 字子思鄭康成曰魯人 南宮适 字子開家語子若魯人

商 瞿 字子木魯人 漆雕開 字子開家語字子若魯人

司馬耕 字子牛一字伯牛孔安國曰宋人 梁 鯨 一作鯨字叔魚齊人一云魯人

冉 儒 字子魯家語字子伯魚一字曾魯人 伯 虔 字子栢家語字子栢魯人

冉 季 字子希鄭康成曰魯人 漆雕哆 字子欽家語魯人

公西赤 字子華鄭康成曰魯人 任不齊 字選家語字子選鄭曰楚人

公良孺 字子正鄭曰陳人 公肩定 字子中魯人一云魯人

鄔 單 字子家齊人 罕父黑 字子索家語罕夫黑字子索魯人

榮 旂 家語榮期字子祺魯人 左人郢 家語左郢字子行鄭曰魯人

鄭 國 字子徒家語薛邦字子徒魯人 原 亢 家語原抗字籍魯人

榮縣志 第二册 卷之九 學校 二十 河南商務印刷所印

廉 潔 一名潔字子庸一字子曹衛人 叔仲會 字子期鄭曰晉人

公西輿如 家語公西輿字子上魯人 巽 字子欽家語選字子欽魯人

陳 亢 字子亢一字子禽陳人 琴 張 家語琴牢字子開一字子張衛人

步叔乘 字子車鄭曰齊人 秦 非 字子之鄭曰魯人

顏 噲 字子聲鄭曰魯人 顏 何 字冉魯人雍正二年復祀

縣 亶 字子象索隱作縣豐雍正二年增祀 樂正克 雍正二年增祀

萬 章 雍正二年增祀 周敦頤 字茂叔宋營道人

程 顥 字伯淳宋河南人 卻 雍 字堯夫宋洛陽人

先儒 公羊高 齊人 伏 勝 字子賤漢鄒平人

董仲舒 漢廣川人 后 蒼 一云字近君漢東海人

杜子春 東漢偃師人

諸葛亮 字孔明漢瑯琊人 雍正二年增祀

王通 字仲淹隋龍門人

范仲淹 字希文宋吳縣人 康熙五十四年增祀

歐陽修 字永叔宋廬陵人

楊時 字中立宋將樂人

羅從彥 字仲素宋晉寧人

李侗 字愿中宋建浦人

呂祖謙 字伯恭宋婺州人

蔡沉 字仰默宋建陽人

陳淳 字安卿龍溪人 雍正二年增祀

魏了翁 字華父宋邛州人 雍正二年增祀

王栢 字曾之宋金華人 雍正二年增祀

趙復 字仁甫元德安人 雍正二年增祀

許謙 字益之元金華人 雍正二年增祀

吳澄 字初清元崇仁人 乾隆二年增祀

胡居仁 字叔心明蘇州人

王守仁 字伯安明餘姚人

羅欽順 字允升 和州人 雍正二年增祀

鞏縣志 第二册 卷之九 學校 二十一 河南商務印刷所印

西廡六十一位

賢先 林放 魯人

宓不齊 字子賤魯人

公冶長 字子長家語子芝魯人

公皙哀 字季次禮殿圖云齊

高柴 字子羔鄭曰衛人 一云齊人

樊須 字子遲鄭曰齊人 一云魯人

商澤 字子秀一字子季魯人

巫馬施 字子旗家語子期魯人

顏幸 字子柳鄭曰魯人

曹卹 字子循蔡人

公孫龍 字子石家語公孫龍衛人

秦商 字子丕家語字不慈鄭曰楚人

顏高 一名則見家語字子季魯人

壤駟赤 字徒鄭曰秦人

石作蜀 家語石子蜀字子明秦人

公夏首 字乘一字子鄭曰魯人

后處 一作石處字子也鄭云齊人

奚容蒧 字子哲家語奚蒧字子偕魯人

顏祖一名祠字襄家語句井疆字子疆一字子界鄭康成曰衛人

秦祖字子南鄭云人縣成字子祺家語字子彬鄭曰魯人

公祖句茲字子之魯人燕伋字思家語燕級字子思秦人

樂欬家語樂欣字子聲魯人亦云齊人狄黑字晉家語字哲之一云子哲衛人

孔忠家語孔弗字子茂孔子兄孟皮子公西蒧家語公西蒧字子上一作子尙魯人

顏之僕字叔家語字子叔鄭曰魯人施之常字子恒家語子常魯人

申棖禮殿圖申儻字周一字子周魯人左邱明魯人

秦冉字開家語不載雍正二年復祀牧皮朱註云未詳雍正二年增祀

公都子雍正二年增祀公孫丑雍正二年增祀

張載字子厚宋鄭縣人程頤字正叔宋河南人

豫縣志 第二册 卷之九 學校 二十二河南商務印刷所印

先儒 穀梁赤字元始魯人高堂生漢兗人

孔安國字子國至聖十毛萇字長公漢趙人

鄭康成漢高密人雍正二年復祀范甯晉順陽人雍正二年復祀

韓愈字退之唐南陽人胡瑗字翼之宋如阜人

司馬光字君實宋夏縣人尹焯字彥明宋洛陽人雍正二年增祀

胡安國字康侯宋崇安人張栻字敬夫宋綿竹人

陸九淵字子靜宋金谿人黃幹字直卿宋閩縣人雍正二年增祀

眞德秀字景元更字景希宋浦城人何基字子恭宋金華人雍正二年增祀

陳澹字雲柱元都昌人雍正二年增祀金履祥字吉父元蘭溪人雍正二年增祀

許衡字仲平元河內人薛瑄字德溫明河津人

陳獻章

字公甫明新會人

蔡

清

字介夫明晉江人
雍正二年增祀

陸隴其

字稼書平湖人
雍正二年增祀

崇聖殿在學宮東乾隆六年署知縣朱續志重修
大清會典

正殿

肇聖王木金父公正中南向
裕聖王祈父公東一室南向
詒聖王防叔公西一室南向
昌聖王伯夏公東二室南向
啟聖王叔梁公西二室南向

榮縣志

第二册

卷之九

學校

二十三河南商務印刷所印

配位

先賢顏氏無繇

先賢孔氏鯉

先賢曾氏點

先賢孟氏激

東廡

先儒周氏輔成

先儒蔡氏元定

西廡

先儒張氏廸

在殿內東西向

在殿內西東向

先儒程氏珦

先儒朱氏松

禮記 雍正三年

正位設神帛一色白白磁爵三牛一豕一登一實以鉶二實以

簋二實以籩十實以形鹽黍魚鹿脯棗豆十實以韭藟菁苽苽等

酒一實以四配位每位禮神帛一色白白磁爵三羊一豕一鉶

一實以籩二實以籩八實以形鹽黍魚鹿脯棗栗棗麥苽豆八實以韭藟菁苽苽

一實以籩一實以籩一實以籩四實以形鹽黍魚豆四實以韭藟菁苽豕首

一實以西六位同 東廡帛一色白銅爵各一豕三每案簋一簋

一籩四豆四實同西廡同

一籩四豆四實同西廡同

禮記 卷之九 學校 二十四河南商務印刷所印

供室祠正位五案每位帛一白磁爵三羊一豕一鉶一簋二籩

二籩八豆八實同酒罇一 配位每位一案帛二豕首一每位

銅爵三簋一籩一籩四豆四實同豕肉一 兩廡帛二每位銅

爵三簋一籩一籩四豆四實同豕肉一

祭儀

春秋仲月上丁日祭獻官散齋二日致齋一日前一日演樂

省牲祭日三更祭事皆備鼓再嚴樂舞生執事者各立丹墀

左右鼓三嚴引贊各獻官廟門外立通贊唱樂舞生就位樂

生序立於廟庭奏樂之所兩司節者分引樂生至丹墀東西

兩階序立於舞佾之位兩司節者退至舞生兩班首持節相

向立唱執事者司事陪祭官就位分獻官就位獻官就位引贊引獻官至拜位引贊退位唱瘞毛血執事者捧毛血由中門出四配十二哲兩廡由左右門出瘞於坎啟俎蓋唱迎神樂奏咸平之曲麾生揚麾樂生擊祝樂作司節舉節舞生執籥秉翟而舞叩首再叩首三叩首興麾生偃麾樂盡榘啟司節伏節舞生罷舞唱奠帛行初獻禮捧帛者捧帛執爵者執爵引贊引獻官詣盥洗所勺水淨巾引詣酒尊所司尊者舉幕酌酒執爵者捧帛者在獻官前行正廟帛爵由中門入四配帛爵由左門入各於神案側立引贊引獻官亦由左門入詣至聖先師孔子神位前樂奏寧平之曲麾生揚麾樂生

擊祝樂作司節舉節舞生執籥秉翟而舞獻官跪捧帛者西向跪進帛獻官獻帛授接帛者奠於神位前案上執爵者西向跪進爵獻官獻爵授接爵者奠於神位前叩首跪詣讀祝位祝位在香案前引贊引獻官至祝位麾生偃麾樂暫止讀祝者跪取祝文退立於獻官左獻官并各官及讀祝者皆跪讀祝文曰維某年歲次某某月某朔越幾日某官某等敢昭告於至聖先師孔子曰惟師德配天地道冠古今刪述六經垂憲萬世惟茲仲春謹以牲帛醴齊粢盛庶品祇奉舊章式陳明薦以復聖顏子宗聖曾子述聖子思子亞聖孟子配尚饗叩首興麾生舉麾樂生接奏未終之樂引贊引獻官

詣 復聖顏子神位前跪捧帛者跪進帛於獻官右獻官獻帛授接帛者奠於神位前案上執爵者跪進爵於獻官右獻官獻爵授接爵者奠於神位前叩首興次詣 宗聖曾子述聖子思子 亞聖孟子神位前儀同復聖復位引贊引獻官至原拜位立通贊唱行分獻禮各引贊引分獻官詣盥洗所勺水淨巾引詣酒尊所司尊者舉冪酌酒各引贊引分獻官至十二哲兩廡神位前跪捧帛者跪進帛分獻官獻帛授接帛者奠於神位前捧爵者跪進爵分獻官獻爵授接爵者奠於總案上執事者於各神前自奠一爵叩首興復位麾生偃麾樂盡樸啟司節伏節舞生罷舞通贊唱行亞獻禮引贊

引獻官詣酒尊所司尊者舉冪酌酒詣 至聖先師孔子神位前樂奏安平之曲麾生揚麾樂生擊祝樂作司節舉節舞生執籥秉翟而舞儀如初獻四配十二哲兩廡亞終二儀齊同初獻復位麾生偃麾樂盡樸司節伏節舞生罷舞通贊唱行終獻禮儀同初獻樂奏景平之曲樂作佾舞獻爵諸儀畢復位麾生偃麾樂盡樸啟司節伏節舞生罷舞通贊唱飲福受胙進福酒者捧爵進福胙者取正壇羊左肩胙置於盤引贊引獻官詣飲福位跪 即神位 捧福酒者跪進酒於獻官右獻官受飲以爵授接爵者捧福胙者跪進胙於獻官右獻官受胙以胙授接胙者由中門捧出叩首興復位叩首再叩首

三叩首各官同唱徹饌樂奏宣平之曲樂生奏如前式執事者跪舉籩豆一器一舉而徹兩班司節分引舞生於丹墀東西相向序立不舞麾生偃麾樂盡標歌唱辭神樂奏祥平之曲樂生奏如前式叩首再叩首三叩首各官同麾生偃麾樂暫止讀祝者捧祝奠帛者捧帛各詣瘞所正廟由中門出四配十二哲兩舞帛由左右門出唱望瘞麾生揚麾接奏前樂引贊引獻官分獻官陪祭官至瘞所唱焚文帛九段焚訖麾生偃麾樂止復位通贊唱禮畢

崇聖祠同日先祭無樂舞餘儀同

樂器

麾	金鐘	玉磬	鼓	搏拊
祝	敔	琴	瑟	排簫
笙	簫	笛	埙	箎
節	羽	籥	干	戚

樂章 乾隆八年
頒定

春季 夾鐘為宮應鐘起調

迎神樂咸平之章 無舞

大哉

孔子先覺先知與天地參萬世之師祥徵麟絨韻答金絲日月
既揭乾坤清夷

初獻樂寧平之章 有舞

予懷明德玉振金聲生民未有展也大成俎豆千古春秋上
丁清酒既載其香始升

亞獻樂安平之章 有舞

式禮莫愆升堂再獻響協鼗鏞誠孚疊獻肅肅雍雍譽髦斯
彥禮闈樂淑相觀而善

終獻樂景平之章 有舞

自古在昔先民有作皮弁祭菜於論思樂惟
天牖民惟

聖時若彝倫攸叙至今木鐸

徹饌樂咸平之章 無舞

先師有言祭則受福四海蠻宮疇敢不肅禮成告徹毋疏毋瀆
樂所自生中原有菽

送神樂咸平之章 無舞

亮繹峨峨洙泗洋洋景行行止流澤無疆聿昭祀事祀事孔
明化我蒸民育我膠庠

望瘞樂祥平之章同送神無舞

秋季南呂爲宮仲呂起調文同不錄

樂舞生

佾生三十六名

樂生三十六名

儒學「李通志」舊在縣治南相傳西漢時建元末兵燬明洪武三年縣丞張庸重建天順成化間知縣孫讓柯忠增修嘉靖間知縣沈源謝九叙榮華闢承祖周泗相繼修「舊府志」萬曆間訓導費純行修「縣志」程宇應仍舊制修崇正間知縣熊閏增兩舞基址嗣始宏厥蓋從生員張本善議也

國朝順治十三年知縣張好奇修康熙二十三年知縣蔣徵猷重修「縣志」四十八年知縣多時琦教諭劉濟寬訓導左其助補修乾隆元年知縣季瓊補修大成殿十年知縣邱軒昂移照壁外五尺改建聖域賢關門櫺星門敬一亭黑門樓復修泮池石橋

崇聖祠縣志在學宮東乾隆六年署知縣朱續志重修

明倫堂縣志在殿後 敬一亭在明倫堂後誠心修道一齋在明倫堂東西東庫西庫在殿左右

名宦祠在戟門東

鄉賢祠在戟門西更衣所省牲所俱在戟門左右

文昌閣「縣志」在學宮東萬曆時知縣程宇鹿建今改建東南隅

奎星樓「縣志」在學宮東萬曆時知縣程宇鹿建今改建南門外

忠義孝弟祠雍正六年奉 勅建

書院

城內

敬業書院

康熙二十四年知縣蔣徵猷建義田

田十八畝

東周書院

乾隆十七年知縣張珩建義田六十畝

城外

蓮山書院

在縣東七里舖

見山書院

在縣西石關村

石河書院

在縣西石河道

仙舟書院

在縣西趙郭鎮

右四書院雍正十三年知縣李璟立

白鹿書院在八陵村雍正十二年監生曹加縉建

鞏縣志卷之十

鞏縣知縣李述武纂修

職官志上

邑為鞏伯采地東周君又居焉而若坎若鄰若石氏若皇見於左傳者皆成周治民之官也兩漢河南吏治最盛鞏無人焉舊志自唐杜依藝至宋止載三人其殘佚固已久矣既查施府志晉唐宋令補七人丞補三人尉補一人主簿舊志以久裁失載依府志唐以下補之頃又搜得石窟寺石刻補唐宋金令丞尉主簿八人益以見拾殘穿竅有功史傳而金石之文為可寶也志職官

鞏縣志

第二册 卷之十

職官

三十一

河南商務印刷所印

令

晉

韓保

南陽人鞏令晉書賈充傳從施府志補

唐

蔣

清見名宦從施府志補

杜依藝

新唐書杜市本傳曾補依藝位終鞏令

白

見名宦

舊唐書白居易本傳居易山西太原人檢校都官郎中生
歷酸棗鞏二縣令鍾生季庚彭城令季庚生居易

按舊唐書鍾爲居易祖舊志誤載爲居易父今改正

徐有道 字宏度

歐陽謨 臨潯人

李遠

路勵行 淨土寺石刻作厲節

王扎

按淨土寺此沙門天王碑鞏縣令王扎撰在中和二年 又按府志據唐書宰相世系表補路勵行考寺中石刻乾封三年二月鞏縣令路厲節當是一人恐版本傳刻有誤

以上俱見唐書宰相世系表 俱從施府志補

宋

曹格 絳郡太平人從石窰寺石刻補

范祖述

宋史范鎮傳祖述鎮子鎮華陽人舊志載爲山西汾州人

誤 今從施府志改正

張洞

祥符進士知鞏縣見宏簡錄本傳 從施府志補

牛承直 難貫失

宋直方 從銅鑄鐵圖名補

金

牛承直 從石窰寺石刻改正舊志誤爲元令

溫敦頰 陳縣令從石窰寺石刻補

林公綺子 鞏令從石窟寺紀遊石刻補

元

張恩 解梁人見名宦

張思敬 恩子中統四年代父為令

王 彰德人見名宦

郈 公失名

高士英 山東人見名宦

賈允直 見鞏志學校補

明

程孝 隆德監生

鞏縣志

第二册 卷之十

職官

三十三

河南商務印刷所印

王寬 咸寧舉人

杜宗 醴泉監生

楊洪 岳池舉人

牛孺 廬州舉人

朱勝 恩縣舉人

費昌 阜城監生

郭士奇 臨清舉人

江通 雁德監生

孫讓 華州監生

張紳 東阿舉人

魯惟孝 獻縣監生

楊昇 黃坡監生

沈源 西安舉人
見名宦

謝九叙 章邱舉人

柯忠 懷寧進士
見名宦

胡金 堂邑歲貢

榮華 藍田進士
見名宦

周德 宜城監生

任義 平遙舉人
見名宦

呂璋 白水舉人

崔晉 蒲州監生

胡頤開 平樂衛監生

王瀚 儀衛司籍舉人
見名宦

王馱 丹陽監生

李河 金鄉舉人
見名宦

靳能 莘縣監生

胡璉 趙州舉人

劉欽 慶雲監生

曾朴 石首舉人

王璇 長垣進士

孫思孝 臨澧選貢

張淮 野舉人

劉芳 真定舉人

戴玉 在平舉人

蔡字 西陵選貢

李宏 開州舉人

陶承祖 天長選貢

劉澍 章邱舉人

周泗 德州舉人
見名宦

薛珣 華亭舉人

劉有容 信宜舉人

高賢 開州舉人

顧登龍 工部營繕
所舉人

紀文緯 榆林舉人

侯君震 解州舉人
隆慶三年任

韋以誠 定興進士
隆慶六年任

李再思 藍田舉人
萬曆二年任

閔和祥 安義恩貢
萬曆二年任

汪本英 詩岡舉人
萬曆八年任

孫從教 韓城舉人
舊志從教萬曆十年任

盧鴻漸

固安舉人舊志鴻漸萬歷十二年任

顧漢

大同舉人寬裕和平能持大體萬歷十四年任

李淑身

歷城舉人萬歷二十二年任

楊應棋

靖江舉人萬歷二十三年任

崔鳳雛

濼州舉人萬歷二十五年任

馮運隆

華州舉人萬歷二十六年任

馮汝賢

臨潼舉人萬歷二十八年任

任寵

咸寧舉人萬歷三十四年任

俞价

寧海進士萬歷三十五年任

方應庚

樂平進士萬歷三十六年任

鞏縣志

第一册 卷之十 職官

三十六

河南商務印刷所印

程宇鹿

合州舉人萬歷三十八年任見名宦

張文光

興安舉人萬歷四十一年任

夏之鞞

德化舉人萬歷四十三年任

李三奇

武城進士萬歷四十六年任

邊維新

靜海舉人萬歷四十八年任

高紹光

延安舉人天啟二年任

原鍾潢

西安舉人天啟四年任

董策

汝川舉人天啟七年任

熊潤

舉人崇正四年任見名宦

孫枝秀

玉田舉人崇正六年任

宋文瑞 鄧州貢生舊志文瑞見名宦

國朝

順治 郭永建 冠縣貢生二年任見名宦

吳三仁 貢生五年任見名宦

徐 樸 貢生五年任見名宦

陳朱垣 寧陽恩貢九年任見名宦

張好奇 朝邑進士十二年任十六年行取脩縣志

方 至 上元恩貢

張爾翼 武邑進士十六年任

王來詔 曲沃貢生見曲沃志補

鞏縣志

第二册 卷之十 職官

三十七 河南商務印刷所印

康熙 葉 誅 山陰拔貢元年任十一年轉湖廣常德府同知

李國維 正黃旗籍宛中舉人十二年任見名宦

蔣徵猷 建德歲貢二十年任五年候補同知

顏光昌 曲阜 復聖裔壬子拔貢二十五年任見名宦

劉 銘 靖江歲貢三十五年任

李 鏞 正黃旗監生三十八年任見名宦

王世興 勾容進士四十年任

周斯垣 上元歲貢四十四年任

多時琦 阜城貢監四十七年任見名宦

鄒傅堯 湄潭舉人六十年任

正 雍張可標 大埔歲貢元年任

鄒 味 建水州舉人二年任

楊雲翼 平陸進士三年任

陳綬來 太寧貢生三年任

牛敬修 太谷廩生五年任

茹 林 宛平進士六年任

劉高青 永安舉人七年任

張天保 榆次進士八年任
見名任

王業興 涿州拔貢
十二年任

季 璟 宛平籍無錫進士
十三年任見名宦

隸 縣 志

第二册 卷之十 職官

三十八

河南商務印刷所印

乾 隆 劉之雋 鑲黃旗拔
貢三年任

王爾璦 三原舉人三年任

陳於陞 慶雲舉人四年任

張雷光 閩縣舉人五年任

王 甲 雄縣舉人六年任

邱軒昂 海陽進士八年任
重修縣志

何陳調 錢塘進士十年任

張 珩 建水舉人十二
年任見名宦

梁 溥 介休舉人十八
年任見名宦

高兆煌 大興進士二
十三年任

裴述文 曲沃貢生二十五年任

張映台 海豐進士二十七年任

李天墀 大興進士三十年任見名宦

李宗嶠 湖北舉人三十三年任

王璟 江蘇舉人三十三年任見名宦

陳龍章 廣南舉人三十八年任見名宦

李述武 路南州舉人五十一年任

縣丞

唐

鄭洌 滎陽人

鞏縣志

第二册 卷之十

職官

三十九

河南商務印刷所印

蔣清 膠水人

鄭光誼 滎陽人

以上見唐書宰相世系表 從施府志補

明

曹子貴 山東諸城人洪武初由舉人授鞏縣丞因家焉貢生曹瑾其後裔也

張庸 鄉貫失考洪武初年任見名宦

鄒紳 葦城人監生

向本 黃岡人監生

趙陸 濰陽人監生

王豫 武城人監生

劉清 歷城人 監生

秦廷璽 夷陵人 歲貢

李希龍 沁水人 監生

張譽 安邑人 監生

石璞 隴州人 監生

何志銘 耀州人 歲貢

韓英 檜社人 監生

芮清 定襄人 歲貢

劉深 德州人 監生

崔綸 德州人 監生

石耀 安定人 監生

王昱 任邱人 吏員

郭聰 安邑人 監生

楊柳 德州人 監生

周旋 肥城人 監生

馬玘 通州人 監生

孫芳 襄陵人 監生

薛九臯 山西鎮婁人 監生 查山西無

華公 鎮婁縣或係衛所亦未可知

祁桂 汾州人 監生

張翔 臨羌人 監生

王春雷 大同人 監生

王之道 光化人 選貢

程仁 漢陽人 吏員

王子焯 宜城人 歲貢

郝璞 肥鄉人 歲貢

譚守愚 巴東人 歲貢 萬歷二年 任舊志守愚見名宦

甘宗舜 寧夏人 歲貢

白廷琪 崑崙州人 歲貢

張九奏 秦州人 歲貢

唐仁蜜 會同人 歲貢

姜可愛 鄆州人 歲貢

戴文科 合肥人

潘倬 戈陽人 監生

景六陽 雲夢人 選貢

孟時正 汝州人 選貢

李士訓 薊州人 選貢

孫卿 安遠人 吏員

張思孔 陝西人 監生

王家棟 山西人 歲貢

朱國棟 江南人貢生

鈕良濟 直隸人吏員

國朝

順冉 重巴州人貢生

陳天柱 黃岡人貢生

丁壽嗣 宿州人歲貢

韓一庚 崑崙人貢生

周楫 順天人貢生

鄭明良 山西人壬辰進士

劉之三 山西人貢生

縣志

第二册 卷之十 職官 四十二 河南商務印刷所印

陶穎發 會稽人例監

段應龍 大興籍江南上元人貢監

陳恂 浙江山陰人監生

郎熠 鑲黃旗人例監

高極翰 盛京驛人由外郎六年任

陳之煥 臨川人由廩生拔貢八年任

李明仁 正藍旗人監生

于承宣 正藍旗人監生

戴鑑 順天監生

李端 直隸監生

陳開運 廣東監生 三十年任

是年裁缺移往宜陽韓城鎮

主簿

唐

蔣

清 鞏縣主簿見文苑 英華從施府志補

宋

張師錫

從石窟寺 石幢補

元

邵公高

芝田主簿從 施府志補

明

鞏縣志

第二册

卷之十

職官

四十三

河南商務印刷所印

楊

惠

南鄭人任鞏簿 見鞏志流腐補

查主簿不知何時裁缺舊府志俱未詳

典史

唐

盧

坦

河南人鞏尉見文苑英 華李華撰盧公傳補

楊

叶

鞏縣尉從淨 土寺石刻補

宋

張

挺

治時為永安尉作浮邱 公廟靈泉記見偃師縣志

明

劉

敏

籍貫 缺

李夏 益都人

任士宗 江夏人

李允佑 汾州人

古希儒 如臯人

周詩 博野人

余橘 衛山人

李茂卿 福清人

陳獻可 泗水人

趙崇聚 江夏人

樓元俊 諸暨人

鄭應極 京山人

程漢璧 東陽人

趙登科 襄陽人

李振卿 福建人

魏光策 陝西人

段之盛 陝西人

國朝

趙洪印 陝西延安人

沈文 涑水人

郭旦烜 浙江人

陳吉 浙江人

康熙汪其會 江西人

張斌 浙江人

尹德 浙江人

金維翰 順天人

石瑄 山東館陶人

金起隆 直隸保定左衛人

孫鏞基 山東歷城人

孫嘉麟 浙江金華人

李璋 順天大興人 五十八年任

鞏縣志

第一册 卷之十 職官 四十五

河南商務印刷所印

雍正張帝簡 山西襄城人 八年任

錢歷 順天大興人 十二年任

乾隆王釋如 順天大興籍浙江山陰人 五年任

張鋤 廣東人 典吏 十二年任

張廷宏 鑾紅旗監生 十三年任

王源 四川人 典吏 十八年任

金震 順天監生 三十二年任

程兆駮 順天監生 三十七年任

孫循江 順天監生 四十二年任

鍾天棟 浙江監生 五十二年任

王彬 江蘇監生 五十三年任

教諭

明

孫學 舉鄆城人

潘進 歲貢彭水

王毫 高堂歲貢見名宦

胡夢可 歲貢湘潭

吳遜志 宜春人見遊嵩記補

吳謙 萬載舉人

田和 崇信舉人

以上二人見鞏志流寓補

鞏縣志

第二册 卷之十 職官

四十六

河南商務印刷所印

俞熊 永平歲貢

楊冠 曲州歲貢

葉保 蘭州舉人

王嘉賓 涿州歲貢

朱衷 鄭西舉人

夏宗虞 上虞歲貢

趙鏜 濰縣舉人

杜蘓 陽舉人

楊觀 鄴都舉人

馮天澤 常州歲貢

侯 旻 舉人 竹溪

張 經 歲貢 渭南

韓 竹 歲貢 固原

鄧 顯麒 歲貢 漢川

李 際方 歲貢 陽武

陳 侶 舉人 寧波

韓 守庸 舉人 長興

阮 聲和 舉人 雲南

吳 志魯 舉人 福清

張 宗顏 歲貢 裕州

周 文明 舉人 貴州

曹 沅 歲貢 新野

關 時聘 歲貢 延津

秦 守甲 歲貢 獲嘉

鄧 豕券 舉人 全州

趙 廷對 歲貢 維澤

鄧 九功 歲貢 永興

董 搏九 舉人 廣元

傅 國賢 歲貢 貴州

鞏 縣 志 第二册 卷之十 職官 四十七 河南商務印刷所印

國朝

治順 董修德 歲貢

申我愛 恩貢 州

張于宸 歲貢 孤介不阿 其有 長才 俸脩 文廟

康楊 霄 舉州

姬 哲 歲貢 州

李兆元 尉 舉人

王 源 歲貢 鹿邑

王 鼎 舉人 城

劉濟寬 拔貢 南陽

范宏宗 開封 舉人

鞏縣志 第二册 卷之十 職官 四十八 河南商務印刷所印

曾 望 固始 歲貢

雍正 楊倬生 汴川 舉人 元年任

閻世鑛 符舉人 博能文 尤丁 駢體 二年任

張 圻 蘭陽 舉人 三年任

李 溥 縣副榜 十二年任

董元嗣 滑縣 恩貢 十三年任

乾隆 李廷棟 遂平 拔貢 六年任

高明柱 寧陵 拔貢 二十年任

吳作賓 滎陽 拔貢 十二年任

周應甲 魯山 恩貢 三十四年任

賀如嵩榮澤恩貢三十五年任

周作洵商城副榜四十年任

明訓導

張稷樂平歲貢

陳鏡豕天歲貢

王詔巴州歲貢

趙國用臨城歲貢

冀銳益都歲貢

李進卿曲阜歲貢

馮天澤萬縣歲貢

高不危固始歲貢

李際芳麻城歲貢

黃全洧川歲貢

黃道濂侯官歲貢

李時達昨城歲貢

張騰南海歲貢

方本臨潁歲貢

賀士楚葉縣歲貢

曾滾楚維歲貢

張經 歲涇南

魏宗堯 歲輝縣

屈應聘 歲西安

劉奎 歲成都

陳節 歲西華

郭孔吉 歲襄城

冀純復 籍貫缺歲貢
重修學宮

陳一正 歲源

王耀 歲寧鄉

高如嶽 歲韓城

李得春 歲南鄭

閻修德 歲博平

李呈華 歲甘州

辛鳴時 歲長葛

李含英 歲北直

劉琚 歲山西

張元聲 歲鄆陵

屠復出 歲汲縣

馬雲鶴 歲陳留

盧同春 歲扶溝

閻士選 濟源歲貢
見名宦

國朝 乾隆十六年奉文裁缺

順王慎麗 山東
歲貢

侯邦棟 宣府
歲貢

陳維忠 鄆陵
歲貢

康熙郭可高 武涉
歲貢

劉延佑 禹州
歲貢

呂涓聲 寧陵
歲貢

邢勇 臨穎
歲貢

江弼 裕州
歲貢

鞏縣志 第二册 卷之十 職官 五十一 河南商務印刷所印

徐中節 正陽
歲貢

陳大毅 確山
歲貢

吳金善 平陽
歲貢

左其勛 蘭陽
歲貢

何宗孔 密縣
歲貢

周怡 光山
歲貢五十四年任見名宦

傅世磊 汝陽
歲貢六十年任

雍正劉應漢 祥符
歲貢三年任

魯登岱 河內
歲貢六年任

乾隆張英烈 夏邑
歲貢六年任

陳 綱 洧川歲貢 九年任

何 寅 光州歲貢 十一年任

張 均 淮寧歲貢 十六年任

武職

隋

張季珣 大業末移箕山公路二府於洛口 倉城破季珣死之見隋書補

宋

魏 能 鄆人景德初授羽林 將軍出監鞏縣軍

田紹斌 汾州人祥符初遷康州團練使終鞏 縣都監以上二人見宏簡錄本傳補

國朝

鞏縣志

第二册 卷之十 職官

五十二 河南商務印刷所印

把總

杜世英 懷慶人

陳 機 大興人

拜元雄 懷慶人

許士榮 懷慶人

劉 達 平陽人

王洪福 懷慶人 以上行伍

萬 俊 衛輝人 武生

鞏縣志卷之十一

鞏縣知縣李述武纂修

職官志下名宦

治行可考者職官後例載名宦夫循吏之難前史所載殊渺昔人以廉才慈惠強幹四者盡吏治然皆不得稱循吏而今之祀鄉醜社者公論亦綦嚴焉節取焉可矣分之俎豆列諸貞氓其亦奮然而興起也乎志名宦

唐

蔣清

〔唐書蔣欽緒傳〕舉明經中第調鞏丞東京留守李愷表為

刺官與愷同死安祿山亂贈禮部侍郎太和初追諡曰忠補

白鏗

〔白居易撰白府君行狀〕祖鏗字子鍾太原人明經及第授

鹿邑縣尉晉洛陽主簿遷鞏縣令在任三考自鹿邑至鞏縣

皆以清貞靜理聞於一時

按舊志既誤以鏗為居易父又載始為嵩州判官後令鞏恩威並用民愛之懷之其語不知何據止依居易集行狀載之

宋

范祖述

〔宋史范鎮傳〕祖述鎮子知鞏縣文彥博稱其能

張洞

〔宏簡錄本傳〕祥符進士晏殊知永興奏洞管勾機宜文字改大理丞知鞏縣留守西京復奏爲錄事深敬之

元 王 翔

〔李通志〕彰德人大德間爲鞏縣尹有治聲民感其德舊志翔字飛卿有德政碑在洛口

高士英

〔舊志〕士英剛正廉幹不陵不援見修學碑

明 張 庸

鞏縣志 第二册 卷之十一 職官 五十四 河南商務印刷所印

〔施府志〕洪武間任鞏縣丞時草昧初定城郭公宇多經創造祀名宦

王 豪

〔施府志〕高唐人洪武初任教諭性廉介精於易學誨諸生不倦祀名宦

柯 忠

〔施府志〕懷寧進士成化間知鞏縣有惠政舉廢興亡修文廟累官江西巡按

榮 華

〔施府志〕成化時知鞏縣剛明果斷吏畏民懷時值黃河泛

溢城垣公署俱經漂沒以次修建陞巡按

孫讓

〔施府志〕天順時知鞏縣元末兵燹一望荆棘城郭學宮皆賴經營其他善政尤多鞏人至今思之

王瀚

〔施府志〕瀚令鞏廉靜有爲恩威並著

李河

〔舊志〕河篤實謹厚敷政以寬時值年荒多盜河賑饑民緝強暴各得其法鞏人思之

沈源

鞏縣志

第二册 卷之十一

職官

五十五

河南商務印刷所印

〔施府志〕嘉靖時知縣事平賦役勸農桑獎拔士類振興文教有古循良風舊志嘉靖時知縣沈源謝九叙皆重修學宮任義

〔施府志〕義知縣事賦性慈祥吏治皆本經術惠政多端邑人至今思戴

周泗

〔舊志〕嘉靖二十二年六月大水城舍學宮漂沒殆盡泗躬壅塞民鮮流離越一年經理區畫百堵皆興

韋以誠

〔施府志〕知鞏縣博大坦夷行取無事飾文章於吏治寓撫

字於催科以辭官去士民多有泣送者

盧鴻漸

〔施府志〕萬歷間知縣事悃悃無華涇渭不爽以情恕人不及以理遣人安于蓋今之古道者

顧漢

〔施府志〕萬歷間知縣事寬裕和平能持大體

孫從教

〔舊志〕介直不阿遇事風生講學作人猶惓惓焉

俞价

〔舊志〕以臺省直言忤時左遷是邑方正廉明鋤擊豪強士

民有驄馬官府之謠

程字鹿

〔施府志〕萬歷間知縣事博學能文綽有史才歷官多建置學宮尤爲加意

宋文瑞

〔施府志〕知鞏縣事才力敏達長於應變值寇起繕甲兵築城池雖兵刃屢接而閭巷安堵如故

閻士選

〔施府志〕崇正十六年以訓導署縣印流寇突至率民防禦援絕城破被執不屈罵賊而死妻李氏亦自縊祀名宦

舊志「城破賊執言曰聽汝是清官欲文欲武聽汝自擇士
選罵曰吾朝廷臣子豈爲汝賊用乎賊脅使跪大罵曰吾上
跪君王下跪父母豈跪汝死賊遂遇害康熙八年濟源士民
公舉入鄉賢祠載濟源忠節志

國朝

郭永建

「施府志」時鞏城舍邱墟居民星散永建多方招徠加意撫
綏經營草昧厥功爲最轉鄖陽通判

吳三仁

「舊志」性簡夷與民休息四郊之內若不知有長吏焉

隸縣志

第二册 卷之十一

職官 五十七

河南商務印刷所印

徐 樑

「施府志」任知縣修城池設防衛客兵不敢騷擾驛遞隣邑
不敢妄扳牛車者戢其力也

李國維

「續通志」康熙十二年任賑饑緝暴勤幹廉明供應大兵民
皆安堵二十年轉雲南新興州知州

顏光昌

「續通志」知鞏縣修縣志補樂祭器邑人尤稱其慈祥

李 鏞

「舊志」蒞治明敏斷獄如神士民有李嚴顏寬之稱工詩賦

善書篆學者爭爲秘寶

多時琦

〔施府志〕康熙四十一年洛水暴漲廬舍多圯時琦多方賑卹復於城門傍鑿石爲槽設立閘板以爲捍禦之備民賴以安

季璟

〔施府志〕有才幹多所修建是時霖雨不止驛路多崎嶇璟捐俸修平道路又修前令多時琦所置閘板未幾洛水大漲勢洶湧東門危險璟竭力率民守禦士民稱之

段應龍

〔施府志〕康熙二十八年任縣丞廉明仁慈歷署嵩密兩篆因過勤勞卒於密葬鞏城南太和谷遂家焉士民思之爲立遺愛碑

張于宸

〔施府志〕任教諭孤介不阿具有長才常捐修文廟

張天保

〔施府志〕雍正年間任日接數十狀立發遣無不允服月餘幾無訟理者自奉甚約後行取

張珩

〔施府志〕知鞏縣有惠政去後人每思雲南張不置云

周怡

〔舊志〕任訓導謀士有功學者至今思之尤精易學

梁溥

〔採訪事實〕嚴明敏達釐弊剔奸吏民肅然不敢玩法後陞任祥符

高兆煌

〔採訪事實〕果斷剛明豪強斂跡訟無留獄

李天墀

〔採訪事實〕才力敏達直介有爲鞏北界濶境黃河遷徙不常兩邑民常爭田界上憲親詣勘丈天墀與濶令爭于上憲

前聲色俱厲濶令語屈邑民恐天墀得罪願息訟天墀曰吾即得罪不過左遷豈忍戀一官使衆民失業耶邑人至今懷之任滿遷永城後任至知府

王璟

〔採訪事實〕字丹崖濶幅無華不尙繁苛博學能文吏治餘暇訓課士子多所成就所刻有芝田課藝行世後陞任固始

陳龍章

〔採訪事實〕字飛白到任屢辦河工因值歲荒支公帑數千緡爲粥以活饑民署中月兩課始終不倦門下多知名士告歸時吏民攀留爲築小憩亭與士子唱酬其中歲餘乃歸

鞏縣志

第二册 卷之十二 選舉

六十

河南商務印刷所印

鞏縣志卷之十二終

鞏縣志卷之十二

鞏縣知縣李述武纂修

選舉志

取士之法莫盛於周蓋舉德行以備內外任使之選也兩漢
刺史守相得專辟召魏晉而後又有九品中正以司人物之
權而才能之士進焉唐以科目取士相沿至今猶先資拜獻
遺意而歷代中名臣大儒亦輩出况

國家立賢無方三途並進登明選公制尤備乎邑薦辟自尹勳
始進士自劉允濟始捷賢書尤多貢成均者彬彬日盛焉固
長令所樂為載筆也至策天府列干城亦榮進之階梯錄而

鞏縣志

第二册

卷之十二

選舉

六十一

河南商務印刷所印

補之較前畧備矣志選舉

薦辟

據史記注齊明東周人周最輩人但皆戰國游說之士無類可載故見之薦辟小注以備稽考

漢

尹勳

舉孝廉官大司農有傳見名臣

尹睦

勳伯父永元四年八月為大尉錄尚書事五年十月薨見和帝紀又漢官儀睦字伯師鞏人

尹頌

勳兄永興二年光祿勳頌為司徒永壽三年薨見桓帝紀後漢書注字公孫鞏人

晉

稽含

按晉書稽康傳先世上虞人姓奚以避惡徙該家於銚之稽山下因命氏焉康仕魏為中散大夫在洛含為康從孫或魏晉易代時遂遷家鞏於毫邱今據晉書家於鞏字為鞏人有傳見政績

張孟舒 晉劉裕西征假洛陽令
據魏書張宗之傳補

北魏

張宗之 以忠孝勤慎擢冀州刺史有傳見政績

張鸞旗 宗之兄見宗之本傳

按舊志列張鸞旗於元張惟敏之後查元史並無其人惟張宗之傳兄鸞旗其官爵贈諡與舊志所稱鸞旗同疑舊志誤載今據魏書正之旗與旂同音故誤耳

張百年 宗之子西河太守

張襲 宗之養兄子義陽太守散騎常侍平東將軍光祿大夫

張顯 襲子邵郡太守

張環 襲次子中散大夫

張璋 襲三子豫州征西將軍長史

鞏縣志

第二册

卷之十二

選舉

六十二

河南商務印刷所印

按魏書張宗之本傳璋為宗之之後舊志以為元人查元史無豫州征西長史官號疑因張鸞旗而誤今據宗之本傳改補

元

張恩 其先解州人金季為憲州安撫使至元間為鞏令遂家於鞏見政績

張思敬 恩子中統四年襲鞏令見政績

張思信 恩子以功拜管軍總把上千戶佩金符屯洪澤田以老

張思忠 恩子仕嵩州司監司見孝義

張毅 字彥宏 思忠子為續溪尹見政績

張惟敏 毅子太定間以儒官補集賢院掾累官戶部侍郎江南江北等處參知政事見政績

張惟賢 毅子修撰集賢直學士

張惟權 毅子中奉大夫集賢侍讀學士

張裕 字伯康 惟敏子 由御史臺知班 歷官左丞相 見忠節

張正 中書省左司員外郎

張襟 浙江布政使 參政

張遜 承仕郎 集賢院都事

張珏 刑部主事

張珪 戶部主事

張師德 亞中大夫 秘書監丞

傅公弼 至元四年由秀才授陝西道御史

曹鐸 山東道宣慰司副使 轉雁門關三邊總督 見政績

薄元亨 以布衣授鹽鐵官 至順十二年授隆慶州知州

薄薄 以生員薦任揚州知州

明

張文舉 洪武二年舉賢士 參政

薄仲澤 七年舉力士 官知州

張祺 十八年以才幹舉授廣東參政 見政績

馬祥 二十理年以生員薦舉任湖廣武康縣典史 升大四寺評事 轉山西按察司僉事 見政績

劉淳 二十八年保舉教諭

康寧 二十八年以才德舉授監察御史

進士

唐

劉允濟 修文館學士
見唐書本傳

宋

蔡齊 大中祥符三年狀
元有本傳見名臣

張頴 永安人
進士

張堯封 永安人並見宋史溫
成張皇后傳新探補

張堯佐 永安人溫成后世父舉
進士見宏簡錄本傳補

金

盧亞 正大中狀元
從省志補

明

洪武辛亥科

鞏縣志

第二册 卷之十二 選舉 六十四

河南商務印刷所印

趙斗南 大理
寺丞

洪武戊辰科

魏敏 通政
使

洪武丁丑科

趙玉 御
史

永樂甲申科

劉登 參
議

成化己丑科

馬隆 山西副使舊
志誤天順

成化戊戌科

張璉御史舊志誤戊辰

成化辛丑科

竇祥御史

宏治丙辰科

周道知縣

嘉靖丙戌科

趙迎僉事舊志誤丙辰

國朝

雍正癸丑科

謝杰深澤縣知縣舊志誤癸卯

舉人

明

洪武庚戌科

趙斗南 見進士舊志無從施府志增

洪武癸丑科

馬麟 給事中陸通政

洪武丁卯科

劉登 鞏縣人洛陽籍見進士從施府志增

洪武丙子科

陳鐸 教諭

鞏縣志

第二册

選舉

六十六

河南商務印刷所印

劉忠 縣知縣

周易 訓導

永樂戊子科

李子芳 經歷

何淵 縣丞

馬肆

永樂甲午科

孟英

何清

永樂丁酉科

張 璉 訓導見進士

劉 肅

張師智 同知

永樂庚子科

蘇 暢 縣知

永樂癸卯科

王 麟 訓導

張師文 主事

張 珪 主事

李 和

鞏 縣 志

第二册 卷之十二 選舉 六十七 河南商務印刷所印

天順己卯科

王 章 通判

李 莊 永寧人鞏縣籍平涼府通判從施府志

天順壬午科

費 顯 縣知

李 唐

成化戊子科

康 偉 知州原志祀鄉賢

宋 鑑 知州原志祀鄉賢

成化辛卯科

范 浩見人

成化丁酉科

竇 祥見進士

宏治壬子科

劉 遜吏部司務祀鄉賢見人物

張 銳知縣

宏治辛酉科

崔 遇審理見人物

鄭繼宗知縣

嘉靖己酉科

鞏 縣 志

第二册

卷之十二

選舉

六十八

河南商務印刷所印

康紹光知縣祀鄉賢

嘉靖戊午科

張拱極

隆慶庚午科

張可久知縣祀鄉賢

萬曆壬午科

楊世法平涼同知

萬曆庚子科

趙景星知縣祀鄉賢見人物

萬曆癸卯科

姚若時通判見人物

附科分無考者

趙登

趙浩

國朝

順治辛卯科

趙季芳亞元國城教諭陞衛輝教授見人物

康熙丁卯科

白恩內閣中書

康熙乙酉科

鞏縣志 第二册 卷之十二 選舉 六十九 河南商務印刷所印

張越任陳州學正見人物

康熙癸巳 恩科

孫汝工任懷慶河內教諭見人物

孟亮元任鄧州學正見人物

康熙庚子科

康中掄鄆陵教諭

雍正甲辰補癸卯正科

趙發祥

雍正丙午科

曹鵬翊縣知縣

謝杰見進士

雍正己酉科

武應中見人物

乾隆戊午科

宋乘鵬

乾隆甲子科

劉百代見人物

曹鵬翔知縣

乾隆庚午科

張檜榮鄆縣知縣

乾隆壬申科

張無黨

乾隆癸酉科

張尅申武義知縣

乾隆壬午科

李思忠分發陝西知縣

孟輝宗鄆城教諭

乾隆乙酉科

杜雲喬武安訓導

崔錫爵羅山教諭

張其章 京山知縣

乾隆戊子科

焦鶴年

乾隆辛卯科

劉文英 新鄉教諭

乾隆丁酉科

于建章

乾隆己亥 恩科

孫文沼

孫枝榮

乾隆丙午科

李友陶

馬敷錫

劉裕新

乾隆戊申科

張耀南

康誥

乾隆己酉 恩科

曹肅諭

康茂遠

明貢生

劉希魯 同知

馬伯馴 縣知

劉彬 縣知

陳騫

杜旗

劉愷

孫敬先

費得中 典簿

朱能 教諭

李仲仁 縣知

魏得中 事知

李堅 府知

宋貞 州知

鍾恕 中給事

李敏

李端 訓導

曲能 御史副使

張安 縣知

馬彥文 縣丞

賈昭 縣丞

邳郁 光祿署丞

郭泰 州判

周儼 州知

丁銘 歷經

鞏縣志 第二册 卷之十一 選舉 七十二 河南商務印刷所印

曹祥 縣知

李清 縣知

李俊 富平知縣

江寧

劉敏 典簿

桑林 主簿

李傑 縣丞

張纓 主簿

劉通

翟安

楊忠 訓導

費廉

桑春 歷經

劉祥 主簿

張綱 縣知

張興 大使

周貴 訓導

趙聰 主簿

何寶

馬良 目吏

趙林 歷經

牛剛

常安

蕭鳳

高讓 大使

李銳 大使

張杞 教諭

李侃 主簿

許成

劉銳

曹瑾 縣知

高騰鳳

常鑑

賈士俊 縣知

白裳 縣丞

李復啟 鴻臚少卿

費汝弼 訓導

王惟一 推官

孟紹祖

趙邦

孟藻 訓導

李鉉

王咨相 推官

校玩 縣丞

薛欽 經歷

竇章

王惟精 主簿

蕭哲 審理

蘇志 訓導

李定 教諭

李淳 縣丞

趙璠 推官

李義 主簿

王來問 威縣知縣

董聰

孫孝

杜森 州判

馬獻圖 教諭

趙卿 饒陽訓導

張朝用 吏目

鞏縣志

第二册 卷之十二

選舉 七十二

河南商務印刷所印

李寅 衡永教諭

張溱

王壽昌 主簿

董輔 訓導

趙來鳳 訓導

韓萬里 訓導

趙經 訓導

楊應奎 訓導

竇機 成安主簿

常存畏 縣丞

劉濂 經歷

竇嗣完 經歷

李繼先

康世臣 訓導

姚紀 訓導

李一實 主簿

李士元 訓導

張宗輝 訓導

馮國光 縣丞

劉思顏 縣知

張鈿 訓導

趙道 博平訓導

趙文奎

謝廷選 鳴贊

邗器 訓導

桑德 訓導

趙士宏 涉縣訓導

張五音 主簿

桑田 教諭

杜楊 訓導

王自得

張顯

樂教諭

李惟淵訓導

趙揚知縣

蔡可觀教諭

王教縣丞

孟錫福訓導

王良訓導

李茂春訓導

路潔教諭

王自貴教諭

張撫謙

姚王命

張一祥

孟良弼教諭

張可舉新安知縣

原天聰

張宏基河陰教諭

趙諭信陽訓導

喬文薦訓導

邵輝祖

楊葉新寧羗知州

原鳳起襄城知縣

王傲

以主簿

李溶

劉潤國

導訓

王鼎鏞

鞏縣志

第二册 卷之十二 選舉

七十四

河南商務印刷所印

路福星訓導

姜允升

張激揚

韓山斗

張乾三通渭知縣

閻際和知縣

王壽福縣丞

杜養主簿

王壽增

趙其縣丞

杜主簿

李士侗

以孝主簿

曹自修

杜贊

杜祥

王

魏元吉序班

純

守位

奇

國朝

雍正張秀掄

宋文

乾隆張錫疇教諭

閻應四

張之祥

張致彌

郝燿

趙羽豐

李大本

張燮

以上 恩貢

康熙孟百壽魯山教諭

張暉

雍正謝杰

孟肱元

趙發慮

乾隆趙發輒

謝錫純山東直隸州判

張嵩木

以上拔貢

鞏縣志

第二册 卷之十二 選舉 七十五

河南商務印刷所印

順治邵星

康熙徐應庚

乾隆孫枝榮

任國效

尙炳耀蘭陽教諭

馬夢錫

康茂遠

以上副貢

順治張泰定

趙奎文涪川教諭

趙應瑞

王恩光寧遠知縣

李葉茂

張泰恒安福縣丞

李起鳳西華訓導

王修身武安訓導

張昱斗栢城訓導

謝用子

趙發礪

白孔教

胡源灝永年縣丞

康覲文

王溶

康熙 焦元旭 固始訓導

李芬 泌陽訓導

謝之琮 商邱訓導

李嗣白

趙朝龍

閻九鼎 商邱訓導

于秉文

趙如璧

趙賜琳

王襄

李色新 魯山訓導

蔡鍾奇 湯陰訓導

康澤厚

謝徵予 洧川訓導

徐掄

楊淑菁

康靖

邵日盛

劉永清

張晚溥 武陟訓導

白日明

楊淑蔭 臨潁訓導

閻掄俊 臨漳訓導

謝託予

李森

趙作人 鄧州訓導見人物

邵日隆

李大鯤

鞏縣志

第二册 卷之十二 選舉 七十六 河南商務印刷所印

雍正 孟大聲 長葛訓導

李宗聖

姜翔

王六飛

乾隆 馬大成 禹州訓導

段為袞 汝陽訓導

謝栗 尉氏訓導

張模

劉衷濬

趙溥

李重白

張倜

焦士瑤

雷天聲 扶溝訓導

曹翔

康柞

張忭 汝寧訓導

孟濤 新蔡訓導

程允樞

孫祚遠

李東陽 中牟訓導

宋元吉

趙蘖

馬大儒 密縣訓導

段為黼

趙舒 封邱訓導

杜生南

孫萬書

宋祥雲

趙德綬陳留訓導

董鵬搏

徐省

李夢寅

曹肅謨

曹浩

孫夢松

楊文灝

范松年

張忻

曹肅詳

傅觀嶽

李淳興

何光先

以上歲貢

王修身

孫作梅

閻世才

劉鴻謹

李善統

李振東

馬行敬

焦克成

馬璋

楊光朝

孫天潤

趙作舟

路元佐

劉鉉

徐洛南陝州訓導

于俊選魯山訓導

張金川

李從善

白祿厚

謝錫嘏

張燿

以上例貢

李晉考授州同

曹含雅由附生見人物

曹含朴附生考授州同

孫之緒由廩生見人物

白亮采考授縣丞

姜和平由附生

李克榮由增生

孫景璞增生考授州同

張策增生考授州同

張王聘由附生

常廣蔭由附生

朱同升由附生見人物

魏遐祚由附生

雷解附生考授縣丞

李倫由附生

李大章 考授縣丞

李式 考授州同

康大臨 捐授縣丞

白受采 由附生

李子希 捐授州同

趙方新 由庠生

孟長明 捐授州判

張素蘊 捐授縣丞

張聖文 捐授主簿

張恩溥 考授縣丞

張翹 由廩生

喬乘龍 見人物

康大圖 考授縣丞

馬煌 見人物

孟循聖 捐授吏目

李丕昌 捐授縣丞

張任 捐授州同

張炳 捐授州同

蕭璞 捐授吏目

張大功 考授州同

趙賜琨 見人物

謝樞 候選國子監主簿

曹國楨 由附生

馬昂 由附生

趙發舒 由庠生

趙發申 捐授州同

李殿元 捐授吏目

李聯元 捐授主簿

傅世爵 考授主簿

趙發育 考授縣丞 見人物

張棫榮 捐授州同

劉秉壬 捐職從九品

以上考職捐職監生

李天命 巡檢

韓起蛟 倉州大使

程士傑 長興典史

費貞 鳳縣巡檢

李蘭芬 英山典史

陳九疇 捐授州同

劉壯行 蔚縣典史

宋彪 榮河典史

馬璣 平陸巡檢

王德鳳 麻城典史

張廷實 宜興典史

尙天位 捐授縣丞

趙文運 定遠典史

王廣孚 羅平吏目

劉朝元 騰越吏目

王建職 鹽亭典史

以上掾吏

武勳

明

趙

成

以功授明盛將軍有傳見武功

趙

福

成子南京指揮僉事

趙

眞

福弟陝西指揮僉事

趙

英

眞弟雲南臨安衛鎮撫

趙

忠

英弟錦衣衛僉事

趙

廸

趙

通

俱食千戶俸守成墓

趙鳳來

成十世孫任陝西延安守備

鞏縣志

第二册

卷之十二

選舉

七十九

河南商務印刷所印

國朝

劉體成

以功授偏開營守備見武功

陳國用

以功授興國守備

武舉

國朝

乾隆辛酉科

孫天魁

湖廣均州營房縣守備

乾隆甲子科

周振木

乾隆丁卯科

馬振清

乾隆癸卯科

賈殿魁

乾隆戊申科

張居信

乾隆己酉 恩科

楊殿甲

張日信

封贈

宋

蔡

綰以孫齊貴
贈太保

元

張

恩

以孫毅貴贈禮部
尚書封清河郡侯

張思忠

以子毅貴贈中奉大夫
參知政事封清河郡公

張

毅

贈奉政大夫中書省
參知政事封梁郡公

張惟敏

追封梁
郡公

曹

鐸

追封譙
國公

明

康俊 以子偉封山西經歷

宋忠 以子鑑封文林郎

趙璠 以子迎封主事

馬忠 以子隆封御史

張列辰 以子可久封文林郎

楊暖 以子世法封文林郎

霍體禮 以子景霄封鴻臚寺卿

趙登第 以子景星封文林郎

國朝

謝統運 以子杰封文林郎 贈

鞏縣志 第二册 卷之十二 選舉 八十一 河南商務印刷所印

孟之隆 以子日壽修職郎 贈

孫祚隆 以子汝工修職郎 贈

張秀古 以孫檜榮封文林郎 贈

張鞏 以子檢榮封文林郎 贈

康樞 以子中掄修職郎 封

孟百福 以子亮元修職郎 贈

孟百祿 以子濤修職佐郎 贈

附鄉飲賓

明

趙延亨見人物

趙允賓見人物

趙燧見人物

趙于位

白安養

國朝

趙于客見人物

孫九成

張正蒙

趙基美

孫之智

姚爾璋

姚鳳

附人瑞

明

趙富五世同居

趙紀三賑饑邑令 屢旌其門

趙緒

趙允寧

國朝

康熙二十八年四十二年四十八年三奉

恩詔凡年九十以上者每名各給絹二疋綿二觔米二石肉二十

觔

張景芳

靳士道

焦葉閏

邵志元

李一祥

王夢臣

關青

王德正

羅莫知

劉振景

張乾亨

李洪如

王好德

李進前

邵良賢

蘇鳴九生員

張孔順

趙蘭

馬國祥

馬光振

白化蛟

傅長青

謝擢予生員

曹生明生員

曹曙

徐守志

徐汝升

趙作父

徐汝振

徐文明

張秀穎

附農官雍正二年舉行
雍正八年停止

劉王輔見人物

李丕盛

白含采

孫士相見人物

劉進昇

姚爾璞

鞏縣志

第二册 卷之十二 選舉 八十三

河南商務印刷所印

附壽官乾隆二年
授正八品 恩

康文運

趙彥偉

王家瑞

孫衷蘭見人物



鞏縣志

地 150.29
34150.1
部 3

第三册
卷十三
人物志上
儒林
名臣
政蹟
武功
忠節
孝義

鞏縣志卷之十三

鞏縣知縣李述武纂修

人物志

儒林

鞏志前代無儒林茲合文苑爲一志尊子華子於首以開風氣之先樹訓行之準知文所以載道窮經以明聖教講學以闡絕緒毋繡幣悅飾虛甫斯無媿儒林之稱矣至皓首矻矻勤躬修教後進有河汾遺風者亦多采取焉蘄合士林公論云志儒林

程木子

木一作本

〔文獻通考〕晉人著書名子華子劉向校定〔子華子〕違趙適齊趙簡子使董安于寓書以招之子華子答書曰主君之亡臣某不能束修越在諸侯以爲主君憂臣聞之物屬於所甘士屬於所守主君之亡臣不佞而有四方之志其敢以爲執事者之所辱夫邱陵崇而穴成於上狐狸藏矣谿谷深而淵成於下魚鼈安矣松栢茂而陰成於林塗之人則蔭矣主君之亡臣不佞實有隱衷惟執事者昭明其所存如日月之升以光燭於晉國將四海之士重繭狎至以承主君之令聞夫豈惟亡臣亡臣雖復野死以寘溝隍其敢忘主君之賜惟執事者材幸焉〔家語〕孔子之剡遭齊程木子於塗傾蓋而

語終日甚相親顧謂子路曰取束帛以贈先生子路屑然對曰由聞之士不中間見女嫁無媒君子不以交禮也有聞又顧謂子路子路又對如初孔子曰由詩不云乎有美一人清揚宛兮邂逅相遇適我願兮今程子天下賢士也於斯不贈則終身弗能見也小子行之

按家語孔子遭齊程木子於途觀子華子答簡子書故違趙適齊而非齊人故文獻通考以爲晉人而通志氏族略又以爲韓人他書或以爲內邱人夫內邱固晉地而後非韓分鞏縣子華子故里地近虎牢當春秋晉城虎牢後已入晉迨春秋後三晉分地又入韓故國策以韓有成泉鞏洛之險是時鞏地實半入韓也如是則帶有子華子故里乃與二通相合府志列子華子賢哲門而案未詳今爲攷定

唐

劉允濟

鞏縣志

第二册 卷之十三 人物 一一

河南商務印刷所印

一唐書文藝傳一字允濟河南鞏人其先出沛國齊彭城郡承職六世孫少孤事母尤孝工文辭與王勃齊名舉進士補下邳尉累遷著作佐郎采魯哀公後十二世接戰國爲魯後春秋獻之遷左史兼直宏文館武后明堂成奏賦述功德手詔襄答除著作郎爲來俊臣飛構當死以母老丐餘年繫獄會赦免貶大庾尉復爲著作佐郎修國史常曰史官善惡必書使驕主賊臣懼此權豈輕哉而班生愛金陳壽求米僕乃視如浮雲耳遷鳳閣舍人坐二張昵狎除青州長史有清白聲巡察使路敬潛言狀以內憂去官服除召爲修文館學士既久斥喜甚與家人樂飲數日卒

杜審言

〔舊唐書文苑傳〕審言進士舉初爲隰城尉雅善五言詩工書翰有能名然恃才驕傲甚爲時輩所嫉乾封中蘇味道爲天官侍郎審言預選試判訖謂人曰蘇味道必死人問其故審言曰見吾判即自當羞死矣又嘗謂人曰吾之文章合得屈宋作衙官吾之書跡合得王羲之北面其矜誕如此累轉洛陽丞坐事貶授吉州司戶參軍又與州僚不叶司馬周季重與員外司戶郭若訥共構審言罪狀繫獄將因事殺之旣而季重等府中酣讌審言子并年十三懷刃以擊之季重中傷死而并亦爲左右所殺季重臨死曰吾不知審言有孝子

郭若訥誤我至此審言因此免官還東都自爲文祭并士友咸哀并孝烈蘇邈爲撰墓志劉允濟爲祭文後則天召拜著作郎俄遷膳部員外郎神龍初坐與張易之兄弟交往配流嶺外尋召授國子監主簿加修文館直學士年六十餘卒有文集十卷次子閑閑子甫別有傳

〔施府志〕甫爲鞏人則其由祖父宦鞏時遷居明矣且子美先生之田園多在鞏洛其跡尙可按也

杜甫

〔舊唐書文苑傳〕字子美本襄陽人後徙河南鞏縣曾祖依藝位終鞏令祖審言位終膳部員外郎自有傳父閑終奉天

令甫天寶初應進士不第天寶末獻三大禮賦元宗奇之召
試文章授京兆府兵曹參軍十五載祿山陷京師肅宗徵兵
靈武甫自京師宵遁赴河西謁肅宗於彭原郡拜右拾遺房
琯布衣時與甫善時琯爲宰相請自帥師討賊帝許之其年
十月琯兵敗於陳濤斜明年春琯罷相甫上疏言琯有才不
宜罷免肅宗怒貶琯爲刺史出甫爲華州司功參軍時關畿
亂離穀食踊貴甫寓居咸州同谷縣自負薪採柏兒女餓殍
者數人久之召補京兆府功曹上元二年冬黃門侍郎鄭國
公嚴武鎮成都奏爲節度參謀檢校尚書工部員外郎賜緋
魚袋武與甫世舊待遇甚隆甫性褊躁無器度恃恩放恣嘗

憑醉登武之牀瞪視武曰嚴挺之乃有此兒武雖急暴不以
爲忤甫於成都浣花里種竹植樹結廬枕江縱酒嘯詠與田
夫野老相狎蕩無拘檢嚴武過之有時不冠其傲誕如此永
泰元年夏武卒甫無所依及郭英父代武鎮成都英父武人
巖暴無能刺謁乃遊東蜀依高適旣至而適卒是歲崔寧殺
英父楊子琳攻西川蜀中大亂甫以其家避亂荆楚扁舟下
峽未維舟而江陵亂乃泝沅湘以登衡山寓居耒陽甫嘗遊
嶽廟爲暴水所阻旬日不得食耒陽縣令知之自棹舟迎甫
而還永泰二年飲白酒大醉一夕而卒於耒陽時年五十九
子宗武流落湖湘而卒元和中宗武子嗣業自耒陽遷甫之

樞歸葬天寶末詩人甫與李白齊名而白自負文格放達譏甫齷齪而有飯穎山之嘲詈元和中詞人元稹論李杜之優劣曰予讀詩至杜子美而知大小之有所總萃焉始堯舜之時君臣以賡歌相和是後詩人繼作歷夏殷周千餘年仲尼緝拾選揀取其干預教化之尤者三百餘無所聞騷人作而怨憤之態繁然猶去風雅日近尙相比擬秦漢已還採詩之官既廢天下妖淫民謳歌頌諷賦曲度嬉戲之詞亦隨時間作至漢武賦柏梁而七言之體興蘇子卿李少卿之徒尤工爲五言雖句讀文律各異雅鄭之音亦雜而辭意簡遠指事言情自非有爲而爲則文不妄作建安之後天下之士遭罹

兵戰曹氏父子鞍馬間爲文往往橫槊賦詩故其狀抑揚冤哀悲離之作尤極於古晉世風概稍存宋齊之間教失根本士以簡謾歎習舒徐相尙文章以風容色澤放曠精清爲高蓋吟寫性靈留連光景之文也意義格力無取焉陵遲至於隋梁淫艷刻飾佻巧小碎之詞劇又宋齊之不取也唐興官學大振歷世能者之文互出而又沈宋之流研練精切穩順聲勢謂之爲律詩由是之後文變之體極焉然而莫不好古者遺近務華者去實效齊梁則不迨於魏晉工樂府則力屈於五言律切則骨格不存閑暇則纖濃莫備至於子美蓋所謂上薄風騷下該沈宋言奪蘇李氣吞曹劉掩顏謝之孤高

雜徐庾之流麗盡得古今之體勢而兼人人之所獨專矣使仲尼考鍛其旨要尙不知貴其多乎哉苟以爲能所不能無可無不可則詩人以來未有如子美者是時山東李白亦以文奇取稱時人謂之李杜予觀其壯浪縱恣擺去拘束模寫物象及樂府歌詩誠亦差肩於子美至若鋪陳始終排比聲韻大或千言次猶數百詞氣豪邁而風調清深屬對律切而脫棄凡近則李尙不能歷其藩翰况堂奧乎予嘗欲條析其文體別相附與來者爲之準特病懶未就爾自後屬文者以積論爲是甫有文集六十卷

五代

李雄

〔王通志〕能詩莊宗同光甲申歲遊金陵成都鄴下各爲咏古詩二十章以三國鼎峙名鼎國詩

金

盧亞

〔舊府志〕芝田人嘗讀書緱山正大中舉進士第一
〔施府志〕按緱山舊隸永安金改爲芝田今鞏芝田鎮有盧亞狀元坊其故宅在今芝田西北訾店

元

張惟賢

〔歐陽元張公神道碑〕毅子惟敏弟有文名工詩辟掾禮部
早卒御史宋褰爲作張才子傳

明
趙迎

舊府志鞏縣人嘉靖丙戌進士累官兵備僉事所在能稱其
職少時曾讀書於青龍山之慈雲寺中晨夕攻苦於書無所
不讀尤精易數斷驗如神著範圍數二卷生平喜吟咏詩文
已散佚惟慈雲寺後閣題壁詩石刻尙在

范
浩

〔舊志〕穎敏博學士類敬服成化辛卯舉人

鞏縣志

第三册 卷之十三 人物 七

河南商務印刷所印

崔
遇

〔舊志〕字六台博學文登辛酉舉人

張
宏基

〔舊志〕績學能文兩阨副車任河陰教諭士子咸沐教育孫
乾二通渭知縣

國
朝

孫
汝工

〔施府志〕字帝垂師事張仲誠先生仲誠言性是工夫諸生
多不解汝工曰工夫是性仲誠嘆爲解人以舉人任河內教
諭九年告歸士子思之爲詩以疏淪性靈爲主著東園詩二

卷

姚爾申

〔續通志〕廩生為學以明心見性為根本深為湯潛庵耿逸庵所契賞湯云義理所見針芥不爽吾道之幸不勝喜躍耿云英卓自立獨能於書冊中尋求大本有希文永叔之風中州傳人意在斯乎所著有日知錄芸窗手草潛陽問答嵩談錄太極圖辨希庵說理學要旨詩文序跋類集共八卷藏於家

趙賜琳

〔續通志〕字玉林鞏縣人年五歲從父受孝經曉大義嘗啟

其父曰人如不孝何以為人父語以小學易行者輒行之十六通諸經旁涉子史有文名琳曰學非如是已也請於父從耿介受業介與關佛氏辨老莊論圖書經緯朱陸異同而與孫鍾元共解獨解之說闡發尤詳歸益力行親老不復應科目聚徒講學以明經終

孫又康

〔施府志〕字雪亭廩生精韻學著韻補數卷雪亭詩一卷後入魯山不歸其稿散佚鄉人惜之

閻調鼎

〔舊志〕歲貢生幼喪母事父盡孝早入邑庠務博群書躬行

實踐授徒鄉里蔚然負重望以明經老洛下士大夫惜之

趙作人

〔舊志〕字吉士康熙戊子歲貢以孝友聞嗜學爲文古奧邑令李公重之延爲義學師弟子著錄成名者衆選鄧州司訓未就年八十二卒

趙乘龍

〔舊志〕字御六歲貢生敏於文年少冠童子試後文益高而數奇以諸生終

孫曰明

〔舊志〕郡庠生工文章授生徒寒暑無間所成材甚多

趙國鼎

〔採訪事實〕字玉鉉早歲遊庠有神童之號長厭詞章之學毅然有志於道嘗採龜山夏峯兩先生操心說名其齋以自勵師事嵩陽耿逸庵先生先生嘗援朱子謂蔡季通老友不當在弟子列又稱爲眞能從敬字下工夫其學大抵以求放心爲事以復性爲歸臨終命其子燁湯具衣冠沐浴而卒著有修學錄論辦集語錄若干卷存於家

曹鵬翔

〔採訪事實〕字翰起甲子舉人與兄翊齊名性恬靜不與外事築廬東山下教生徒發明經傳奧義補臨海丞攝啟海關

不名一錢上官器之任滿告休囊橐蕭然止載殘書數卷
段爲章

〔採訪事實〕少隨父宦鞏遂家焉以詩見知於張道憲聘入
幕後以老辭去結茅盤谷東塢更名太和吟哦其中以樂餘
年有太和老人詩兩卷

孫祚長

〔採訪事實〕祚長增生與弟祚泰庠生兄弟相切劘如嚴師
保而友愛彌篤遂併知名河洛間

趙發軔

〔採訪事實〕拔貢生與兄發祥齊名兄中經魁而軔屢薦不

售人情其遇邱公時嘗延修縣志

孫型堯

〔採訪事實〕增生與兄河內廣文先生皆近九旬猶授徒講
學時季弟汝階亦年八十餘縣令雲南張公嘗造其廬兄弟
三人鬢眉皓白杖履優遊張嘆羨久之贈詩有云五更妙義
憑誰講三老風光與弟嘗

謝 栗

〔採訪事實〕字士材歲貢生性聰敏爲文醇正古茂屢試冠
軍與堂兄杰齊名年七十餘選尉氏訓導勤於課士後告歸
著有半醒堂詩古文集

孫作樞

〔採訪事實〕歲貢生爲文簡潔不務馳騁出其門者多有先正風格孫夢松亦歲貢生事繼母以孝稱

李思忠

〔採訪事實〕字蓋臣年十四以背誦十三經入庠年十六學使闈中蔡公召至試院命背諸經至爾雅正文及註疏盡卷不錯一字公驚嘆購十三經注疏及全史贈之拔置優等乾隆壬午魁其經棟發陝西知縣未官而卒

孫樹烈

〔採訪事實〕少入庠鄉前輩語之曰汝祖之順公當明季兵

燹後人爭收遺粟敗繪汝祖獨拾殘書於灰燼中補綴之汝當光其業烈用是力學敦品後友教汝蔡間遂平李柱石慎許可額其堂曰古之學者孫同然廩生以博雅知名

劉百代

〔採訪事實〕字永傳甲子舉人性孝友母病瀉十餘年炮製藥餌皆身親之不委奴僕和易愷悌人有盤錯事實之一言冰釋爲文清麗兼工詩

孫萬書

〔採訪事實〕歲貢生以文章知名未得遇授徒家塾嘗數千百人經指畫者文有法度善吟詩天真爛漫輒不存稿歿後

但有白松詩百篇存篋中

劉衷濬

〔採訪事實〕歲貢生爲文醇而能肆試輒雄其曹屢躋場屋教授生徒多所成就晚患聾專力讀書嘗日不舉火而文益進以文就正者引繩批根不少惜焉

于秉文

〔採訪事實〕歲貢生明敏好學試屢冠多士鄉場薦元未售人惜其遇選臨漳訓導不赴教授生徒門下多知名士

劉鳳翥 鳳翥

〔採訪事實〕兄弟友愛以勤學相勵翥著樵麓集廩生以

端方見重士林教後生精研近思錄小學家禮出其門者率能敦品

張獻錦

〔採訪事實〕性孝友廬父母墓爲弟獻秀取嗣撫若已子鄉里化之

張績

〔採訪事實〕好讀書建學延師有貧士力不足者悉周之成就甚夥孫耀南登戊申科百高入國學

郝燠

〔採訪事實〕貢生家貧力學授徒鄉里來學者常舍不能容

所造多知名之士

趙仲璉

〔採訪事實〕字歸璞增生篤於孝友律已端嚴嗜書史學者多遊其門

焦侗 焦倬

倬人庫名
琴音

〔採訪事實〕侗增生年十九與嵩陽景東陽同受知於學使閩中林公讀書能窺閩奧與弟倬並以詩古文辭鳴生徒多知名

武應中

〔採訪事實〕舉人孝友成性力學務端品縣令延以為書院

山長多所成就

劉誨

〔採訪事實〕廩生以文章知名兼精詩古文辭後生經指授者為文有法度

張無黨

〔採訪事實〕舉人力學授徒於家以植品為後生楷模

杜生南

〔採訪事實〕歲貢生號宗川字召菱教人以立品為先論文以理法為要尤加意寒士著有制藝三才集遺稿晚年業醫精痘疹著有訂正神應心書二卷有貧民李某少孤其祖寄

葬石子河西岸生南周濟之乃得與祖母合葬祖塋是年秋
水大發河岸盡沒李某深感之子雲喬登乙酉科

曹肅謨

〔採訪事實〕歲貢生以文章知名屢試冠軍數奇不遇教授
生徒多所成就著有印古堂文集二卷

人物志

名臣

鍾山川間氣而名臣出焉以經緯天地爲文章以堯舜君民爲事業樹人倫之師表爲四海所仰望代不數人如鞏志前史漢尹司農之謀誅大憝解釋黨獄宋蔡侍郎之抑后權執國法保賢臣大節讜言傾宸朝野千餘年後先輝映蓋亦嵩邙河洛之精靈所挺生也倣施府志載之足爲一邑光矣高山仰止豈在多乎志名臣

漢

尹勛

〔後漢書本傳〕字伯元鞏人伯父睦爲司徒兄頌爲大尉宗族多居貴位者而勳獨持清操不以地勢尙人州郡連辟察孝廉三遷邯鄲令政有異迹後舉高第五遷尙書令及桓帝誅大將軍梁冀勳參建大謀封都鄉侯遷汝南太守上書解釋范滂袁忠等黨議禁錮尋徵拜將作大匠轉大司農坐竇武等事下獄自殺

宋

蔡齊

〔通志〕字子思鞏縣人〔宋史本傳〕少孤依外家劉氏登甲科第一儀狀俊偉舉止端重眞宗顧寇準稱爲得人詔金吾

給七騶傳呼以寵之狀元給騶自齊始累官翰林學士加侍讀太后命齊爲修景德寺文羅崇勳使人趣之許以參政久之不上崇勳讒之罷知河南魯宗道固爭不能得以親老改密州徙應天召爲右諫議大夫兼御史中丞太后崩遺詔尊楊太妃爲皇太后同裁制軍國事齊入白執政曰上春秋富習知天下情僞今始親政事豈宜使女后相踵稱制乎遂罷改龍圖閣學士明道二年拜樞密副使太后姻王蒙正子齊雄坐殺人除名未更赦復官齊入奏以恩廢法如朝廷何帝命降一等齊執不可帝勉從之惟演附丁謂逐寇準併削其樞密題名齊言準忠義乃社稷之臣豈可爲奸黨所誤得不

去上將立富人陳氏女爲后復極論之景祐二年拜禮部侍郎叅知政事與王曾素善坐呂夷簡與曾不相能罷爲戶部侍郎出知潁州特請立州學從之卒年五十二贈兵部尙書謚文忠無子立從子延慶爲嗣延慶字仲遠登進士通判明州歷福建運判提點京東陝西刑獄神宗初以集賢校理爲開封推官辦衛士誣卒筒火入直反坐告者加直史館知河中府召入同修起居注直舍人院兼判流內銓天章閣侍制出爲秦鳳路都轉運使以應辨熙河軍需功進龍圖閣直學士以言罷知滁州歷瀛洪二州復帥高陽定武元祐中入爲工吏二部侍郎卒年六十一賜錢庀葬延慶有學問居簡默

默遇事能別白是非所至有惠政齊後得遺腹子乃歸其宗
凡家所有悉以付之無一毫自取萊人義焉

人物志

政績

士君子出為世用莫不思以設施自見大而岳牧小而丞尉仕有不同績則均焉邑隸仕版者忠信之長慈惠之師不乏人其廉隅自厲尤多志中所彙載可案矣他邑之名宦故里之鄉賢非名實相副未易得也錄屏風假緋魚其亦思所奮興也歟志政績

晉

稽含

〔晉書本傳〕字君道祖喜徐州刺史父蕃太子舍人好學能

文家在鞏縣亳邱自號亳邱子門曰歸厚之門室曰慎終之室齊王問表為征西參軍封武鄉侯性通敏好薦達賢才後劉宏表為平越中郎將為郭勛所害懷帝諡曰憲

北魏

張宗之

〔魏書本傳〕字益本鞏人家世寒微父孟舒劉裕西征假洛陽令及宗之貴幸高宗贈孟舒平南將軍洛州刺史鞏侯諡曰貞初緱氏宗文邕聚黨於伊闕謀反逼脅孟舒等文邕敗孟舒走元魏宗之被執入京充腐刑以忠厚謹慎擢為御史中散賜爵鞏縣侯尚書領中秘書進爵彭城公出為散騎常

侍寧西將軍東雍州刺史以在官有稱入爲內都大官出除散騎常侍鎮東將軍冀州刺史又例降爲侯太和二十年卒年六十九贈建節將軍懷州刺史謚曰敬

張鸞旗

〔魏書〕張宗之兄官中書侍郎東宮庶子兼宿衛給事加寧遠將軍賜爵洛陽男轉殿中給事常侍卒贈洛州刺史謚曰靖

宋

張堯封

〔宋溫成皇后傳〕河南永安人祖穎由進士終建平令父堯

封孝謹好學登進士爲石州推官早卒追封中書令清河郡王謚景思

張堯佐

〔宏簡錄本傳〕溫成皇后世交舉進士筠州推官吉州有道士與商人夜飲商人暴卒道士逃爲邏者所獲捕繫百餘人轉運使令覆治得其寃改大理寺丞知汜水縣復遷殿中丞知犀浦縣因地狹民繁多田訟堯佐爲正其疆界條衆弊以曉之訟遂簡擢知開封時溫成方爲修媛欲以門閹自表異故堯佐稍進用知開封加龍圖閣直學士給事中端明殿學士諫官包拯等言不宜驟用改戶部侍郎尋兼淮康軍節度

宣徽南院景靈宮四使又賜二子進士出身吳奎等復以爲言堯佐辭宣徽景靈二使以宣徽使判河陽從鎮天平軍卒贈太師堯佐初起寒士持身謹畏頗通吏治曉法律子山甫引進副使樞密副都承旨后父堯封幼從學稽顙所爲文多留穎家後令堯佐詣穎求編次其稿爲序以獻穎不答亦不以獻

元

張恩

〔歐陽元清河張公神道碑〕其先解人後家鞏遂爲鞏人金季爲嵩州安撫使以讜論與達官齟齬勇退家居至元間授

鞏縣志

第二册 卷之十三 人物 二十

河南商務印刷所印

鞏令有仁政人號張佛以孫貴贈嘉議大夫禮部尙書上輕車尉追封清河郡侯

張思敬

〔曹元用清河郡侯碑〕思敬初襲尹鞏改涖鄆陵沁水洛陽大名鄒平凡六縣陞江陵總管府判官知均州醴陵州揚州路總管皆以善治顯大名歲飢輒發廩以賑敬謂同列曰救飢如解倒懸若需郡報則道其殫矣苟以專擅獲戾吾其獨坐先是江陵水漲則漂沒瀕江廬舍迺急築防防完而水大至民免於昏墊

張毅

〔歐陽元張公神道碑〕字彥宏思忠子爲績溪尹累官至江浙叅政偉器雅望歷踐華貫爲時名卿引年閒居福壽鼎盛至正間贈推誠翊正贊理功臣奉政大夫河南南北等處行中書省參知政事護軍追封河南郡公諡忠肅 〔南畿志〕名宦傳一毅大德中爲績溪尹歲饑勸富民分賑復置義倉儲粟有飛蝗蔽空群虎入境禱於忠烈廟是夕大風雨蝗盡滅又有猛獸如彪逐虎食之民立石以記終參知政事

張惟敏

〔歐陽元張公神道碑〕字孟功泰定間以儒官補集賢院掾吏累官至河南江北等處行中書省參知政事後封梁郡公

諡文定

曹鐸

〔施府志〕山東道宣慰副使轉雁門關三邊總督至元十四年誥贈譙國公

明

張祺

〔施府志〕博通經史精法律爲人醇厚端確洪武二十八年同邑康寧皆以才德舉祺授廣東叅政康授監察御史

劉登

〔舊府志〕字升高進士仕行人轉戶部員外郎以苗疆不靖

奉命持節鎮守交趾代尚書黃福行節鉞事南土率服陞參議總督糧儲自陳致仕年九十二卒祀鄉賢

賈祥

〔舊府志〕字文瑞成化辛丑進士知安邑縣政成拜貴州道御史遇事敢言卒祀鄉賢

劉遜

〔舊府志〕字與謙舉人授兵部司務以廉勤著名調吏部又補都察院司務守官惟謹蒞事惟勤無玷官評卒祀鄉賢

馬隆

〔舊府志〕字世昌成化己丑進士初任桐廬令擢御史巡視

鞏縣志

第三冊 卷之十三

人物

二十二

河南商務印刷所印

直隸遼東功績茂著轉山西僉事擒白蓮教王銀等晉本司副使推舉提學士類一新年九十二卒祀鄉賢

示容

〔萬姓統譜〕鞏縣人宣德中舉賢良任周府審理

張可久 張可舉

〔舊府志〕久任永年令善於教民事修舉開闢漑田民永利之卒祀鄉賢弟舉知新安縣事亦稱循吏

楊世法 楊堯新

〔舊府志〕世法生平介直不妄與人交初任合水縣持法公平不搖於私擢平涼同知廉潔有守民歌來暮子葉新字無

染好學有文名以恩貢任太平通判覆支收懲奸滑屬邑多盜設法戮其渠魁盜遂息尋陞陝西寧羗州知州

康紹先

〔舊志〕字繩武由貢生任洪洞主簿轉內黃丞署內黃滑二縣事歷官九載公正廉潔賢聲所在多有致仕歸黎民攀道不忍置

趙景星

〔舊志〕力行孝友弟早卒撫養孀孤里人賢之知獻嵐二縣有惠政祀鄉賢

國朝

鞏縣志

第二册 卷之十三 人物 二十三 河南商務印刷所印

原鳳起

〔施府志〕字巢閣貢生

國初授陝西襄城縣草昧方始兵戈旁午倉庫空虛百方經理著空城賦以寄慨

張乾二

〔施府志〕字見龍授通渭知縣緬賊作亂極力捍禦至今通渭民猶尸祝之

閻際和

〔舊志〕以才能擢口邑令勞心撫字士民頌之

未載邑名

謝杰

一施府志字士超以進士任深澤縣有治深紀畧人謂其言多不愧云

曹鵬翊

一節曹秀先所撰傳一字萬如父大先司訓新鄭奉檄辦河工館不戒於火翊衝烈焰以濕衣蒙父掖之出父以悻卒居喪盡禮雍正丙午舉鄉試第二補官和平和故嚴邑俗好鬪翊爲立鄉正擇老成慎重者教之而以禮優待讀書者俗漸感化邑產鈎吻毒草捐俸買其根焚之復爲文祭山靈種爲絕和之窮民恃海濱煎鹽爲生後鹽產絀且胥黨奪其利民散爲盜引之不止翊請上官發夫役疏潮口鹽產以盛又請嚴

禁胥黨民漸歸舊業政暇爲詩賦古文辭著有大中講義自適集尙友編存存詩草又善書畫片紙皆爲人珍卒於官馬大成

一採訪事實一禹州訓導州嘗過象男女聚觀象奴因以爲姦有武生某不勝憤毆之長官欲治生罪大成力爭獲免禹人義之

張檉榮

一採訪事實一舉人由孟縣教諭保題郟縣知縣詰奸如神有府憲役幫訟爲奸立杖稟府革退人服明決

人物志

武功

著績堯登立助銅柱固無負鷹揚選矣若怯弱書生信義素孚鄉儷振臂一呼壯士雲赴殲賊鹹渠以保城邑仁者必有勇誰謂三寸毛錐不如長鎗大戟乎志武功

元

張思信

〔曹元用清河郡侯碑〕思信以百夫長從征蜀攻釣魚山冒矢石陷陣授忠翊校尉攻襄陽擐甲先登墜而復上者三矢貫甲中股竟執俘以還遷昭信校尉佩金符管軍上千戶

明

趙成

〔施府志〕明太祖起兵以從龍功於洪武元年任錦衣鎮撫司指揮僉事甲子授階明威將軍永樂八年病終京師奉旨葬祭

霍敏

〔採訪事實〕洪武三年敏授昭信校尉四年征蜀到瞿塘并征雲陽萬州重慶順慶保寧等處九年調沅州衛十年征思州靖州等處蠻洞十六年調平越衛右所後征大小麻哈等處父信贈昭信校尉管軍百戶

張泰定 張本附

〔施府志〕廩生崇正十一年大饑人相食盜賊四起李際遇作亂於登封結申張任三營爲羽翼士寇王升以衆應之聚至五千餘人邑令宋文瑞檄馬指揮協同魏典史捕之屢縮不前賊勢愈熾逼近城邑泰定率鄉勇白玉舉等明賞罰勵以忠孝遇賊於口頭村一鼓破之斬百餘人邑人張本善謀計使木庫等夜半斬升首賊黨遂平

國朝

劉體成

〔舊志〕由行伍軍功授山西大同府偏關營掌印守備分鎮榆林堡五年安堵無事有鎮邊之功

陳國用

〔舊志〕原名龍由行伍出征有功授湖廣興國營守備陞參將

人物志

忠節

昔顏魯公罵賊云吾守吾節死而後已古君子仕於人國遭時不幸肝腦塗地以殉彼豈欲爭後世之名哉慊其中而已然千載下述其事如嚴霜烈日之可畏何其偉歟志中所載青衿報國讀書真種子無愧矣至閭巷細民下及隸役奮其毅然之氣凜凜如生尤可敬也夫擔主擔爵沒而等於弱草輕塵者何限而茲得以輝映簡冊何其幸歟志忠節

元 張裕

鞏縣志

第三册 卷之十三 人物 二十七

河南商務印刷所印

〔李通志〕字康伯鞏人惟敏子由御史臺知班歷官左丞相妻韓氏贈梁郡夫人子師常國學生元末城破全家死節

〔明史〕徐達傳「順帝北去踰日達陳兵齊化門填濠登城

監國右丞相張康伯等不降斬之其餘不戮一人

裕字康伯明史書字殆以字傳

與

姚若時 姚不顯 姚城

〔明史忠義傳〕若時鞏縣舉人任鳳陽通判居六庄崇正庚辰士寇李際遇倡亂執若時誘之降大罵死族諸生不顯亦死之若時子城思報父讎請兵討賊賊執之於路亦抗罵死

〔舊縣志〕若時字揆夫鳳陽通判分鎮潁州嘗除隣盜陶浪

子民賴以寧丁艱歸值土寇亂同姚麟徵率族衆禦之親冒矢石數被重鎗寨破猶力戰不屈賊獲其弟剝心剝皮迫令若時從若時瞋目曰我朝廷官豈屈賊耶遂自刎死時年七十三賊裂其屍家人馬連取其骸於海子池山中子城庠生數請兵復仇謀洩被執罵賊死妻王氏亦投井死

姚麟徵 姚鳳徵

〔施府志〕麟徵字瑞一廩生土寇李際遇占鞏轅山麟徵世居魯莊正當賊衝知縣檄授練總上官授以督師銜命勦賊土寇益猖狂麟徵偕族人姚若時姚涵等謀守寨賊攻之甚急堅守月餘值大雨外援不至寨破麟徵率族猶力戰不已

賊獲其弟鳳徵碎剝之鳳徵罵不絕口死麟徵母郭投繯死妻楊氏妾三人俱投井死其餘家口麟徵持刀先驅入井後亦投井死時年五十一計同時殉難者一百四十三人有司聞於朝贈麟徵教授立祠奉祀廕其子

姚丕烈 姚丕振

〔王通志〕鞏縣人皆諸生禦賊爲賊所殺

姚 涵

〔施府志〕店六莊同若時麟徵禦土賊寨破同日死節

趙發隆

〔舊府志〕鞏諸生性好學杜門教授寇至或勸其禮賊乃叱

曰讀書以節義爲重今日豈可改易乎遂被害

張燦斗

〔施府志〕增生流寇至協力守城城破殉節

李魚躍

〔施府志〕於城南七里堡遇流賊逼之降大罵賊怒砍死於馬家墳子庠生騰采孫庠生秩同時被傷未死秩老猶時述其祖節烈云

韓山斗

〔施府志〕歲貢生流寇圍鞏山斗登陴固守遙指賊黨大罵城破被執至城下投井死

原魁光

〔施府志〕邑民守東門爲流賊所傷城破投南門井中死

杜三印

〔施府志〕三印縣役守西門城破自縊於樓上

劉君德

〔施府志〕土寇至被執脅之降不從以刀恐之益罵賊怒碎其首死 〔舊志〕德遇害賊亦引去洛北人有識德者收德屍得其囊中一百金悉以付德家是亦義士惜失姓名附記之

喬作霖

〔豫變紀畧〕鞏人流寇破鞏縣作霖遇賊不屈其妻李氏抱
霖屍而哭亦被殺

人物志

孝義

語曰山之民多仁鞏孝義之行自昔已多水土龐厚使然矣廬墓讓產折券捐粟有動於中徬徨鬱勃而不能自己豈惟民俗之醇抑亦

國家教化之盛也志孝義

漢

田真

〔續齊諧記〕與弟田廣田慶共議分財生貲皆平均惟堂前一株紫荆樹共議破三分明日就截之其樹即枯死狀如火

然真往見之大驚謂諸弟曰樹本同株聞將分斫所以顛顛是人不如木也因悲不自勝不復解樹樹應聲榮茂兄弟相感合財寶遂爲孝門仕至大中大夫

〔施府志〕按其事蹟不見正史惟齊諧記云京兆人然其宅里墳墓俱在鞏李濂志書之自當載入但時代無考陸機豫章詩中引之有二荆同株句似非同時人濂定爲晉人不知何據

元

張思忠

〔歐陽元張公神道碑〕字誠之恩子仕至嵩州司竹官不樂

爲苛征棄去即不復仕性孝友親疾晝夜不解帶其兄從軍襄樊三月書不達二親憂之公徒步至兵間不避鋒鏑卒獲安耗歸寧其親一日謂其兄弟曰古人有十世共爨者今何爲不然得非俗之不古與兄弟感其言不敢謀析處鄉隣族鄰多所周卹以子毅爲中書參議贈集賢直學士大中大夫上輕車都尉封清河郡侯

明

魏敏

〔中州人物考〕鞏進士授吏科給事中以母病請告歸省未至而母卒敏即之墓所哀痛水漿不入口者五日廬墓三年

鞏縣志

第三册

卷之十三

人物

三十二

河南商務印刷所印

且夕衰服哭奠如初喪鄉里稱其孝洪武二十六年以守臣請旌其門

康紹光

〔通志〕字誠一諸生時流賊圍城父在城酣醉負父逃行十餘里吐血數升又行十里父方醒得免於難嘉靖己酉登鄉薦知昌黎縣因親老致仕卒祀鄉賢

李寅

〔通志〕鞏人母喪廬墓三年有白鶴來棲之感父喪亦如之分巡商臣題請旌表後以明經任衡水教諭

周一貢 曹清 張紀

〔舊府志〕俱鞏人親死廬墓一頁廬父母墓並廬繼母墓野居九年觀風使旌之

康宗文

〔舊府志〕鞏縣廩生母病自刺其股取血和藥飲之病尋愈

曹俊英

〔施府志〕天啟間廬父墓三載巡按邱經其墓群鳥環繞不去訪知其事巡按遂詣其廬具禮題請旌閭

趙見賓

〔施府志〕事親孝樂善好施百有一歲舉鄉飲賓又十七年卒

鞏縣志

第三册 卷之十三 人物 三十三 河南商務印刷所印

趙延亨

〔施府志〕父紀力行善亨繼其志歲饑輸粟一千石賑濟邑令申請旌表

趙燧

〔施府志〕甫六歲即以孝聞父病躬親湯藥偶假寐聞父呻吟聲輒驚起問故父歿葬祭不燕客不作佛事鄉人化之

魏進忠

〔施府志〕萬曆間輸粟一千石賑濟邑令申請旌表

謝廷獻

〔施府志〕廩生性好義明季盜起盡出財粟濟貧困大修壁

壘結寨救援六年內耕桑不擾里人賴之

邵良知

〔舊志〕郡庠生明季流寇猖獗避居士寨以保一鄉寇抵寨下率衆下石傷賊無算寨破被執身受十餘刃推棄寨下越一日乃甦壽八十餘

國朝

趙季芳

〔施府志〕順治辛卯亞元歲旱荒出穀麥千斛賙卹鄉里全活甚衆任郟城教諭遷衛輝府訓導造士有方

張昱斗

〔施府志〕明季斗懷絲赴河北易粟養親遇寇哀祈憐而釋之順治間以貢生任柘城訓導

孫之緒

〔施府志〕字克纘貢生明季尙幼出構糧遇賊奪其米泣曰有母在寇曰幼子知念母孝子也還之後渡河年十五即僦館授徒順治初入庠食餼子三長祚隆廩貢生以孝友稱事親左右孝養唯謹仲祚廣廩生季祚遠貢生皆以文學知名

康晉吉

〔施府志〕明季負母避亂河北衆競渡母落水吉急投河救母舟人投篙乃得上兄早逝吉撫兄子如己子歲饑人多流

徙吉出所積糧不責券人賴以安

趙朗

〔施府志〕字明陽庠生明季負父逃難備嘗辛苦

李嗣白

〔施府志〕貢生幼失怙家貧負薪供母夜歸誦讀不輟邑令表其閭

謝託予

〔施府志〕貢生少孤事兄甚謹鄉人德之

張越

〔施府志〕字伯遜舉人性孝雖家貧不給能得父歡心任陳

州學正

于乘龍

〔施府志〕庠生順治間遞送銀兩汜水以無驛推卸龍請上官止送汜水于署前立石記事按舊縣志永免地方差徭

曹大先

〔施府志〕貢生父含雅稱孝先又以孝稱備色養任新鄭訓導上官委辨河工以勤事死

劉一輔

〔施府志〕事繼母稱孝友愛異母弟迎養舅氏歿具棺葬之歲歉蠲米賑饑全活甚衆雍正間公舉授正八品

馬 駮

〔施府志〕庠生事親孝處鄉黨謙謙自下或侮之若無覩遇歲荒數出粟賑親族多沾其惠

徐應奎

〔施府志〕父病奎禱神祈以身代疾尋愈老而益健諸弟無室者罄囊爲周全

喬見龍

〔施府志〕庠生童時聞人說溫清輒曰我當爲之父璜庠生早歿見龍事大父備色養人曰璜有子璜不歿矣

邵宏緒

〔施府志〕假人有鬻其孤者緒撫之爲娶妻聞其祖卒無所歸緒給銀米使歸葬

楊淑蔭

〔施府志〕字仲賓師事嵩陽耿逸菴先生居鄉以孝友稱

孫炳然

〔施府志〕字文甫庠生事親以孝聞取與不苟同邑諸生嘗條舉孝廉二十事於學憲已准題請炳然聞之力拒不可諸生益重之

張 鞏

〔施府志〕廩生性孝行事端方爲人所重凡邑中有大修建

必推爲首以子檜榮貴贈修職郎

謝 樞

〔施府志〕性謹厚少失怙恃待庶母及弟璞孝友彌篤撫姪如己子救貧濟急未嘗有德色

劉復泰

〔舊志〕以濟人爲心疾病婚喪尤其所急邑令申請旌獎

曹含雅

〔舊志〕字子素貢監生三事繼母肫誠曲順不少違以忍讓教其子讓田焚券善行尤多

趙 蘖

鞏 縣 志

第三册 卷之十三 人物 三十七

河南商務印刷所印

〔舊志〕歲貢生季芳子克繼孝行孀母守節爲育其子孫多收瘞郭外遺骸

趙賜琨 趙賜牲

〔舊志〕朗子邑大饑調卹族黨得延殘喘弟賜牲每焚券不責通雍正十二年洛水溢性命子分粟賑活百餘家郡守劉旌其門

朱同升

〔舊志〕貢監生年十一喪父事繼母以孝聞

趙發育

〔舊志〕五歲時父病醫謂宜地黃汁育潛至景山麓不識苗

乃大哭耕者憐之爲代採送歸

蕭永祚

〔舊志〕太學生母安氏病篤籲神祈以身代尋愈喪葬不用浮屠一遵家禮

趙漢

〔舊志〕邑庠生母歿兩事繼母盡孝視姪如子衣履不使少異

徐文正

〔舊志〕性孝歲饑自禹州負米歸道遇賊欲劫之正泣以實告賊憐而還之精醫貧者施丹給米子應庚庚子副榜

鞏縣志

第二册 卷之十三 人物 三十八

河南商務印刷所印

張星良

〔舊志〕吏員歲歉運糧千里外供親膳餘以贖族黨

劉銳

〔舊志〕庠生父母皆病廢臥榻銳侍湯藥飲饌十餘年事孀嫂如兄亟力請旌以彰其節子百代甲子舉人

李昇雲

〔舊志〕事親不以造次顛沛間人稱孝子烟侵親目誓日夜禱祈尋復明蓋孝所感云

劉王心

〔舊志〕篤孝友兄弟同居終身不分饘爨

孫景舜

〔舊志〕親歿扶匱對畫像輒哭一年竟以思親歿

趙于容

〔舊志〕明季賦役繁重族皆逃亡于容身負重累無怨言後兵亂亦逃亂定後族逃者先歸瓜分其產于容歸不與爭族皆感泣舉鄉飲賓

劉玉璽

〔舊志〕邑庠生賑饑荒設義學家西與偃師接壤出金買路行者便之今名劉公衢

趙錦

鞏縣志

第二册 卷之十三 人物 三十九 河南商務印刷所印

〔舊志〕兄弟析產後兄子失業錦仍分己田給之極力以救人之難有行客七人阻雪貲罄厚贖之行不以名告

張三聘

〔舊志〕邑庠生好義周急施棺及絮襖殷殷不倦

姚允猷

〔舊志〕例貢生邑大饑鄉人欲逃他方猷惻然出粟分給存活者衆共鐫石道左記其德

姚紹德

〔舊志〕叔父困於歉歲自鬻莊以相全活有趙姓窮無告周之至老不倦掩路斃尤多

劉毓祿

〔舊志〕家析居在城獨在村奉母二十年晉賈七人病死祿為斂而瘞之修東門石橋以貲助役

孫士相

〔舊志〕歲饑出粟為人完官逋不索償施棺以助貧不能葬者買地修道便行人

孟澤場

〔舊志〕慷慨好義修橋黑石渡邑令旌其門

張悅

〔舊志〕悅傭工養母母所嗜物百方搆少許遺母母悅即喜

躍于前歿殯葬皆竭己力見人即勸行孝見彰善錄

張盱

〔舊志〕性孝友親歿兄弟有過輒於木主前引咎自責皆相戒不敢有小嫌焉子輝曾邑庠生亦以孝友傳

王朝重

〔舊志〕重設立茶棚濟行人渴施藥餌不索值家臨通衢大雨水漲多方救護鮮病涉者邑令王旌其門

邢名世

〔舊志〕有趙姓傭歸遺金一鑑於路名世拾以還之有司旌其門

李子希

〔舊志〕兄歿嫂王氏守節希撫姪成立竭力爲嫂請旌伊洛大漲男婦寢食無地希多方安全見雅中丞彰善錄

孫衷蘭

〔舊志〕幼喪父事孀母孝兄弟同居七十年年老姪孫輩欲析產蘭以一子與姪孫三分無私乾隆二年舉壽官

董珪

〔舊志〕服賈至虞城路拾遺金一百二十兩失者至珪還其金失者酬之不受稟虞城令令書還金高義四字關送鞏

喬乘龍 喬吐鳳

鞏縣志

第三册 卷之十三 人物 四十一

河南商務印刷所印

〔舊志〕龍太學生兄歿事嫂如兄撫姪吐鳳曲盡鞠養宗族待以舉火者數十家鳳事母亦孝侍疾衣不解帶終身事叔父如事父

張應甲

〔舊志〕太學生兄歿分財產獨厚兄子

李廷偉

〔舊志〕太學生母歿嘔血死而甦者再事繼母亦得歡心

張印蕙 張士衡

〔舊志〕以醫濟人買曹姓地後曹窮困還其地折券子士衡傾囊與貧欲嫁妻者使夫婦完聚

尚藝

〔舊志〕雍正九年歲饑在南山口西窪煮粥賑饑民官莊橋
圯出重金補修

喬翰周

〔舊志〕太學生力行善事張家船通衢捐金建茶亭鄉人名
曰惠濟

張萬貴

〔舊志〕郡庠生人有不能舉母喪及嫁娶者皆厚助之金不
惜邑令張旌其門

仇長正

業縣志

第二册

卷之十三

人物

四十二

河南商務印刷所印

〔舊志〕山西人賈於豫遂家鞏有李姓負銀二百餘正憐其
困焚券無德色

趙持衡

〔舊志〕性耿介面折人過咸服其直而施與不倦貧者賴焉
賀進

〔採訪事實〕明季諸生遭亂結寨自固爲流賊李際遇所破
進奔魯庄寨尋又破見獲叱賊曰頭可斷不從爾賊怒將殺
之中有欲脫進者佯曰予仇進深將手刃甘心乃得脫

孟亮元

〔採訪事實〕學務實踐以敦倫持品見重士林由舉人任鄭

州學正孫輝宗登壬午科亦以孝見稱

李大鯤

一採訪事實一歲貢生敦孝友應童子試冠軍爲文才氣俊逸竟以諸生終士林惜之

張紹倫

一採訪事實一康熙年間紹倫弟紹紀之野遇虎村農叫號莫敢近倫持巨斧直衝虎虎咆哮迎倫倫以斧劈其首虎仆衆以鋤斃之竟攜紀歸

王修身

一採訪事實一以庠生例貢少能順親親嘗語人曰此子不在側吾食不甘事長兄尤謹飲食出入無敢先性喜施鄰里有喪葬婚姻不給者量力助之嘗施義塚地一區以便貧無葬地者

趙廷賓

一採訪事實一邑庠生醇謹好禮事繼母人以孝稱年老勤學訓士多所成就生三子梅杰楨俱太學生

馮懋生

一採訪事實一庠生資性純朴以孝友端正見重士林教子孫力學處鄉以忍讓爲主有犯者亦勿與校子溫增生孫夢錫敷錫丙午鄉試同榜君錫遊太學人謂積德之報云

姚允修

〔採訪事實〕太學生少從伯父岳生先生學以敦行孝弟爲本內艱後爲寢父側三十餘年族里甚重之

徐士玠

〔採訪事實〕善睦族有太高叔祖居偃師四世喪在淺土無嗣玠爲返葬舊域近門有貧不能室者玠爲婚娶以子洛南貴贈修職郎洛南陝州訓導課士有方告歸後陝人思之

馬懋才 馬懋林

〔採訪事實〕才太學生性篤友愛欲兄專力於學自任家事弟林尙幼善撫之林後入大學而才早世林撫才所出如己

鞏縣志

第三册 卷之十三 人物 四十四 河南商務印刷所印

子才有孫夢魁雲同雲榜皆早入庠

張忬

〔採訪事實〕字怡菴性孝友事繼母無間言母卒未及葬洛水暴漲宅中水深數尺忬撫棺號泣自夜達旦水退得無恙胞弟懷從受學同臥起者二十年嘗授徒錦陽多所成就知名士凡十餘人以貢生選汝寧府訓導卒於官

焦克讓

〔採訪事實〕庠生性篤孝怡怡色養始終不倦親喪葬祭盡禮

孫朝傑

〔採訪事實〕性朴誠力行孝友務踐所學嘗攜子姪外就館
殺身艱於遇而子文沼以文章早知名登己亥科

李中官

〔採訪事實〕庠生篤於孝友性恬淡端品不干外事

張尙仁

〔採訪事實〕好施予路拾遺金招其人還之友封邱孫某貧
嘗厚贈之并經紀其喪置義學購田延師以教鄉之子弟

劉懷瑾

〔採訪事實〕奉繼母至孝力學能詩文著有集屢薦不售人
咸惜之子文英捷賢書

鞏縣志

第三册

卷之十三

人物

四十五

河南商務印刷所印

張人賢

〔採訪事實〕庠生以孝友見稱入庠後數十年足跡不履城
市務植品以端士風

徐應庚

〔採訪事實〕以孝友見重儒林爲文清古不逐風氣由副貢
任西平教諭課士有方子省歲貢生文學克嗣父業

崔徵珣

〔採訪事實〕性孝友樂善不倦康熙六十年歲大饑出粟以
濟鄉人全活者甚衆

張秉正

〔採訪事實〕增廣生以孝友稱年荒出粟濟人鄉衆多賴以生子漢如江如孫毓麟俱有聲譽序

劉漢玉

〔採訪事實〕性醇謹動必依禮訓里鄰以敦行日數十人傾聽咸爲向善焉

崔錫命

〔採訪事實〕庠生兩事繼母委曲承順無稍違待異母弟無間言尤能植躬勤學

曹從周

〔採訪事實〕幼失怙恃朝夕食必哭奠叔父沒未葬室焚燬烈跣足奮入火爲殺威竟扶柩出

焦隆祚

〔採訪事實〕增生嗜學耄而彌篤動遵禮法鄉里推重路國正

〔採訪事實〕監生歲歉嘗出粟貸鄉折券不求償有桀黠犯之者閉門不與校

馬定清

〔採訪事實〕庠生性孝友贍人困乏有不能婚葬者罄貲周之

祖文炳

〔採訪事實〕庠生性喜施族中有不能爲其子婚者炳各代爲聘娶以延其嗣

姚汝智

〔採訪事實〕與弟汝賢俱大學生伯仲相友愛所出諸子凡九人皆和睦如同胞即比鄰或不能辨其伯仲所出

李維城

〔採訪事實〕庠生事繼母孝年六十餘侍疾猶親奉湯藥晝夜不懈諸孫請代曰此吾事也何可代母歿撫弟有恩子蔡太學生

姚祥兆

鞏縣志

第二冊

卷之十三

人物

四十七

河南商務印刷所印

〔採訪事實〕太學生爲叔父嗣母老病癱與妻子分直侍晝夜歷久不懈有寡嫂賴兆周恤得以完節

李善統

〔採訪事實〕例貢生早孤母孀居叔父母撫之有恩統長事孀母與叔父母始終如一葬親後廬墓三年

逯燦

〔採訪事實〕慷慨樂施康熙六十年歲饑人多就食他鄉燦不忍出藏金數百散給村衆衆各出地券與之燦悉焚其券前令張旌其門子公輔亦以善稱

姚久安

〔採訪事實〕年十三遭父喪夜伏泣哀袖盡濕不令母知族中前輩奇之長能謹身奉母以孝稱

劉鴻誠

〔採訪事實〕太學生居家孝友慷慨好施修學宮書院城垣等公事有力焉邑侯何旌其門

杜君錫

〔採訪事實〕太學生少陵先生三十二代裔少陵祠圯於水族有典祀田以修之者錫出金二百餘錢贖祠田邑令梁義之與弟雍陸無間

趙質中

澤縣志

第三册

卷之十三

人物

四十八

河南商務印書館所印

〔採訪事實〕庠生族有少寡守節無子者人嫌其貧不肯與爲嗣中分己田數十畝爲立繼請 旌歲饑族間有女已鬻爲人妾未行中急出貲贈還爲擇婚備厚奩遣嫁焉

張炳

〔採訪事實〕太學生以王庄渡口當輦便衝施地六畝歲收課修橋以濟行人

趙作相

〔採訪事實〕監生天性孝友好義樂施無德色

焦克誠

〔採訪事實〕由庠生例貢孝友性成力行善事不求人知

路應元

〔採訪事實〕慷慨好義嘗浚玉泉於南山人得灌溉之利修橋甃路孳孳不倦

孫常壽

〔採訪事實〕庠生性孝廬父母墓日夜哭泣不絕夜有羣狼環戶跳躍廬草盡墮忽若有逐之者狼去得無恙

馬賓王

〔採訪事實〕庠生力行孝友務踐所學年八十餘猶手不釋卷訓士嚴勵多所成就

崔克和

鞏縣志

第二冊 卷之十三 人物 四十九

河南商務印刷所印

〔採訪事實〕庠生破產勞心二十餘年撫育孤子以延兄弟三人之嗣其他善事尤夥

雷召純

〔採訪事實〕家貧好義撫二甥成立贖卹鄉鄰老而不倦

于德榮

〔採訪事實〕性慷慨嘗買復民王姓子爲僕後聞其父乏嗣遺之歸並毀其身券

曹啟新

〔採訪事實〕太學生事繼母稱孝歲出金置棺以周貧人至今子孫猶以爲常焉

王淮

〔採訪事實〕精醫術遇貧施藥不索值並以粟帛周之歿後會葬者數百人皆平日所活者

康克明

〔採訪事實〕庠生性孝友親久臥病井水瀉鹵味苦日往南溪三里外取甘泉供飲數年不倦弟早世遺三孤撫之如己出

李 綦 李 荷

〔採訪事實〕綦太學生好學能文數奇不遇與弟廩生荷終身友愛互相切劘荷所學亦有根柢

鞏縣志

第三册 卷之十三 人物 五十

河南商務印刷所印

劉國相

〔採訪事實〕監生性孝有族子貧無依相承父志爲完婚生子同居二世無間言尤能調卹里鄰子廩生士冠亦以好義聞

劉 誠

〔採訪事實〕事父母出盡色養和易謙恭爲鄉黨望

康中倫

〔採訪事實〕天性純篤父見背事母以孝稱力學能文弱冠舉孝廉司鐸鄖陵教士以立品爲先去官士人思之

張馨三

〔採訪事實〕邑庠生字子參性孝友勤於學教授生徒成就甚多

董蘊

〔採訪事實〕太學生少以孝稱長好義嘗施義田十畝課租爲茶亭以利行人

張之祥

〔採訪事實〕恩貢生以孝友稱教授生徒多所成就

馬涓 馬和祥 馬和榮

〔採訪事實〕涓監生克盡孝友遇貧乏出貲助之無德色族中和祥和榮兄弟亦以樂施稱

牛奇生

〔採訪事實〕天性醇篤事母備色養侍疾謹湯藥衣不解帶者數月

謝熙

〔採訪事實〕性篤孝早孤奉母後病癱身負出入者且十年少嗜酒母病後滴瀝不沾唇母病哀毀倍至里閭憐之

張王聘

〔採訪事實〕庠生康熙季年嘗載粟一船值四百金至儀封值歲荒出貸於人遂折券不復求價

康樞


〔舊志〕邑庠生性孝友姊適閭門家貧且乏嗣權體親心以成姊之節操康熙六十年歲飢鄰里有日不舉火者權出粟不吝全活甚衆子中發增廣生中倫庚子舉人

李景泰

〔舊志〕性純孝竭力悅親歲歉進膳必豐潔親日荒年谷不易得况若甘且適平親歿居喪合禮人稱孝焉

以上二條補逸





鞏縣志

地 150.29
34.544
部 3.4

第四册
卷十四
人物志下

流寓
列女

鞏縣志卷之十四

鞏縣知縣李述武纂修

人物志

流寓 隱逸附

劉昆居雜管寧客遼或見用於時或棲遲終老古之寓公境
遇不同隨時而已至有守先人墓者授徒講學者讀書之宅
耕釣之鄉見諸志傳確有根據如施府志所載則覈矣其過
客停驂駐屐者無取焉隱逸三人附之於後以歸簡潔不另
立傳云志流寓

漢

鞏縣志

第四册 卷之十四 人物

一

河南商務印刷所印

潘 勗

〔裴松之魏書注引文章志〕勗字元茂初名芝改名勗或曰
勗獻帝時爲尚書郎遷右丞詔以勗前在二千石曹才敏兼
通明習舊事敕並領本職數加特賜二十年遷東海相未發
留拜尚書左丞其年病卒時年五十餘魏公九錫策命勗所
作也勗子滿平原太守亦以學行稱滿子尼

晉

潘 岳

〔晉書本傳〕字安仁滎陽中牟人父茈鄴那內史少以才穎
見稱鄉邑號爲奇童早辟司空大尉舉秀才大始中武帝躬

耕籍田岳作賦以美其事岳才名冠世爲衆所疾棲遲十年出爲河陽令勤於政績調補尙書度支郎遷廷尉評以公事免退而閑居於洛之浹

按水經注羅水又北逕潘岳父子墓墓前有碑岳父芘瑯瑯太守文選西征賦注家在鞏縣東且岳父墓又有河南圖經可考岳在懷縣詩有顧鞏洛戀本之語其爲鞏人無疑晉書以爲中牟人者蓋據當時籍貫也施府志載入流寓傳固自允當潘尼爲岳從弟實昂子滿之子也芘既葬鞏昂當亦居鞏岳尼既載入流寓則最亦宜並載魏書稱昂仕漢獻帝時昂實漢人舊志載南

潘尼

〔晉書潘岳傳〕字正叔岳從子祖昂漢東海相父滿平原內史並以學行稱尼少有清才與岳俱以文章見知性靜退不競唯以勤學著述爲事著安身論以明所守初應州辟後以

鞏縣志 第四册 卷之十四 人物 一一 河南商務印刷所印

父老辭任致養太康初舉秀才爲太常博士歷高陸令元康初拜太子舍人出爲宛令在任寬而不縱恤隱勤政厲公平而遺人事入補尙書郎俄轉著作郎歷官中書令遷太常卿

唐

孫遜

〔唐書文藝傳〕博州武水人後魏光祿大夫惠蔚其先也祖希壯爲韓王府典籤四世傳一子故無近屬父嘉之少孤依外家客涉鞏間垂拱初詣洛陽獻書不報第進士終襄邑令遜幼有文名屬思警敏年十五見雍州長史崔日用令賦上火爐援筆成篇理趣不凡日用駭歎遂與定交舉手筆俊拔

哲人奇士隱淪屠釣及文藻宏麗等科開元十年又舉賢良方正元宗御洛城門引見命戶部郎中蘇晉等第其文異等擢左拾遺張說命子均均往拜之李邕負才自陳州入計哀其文示邕李嵩鎮太原表置幕府以起居舍人入爲集賢院修撰時海內少事帝賜群臣十日一燕宰相蕭嵩會百官賦天成元澤維南有山楊之華三月英英有蘭和風嘉木等詩八篇繼雅頌體使邕序所以然改考功員外郎取顏真卿李華蕭穎士趙驪等皆海內有名士俄遷中書舍人是時嘉之且八十猶爲令邕求降外官增父秩帝嘉納拜嘉之宋州司馬聽致仕父喪闋復拜舍人開元間蘇頲齊澣蘇晉賈曾韓

明馬宣

休許景先及邕與詔爲代言最而邕尤精密張九齡視其草欲易一字卒不能也居職八年判刑部侍郎以病風乞解徙太子左庶子遂坐廢累年徙少詹事上元中卒贈尚書右僕射諡曰文諸子成最知名

〔舊府志〕章邱人洪武間以給事中言事謫洛口驛驛丞遂占籍焉

吳謙

〔舊府志〕萬載人永樂間以舉人任教諭十二年不調遂致

仕占籍於鞏博學善詩文

田和

〔舊府志〕崇信人永樂間以舉人任教諭占籍於鞏崇尚節操里人宗之

隱逸附

漢

卜成

〔水經注〕仲長統曰昔密有卜成者身遊九山之上放心不拘之境

〔施府志〕道元謂即鞏九山蓋密人而隱於鞏者也

鞏縣志

第四册 卷之十四 人物 四

河南商務印刷所印

王元奕

〔芥隱筆記〕隱於侯山景帝每徵不屈遂就山而封侯宋亮詩王奕拜隱侯

金

杜時昇

〔宏簡錄〕字進之霸州信安人博學知天文不肯仕進承安泰和間宰相數薦可大用因語所親吾觀正北赤氣如血東西亘天不久大亂天下南北當合爲一消息盈虛循環無端察往考來孰能違之時風俗侈靡紀綱大壞乃南渡河隱居嵩洛山中以伊洛之學教人從學者甚衆正大間元兵攻潼

關拒守甚堅衆皆相獨賀嘆曰元兵皆在秦鞏間若假道於
宋出襄漢入宛鐵騎長驅勢如風雨無高山大川爲之限阻
此土崩之勢也頃之元果自饒峯關涉襄陽出南陽我兵敗
績於三峯山汴京不守皆如所料正大末卒

人物志

列女

風化首自閨門志列女以揚貞徽砥末俗也其洞胸絕脰慘以殉節者述之惟恐不盡而尋常守志者亦紀崖崖焉夫青燈白髮含辛數十載僅博有司柔翰數語為榮嗚呼其忍遺諸志列女

宋

宋仁宗溫成皇后張氏宋史河南永安人進士堯封女初入宮為才人皇祐初進貴妃後五年薨追冊為皇后據宋史皇后傳新補張裕妻韓氏裕右丞相妻韓氏贈梁郡夫人元末城破全家死

常縣志

第四册 卷之十四 人物

六

河南商務印刷所印

節見李通志忠節傳

明

庠生劉麟妻韓氏正德七年霸州賊起劫掠至鞏韓氏避亂山寨賊搜寨見韓氏國色欲相污罵賊曰我良家子肯從爾狗彘賊怒取韓所抱幼子殺之以威韓韓罵愈甚遂被殺旁一張姥以老陋脫去白其夫劉劉收其屍葬之詳見長州鄭瑛記事碑

常自省妻李氏夫卒守節正德間賊至自縊死

譚思妻張氏正德七年賊至守節遇害

以上見李通志

康流來妻趙氏夫死洛水趙聞之沿河呼號不得屍遂投水越三日二屍同出有司立碑旌之

喬作霖妻李氏霖被賊害李即抱屍行復被殺

朱之臣妻王氏夫卒王年十八縊死柩側

魏氏失夫名被賊掠給有埋金借賊刀掘金殺賊投井死

以上見王通志

生員姚麟徵母郭氏居魯庄寨郭諭子死守事迫先自縊死麟

徵妻楊氏見徵被難亦死三妾俱投井殉

生員姚城妻王氏城請兵討賊復父仇被賊殺氏聞夫死泣曰子不負父母妻可負夫乎遂投井死

知縣原鳳起妻張氏癸未寇至死節

生員曹仲妻路氏夫死投繯事聞旌表

生員張本善妻康氏癸未流賊破城死節

王之璽妻張氏璽亡事繼姑盡孝

劉澤遠妻張氏婚未逾歲夫亡年十六矢志撫遺腹子事舅姑

備極艱辛

閻忠卿妻李氏崇正庚辰佐夫散粟救荒全活甚衆夫死守貞教二子終身同炊子孫皆入庠

孫得盛妻張氏夫被誣斃獄氏白其冤復投井死事聞蒙旌

張嘉誠妻劉氏夫死守節蒙旌

失名氏姑婦俱孀遇流寇將殺姑婦哀求身代得全活

鄭慈妻李氏同村惡少欲辱之氏大罵被殺蒙旌

劉期達妻張氏賊破城夫被執扶姑逃青堆山下賊至將殺其姑懇以身代賊找其髮姑始得釋

張本立妻李氏二十守貞教二子成立蒙旌

以上見府志

知州康偉繼妻李氏年二十二孀撫孤成立 凌氏李節婦媳

夫早歿撫子紹禹與姑同操

生員李穩妻孫氏生子一歲而寡氏年十九家貧撫孤勤織紡至親罕見其面

張樂堯妻邵氏堯死撫幼子事老姑以節終

喬第妻周氏年二十四孀居奉翁姑以孝稱

以上見舊縣志

國朝

張體仁妻崔氏夫歿年十九守節四十五年雍正三年題請旌表

閻珣妻趙氏年二十二寡撫八月孤孝姑訓子入庠守節四十七年題請旌表

庠生趙潤芳妻張氏年二十二夫歿矢志撫孤子亡復撫繼孫

苦節六十二年題請

旌表 按舊志張氏婦李氏亦守節先張氏卒

李振德妻牛氏夫歿氏年二十五孝事二親撫子守節四十年

題請

旌表

庠生劉斌妻王氏夫歿事舅姑孝撫繼子成立入庠以節題請

旌表

以上見王通志

廩生張秀古妻李氏于歸後勸夫奮志讀書秀古歿親老子修

翁復喪明氏雖家貧辛苦備嘗翁姑相繼歿殯葬無失禮長

子又喪婦柘氏存孤兒名鞏孤苦伶仃教鞏有名庠序乾隆

二年題請

旌表

吏員白心明妻馬氏年二十八守節三十二年舅先姑卒氏事

姑維謹教子義方娣姒和好無異言乾隆元年題請

旌表

李子恭妻王氏恭歿年二十五遺一子甫逾月氏引刀欲自裁

姑泣勸止毀容強飲紡績奉翁姑喪葬皆盡禮氏撫孤成立

守節三十九年乾隆三年題請

旌表

庠生孟大有妻張氏二十九歲夫歿矢志守節康熙六十一年歲大饑氏雖糟糠不給紡績鬻衣全鞠養嗣子成立乾隆元年題請

旌表

儒童馬 妻李氏二十七守節孝事舅姑生事葬祭能以婦代子職教子成立氏家故貧屢遭荒歲鬻衣剪髮全家得活乾隆十年題請

旌表

張集妻趙氏性至孝六歲喪父哀毀不欲生十七歸集盡婦道夫歿仰事俯畜備嘗荼苦守節四十二年乾隆四年題請

旌表

白統妻李氏年十八適統統歿氏欲以死殉姑數勸諭乃已矢志養親姑歿氏哀毀成疾又慈而且嚴教其嗣子成立守節四十一年題請

旌表

韓丕顯妻孫氏顯歿時氏二十三身任子職得舅姑歡心舅姑歿終身永慕未嘗少渝題請

旌表

崔傑妻趙氏年十五適傑傑歿氏年二十一矢志靡他養老撫孤艱辛備嘗三十一年如一日題請

旌表

吏員崔雲翼妻張氏年十五歸翼翼歿氏年二十六一子甫六月家貧勤紡績供翁姑翁姑歿氏竭力殯葬又善教其子守節三十一年題請

旌表

監生崔鴻翼妻劉氏年十六于歸越三載舅歿翼遽亡氏年二十一無所出取夫四兄次子遇丙延夫嗣姑又歿氏前後殯葬盡誠盡孝守節二十九年題請

旌表

李子隆妻段氏十九歲于歸七載隆歿氏勵冰操苦守四十年

家甚貧紡績奉舅姑飲饌湯藥必親嘗舅姑歿竭力殯葬子善從克成立初艱食子耕讀後遂稍稍自給焉題請

旌表乾隆七年歿入節孝祠

曹承佩妻宋氏年十七歸佩佩早卒家貧親操井臼舅姑病又歿氏營葬事皆中禮節孀居四十三年足不踰閭訓子勤耕作題請

旌表

宋明典妻蔡氏二十九歲夫歿姑孀乏嗣迺取姪承繼晝夜紡績易米養姑姑終殯葬如禮嗣子成立守節五十二年題請旌表

李莊妻孫氏二十四歲莊歿氏誓不改操上事老姑朝夕維謹
教子成立孝慈兼盡守節四十餘年乾隆五年題請

旌表

孫廣生妻楊氏年二十四歲夫歿氏遵舅姑命撫二孫事親盡
孝道守節三十餘年題請

旌表

張爾爵妻張氏年二十四歲夫歿氏事舅姑曲盡孝道姑歿氏
殯葬盡禮未幾翁又病氏子幼跪乞鄉隣代延醫病尋愈人
僉稱孝感守節四十一年題請

旌表

張爾緒妻程氏緒歿氏方二十一歲矢志守貞孝事舅姑教子
成立爲取陳氏陳年二十六夫又歿陳繼寡姑志事祖舅姑
左右奉養無方乾隆八年題請

旌表

王銘妻張氏夫歿氏年二十五子甫三歲祖姑翁姑俱衰老氏
事維謹數十年如一日教子成立題請

旌表

張其才妻李氏年二十四歲守節至六十六歲歿氏家貧鬻糶
爲葬翁後姑病癱煥氏負以出入不辭勞瘁姑歿紡績以辦
大事教子愷曾爲邑名諸生題請

旌表

以上施府志據舊縣志所載已

旌表者

趙氏三節貢生趙發剛妻邵氏剛歿遺子奎暹甫七歲氏偕妾張氏熒熒無依合志守貞晝夜紡績撫藐孤娶婦曹氏暹復亡生孫瀚僅三歲曹亦勵志栢操事孀姑撫幼子邑令給匾旌獎今瀚列庠序

王氏三節雷氏王爾福之母年十九守節及長爲娶雷氏年十七福又歿氏守節白氏爾康之母年十八守節三氏娣姒姑婦共苦守里人哀之

白氏三節白茂修妻張氏年二十八守節七十七卒茂修子光祿早歿妻宋氏年二十九守節六十六卒祿子福又早歿福妻張氏年二十七守節今五十八姑婦孫婦同茹苦苦節彌貞

牛氏三節牛光度妻姚氏年二十九夫亡遺子芳苞氏盡心鞠育芳甫弱冠殤爲苞娶王氏生子大昌方周歲苞又歿王年二十五堅苦守節孝孀姑撫藐孤成大昌又亡乏子妻姚氏取嗣撫之亦以節著

劉氏雙節劉心廣妻宋氏年二十七寡居遺腹彌月生國顯氏矢志從一營葬翁姑邑令多公旌其門婦雷氏二十八歲子

二俱幼顯亦亡雷緒姑志奉養維謹

陳氏雙節陳啟謀妻于氏年十七適謀未三載謀病故遺子宗程甫周歲盡心鞠育比長爲娶婦白氏生子量僅三齡程又歿白年二十一同撫藐孤始終完節

牛氏雙節牛宣妻魏氏年二十六歲夫歿遺子大本未盈月氏苦志守貞撫孤成立爲娶武氏年二十五夫亦歿遺孤紹宏姑媳紡績以完節

宋氏雙節宋善學妻賈氏年二十六夫歿子仙坡甫周歲貧不能給氏撫藐孤紡績不懈爲娶婦白氏守節三十一年而歿不數年坡亦歿遺子綸僅三歲白氏繼姑志守節撫孤成立

徐氏雙節徐法禹妻丁氏年二十禹歿無子繼姑生叔法周撫育成立爲娶王氏生子傳書周又歿王年二十二與丁同心守節孝翁姑撫弱息兩門撫一孤承祧

路氏雙節路直妻魏氏年二十六夫故遺子貞吉紡績事姑育子備極艱瘁未幾貞吉又卒妻馬氏年二十七矢志守貞與姑同操魏氏壽八十二馬氏壽七十三子孫成立儒學董公旌其門

祖氏雙節祖之珩妻李氏珩歿氏年二十歲子大勳幼姑衰且病氏盡孝慈歿年五十守節三十年祖之珩繼室楊氏珩歿氏年二十一子大士珩前妻馬氏生氏撫若己出事姑以孝

聞歿年五十二歲守節三十一年

白氏雙節儒童白正祥妻宋氏弟千祥妻王氏正祥歿宋氏年二十五事二老撫三幼王時佐其勞千祥又歿王泣謂宋曰昔吾重嫂今師嫂矣王年十九無出取次姪承繼二氏子皆成立

孫氏雙節孫之性妻宋氏性亡氏年二十五歲遺子祚宏甚幼苦志鞠育紡績度日數歲祚宏亦亡媳閻氏年方二十三即有子四人宋氏撫媳育孫閻氏繼姑志屢遭歉歲課讀弗輟子汝淵列庠序

儒童曹鏊妻馬氏初適鏊孀姑蔡氏在堂鏊兄弟俱幼鏊歿弟

鏊鏊相繼歿氏無子而鋌尙未婚姑諭使嫁氏泣涕不從鏊居五十年以姪爲嗣娶婦生孫又天氏痛哭以疾歿媳張氏又能效姑守節

增生邵翼妻張氏明季流寇作亂避居土寨寨破氏子曰昭甫一歲委棄井旁自投於井其子匍匐亦下墜井深三十餘丈寇退衆聞哭聲亟拯救氏事姑馬氏極盡孝道姑壽九十餘子孫皆有聲譽序

劉俊魁妻邵氏魁早亡氏年二十二歲遺二子矢志不二以織紡撫養二孤成立

曹加觀妻劉氏觀早亡氏年十七遺子未周歲貧寒無資紡績

度日上奉翁姑下撫弱孤歷盡艱辛

處士孫光燠妻李氏年二十二歲夫歿遺子緒明季流土交亂携子避寇家南土寨賊至刃傷氏左臂與子俱墮寨溝中溝深二十餘丈而母子皆無恙順治初邑侯給匾旌獎子孫廩貢成均曾孫汝工癸巳舉人河內教諭

儒童祖鳳來妻馬氏來亡氏年二十歲冰霜矢節迄今已近七旬闔邑稱貞壽

庠生祖鳳瑞妻楊氏瑞亡氏年二十一子幼氏矢志冰霜誓不再適迄今六十有七

李奎輔妻張氏夫歿孀姑在堂三子皆幼氏矢志貞操晝夜紡

績事姑育子迄今四十五年壽逾八旬子孫成立

廩生楊履素妻萬氏履素有文名齊志歿日氏年二十四遺子始六月氏撫孤程歷盡艱辛後子虞臣讀書克成立

白衷太妻賀氏衷太二十四歲亡遺孤瑾氏熒熒孀節虔奉公姑二十餘年課子慈以兼嚴瑾得入庠

生員張泰復妻原氏明季流寇陷鞏縣城泰復被擄時氏年二十三有子珮甫三歲氏以撫孤自誓依伯氏泰定以居泰定爲珮娶妻生孫越氏紡績以教越中康熙乙酉科舉人

張紹憲妻趙氏年二十三夫亡欲從死以祖翁祖姑及翁姑在堂乃矢志自守事兩代尊嫜盡孝後祖翁姑及翁姑相繼卒

竭力殯葬合禮課子得成立

張允珙妻崔氏珙亡時氏年二十三遺子甫三歲舅姑衰老氏
零丁孤苦堅志守貞家貧甚晝夜紡績上事舅姑下撫孤子
卓然完節

處士張秀文妻蔡氏年十七于歸二十六歲夫亡僅遺三女無
子女適人後氏熒熒守節一無所依苦志三十餘年

荆安民妻席氏性端貞克勤儉事翁姑盡孝道夫歿後撫視遺
孤邑令給匾旌之

趙喜才妻賀氏夫亡家貧矢志苦節紡績撫兩孤有黨中李某
夜毀門入欲辱之氏厲聲罵四鄰皆驚起李逃去次早鳴於

官夜即縊死李某門邑令多侯旌之

王七兒妻楊氏夫貧且痴敬如賓康熙六十年鞏大饑氏姑歿
與翁泊夫流嵩南採野菜延生後翁歿夫亦歿人以其賢也
謀娶之泣語媒氏曰王氏一門餓死遺一孤吾何忍棄之嫁
寧爲餓鬼死不爲富婦生卒完其節

任輔周妻羅氏周病歿氏年二十九哀號絕飲食三日縊死夫
柩前

儒童李善紹妻孫氏氏年十七歸紹五載紹歿無子氏欲死殉
姑以有遺腹爲言氏乃止及期果生男盡心鞠育屢遭荒歉
紡績易粟養其姑自以樹皮草根作羹和糠粃食之二十九

年終不使姑知尤爲難焉

雷義妻周氏年二十一夫歿遺子甫三月氏矢志不二屢遭荒歉自食粗糲以甘旨奉舅姑撫孤恩威並行期令成立守節三十九年

劉大義妻王氏義亡時氏年二十八翁姑年老多病氏侍湯藥維謹歿殯葬盡禮撫子成立守節四十八年

儒童山淑經妻焦氏年十四于歸姑歿事老翁以孝聞舅又歿經以思親成疾氏侍湯藥歷數年無倦容夫亡氏年二十二遺一子未周歲氏撫孤成立壽七十三

康豫吉妻申氏吉亡氏年二十五子滄尙在懷抱上無舅姑中

鮮兄弟氏熒熒隻身飲冰茹蘗勤紡績艱辛撫孤成立守節三十三年

劉克廣妻周氏年十五于歸五載生子朝君甫四歲夫歿家貧不能自給氏冰蘗自守勤紡績供翁姑課子成立

曹鏞妻禹氏生曾祖禹好問鄱陽官署授以列女傳通大義年十四作列女傳贊十七歸鏞三載夫歿入室以爪破其而出眎姑嘗泣爲松柏吟以見志有疾不服藥竟歿

徐應召妻趙氏年十六歸召召歿氏年二十歲無出鄰婦諷以他適氏入室毀面削髮鄰婦驚逃家人懼其死姊姒日夜守伺氏度不得死迺立嗣泣告木主夫歿時僅薄田二畝篝火

夜績未五鼓遽起終身閉門親族罕見其面

廩生曹覺妻張氏覺以文名而貧氏執婦道甚恭覺資志歿氏年二十一覺所遺書氏珍之每啟箚輒哭子多病不能盡讀俟孫稍長氏病劇泣指箚中物囑之曰了此足以繼乃祖無使我飲恨九泉也言訖遂歿

孫承憲妻王氏憲繼堂伯養蒙後氏于歸嫻婦道翁歿嗣姑王年髦氏視膳祝哽噎食終乃退王卒事庶姑閭亦如之尋亦歿殯葬皆如禮年二十九夫又歿撫孤教讀屢遭荒歉水災備歷艱辛子莒學成爲邑名諸生

儒童喬凌嵩妻孫氏年十六歸嵩八載嵩歿氏絕粒將以死殉

兄庠生孫莒亟勸之氏收涕勉生翁姑念其無子堂孫爲嗣氏撫如已出每食以甘旨奉翁姑自茹粗糲不愧孝母之女姜志道妻曹氏志道自外來誤食砒霜人以鵝血可治急難得氏曰禽血可治人血亦可治否乃入室刺膚及骨血大出勸夫飲仆於地醫大驚志道曰我死誤也汝何爲能爲我立後賢於同日死氏遵命矢節取弟子爲嗣事孀姑飲饌必躬親曰吾夫誤於前吾恐誤於後也

儒童王家棟妻邵氏年十六歸棟棟歿氏年二十八姑老子幼氏事姑極盡孝道姑病晝夜廢眠餐愈乃已後姑以壽終殯葬如禮教子孫嚴而有法年九十歲

李善長妻魏氏于歸盡婦道年二十九夫歿遺子希孔翁姑俱衰邁行步需人氏茹荼供甘旨捧几授杖撫弱子終成立守節三十餘年

劉璋妻曹氏年十七歸璋六載璋歿事舅姑撫弱子翁八十三歲猶康健二子皆成立

儒童李烜妻王氏烜歿年二十一遺子維辟甫周歲有諷以改適氏正色拒之勤紡績奉甘旨殯葬申禮教子有方守節四十六年

儒童朱衣表妻趙氏于歸三年夫歿善事繼姑下氣怡色必欲得其歡心勤紡績潔甘髓教子有方氏年十九守節三十一

年歿年五十歲

儒童蕭璧妻段氏二十一歸璧璧歿屢死復甦舅姑哭慰之氏乃已氏無出以伯氏子嗣孫亦成立

儒童李其恭妻趙氏年二十九守節善事姑姑病癱瘓八年候起居飲食未嘗敢告瘁姑歿終身永慕前令陳侯旌其門

庠生孫祚泰妻李氏年十五歸泰泰亡氏年二十六舅姑遺子幼氏以身任養育終不渝

劉國定妻郭氏年十五歸定生子士振十九歲夫亡家赤貧氏守志不渝勤紡績養舅姑舅姑相繼歿殯葬以禮課子成立守節四十餘年

喬凌霄妻邵氏于歸四載霄外出遺子幼祖姑舅姑年俱邁氏竭盡孝道並營兩世葬事教子成立苦節四十年

康嵩妻潘氏夫亡氏年二十六或諷再適氏峻拒之事孀姑撫一二穉雖艱辛備嘗不易其節壽七十五卒

張爾永妻馬氏年二十六夫歿舅姑逾七旬遺孤瑛幼氏飲冰茹蘗孝事舅姑生事葬祭靡不中禮撫孤兒以慈母爲嚴父里黨推重

儒童焦怵妻謝氏年十七于歸時怵已臥病三載氏居別室侍湯藥怵歿矢志不二取兄子繼嗣教養兼至名著膠庠事舅姑盡孝道守節三十六年壽七十卒白璧完貞督學潘公旌

其門

儒童曹鵬翮妻劉氏于歸二載翮歿氏無出以翮兄子肅詳爲之子詳甫能言即督入學諭曰乃祖積厚德伯父叔父宏厥緒吾不憂失教憂汝自不力爲人後弗克光前人是死者長賁志也事姑孝翮有姊守節翮病革氏泣問後事翮曰效吾姊嗣是氏乃事事問諸姊無敢自爲者

儒童張僑妻趙氏僑苦學以勞瘵死氏慟以死殉舅曰姑亡子幼撫孤難死節易耳後孤又殤氏泣曰未亡人偷生視息以孤在孤不保何以生爲絕粒不食死死時猶手抱僑遺書年

儒童劉漢周妻陳氏十七歸周周歿氏年二十七遺子天瑞甫六歲堅志守貞事翁姑亟盡孝道課子成立守節四十八年祖尙質妻王氏質病歿氏年二十五無子入室投繯死姑救甦乃取鳳泗爲嗣姑病氏禱神願身代病尋愈後姑歿葬以禮守節三十六年

儒童蕭璠妻王氏年二十三守節事舅姑養葬盡禮嗣子重顯幼偶折松柏枝植盆中經年葉愈茂前令王侯旌其門

曹大猷妻陸氏夫歿舅憐氏少命改適氏入室剪髮自誓兩弟又亡舅姑鬱鬱成疾遂不起氏調湯藥日夜不離側舅姑繼歿啼泣傷其目殯殮葬祭日晝手指措辦俱當人稱盲孝婦

歿年四十四歲

邵德溥妻張氏適溥六年溥歿遺子紹周甫四歲孀姑年老二弟尙未婚勤紡績事老姑爲弟授室未幾仲死遺婦楊氏病癱煥三弟婦又少亡氏以身肩兩家事教紹周以義方不少貸

儒童劉子熾妻趙氏年二十一夫歿遺孤曰璠翁姑年老泣涕幾喪明氏剪髮自矢奉二親撫藐孤艱苦備嘗未嘗告瘁親歿葬以禮孤子成立守節三十餘年

長興縣典史程士傑妻曹氏士傑初任山西崞縣原平驛承父八旬在藉病歿氏割股和藥以進即愈延算十年

杜作正妻曹氏事姑孝姑以幼孫不能語憂成疾氏禱於神判股以進一夕夢白衣人持水灌其姑復投丸孫喉中孫能言姑尋愈

處士白怡繼室盧氏元配李氏生二子檀楷而歿氏撫之如己出二子各成立教孫文祥爲諸生

處士張蘊瓚妻尙氏于歸時姑歿事庶姑如事舅又善相夫課子孫咸成立年愈八旬歸德分府張署鞏篆旌表其門

武憲文妻張氏年十九歸文甫二載姑病藥不效氏夜半焚香判其股黎明和湯藥進之姑病尋愈延年八十五歲

呂庠生張舒淵繼室趙氏淵歿前妻子鐙甫七歲撫若已出勤

儉成家事氏所出鱗與鐙相友愛云

李氏三節李惟絲妻薄氏年二十四歲夫亡奉養翁盡孝撫孤成立守節三十四年李惟榮妻高氏年二十一歲夫歿與嫂薄氏矢志撫孤守節三十四年李彬妻季氏二十三而寡事孀姑薄氏撫幼子守節三十二年三嫂疊膺厄運冰激接踵乾隆十二年大吏合詞題請

旌表

曹文德妻張氏年二十三夫歿投河漂七里許不沉里人救之出孝事舅姑晝夜紡織隆冬指血漬布上市人爭買之曰孝婦布撫孤成立乾隆十一年題請

旌表

張爾教妻吳氏年二十一歲夫亡哀翁病瘵隻身紡績奉養舅
一日思肉食氏檢敝箚得小鏡授子赴市易肉屠人憐其孝
多與之不索價以伯子爲嗣教讀授室守節三十九年乾隆
十二年題請

旌表

李蘊妻翟氏年二十四歲夫亡事尊嫜撫孤嗣備嘗荼苦始終
不渝守節四十四年乾隆十二年題請

旌表

董仁魁妻楊氏年二十三歲夫亡悼獨吞寒車翁姑盡孝殯葬

台禮撫孤子成立守節五十三年乾隆十二年題請

旌表

崔宗周妻張氏十九歲歸崔紡績佐讀二十一歲夫病瘵死遺
孤疋未週氏鞠養成入慈嚴並濟克紹書香守節三十二年
乾隆二十五年題請

旌表

張良善妻王氏年十七出嫁一載母孫氏迎同歸內居母一日
往外家未歸氏與幼弟二禮夜宿土窰族姪王保子懷刀排
戶入室調之氏怒罵保子脅以刃氏厲聲曰任汝殺不懼保
子刺其左腋氏奪刃劃其掌捧於地又連刺左右脇乳二禮

覺並砍其臂氏奔出窰門大叫殺人爲石所絆顛棟樹下不能起罵愈厲保子以刀抉其口口齧刀保子搖刀割其頰至腮將及且氏不能言叫聲猶不絕勒其喉斷乃死乾隆三十五年題請

旌表入祀節孝祠保子伏誅

丁太花妻王氏年十九歲有姿色隣暴馬登高瞰氏獨處越牆入室氏大詬暴遁他邑舅姑畏醜聲囑氏且寢其事越四月暴潛歸以婦容忍復萌淫念夜撬門入氏驚言暴強欲污之氏大叫有賊姑聞赴救暴駭逸氏以兩次受辱羞忿自縊乾隆四十三年題請

旌表暴伏誅

陳光宗妻李氏年二十七歲夫亡舅姑老病穉孤熒熒矢志奉養鞠育守節五十年乾隆十一年題請

旌表

儒童焦正儒妻魏氏年十九歲夫亡祖姑年八十餘翁姑年亦衰孤方一歲截髮自誓事兩世尊嫜存歿盡禮孤得成立守節三十五年乾隆三十八年題請

旌表

張氏雙節張承先妻孫氏青年夫歿遺孤廷選氏事姑盡孝廷選又早亡婦孫氏亦青年守節兩世冰霜始終如一

楊學矜妻姚氏青年夫歿孝孀姑盡禮守節五十餘年

邵景益妻姚氏青年夫歿備歷荼苦守節四十年

王宏遠繼室閻氏年十八夫歿撫前妻子視如己出人稱慈母
以上施府志已載者

周氏雙節儒童周紹且妻劉氏年二十六歲夫歿奉舅姑色養
維謹育三歲孤周禮成立爲授室周禮又歿婦杜氏二十四
歲守節事孀姑得歡心姑婦青燈白髮始終完節前縣令旌
其門

庠生張懷妻白氏于歸四年夫歿氏侍姑病衣不解帶村居數
經水患姑歿急脫簪珥躬築墳臺是秋洛水漲溢屋圯而墳

存教子楠樟皆爲諸生邑令旌其門

周建德妻李氏二十五歲夫亡矢志冰蘖事舅姑以孝撫孤以
慈邑令高旌其門

以上據縣旌印册

王氏雙節王者明妻趙氏于歸七月而寡事翁姑盡孝以弟子
爲嗣弟歿與弟婦李氏矢志不二撫孤成立年俱七十餘

孫氏雙節孫九叙妻高氏年二十夫亡無子取胞兄子襄承嗣
成室後襄又歿同孀媳李氏撫孤

令李旌其門

張氏雙節張欣秀妻周氏年二十八夫歿魯山縣瓦屋親老子

幼尸不獲還翁姑歿子外出無踪氏媳與母弟曰臣至瓦屋依孝廉雷正祥得翁尸正祥厚賻之尸乃得歸方氏未往時族悍有欲奪其節者及還負骸骨過市嗚咽悲號市爲之罷悍者改容姑年七十媳亦年五十熒熒相依自若焉

李氏雙節李維堂妻王氏年二十三夫歿舅姑老家貧勤女工事親孝撫遺腹子成人又早亡氏善視孀婦王氏撫幼孫勵節兩世

姚氏雙節庠生姚涯妻曹氏年二十四夫歿守節數十年不出閨闈家貧或日不舉火以姪爲嗣又早亡與婦邵氏撫弱孫以節相勵

生員康來遠妻謝氏來遠十四歲名燥於庠暴病亡氏年十八于歸有期間訃悲哽刺骨盡毀其鏡奩衣服臥不起母廉其志曰汝欲歸守夫喪耶躍然曰諾母以輿送往夫家入門詣夫靈前辟踊盡哀鬢首衰經守柩三日請廟見謁舅姑以成婦禮然從死之志愈堅祖姑及姑窺之故慰言曰俟終汝夫喪可乎氏首領乃執婦道營夫葬尊嫜病侍湯藥晨昏扶掖服除日盛服酬告夫墓上堂拜舅姑曰兒事畢矣請從夫地下遂不食八日死年二十一歲乾隆五十三年題請

旌表

以下新採訪事實

生員趙夔龍妻康氏夔有聲譽序氏適夔年二十二而夫歿矢志靡他事舅姑以孝稱葬祭中禮取姪魁甲繼嗣邑令梁旌其門

杜貴生妻賀氏二十九歲夫歿遺孤二氏上事舅姑下撫幼子守節四十三年

喬有選妻張氏年二十四夫歿喬爲單門氏取嗣承祧並勸其舅畜妾至年六十連舉二子乃繁衍焉

姚公宏妻韓氏二十六歲夫歿事尊嫜撫幼子守節五十三年八十九歲猶視聽不衰云

張潤瑾妻宋氏年二十三而寡子宏讓甫三歲家貧紡績供姑

荒歲拮据無怨言其堂弟潤玫分已館穀濟之以成其節

趙青陽妻劉氏年三十二夫歿撫孤永言成立邑令高旌其門張居田妻鍾氏年十九歲而寡無子時翁姑俱衰養生送死竭力盡禮取族子爲嗣撫養訓誨俾其成立

趙學周妻韓氏年二十而寡嚙指自矢事孀姑盡孝取族子爲嗣

李士揚妻馬氏年二十一而寡撫子學智艱難鞠育卒成立守節四十餘年

王三槐繼室雷氏年二十四而寡撫前妻子錫彤如己出又撫孫成立孫無子乙巳歲大饑同里張氏鬻其女爲妾雷氏焚

其券令其父携去爲擇壻而孫婦旋生子焉

岳國棟妻曹氏年二十一而寡無子氏矢志靡他又勸其舅畜妾後側室生子毋墜岳祀守節始終不渝

儒童趙杖妻白氏年二十八夫歿取姪爲嗣事翁姑撫嗣子守節四十年

曹起貴妻張氏年二十五歲夫歿翁姑年老遺孤長應戍次應中俱幼家貧氏勤紡績供膳孝慈兼盡艱辛備嘗守節五十餘年

周紹先妻溫氏年二十七夫歿遺孤方六歲家貧翁老兩弟尙幼氏晝夜紡績供膳養葬盡禮兩弟授室子亦成立守節四

十餘年

白文林妻王氏適林八年而寡遺孤方週紡績以育七歲即督令讀書每泣以無負母苦節爲諭孤遂成立

李鳴元妻劉氏年二十六夫歿遺孤甫四歲家無生產勤紡績奉衰姑膳教子義方四十餘年邑令旌其門

鍾昂妻李氏年二十八夫歿舅姑皆逾六旬遺孤天授五歲氏事上以孝撫孤以慈後子亡遺孫氏教孫成立守節六十五年壽九十三而終

李杰妻孫氏年十九孀居生遺腹女越五歲亦亡事病姑至孝取堂姪爲嗣若己出守節二十八年卒

王大聲妻郭氏年十九夫歿取兄子爲嗣家赤貧氏勤紡績供翁姑鞠孤息眼見曾元五代壽九十七而終

李之玉妻趙氏年二十五夫歿投繯得救孝事老姑苦節三十三年撫子生濬成立卒年五十有八

曹雲峰妻張氏年二十四夫歿取兄子承嗣守節三十七年

張欣順妻劉氏年二十五夫歿取天嗣翁姑亦歿歲大饑男女乞食于道氏羞之杜門待斃親族另爲立嗣助資使探親盧氏行至道中而卒

曹東里妻劉氏年十八夫歿孝事祖姑祖姑甚愛憐之爲取兄子承嗣兄賣藥盧氏數年不歸氏撫姪成立祖姑歿殯葬氏

之力居多年五十三卒儒學周旌其門

曹致高妻張氏年二十九夫歿取堂兄子承嗣時翁姑年俱七十餘氏同孀嫂杜氏委曲供甘旨後數年翁姑歿嫂亦沒撫嫂子及嗣子皆如己出守節三十餘年

張思任妻孫氏年十八夫歿遺腹生子矢志靡他屢遭凶荒奉親育孤艱辛備嘗守節四十六年

曹成周妻吳氏年二十一夫歿翁姑老病兩弟皆幼氏紡績易甘旨兩弟皆爲授室取姪爲嗣親歿殯葬盡禮年七十七守節五十六年

賀曰信妻丁氏二十二歲夫歿紡績養尊嫜殯葬盡禮事叔如

舅姑守節五十三年

曹加紳妻祖氏二十六歲夫歿幼孤二氏飲冰茹蘗撫之成立
守節四十三年

劉朝海妻趙氏家貧隨夫之南召縣二十五而寡伯叔欲奪其
節氏厲刃藏身曰欲我嫁有死而已衆懼而止立嗣扶柩歸
鞏舅姑守節五十年卒年七十五歲

席自和妻常氏夫有癩疾竭力奉養二十三歲夫歿以弟子承
宗爲嗣鞠育撫養承宗入庠守節五十二年卒年七十五歲
席遵先妻張氏二十一歲夫歿遺孤雲貴甫十月紡績自度有
孫二子又亡氏與二孫艱苦自守值乾隆五十一年歲荒竟

窮饑而死年六十一歲

監生曲騰蛟妻韓氏年二十八夫歿有勸改嫁者氏正色斥之
事姑以孝撫孤子有有仁列上庠

秦讓妻謝氏年二十三歲夫歿無子取姪承祧舅姑年逾八旬
氏晨夕侍養藥必親嘗及歿殯葬事皆以一身任之苦節五
十三年

儒童白祿隆妻韓氏年二十八歲夫歿無子取繼承祧事親孝
育孤慈勁節始終不渝

儒童曹宗寶妻張氏年十七于歸姑張氏節孝蒙旌氏善事之
七載生子二女一夫歿力供孀姑餘鞠二子織紡晝夜弗輟

六十九歲卒苦節四十五年 上司旌其門

儒童秦國寧妻張氏年二十一歲夫歿善視舅姑能使轉怒爲喜年七十有七苦節五十六年儒學旌其門孫鐸曾孫大澤有聲譽序皆氏教云

曹理妻魏氏于歸後理病數載氏左右奉事不少懈及歿氏年二十七歲矢志靡他取姪承繼撫孤成立事舅亦能盡婦道處士張崇妻秦氏年十七于歸親迎日崇墜馬數日卒氏立志守節取姪承繼側室生孫氏年六十歲卒苦節四十餘年有司旌其門

儒童子成已妻趙氏年二十五歲夫歿無子取繼承祧翁年老

傷足不能步履氏菽水承歡數年不懈翁歿事孀姑盡孝

趙治深妻宋氏年二十三歲夫歿矢志不二事翁姑以孝撫養孤子成立苦節四十年

崔龍臣妻趙氏年二十歲夫歿氏誓不再適義方教子事翁姑以孝聞苦節三十年

趙澤妻秦氏年十八于歸翁亡事姑孝二十六歲夫歿子方二歲氏撫育成名壽八十餘歲苦節六十餘年

趙淇妻曹氏年二十五歲夫歿無子取姪承祀年方二歲氏晝夜紡績上事雙親下養孤子鄉人憐之

趙蘭妻張氏蘭死氏年二十七歲家貧親老子又不慧奉養無

資氏貞節自守勤事翁姑晝夜紡績年七十九歲亦不輟焉
張英妻崔氏舅歿善事繼姑姑患癱疾支離床褥侍膳抑搔皆
自任其事不假他人時負以出入人尤以爲難

儒童劉紹美妻李氏年十九夫歿無子取堂姪爲嗣教育兼至
蓬首閉門孝事舅姑邑侯梁公旌其門守節四十二年卒

張本原妻劉氏年十九于歸二十六夫歿立繼七十歲卒守節
四十四年

張本安妻王氏年二十一歲夫歿訓子成立守節三十五年
陳朝棟妻李氏二十六歲夫歿遺孤撫成立事姑以孝聞守節
三十餘年

邵連登妻李氏年二十七夫歿撫三歲孤守節四十餘年

孫坤妻魏氏年十九夫歿有遺腹子承啓氏家教甚嚴故以謹
厚稱於鄉入太學

王程之妻葛氏年十八夫歿舅姑年高氏紡績供養送終守節
五十餘年

邵維倫妻王氏年二十八夫歿守節年近九旬

柴柱妻王氏年二十五夫歿遺孤方月餘家貧舅姑年老氏誓
不嫁艱難養雙親撫孤以孝慈聞於鄉里

邵連明妻王氏夫歿時年十九撫遺腹孤成人苦節三十餘年
孫業勸妻王氏年二十九喪所天守節撫孤三十餘年孫元三

年少入庠

孫烈祥妻李氏夫歿時氏年二十八守節撫二孤成立次子履坦庠生

范大車妻劉氏年二十二夫歿遺孤方數月又二年遭姑喪小叔方在懷抱氏並撫兩世孤守節四十餘年

趙國正妻孫氏年十七歸於趙數月夫歿取繼承祧守節四十餘年

孫烈旂妻李氏年二十七夫歿撫孤守節三十餘年

王世越妻李氏年二十八夫歿撫遺腹子守節三十餘年

邵天秩妻王氏年二十二夫歿撫遺腹子守節五十餘年

董麟生妻賈氏年二十夫歿撫數月孤守節五十餘年

邵丹祥妻劉氏年二十二夫歿撫兩孤事舅姑以孝稱守節三十餘年

王定爵妻馬氏年二十六夫歿上事舅姑下撫二歲孤有姪亦早孤撫之如已出二孤既長遂相愛若同胞氏年近九十視家事如常

邵君增妻魏氏年二十二夫歿舅姑老氏克盡婦道子殿甲早入庠

馬天性妻鄧氏年二十八夫歿無子氏家貧守節備嘗艱苦四十餘年終爲夫立嗣

王大川妻楊氏年十八夫歿家貧無子苦節四十餘年以姪爲繼亦以孝稱

劉生聰妻李氏年二十八夫歿舅老子幼家貧氏紡績供養守節五十餘年

張興妻馬氏年二十七夫歿子鳴臯尙在懷抱稍長令就傅遂以弱冠冠軍入庠

邵元會妻李氏年二十六夫歿家貧無子舅姑年高氏備歷艱苦供養送終以姪爲繼愛如己出

馬爾欽妻徐氏年二十六夫歿家貧以紡績撫孤苦節五十餘年

邵作梅妻劉氏年二十七夫歿無嗣氏堅志守貞上事舅姑數十年送終後氏無依歸母家完節

邵景全妻祖氏年二十二夫歿乏嗣氏以紡績撫繼子守節三十餘年

馬肇妻祖氏年二十四夫歿家貧舅姑老氏紡績奉養無怠撫繼子如己出守節三十餘年

康健學妻任氏年二十五夫歿舅姑老家貧氏勤紡績奉事取姪爲繼守節三十餘年

徐士雲妻王氏年二十六夫歿取姪爲繼旋復失明家甚貧氏與媳勤女工守節三十餘年

徐世芳妻張氏年十九而寡以姪爲繼氏善事舅姑數十年如一日

王鏡妻李氏年二十七夫歿撫二孤守節三十餘年

楊宗儒妻姚氏年二十四夫歿遺孤雲鵬時伯姑子亦幼氏事伯姑如姑善撫伯姑子大儒又早亡遺孤淵涵氏命雲鵬與合巹焉

太學生楊大儒繼室李氏年二十二孀居孝事老姑教子淵涵力學入庠知名

李之法妻黎氏年二十四夫歿撫遺腹子姑又喪明氏不離左右者數十年

張潤妻喬氏年二十七夫歿遺三孤舅姑老家貧勤紡績以養守節三十餘年

張溶妻曹氏年二十二夫歿取姪爲嗣守節四十餘年

增生張萬甲妻邵氏年二十五夫歿取姪爲嗣撫之如己出

賈世玉妻姚氏年二十三夫歿取姪爲嗣守節三十餘年

姚秉良妻曹氏年二十一而寡遺孤方周歲氏誓不嫁食貧守節以終

張學泗妻姚氏年二十二夫歿撫孤守節數十年

姚秉雷妻楊氏孀居時年二十八家甚貧守節數十年以勤苦率子婦治生產

楊天才妻李氏夫歿時年二十二姑念家貧無養欲氏改適氏誓不嫁前賴叔父益清調護完節以老

姚大崙妻武氏年二十八夫歿取繼撫之如己出守節四十餘年

張淇妻趙氏青年夫歿守節撫二歲孤名錫瑜已入庠

祖傳易繼室席氏年二十二夫歿守節三十餘年

喬丕吉妻邵氏年二十八夫歿撫三歲孤守節四十餘年

劉君召妻郭氏青年孀居撫孤守節數十年

邵鳳崗妻張氏年二十一夫歿竭力事舅姑撫孤守節四十餘年

雷光顯妻牛氏年二十二夫歿遺孤舅姑皆老孀姑得癱疾氏奉湯藥供甘不少懈後翁姑子媳相繼亡氏遂絕粒不食死年五十有二

李六德妻趙氏年二十六歲夫歿家貧寄食母家遇節序必歸奠夫柩前祝他門生子承嗣後從弟舉子氏撫之成立卒年六十有四

陳星照妻李氏年二十二夫歿氏撫姪爲嗣長爲授室三日子媳拜庭前氏泣曰可以謝泉下人矣具酒食奠夫墓一日卒年五十七

曹肅謚妻張氏曹鵬翮之婦也年二十四夫歿僅遺一女取掌

兄子爲嗣孝事姑姑歿氏苦節自守三十一年先是氏姑守節以貞孝稱氏復繼焉

曹加用妻閻氏二十五歲夫歿子幼紡績供甘旨殯葬盡禮守節五十三年

魏正運妻李氏二十三歲夫歿遺孤未週氏奉親育孤夙夜勤謹守節五十年

賈成海妻張氏年二十四夫歿子幼親老氏勤織績艱苦備嘗守節四十年

儒童張汝鵬妻崔氏年二十一歲夫亡取姪爲嗣事舅姑盡孝守節四十五年

儒童尙自正妻崔氏年二十歲夫歿矢志不二守節三十五年取侄爲嗣撫養成立

儒童張經妻崔氏二十六歲夫歿遺子志善氏紡績無間寒暑上事孀姑養葬盡禮年七十五而卒

儒童李六丙妻尙氏年二十四夫歿氏以爪破面示志取侄爲嗣守節四十七年

儒童閻大年妻胡氏結褵三載夫歿無所出紡績竭力以奉舅姑殯葬躬任勞瘁取姪爲嗣撫之成立邑侯陳旌其門

監生張喬年妻秦氏年二十八歲夫歿翁姑在堂曲盡孝道舅姑歿殯葬如禮撫子成立守節三十七年

王宗孔妻常氏二十八歲夫歿舅姑衰老生事死葬皆如禮撫孤伯安成入庠守節四十二年

焦大法妻李氏夫歿氏年二十有四舅姑夫三喪未葬子方三月乃撫孀孤克襄大事茹藥者五十餘年

龔大成妻路氏年二十二夫歿無子矢志不二立嗣德福奉姑守節四十餘年卒

路書田妻孫氏年二十七夫歿無子薙髮誓殉舅姑勸以立嗣延祀乃立姪爲嗣事親盡孝教子成立苦節四十餘年卒

趙文學妻周氏年二十七夫歿無子取姪爲嗣壽九十三歲李懷生妻曹氏年十九夫歿取姪爲嗣苦節三十餘年

高希程妻賀氏年二十二夫歿無子取姪爲嗣苦節四十餘年儒童謝銓妻曲氏銓歿遺子未週歲氏年十九時祖姑年老喪明翁姑亦以痛子致疾氏扶持侍湯藥惟謹歿後竭力營葬撫孤成立苦節五十餘年前令楊旌其門

儒童劉潤妻陳氏年十八于歸二十一歲夫歿遺孤矢志守節艱苦備嘗現年八十一歲

謝樸妻張氏年二十八歲夫歿盡心奉姑姑病衣不解帶者數月訓二子皆成立毓麟入庠督學汪旌其門守節五十三年岸生焦雋選妻范氏年二十七歲而寡事翁姑育幼子艱苦備嘗四十餘年學憲劉旌其門壽七十有八

陳君文妻李氏文兄弟相繼歿氏年二十九子幼家貧娣姒皆不安其室氏泣留不可乃撫其子女茹茶啖菽勤織以養苦節四十餘年儒學周旌其門

焦士瓌妻張氏年二十八生子三歲夫歿又生遺腹子姑老喪子痛幾絕氏委曲承顏教二子有法守節三十四年

儒童康大斐妻滑氏年二十七歲夫歿子三長永成次連成次天成俱幼紡績度日嚴課三子成立守節四十五年前令旌旌其門

儒童謝乃稊妻于氏年二十夫歿以姪爲嗣事舅姑孝夫存日已與伯氏析產後伯氏中落翁姑喪葬事氏獨肩之守節三

十餘年卒學憲蔡旌其門

李尙文妻季氏歸文九年夫歿勤苦自勵撫養遺孤成立歷五十二年

張信妻武氏年二十夫歿矢志靡他養老撫孤備歷艱辛持家嚴正有法守節五十四年

崔士宏妻白氏二十四歲守節事姑以孝教遺孤成立

崔士群側室毛氏二十七歲夫歿有子嫡雷氏憐之令他適氏泣以死守遂與雷同心共誓育子成立守節六十餘年

監生謝石麟妻王氏子歸數年無出翁姑患之常曰兩老人得抱孫死無憾矣氏聞力勸夫娶妾劉氏生子錫純未週劉歿

氏愛如己出親視哺養又勸夫娶妾袁氏生子錫嘏愛養如兄純拔貢官山東州判嘏例貢

張倬繼室劉氏元配章氏生一子二女而歿倬恐繼母虐之寄子女於嫂嫂故多子未能兼顧冬月子女往往赤足行雪中倬遂再娶氏入門撫之如己出子女亦相依若親母子

劉大瑩妻趙氏年十九而孀兩世翁姑在堂子幼家貧養葬如禮嘗以生不識母慕與人言輒流涕每至塋邊樹悲號聞者墮淚以悲傷過節疽發而卒

張爾孝妻程氏年十七適張家貧氏盡出奩資爲生產夫歿遺腹生子氏兄元章憫其單熒迎歸與母家男女五十餘口同

處四十餘年無間言里人嘉氏節並多元章友愛云

張全良妻曹氏夫歿年二十五紡績織紵上事舅姑下爲幼叔授室屢歲凶荒竭力葬舅姑叔好樗博勸之不可氏入戶自撾其面晝夜號泣叔痛悔理正業取姪爲嗣守節四十五年孫文章妻杜氏年十六夫歿撫遺腹子子長多疾且眇目生計艱辛氏多方措持三十餘年

張居道妻孫氏年二十三夫歿氏守節依其祖姑四十年乃取一子爲嗣

王珊妻馬氏年二十二夫歿事姑撫幼家僅石田六畝氏蓬首垢而躬自耕作以書課子三十餘年未嘗暫廢

蘇文舉妻馮氏姑癯廢氏負以出入者三年醫藥罔效氏夜半焚香剖股和藥以進姑食之痊闕不告人後姑夫皆亡其母偶見刀癩因問之乃得悉鄉人爭傳誦年六十有二

增生邵鍼妻馬氏年二十九夫亡乏嗣爲夫立繼守節五十餘年

邵育溥妻馬氏年二十八夫歿上事孀姑盡孝撫養繼子守節四十餘年

孫烈常妻柴氏年二十八夫歿食貧守節三十餘年孤子源庠生

姚正妻孫氏從夫佃耕盧氏山中夫歿年二十五叔欲其改適

遂自盡

劉兆祥妻曲氏年二十七而寡家貧無子終事舅姑守節三十四年

馬仁妻周氏年二十六而寡孝事舅姑食貧守節三十一年

楊銘妻王氏年二十三夫歿善事舅姑撫姪爲嗣如已出守節三十八年邑侯旌其門

李欽妻緒氏年二十七夫歿家貧無子守節三十七年

江明妻喬氏年二十歲夫歿善事舅姑撫遺腹子成人守節六十二年

孫士行妻李氏孀居時年十九撫數月孤上事老姑守節三十

餘年

張廷拔妻王氏年二十九夫歿撫孤守節三十餘年

邵作舟妻劉氏年二十夫歿善事舅姑撫孤成人守節六十一年

馬子賢妻張氏年二十八夫歿家貧舅姑老氏終事舅姑撫孤成人守節三十九年

生員李焯妻袁氏年二十四夫歿善事舅姑撫數月孤守節五十餘年

王宗孔妻劉氏年二十八夫被逸畜傷死主人懼欲厚賄之氏不受撫孤守節八十有八而終

祝之岳妻李氏年二十六夫歿奉姑撫孤守節六十五年

姚世選妻史氏年二十三夫歿撫孤事舅姑守節三十餘年

張天重妻韓氏年十九夫歿生遺腹子氏孝事舅姑撫幼子守節五十餘年

張振圖妻韓氏夫歿翁姑老子乘軒未週家貧年荒事舅姑撫幼子百端艱苦不渝其操守節五十餘年

張乘輅妻劉氏夫歿遺子氏矢志靡他晝夜紡績鞠育成人守節四十餘年

張鶴年妻景氏夫歿取長兄襁褓子爲嗣撫育艱辛守節四十餘年

張珂生妻李氏夫歿遺孤飲冰茹蘖撫子成人守節四十餘年
張掄元妻子氏姑歿翁年近八旬病癱十餘年晝夜奉侍備極
勞瘁

監生于廷註繼室李氏年二十四歲夫歿側室郭氏生子氏愛
如己出撫養成立與郭同心孝事姑嫜守節三十餘年

生員孟德先妻段氏二十二歲夫歿遺腹生子盡心鞠育慈而
兼嚴教子成立守節六十九年

儒童張峻昇妻孟氏年十九歲夫歿備歷艱辛事翁姑盡孝以
族姪爲嗣守節三十餘年

儒童白建本妻崔氏年十九歲夫歿矢志守貞孝舅姑取姪朝

選爲嗣守節三十七年

儒童姚丙妻崔氏年二十三夫歿遺孤甫二歲截髮自誓事孀
姑撫幼子守節六十年

馬繼程繼室楊氏夫遺前妻子尙幼氏撫若己出鞠育成守
節四十七年

張淑成妻雷氏年二十一夫歿剪髮毀面矢志苦守教子成立
守節三十四年

王宗瑞妻梅氏年二十一歲夫歿氏無出取姪爲嗣守節四十
五年

儒童張用庚妻趙氏二十五歲夫歿事舅姑撫幼子艱苦備嘗

子成室後亦歿與媳李氏同撫弱孫郡伯曹旌其門

康澤冲妻白氏年二十四歲夫歿舅老姑歿子枕尚在襁褓家

貧氏身任養育舅歿殯葬合禮守節六十年

儒士孟文先妻張氏年二十一歲夫歿矢志苦守事舅姑盡孝

取姪爲嗣守節四十九年

貞女孟氏八歲許配宋袞後隨祖濤新蔡儒學任所四載袞忽

天女聞之抑鬱成疾數日不食死舅姑重其志迎歸合葬

生員孟五瑞妻張氏年二十六夫歿遺子甫六歲氏茹苦自甘

撫孤成立守節五十五年

馬吉妻姜氏年二十四夫歿矢志不改屢遭荒歉私食粗糲以

甘旨奉舅姑孝撫子成立守節四十二年

蘇東妻劉氏年十九夫歿誓以死殉人慰解之猶日氏號泣欲

投穴中力勸得免乃託取殯葬物歸自縊死合葬於石窟之

西

儒童張思溫之妻白氏年二十夫歿子無黨方二歲氏鞠育紡

績以教無黨中壬申 恩科舉人

儒童張無垢妻宋氏年二十夫歿取姪爲嗣守節三十八年

儒童康遐齡妻劉氏夫歿氏無出矢志全貞取姪爲嗣教使成

立守節四十八年

趙萬福妻康氏夫歿氏年二十二無出矢志守貞事翁姑撫幼

弟以姪爲嗣守節四十年

儒童崔士純妻康氏夫歿年十九無子誓死盟志取叔子爲嗣事翁姑孝守節三十五年大司寇胡公旌其門

崔士苞妻趙氏二十五歲夫歿養老撫幼守節三十二年

吳杰妻張氏二十二歲夫歿無出取族子爲嗣守節四十八年
崔良賓妻孟氏年二十四夫歿家貧子幼紡績以育殯葬翁姑中禮六十四歲而歿

儒童張百行妻白氏年二十六夫歿無子舅姑老勤織供甘旨教繼子成立守節四十一年

董三友妻牛氏夫歿年二十四歲遺子二堅志守貞績紡度日

屢遭歲歉不渝其志守節六十餘年

崔良圖妻王氏夫歿年二十六歲親老子幼矢志冰霜艱辛備嘗守節四十餘年

儒童崔長發妻李氏年二十五歲夫歿孝事老翁撫育二叔及幼子苦節三十三年卒

崔宗孟妻景氏年二十一歲夫歿遺子襁抱單爨勵節艱辛備嘗五十三年卒

李天佐妻常氏夫歿年二十四一子甫二歲氏矢志靡他撫孤成立守節五十五年

崔宗德妻劉氏年二十六歲夫歿事孀姑撫二孤卒年六十一

歲

崔白齡妻康氏年二十夫歿事舅姑盡瘁立繼承祧守節四十年

曹慶雲妻白氏夫歿年二十五事三世老親喪葬如禮教子入庠守節五十年

儒童李東方妻張氏年二十有五夫歿事孀姑撫幼子守節三十三年

監生劉鴻訓側室李氏夫歿年二十四子太學生紹發僅數月與嫡白氏同心勵節撫孤白歿嫡子廩生紹杰事之若母氏守節三十二年

儒童曹岱雲妻白氏雲以父母歿哀毀成疾死氏年二十一歲子方二歲氏勵志守節撫孤成立三十二年卒

監生趙國麟妻馬氏年二十九歲夫歿無子取姪承嗣愛若己出守節四十八年

李振世妻霍氏年二十七歲夫歿家貧姑老奉養不衰守節五十九年

馬太和妻趙氏年二十八歲而寡家貧無子姑老養葬盡禮取姪爲嗣守節四十四年

張永熙妻費氏年二十六夫歿奉姑撫孤守節四十八年

崔先儒妻尙氏事姑孝夫歿氏年二十八堅守冰操取姪爲嗣

張成德妻馬氏二十七歲夫歿事姑盡孝撫孤成立年八十餘而終

劉立源妻路氏年十九于歸三載孀居栢舟永矢撫孤孝姑訓子入庠

劉紹向妻張氏年十九歸向二十五歲夫歿遺子方週歲家貧事舅姑孝撫子成立守節四十二年

監生劉謙妻張氏夫歿氏年二十五遺腹生子事翁姑以孝子亦成名

監生劉百陶妻禹氏夫歿遺孤敬修次慎修長成授室相繼早天長媳孟氏次媳曹氏同心苦守以奉孀姑

宋希顏妻張氏年二十九孀居遺孤二茹藥飲冰教子以義

儒士于克信妻焦氏青年守節歷事三姑俱能得其歡心子建章登丁酉賢書

儒童姚敏妻劉氏二十八歲夫歿遺孤甫三歲事翁姑盡禮子亦成立

崔天乙妻焦氏年二十一歲夫歿以伯氏子爲嗣事翁姑盡孝撫嗣子若己出守節四十二年卒

生員牛斐然妻馬氏年二十八歲夫歿遺孤二艱難困苦育子成立守節四十年邑令石旌其門

周大舉妻馬氏年二十一而寡舅姑兄嫂俱歿氏携其六歲姪

殯葬經營守節六十年邑令多旌其門

周長祚妻蔡氏二十七歲而寡遺孤方七歲守節四十餘年

趙廷瑛妻王氏二十六歲夫歿舅姑老奉事不懈訓遺孤二有法五世同堂守節五十餘年

李東學妻范氏年二十八夫歿遺孤七歲矢志靡他守節三十二年卒

張允中妻蔡氏夫歿無子氏年二十二有遺女僅二歲後女殤遂奔井死鄉人啟允中壙合葬焉

劉功臣妻李氏夫歿氏年二十八遺孤二歲家貧織紡撫孤成立

趙闇妻劉氏夫亡姑歿事舅盡孝取姪爲嗣訓迪有方子入庠劉紹書妻陳氏年二十五夫歿遺孤幼誓不更適姑患癱症氏日奉湯藥不倦子亦成立

儒童白登雲妻李氏青年守節冰霜永矢取姪爲嗣若已出庠生劉紹舉妻牛氏夫歿氏年二十一撫幼子服除日拜夫墓曰妾所以不卽死者以子待乳也今子離襁褓有伯叔在可相依歸遂絕粒不食卒

康丙申妻于氏姑老病臥榻不起氏禱於神願身代病愈左右色養備至屬纊時猶以孝弟勤儉囑子孫

徐樸妻孫氏性好善勤施予貧者推衣食周之凡貸貲折閱及

負逋不能償者輒焚其券壽八十五曾元繞膝稱壽母焉

李清源妻馬氏年十七夫歿有鄰婦諷以他適氏嚙指斷髮曰吾所以不死者以舅姑在堂耳名節誰可墮耶鄰婦懼而止取姪承祧撫育恩愛如己出守節三十一年

郭九合妻丁氏于歸五載生一子未滿月九合病故家貧紡績事祖姑及姑迨相繼而逝盡禮殯葬教子成家苦節三十餘年而卒

曹如椿妻秦氏年二十四夫歿紡績以養舅殯葬盡禮撫孤成立守節五十三年

儒童趙作忠妻曹氏年十九夫歿事舅姑撫幼弟養姪端爲嗣

爲娶婦康氏數年端又歿康氏與姑同心守節始終不渝

李文虎妻姚氏年二十六夫歿遺孤甫二歲矢志鞠養守節三十八年

高希賢妻張氏年二十一夫歿取姪爲嗣氏備嘗荼苦教使成立守四十五年

康學祿妻賀氏年十七夫歿取姪爲嗣單爨苦守教養兼至守節四十二年

張天溥妻朱氏年二十三夫亡守節三十九年

監生王振邦妻張氏年二十七夫亡孝事翁姑取伯氏子天德爲嗣守節四十二年現年六十九歲

王爾康妻張氏年二十八夫亡撫孤東文成立守節三十九年
現年六十七歲

任志立妻岳氏年十九夫歿遺孤方週歲舅姑先亡尙未殯氏
以紡績營葬備嘗艱辛孤亦成立苦節六十餘年

孫登學妻郭氏年二十六夫亡遺二孤有山田二畝氏身耕以
養翁姑苦節五十四年

張中柱妻孫氏年十九夫故善事孀姑撫三月孤守節三十餘
年

孫王佐妻武氏年二十三夫故家貧事老姑孝養不缺爲夫立
嗣守節四十餘年

孫秉桂妻楊氏年二十五夫故無子爲夫取繼守節四十餘年
曹宗彝妻賀氏年二十五夫歿事老姑撫嗣子備極勤劬後姑
歿嗣天紡績自食每哭聲徹四鄰聞者哀之

康錫妻曹氏孝廉曹鵬翊女孀女訓于歸康事祖舅孝年二十
六失所天遺孤四歲祖舅亦卽世翁姑皆老家貧盡質衣奩
以資供養子誥登戊申科

馬本善妻張氏年十七于歸未一載夫歿氏哀號入室自縊死
姑救復甦再三慰之取姪爲嗣守節三十八年

白應發妻張氏年二十七夫歿無出事親孝撫嗣子成人守節
四十八年

劉萬青妻白氏年二十二夫歿孝姑撫孤備極艱苦守節三十餘年

監生牛大昌妻姚氏年二十八而寡奉祖姑及姑克盡孝道撫二子亦成立

劉明妻胡氏二十八歲夫歿艱辛備嘗教子成立守節三十三年

劉進明妻孫氏年二十八而寡家貧子幼紡績以給守節三十六年

趙濟妻楊氏二十五歲夫亡孝姑撫孤守節四十餘年子繼賢入國學

韓淑身妻李氏青年孀居取姪爲嗣苦節能貞

韓淑世妻王氏青年守節孝姑撫孤茹藥飲水四十餘年

康光遠妻石氏年二十五夫故二孤俱幼舅姑在堂克盡孝道撫孤成立守節三十餘年

宋道林妻閻氏年二十三孀居遺孤尙在懷抱家貧勤女工事衰翁以孝聞守節三十餘年

符琳妻崔氏夫歿時年二十四遺孤方周歲家貧以織紅事翁姑守節三十六年

曹致廣妻杜氏年二十三夫亡遺子甫周鞠育成成人守節三十六年

劉贊妻張氏贊歿年二十二歲撫幼孤守節四十五年

李綏靖妻王氏二十九歲夫亡遺孤三歲孝姑撫孤備嘗艱苦
守節四十年

劉起學妻康氏二十八歲夫故貞節自誓五十餘年


儒生劉紹賢繼室王氏適賢四年夫歿時年二十一歲家貧紡績度生殷勤撫孤成立鄉黨慕之

李常齡妻馬氏二十七歲夫亡遺孤甫四歲氏事孀姑盡孝撫孤承先至三十三歲亦亡氏與媳王氏共勵堅貞人稱爲三世苦節云

儒童康乘鵬妻張氏年二十夫歿孝翁姑撫幼弟姑歿又孝事

繼姑以姪爲嗣守節三十餘年督學邵公旌其門





地 150,29
24,5017
部 215

第五册
卷十五
古蹟志上
卷十六
古蹟志下
卷十七
金石志

鞏平縣志

鞏縣志卷之十五

鞏縣知縣李述武纂修

古蹟志上

聖人云無徵不信考古者必據經史為本博采群書為證佐其稗官野史荒怪俚俗之說不錄焉又必議論精確衷於至當無穿鑿無踏駁無攻擊斯足傳信千載矣施府志考証綜核立論亦正茲以為綿葛間亦發明數條於下焉志古蹟

邑城

周坎氏邑 一春秋僖二十四年傳「王出及坎欲」杜注「周地」
一路史「坎氏鞏縣東坎窳聚服云鞏東邑」

鞏縣志

第五册

卷之十五

古蹟

河南商務印書館印

周鄆邑 一春秋昭二十二年傳「郊鄆潰」杜注「郊鄆二邑皆

子朝所得 一水經注「洛水歷鄆中水南謂之南鄆亦曰上

鄆鞏洛渡北謂之下鄆亦謂之北鄆有鄆城蓋周大夫鄆盼

之舊邑也盼左傳作盼羅水謂之長川羅文淵閣校本作長羅川亦曰羅中蓋盼

子鄆羅之宿居故川得其名耳 一施府志「羅為盼之子鄆

羅之宿居即鄆盼之舊邑水經注解羅水得名以近鄆羅之

居而名之非謂鄆羅鄆盼之居有兩地也

周榮錡氏 一山河兩界考注「莊元年王使榮叔來錫桓公命

杜注榮叔周大夫榮氏叔字案竹書成王九年使榮伯錫肅

慎氏命厲王元年王作夷宮命卿氏榮夷公落鞏昭曰榮國

名馬螭曰周同姓畿內諸侯爲卿大夫也昭二十三年王崩於榮錡氏杜注河南鞏縣西有榮錡澗路史以爲卽榮國周牌經有榮方戴記宰我問有榮伊〔施府志〕周有榮叔殷有錡氏二者皆依榮錡生意並存之可也

周石氏邑〔山河兩界考注〕莊十九年傳石速與五大夫作亂因蘇氏杜注膳夫石速也周語惠王三年石速出王而立王子頹是也水經注洛水又東逕鞏縣故城南又東濁水注之又東北合河水水發南谿石泉亦名爲石泉水今鞏縣東南有石子河石蒸其采地也昭三十三年王使石張如晉定十四年天王使石尙來歸服是皆石速後〔施府志〕石子

河方輿紀要以爲玉仙河今鞏玉仙河水入汜不入洛與水經注石泉入洛異鞏又有石河道在鞏西不在鞏東與水經注亦不合據水經注當卽市河水耳

周皇邑 春秋昭二十二年劉子單子以王猛居於皇左傳單子以王次於皇鄴〔杜注〕河南鞏縣西南有黃亭

水經注一京相璠曰訾城北二里有黃亭〔宋本〕此亭也春秋

所謂次於黃者也〔施府志〕按說嵩見水經注黃皇字異以

爲次於黃乃登封許由所居之黃城而反疑長人爲誤今據春秋傳單子欲如晉告急以王次於皇晉籍談荀爍賈辛司馬督帥師軍於陰於侯氏於谿泉次於社侯氏卽緱氏近鞏

谿泉即明谿社即五社津皆鞏地晉人勤王之師俱在鞏而謂皇爲登封之黃城去鞏尙百餘里當不其然

周訾城 一春秋昭二十二年傳夏四月己酉單子取訾二水經一洛水又東逕訾城北又東羅水注之 一施府志訾城今名訾店俗又譌爲小芝田東北里許爲羅水入洛處在縣西南四十里

周東訾城 春秋昭二十四年傳王子朝用成周之寶珪於河津人得諸河上陰不佞拘得玉者取其玉將賣之則爲石王定而獻之與之東訾 二十五年傳尹文公涉於鞏焚東訾不克 一施府志左傳既別爲東訾明東訾與訾不一地杜

注乃指爲一誤矣路史謂訾有二西訾在洛東訾在鞏雖較勝杜氏而所目之地與傳文亦不合傳謂涉鞏焚東訾則鞏訾不過相隔一水耳晉石勒擊劉曜於洛陽至城臯捲甲啣枚詭道兼行出於鞏訾之間曰鞏訾之間知鞏訾不相遠也今鞏訾城在故鞏城西與故鞏城相去尙數十里是鞏之訾城已爲西訾而故鞏城之東必更別有東訾其地雖不可確指固知二訾俱在鞏不得謂一在洛一在鞏也

周襄宏邑 一山河兩界考注定元年孟懿子會城成周晉女叔寬曰襄宏違天杜注天旣厭周德襄宏欲遷都以延其祚故曰違天哀三年六月癸卯周人殺襄宏杜注終違天之禍

案子貢詩傳長宏忠於王晉趙鞅殺之周人傷之賦有兔左
傳及杜注皆以爲城周違天之咎謬矣路史姬姓有萇伯漢
書藝文志有萇宏十五篇魏收地形志范陽萇鄉縣有萇鄉
城大康地記涿郡有萇鄉古萇長通用今鞏縣西南有長羅
川源出方山〔施府志〕徐注謂萇長通用鞏之長羅即萇
宏之采邑也夫羅旣爲邾羅之邑矣何得又爲萇宏之邑乎
豈邾羅父子黨子朝子朝奔而邑遂廢歟抑萇宏之邑近羅
水而遂名爲長羅歟徐氏之說當必有所自出毋庸輕議也
東周君城〔施府志〕東周故城在今康店縣志謂在今孝義
村尙隔一水矣城半在邙山上半在邙山下遺址尙存有鞏

王廟鞏未嘗稱王而曰王者豈赧王獻地後東周君保遺民
民尊鞏爲王歟

漢鞏縣故城〔水經〕洛水又東北過鞏縣東〔酈注〕洛水又
東逕鞏縣故城南東周所居也〔施府志〕桑欽西漢人而曰
過縣東則作經時縣猶在洛水西故鞏城也道元後魏人而
已目爲故鞏城則後魏以前縣治已移洛水南今縣治也方
輿紀要謂隋大業初移縣治洛口蓋隋自今縣治而移非自
故城移也

漢小平城〔一名勝志〕郡國志云小平城漢縣廢址在今鞏縣
西北有河津曰小平津即城之隅也黃河西自偃師縣界流

入於此有五社渡又爲五社津後漢朱鮪遣賈強從五社津渡是矣〔施府志〕小平城在平陰東北平陰在孟津縣故方輿紀要以小平城屬孟津不知小平平陰本非一地平陰故城在今孟津鞏接孟壤故小平城遂入鞏縣其地在今鞏西北裴峪渡裴平音轉故也

漢袁公固 〔水經注〕羅水西北逕袁公塢北蓋公路始固有此也 〔施府志〕水經注曰始固者對偃師袁術固而言也固即城也

隋洛口倉城 〔方輿紀要〕隋大業三年於鞏東南原上築倉周回二十餘里穿三千窖窖容八千石亦曰興洛倉十一年

以盜賊充斥命移兵守洛口倉城 〔一統志〕洛口倉在河

南府鞏縣西 〔方輿紀要〕隋大業初移鞏縣治於洛口

李密洛口城 〔方輿紀要〕李密說翟讓曰洛口倉多積粟去都百里有餘先無預條取之如拾芥耳遂襲克興洛倉密稱魏公命護軍田茂廣築洛口城方四十里而居之

李密偃月城 〔方輿紀要〕李密臨洛築偃月城與倉城相應既而與王世充戰於洛北敗走洛南餘衆東走月城唐武德三年世民伐王世充分遣王君廓自洛口斷其餉道今縣東有洛口驛 〔施府志〕偃月城在鞏而洛陽志以爲在洛者以偃月與倉城相近也不知所謂倉城者鞏之興洛倉城非

洛之回洛倉城也且回洛倉城亦在孟津不在洛陽

北齊王藥城 〔方輿紀要〕鞏東北濱河高齊時戍守處周建德四年宇文憲等入齊境降拔三十餘城師還皆棄不守惟以王藥城爲要害遣將韓正守之正以城降齊

宋永安城 〔方輿紀要〕鞏縣西南四十里宋太祖父昭皇帝葬於此日永安陵景德中割鞏假二縣置邑以奉陵寢後爲永安軍自太祖至哲宗八陵皆葬於城西南諸原上

宋南城 〔方輿紀要〕宋有永安軍又有南城軍亦在鞏縣西南紹興二年岳飛遣諸將收復河南楊遇復南城軍張憲復永安軍是也 〔施府志〕南城在今鞏西南七十里名南郵

與偃師古滑城相近

金芝田縣 〔方輿紀要〕金改永安爲芝田縣元廢 〔施府

志〕芝田今爲鎮

宮殿 漢寧亭館附

夏頃宮 〔竹書紀年〕帝癸即位居斟鄩築頃宮 〔徐夔〕括地

志故鄩城在鞏縣西南淮南墜形訓頃宮璇室高誘曰頃宮

宮滿一頃璇室以璇玉飾宮 〔施府志〕統志禹封夏伯於

鄩城帝癸居之築頃宮據高誘注地滿一頃固不若阿房建

章之侈然禹卑宮室而後世如此已不能繼厥舊服矣自古

亡國不一端峻宇雕牆其一也可不戒哉

隋洛口龍舟殿 大業雜記車駕幸江都自漕渠口下乘小朱
航行次洛口御龍舟皇后御翔螭舟其龍舟高四十五尺闊
五十尺長二百尺四重上一重有正殿內殿東西朝堂周以
軒廊中二重有一百六十房皆飾以丹粉粧以金碧珠翠雕
刻奇麗縱以流蘇羽葆朱絲網絡下一重長秋內侍及乘舟
水手以素絲大條繩六條兩岸引進其引船人並名殿脚一
千八十人俱着雜錦綵粧襖子行纏鞋襪等分爲三番皇后
御次水殿名翔螭其殿脚有九百人又有小水殿九名浮景
舟並三重朱絲網絡已下殿脚爲兩番番一百人諸嬪妃乘
大朱航三十六名漾綵船並兩重加網絡殿脚百人又有朱
鳥船蒼龍船白虎船元武船各二十四其駕船人名船脚又
有飛羽船六十青鳧舸十凌波舸十宮人習水者乘之又有
五樓船三樓船二樓船板榻黃蔑舫並給黃衣夫又有平乘
五百艘青龍五百艘蒙艫五百艘八擢舸二百艘舴艫舸二
百艘並十二衛兵所乘載兵器帳幙兵士自乘不給夫發洛
口部 〔施府志〕鞏邑當隋唐時幸無宮殿土木之擾然洛
口龍舟其爲煩費不支龍舟必在洛口者以數千百舳艫洛
水不能容故皆置舟於洛水入河之處其上諸殿無可附附
之於洛口可也

古夏臺 綱目前編帝履癸四十有二載夏王桀囚商湯於夏

臺既而釋之

李密黃冶臺 〔李通志〕在鞏縣東南即李密與李淵相拒處其址尚存

晉慎終之室 〔晉書〕稽含自號亳邱子門曰歸厚之門室曰慎終之室

按稽紹傳含字君道家在鞏縣亳邱自號亳邱子互詳宅下 又按亳在偃師鞏縣有亳邱何也舊縣志引漢書河南志云鞏有景亳李通志鞏縣西連古亳今鞏西南六莊

直亳正南爲殷人圓丘祭天處故曰亳邱 又名六莊者爲湯禱雨以六事自責也

黃亭 〔水經注〕訾城北三里有黃亭

周洛汭館 〔春秋昭元年傳〕天王使劉定公勞趙孟於穎館於洛汭劉子曰美哉禹功明德遠矣微禹吾其魚乎

後魏蒲池 〔水經注〕羅水西北流蒲池水注之水出南蒲陂

西北流合羅水

宅里 鄉村業務附

漢三田故里 〔續齊諧記〕田真兄弟三人共議分財生貲皆

平均惟堂前一株荆樹共議欲破三片明日就截之其樹即

枯死狀如燃火真往見之大驚謂諸弟曰樹本同株聞將分

砍所以顛顛是人不如木也因悲不自勝不復解樹樹應聲

榮茂兄弟相感合財寶遂爲孝門 〔施府志〕縣西南二十

里孝義保據縣志以田氏紫荆得名考續齊諧記田真京兆

人不言鞏人且縣志以田真爲隋人而續齊諧乃梁吳均撰

又陸機詩三荆歡同林在晉時已用田氏事則鞏志以爲隋人者誤也至其故里或在京兆或在鞏不防兩存之耳

按府志引陸機詩指田真非隋人是已直曰爲漢人蓋見列於漢官帝皂蓋車之下魏明帝游洛水之前故耳考續齊諧所記本無時代次第觀楚屈原列在晉武帝以後可知通志書晉三田家陸機晉人更不宜以本朝事爲典實大約晉以前人係之於漢亦屬可信俟後博者再核實焉

晉嵇含宅 一晉書「嵇含家鞏縣亳邱」互詳室下

唐杜甫故里 一舊唐書「杜甫字子美本襄陽人後徙河南鞏縣」杜詩逸事「甫十餘歲夢人令采文石於康水覺而問人此水在二十里外乃往求之見竅冠童子告曰汝本文星典吏天使汝下謫爲唐世文章雲誥已降可於豆隴下取甫從其言果得一石有金字文云詩人本在陳芳國九夜捫之

麟篆熟聲振扶桑享天福 一施府志「鞏縣東二里瑤灣工部故里也故鞏城有康水去瑤灣二十里與逸事合

宋蔡齊宅 一李通志「齊字子思鞏縣人 施府志鞏西南永安故縣東有蔡庄鞏志以爲蔡齊故里其宅北直眞宗定陵

今爲蔡庄廟廟前石坊鐫蔡文忠公故居考東都事畧及宋史併云齊膠水人不言在鞏且洛陽志亦載之據史其先洛陽人曾祖綰爲膠水令遂家焉齊固非洛人史又稱齊少孤依外家劉氏豈外家在鞏而齊遠來相依歟然不可考矣

金盧亞宅 一通志「盧亞金正大中狀元 一施府志「鞏永安廢縣中有狀元坊爲盧亞立也亞生時永安產靈芝金遂改

永安爲芝田亞宅在今芝田鎮北街據狀元譜無亞名蓋譜惟列宋元正統亞爲金狀元故不見於譜而見於通志但通志不以亞爲鞏人而以爲偃師人何也蓋亞嘗讀書緱山緱山舊隸永安今入偃師通志乃據偃志登入非其實也至鞏志載亞爲元至正狀元且引順帝時產靈芝爲言改芝田在川送盧廉使還朝序以爲即盧亞不知盧廉使自別一人官翰林非狀元也

鄉聚

宋訾鄉

馬端臨文獻通考宋宣祖安陵舊在京城東南隅

常縣志

第五册 卷之十五 古蹟 十

河南商務印刷所印

太祖乾元年改卜陵寢得地於河南府鞏縣南訾鄉鄭封村

按訾鄉即訾城

漢東訾聚

後漢郡國志鞏有東訾聚

施府志晉地道

記曰東訾在縣之東與杜預所謂在縣西南者異路史本杜預以鞏西南訾城爲東訾反以訾爲更在鞏西界外非也詳辨見都邑下

漢坎欲聚

後漢郡國志鞏有坎培聚注杜預曰在縣東

地道記曰在南

互見邑城

宋任村

一方輿紀要元豐初都水丞范子淵議引洛屬汴遣

內侍宋用臣等相視興役自任村沙口至河陰瓦亭子達汴

口接蓮河長五十一里 王安石臨川集任村馬鋪詩注任村在鞏縣東

宋柴務 〔文獻通考物異考〕咸平二年九月河南府鞏縣柴務牡丹華

按鞏邑村落多有以務名者西有石灰務南有鐵匠務西南柴務今為柴務意皆宋時名日程明道提舉西京竹木務此其一也

書院

元嵩洛書院 〔舊志〕在神堤保元左司郎中張惟敏奉旨修建

元河洛書院 〔舊志〕在洛口元譙國公曹鐸建

溝渠 陂池並載

漢飲馬溝 一方輿紀要飲馬溝在鞏縣東七里呂布軍虎牢飲馬於此

後魏南蒲陂蒲池 〔水經注〕蒲池水出南蒲陂 〔施府志〕

今為凌溝菩提寺前水

宋神隄引洛入汴渠 〔方輿紀要〕元豐初張從惠言汴洛水歲閉塞修隄防勞費往有建議導洛入汴患黃河嚙廣武山須鑿山嶺十數丈以通汴渠功大不可為去年七月水退河稍北距廣武山麓七里退灘高闊宜鑿渠導洛為萬世利都水丞范子淵請於汜水鎮北門導洛為請汴通漕既又言河陰十里店以西至洛口地形西高東下可行水請起自鞏縣

神尾山至士家堤築丈堤四十七里以捍大河起沙口至河陰十里店穿渠五十二里以引洛屬汴於是遣內侍宋用臣等相視興役自任村沙口以至河陰瓦亭子達汴口接連河長五十里兩岸爲堤長一百三里自是汴洛通流六年范子淵請築新堤及開展直河元祐五年復導入汴紹聖初紹述議起因復閉汴口引洛水一施府志隋唐運道漕轉江淮不過由汴入河由河入洛耳未有直通於汴者也范子淵議通洛汴其洛水北岸堤當起神尾山西至汜水河陰入汴口南過廣武二城間亦曰鴻溝所謂神尾山者北邙盡處謂神都邙山之尾也時又引古索河注三陂瀦水爲塘以備洛水

不足則決以濟之又自汜水關北開河五百五十步屬於黃河上下置閘啓閉以通黃汴二河船筏又即洛河口置水澗以泄伊洛漲水入大河仍修黃河南岸堤埽以防侵奪新河之漸於是徙汴口官吏於新洛口其法密矣然廣武山北即大河故道洛水在鞏縣東北已入河時雖大河北徙攘其地以引洛水入汴而增築新堤不能久支故元祐四年梁壽上言復爲汴口導引大河又考宋史自引洛後洛水漲溢入河廣武埽危急朝議以埽去洛河不遠恐漲漫不灌京師旣而洛水大溢注於河帝曰若廣武埽壞河洛爲一則清汴不通京師漕運可憂詔吳安持等規度安持言廣武第一埽危急

决口於清汴口絕近緣河洛之南廣武山千餘步地形稍高自鞏縣東七里店至今洛口不滿十里可別開新河導洛水近南行詔再案視卒以元豐舊制但元豐每事更張舊制未必盡善也

宋沙口

按沙口今俗呼沙嘴溝與任村洛口相連載方輿紀要已見前引洛入汴渠下

明神堤渠 一方輿紀要「神堤在鞏縣北三里中低而四圍高常橫流爲患永樂十六年縣丞華胥開此渠而水患息」施府志「神堤在今縣北神尾山之下

倉場

隋興洛倉

隋書地理志「鞏縣有興洛倉」

虞世基傳「帝

幸江都次鞏縣世基以盜賊日盛請發兵屯洛口倉以備不虞帝不從但答云卿是書生定猶懼怯」李密傳「密與讓領精兵七千人以大業十三年春出陽城北踰方山自羅口襲興洛倉破之開倉恣民所取老弱襁負道路不絕越王侗武賁郎將劉長恭率步騎二萬五千討密密一戰破之長恭僅以身免讓於是推密爲主密城洛口周廻四十里以居之」玉海「大業二年置洛口倉於鞏城周二十里穿三千甬」施府志「興洛倉即洛口倉也隋置倉於鞏者以鞏東南原上地高燥可穿甬久藏且下通河洛漕運也

唐洛口倉 〔唐書地理志〕鞏縣有洛口倉 〔六典注〕隋初漕關東之粟以實京邑有洛口倉唐因之 〔唐書食貨志〕宣州刺史裴耀卿條上便宜曰今漢隋漕路瀕河倉廩遺跡可尋可於河口置武牢倉鞏縣置洛口倉使江南之舟不入黃河黃河之舟不入洛口而河陽栢崖太原永豐渭南諸倉節級轉運水通則舟行水淺則寓於倉舟無停留而物不耗失此甚利也

關塞

古轅轅關 〔春秋襄二十一年傳〕晉欒盈奔楚過周王使侯出諸轅轅 〔文選薛綜注〕轅轅坂十二曲將去復還故名

〔方輿紀要〕戰國策張儀曰秦下兵三川塞轅轅緄氏之口史記沛公伐秦南出轅轅克之武帝淮南王安謀反欲塞轅轅伊闕之道建武九年帝幸緄氏登轅轅靈帝時爲河南八關之一建安初曹操奉獻帝遷許從轅轅而東晉懷帝永嘉二年羣盜王彌自許昌入轅轅敗官軍於伊北遂逼洛陽屯於津陽門三年劉淵使王彌等復寇洛陽不克乃出轅轅掠豫兗而東四年劉聰使其子粲等犯洛陽粲出轅轅掠梁陳汝穎間五年劉曜石勒等陷洛陽勒引兵出轅轅屯許昌後魏永安三年元顥入洛旣而敗於河橋輕騎南走自轅轅南出至臨穎爲人所殺唐武德二年討王世充王君廓攻轅

轅克之王世充遣將魏隱求救爲君廓所敗遂東狗地至管城而還四年王君廓與王世充將軍雄信等相持於洛口世民援之至轅轅雄信等遁去乾符元年王巢侵逼東都詔發兵守轅轅伊闕河陰武牢孔穎達曰轅轅山緱氏縣東南三十里道路險阨自古爲控守處 〔明史地理志〕鞏縣西南有轅轅山上有關 〔施府志〕後漢地理志緱氏有轅轅關緱氏入今偃師是轅轅宜隸偃師也又晉地理志陽城有葛坂關即轅轅陽城入今登封是轅轅又隸登封也惟明史以轅轅關隸鞏今關雖廢而疆域則一因明之舊志固隸鞏而於偃師登封二縣相接

漢小平津關 〔方輿紀要〕靈帝時八關之一袁紹誅宦官中常侍張讓等將帝步出穀門至小平津晉永嘉末傳祗保盟津小城即小平津劉聰遣劉粲以步騎十萬屯小平津慕容暉遣將呂護攻洛陽退守小平津後魏常講武於小平津爾朱榮舉兵胡太后遣費穆屯小平津拒之 〔施府志〕紀要以小平津入孟津今據名勝志入鞏互詳都邑小平城後魏石關 〔伽藍記〕京東石關有魏元領軍寺 〔施府志〕鞏城西洛水北有地名石關即伽藍記所謂京東石關也黑石關 〔方輿紀要〕隋末王世充與李密相持世充夜渡洛水營於黑石明日分兵守營自將精兵陳於洛北李密渡洛

逆戰而敗復渡洛趨黑石世充還爲密所敗元致和初陝西諸王闢不花等討燕帖木兒之亂進至鞏縣黑石渡大敗河南兵遂克虎牢關上都已陷而還一明史地理志鞏縣西南有黑石渡巡檢司一施府志黑石山名在鞏縣西南洛水東與邙嶺夾岸相對如門洛水出其中爲東西京咽喉舟車轉輸冠蓋往來皆出於此明設巡檢司曰黑石關亦曰黑石渡洛陽東有成臯鞏洛之險今成臯入汜水而鞏洛之險無過黑石固留心險要者所宜加之意耳

元大栗關一方輿記要大栗樹關在鞏東南三十里元時置寨

漢劉備寨一李通志備寨在鞏縣西南原良保昔劉關張伐呂布屯兵於此

元季山寨諸屯一施府志方輿紀要天堂山寨在鞏縣東南又有鹿耳鷄翎凌霄黑山等寨俱元季鄉豪屯聚處一舊志一鹿耳寨在趙封保石降峻絕于仞壁立上有泓水止一小徑可通鷄翎寨在羅口保元人郝義於此避兵

屯堡

劉宋百谷屯塢堡一鈎鎖壘水經注一休水又北流注於洛水洛水又東逕百谷塢北戴延之西征記曰塢在川南因高爲塢高一十餘丈劉武王西入長安舟所堡也一方輿紀

要一義熙十二年劉裕伐秦軍至成臯秦姚洸鎮洛陽遣趙元守屯守栢谷塢毛德祖擊敗之元熙初司馬楚之避劉裕逃亡河南屯栢谷塢元魏武定初高李密以虎牢降魏宇文泰帥軍應之至洛陽遣字謹攻栢谷拔之隋大業十四年李密圖東都栢谷降密又宋書武帝西征營於栢谷塢西有三壘相連如鎖名鈎鎖壘云〔施府志〕水經注記百谷塢在休水東且舟師所堡必近洛水南今鞏縣以休水爲界休水出澗谷將入洛東三里有百峪上高數丈北望洛水即古屯兵之處其地西連乾溝東西寨如鈎鎖然即鈎鎖壘也名勝志及方輿紀要皆目二地爲偃師蓋因休水入偃而譚耳偃

志不知百谷即鞏之百峪而以緱氏之栢圪塢當之其地重嶺絕澗與洛水中隔景山知非舟師所堡矣

晉洛口屯 〔方輿紀要〕晉大興初滎陽太守李矩使郭誦救趙固於洛陽屯洛納誦遣其將耿稚夜濟河襲劉粲大敗之大寧三年後趙石虎敗劉曜將劉岳於洛西蓋在洛口西也後魏永熙末高歡自晉陽引軍渡河衆議欲守洛口死戰魏主不能從隋末李密據洛口越王侗使諸軍擊密夾洛水相守旣而王世充與密相持於洛水上爲密所敗義寧二年世充擊密於洛北敗之遂屯鞏北復渡洛擊密軍敗溺者無數

隋橫嶺屯 百花屯 〔方輿紀要〕橫嶺縣東三十里接汜水

縣界李密伏兵處百花谷在縣東南二十餘里裴仁基屯兵

處

互詳橫嶺道下

道路驛遞附

晉鞏訾間道 〔方輿紀要〕晉咸和三年石勒擊劉曜於洛陽

至成臯捲甲啣枚詭道兼行出於鞏訾之間 〔施府志〕所謂鞏訾之間者指故鞏城與東訾也東訾近故鞏城以鞏訾之間爲詭道知由成臯趨洛陽大道不出鞏訾間也蓋自故鞏城下洛水流兩山間不容大道由假師北坂抵故鞏城下踰洛由石子河踰嶺抵今鞏城乃趨成臯石勒所謂詭道乃循洛水岸直抵洛陽不踰嶺上下故曰詭道兼行

隋羅口道 〔方輿紀要〕隋大業十三年李密自羅口襲興洛

倉破之又密將張善相爲伊州刺史據襄城自襄城北出羅口即長羅川口矣 〔施府志〕今鞏縣有羅口保乃羅水出山之口非羅水入洛之口也方輿紀要以爲入洛之處誤矣其自襄城北出羅口必逕登封由登封西北出轅轅乃東北趨鞏其道迂遠故徑自登封東踰大山北至羅口道甚險今石坂道乃由登趨鞏之要道也

隋橫嶺道 〔方輿紀要〕李密據興洛倉隋遣東都兵討之又

使虎牢鎮將裴仁基自汜水西入以掩其後密分兵伏橫嶺以待仁基仁基失期不進屯於百花谷

按由汜水趨鞏徑墾子峪洛口此大道也李密倉城在洛口仁基自汜水西入循橫嶺至百花谷論道兼行予密以不及覺所謂掩其後也密預知之故分兵伏橫嶺以待今橫嶺南有古道自汜至鞏東西四十五里較大道稍迂遠康熙初黃河傍山流大道不可行車馬往來皆由橫嶺開辟關展不似從前險隘矣其堡猶有存者

明洛口驛 一方輿紀要「鞏縣東有洛口驛」

津渡

漢五社津 一水經「河水又東過鞏縣北」酈注「河水於此有五社渡為五社津」一方輿紀要「建武初遣將軍耿弇等軍」

五社津備滎陽以東而使吳漢等圍洛陽是也

漢小平津 「郡國志」鞏縣西北有河津曰小平津

隋黑石渡 「一方輿紀要」鞏縣西南二十五里洛水津濟處

隋末王世充與李密相持世充夜渡洛水營於黑石元致和

初陝西諸王閻不花等進至鞏縣黑石渡

宋營店渡 「方輿紀要」宋景德四年造營店渡橋

明神堤渡 「李通志」神堤渡在鞏縣北

明洛口渡 「李通志」洛口渡在鞏縣東 「施府志」營店黑

石神堤洛口皆洛水濟渡處

明裴峪渡 「李通志」裴峪渡在鞏縣西 「施府志」裴峪渡疑

即黃河小平津渡也 詳前都邑門

橋梁

隋鞏北浮橋 「綱目正編」隋恭帝義寧二年王世充既得東

都兵進擊李密於洛北敗之遂屯鞏北命諸將各造浮橋渡

洛橋成者先進前後不一密帥敢死士乘之溺死數萬人世充僅免

唐孝義橋 〔會要〕天寶七載四月河南尹韋濟奏於偃師縣東山下開驛路通孝義橋 〔六典〕水部凡天下造舟之梁四河三洛一河則蒲津大陽盟津洛則孝義舉京都之衝也 〔施府志〕偃師驛路所通者今爲鞏縣黑石渡渡東北五里有孝義保以田氏紫荆名橋亦因此名歟

宋奉先橋 〔玉海〕景德四年二月西京新造訾店渡橋癸酉賜名奉先 〔施府志〕今鞏縣訾店渡北岸山上有會聖宮爲宋時謁陵飲福之所陵在洛南高原上由會聖宮過洛上

陵必由此橋故名奉先

明柳橋 〔李通志〕柳橋在鞏縣東

壇廟

黃帝河洛壇 〔水經注〕黃帝東巡河過洛修壇沉璧受龍圖於河龜書於洛赤文篆字堯帝又循壇河洛擇良議沉榮光出河休氣四塞白雲起迴風逝赤文綠色廣袤九尺負理罕上有列星之分七政之度帝王錄記興亡之數以授之又東沉書於日稷赤光起元龜負書背甲赤文成字遂禪於舜舜又習堯祀沉書於日稷赤光起元龜負位當作至於稷下榮光休至黃龍卷甲舒圖壇畔赤文綠錯以授舜舜以禪禹殷

湯東觀於洛習禮堯壇降璧三沉榮光不起黃魚雙躍出濟於壇黑鳥以浴隨魚亦上化爲黑玉赤勒之書黑龜赤文之題也故春秋說題詞曰河以通乾出天苞洛以流古文坤字吐地符王者沈禮焉〔施府志〕水經注紀河洛壇於洛汭以爲歷代圖書並出其地在鞏縣洛水入處則孟津所謂負圖河永寧所謂元滬洛書不得專有之矣但道元雜引緯書侈言符瑞儒者所不道然謂圖書並出於黃帝堯舜之世則其說必有傳也

周襄王廟〔李璧王荆公詩注〕晏丞相嘗有過鞏縣西門周襄王廟詩人來人去市朝變山後山前烟霧凝云云

晋九山廟〔水經注〕九山有九山廟廟前有碑云九顯靈府君太華之元子陽九列名號曰九山府君也晋元康二年九月太歲庚午帝遣殿中中郎將關內侯樊廣緱氏令王與主簿傅演奉宣詔令興立廟殿〔施府志〕九山在水經注又爲百稱山今呼白雲山山際有舊山廟坡九舊音轉也箋云晋元康二年太歲在壬子而用歷經推之是年九月乙亥朔無庚午日也或傳寫有訛耳

百蟲將軍廟〔水經注〕九山又有百蟲將軍顯靈碑碑云將軍姓伊氏諱益字隤敬帝高陽之第二子伯益是也晋元康五年七月七日順人吳義等建立堂廟永平元年二月二十

日刻石立頌示後賢矣〔施府志〕秦本紀云顓頊之裔孫大業生大費佐舜調馴鳥獸是爲栢翳索隱云伯翳即尙書之伯益列女傳臯子五歲而贊禹曹大家注云臯子者臯陶之子伯益也此碑謂益字隤歆帝高陽之第二子與史記異左傳所記隤歆庭堅並高陽氏之子杜元凱左傳注又云臯陶字庭堅則父子同在八愷之中不應並時而舉也見水經注箋

嚴子陵廟〔李通志〕嚴子陵廟在鞏縣東〔施府志〕鞏縣無子陵遺蹟通志亦不詳廟建何時又云一在宜陽縣上莊保

汾陽王廟〔李通志〕汾陽王廟在鞏縣西元至治間建郭子儀帥師過邑芻糧俱乏徵於此邑人告曰草可得糧不可得公問所以人告曰是邑南崗歲有妖霧害稼厥明公詣崗指之曰四方之亂除皆掃除妖氛敢爲害耶乃引兵還自是妖氛不復爲害五穀成熟故人立廟祀之〔施府志〕廟在鞏縣西南五十里漫留崗上廟碑所稱與通志同但通志以爲元至治間建廟廟碑乃金元光二年天黨越琢撰則通志誣矣又廟旁有洞曰風洞人以爲能出怪風壞田禾與碑稱出毒霧亦有異史傳不載無從考證而汾陽之德於鞏也則至今不忘云

元宓妃廟 李通志在府城東關元至正六年建偃師鞏縣亦有之



鞏縣志卷之十六

鞏縣知縣李述武纂修

古蹟志下

陵墓

宋宣祖安陵 〔東都事畧〕建隆元年三月有司上皇考武清府君諡曰昭武皇帝廟號宣祖陵曰安陵 〔宋史禮志〕安陵在京城東南隅乾德初改卜河南府鞏縣西南四十里營鄉鄧封村以司徒范質爲改卜安陵使學士竇儼禮儀使中丞劉溫叟儀仗使樞密直學士薛居正鹵簿使太宗時尹開封爲橋道頓遞使質尋免相以太宗兼轄五使事修奉陵寢

皇堂下深五十尺高三十九丈陵臺三層正方下層每面長九十尺南神門至乳臺至鵲臺皆九十五步乳臺高二十五鵲臺增四尺神墻高九尺五寸環四百六十步各置門神角闕 〔東都事畧〕宣祖昭憲皇后杜氏建隆二年崩諡曰明憲葬安陵 〔文獻通考〕安陵陪葬子孫一百二十一墳 〔施府志〕太祖父宣祖周廣順末鐵騎第一軍復轉右廂指揮今鞏人猶呼永安陵爲指揮陵在鞏縣西南牛山北麓與太祖陵相去里餘

宋太祖永陵 〔東都事畧〕開寶九年十月癸丑帝崩於萬歲殿明年四月乙卯葬永昌陵 〔宋史禮志〕陵在鞏縣附官

祖孝章皇后宋氏至道元年四月崩六月上謚曰孝章皇后以歲忌權攢於趙村沙台三年正月祔葬永昌陵之北皇堂靈臺前如孝明園陵制度〔文獻通考〕永昌陵陪葬子孫一十五墳〔施府志〕宋時皇后如宣祖昭憲杜氏合祔安陵爲行前代之禮而太祖之孝明孝惠二后一葬宣祖安陵西北一葬安陵之北孝章宋后亦不同兆域太宗皇后尙有葬安陵西北者章憲明肅劉后亦葬眞宗永定陵西北隅當時禮官不主祔葬茲惟采孝章宋后祔葬者附著永昌陵下其孝惠賀后孝明王后別陪葬者例爲另列宋代帝陵之後以古蹟中有一陵則有一地也餘併同

宋太宗永熙陵〔東都事畧〕至道三年三月癸巳帝崩於萬歲殿十月巳酉葬永熙陵明德皇后李氏祔葬永熙陵元德皇后李氏以眞宗生母祔葬永熙陵

〔宋史禮志〕永熙陵皇堂深百尺方廣八十尺靈臺方二百五十尺置衛士五百人於陵〔文獻通考〕元德皇后以至道三年十月追尊先殯於普安禪院咸平元年議改卜園陵二年命使按行園陵地議立陵名禮官言周顯德末都省集議故事帝后同陵謂之合葬同塋謂之祔葬漢呂氏陵在長陵西百餘步以同塋兆而無名號又唐穆宗二后王氏生敬宗蕭氏生文宗並祔先陵之側今園陵鵲臺在永熙陵封地

之內恐不須別建陵號從之又永熙陵陪葬子孫八墳一施
府志一昌陵在安陵西里餘熙陵在昌陵西里餘三陵俱在
牛山北麓永安縣羅水之南

宋眞宗永定陵 〔東都事畧〕乾興元年二月戊午帝崩於延
慶殿冬十月己酉葬永定陵 宋史禮志山陵按行使監繼
宗言據司天監定永安縣東北六里曰臥龍岡堪庇山陵詔
雷允恭覆按以闈皇堂之制深八十一尺方百四十尺制陵
名曰永定章獻明肅皇后劉氏明道二年三月崩於寶慈殿
司天監詳定山陵制度皇堂深五十七尺神牆高七尺五寸
四面各長六十五步乳臺高一丈九尺至南神門四十五步

鵠臺高二丈三尺至乳臺四十五步十月五日葬永定陵之
西北隅章惠皇后楊氏明道三年十二月崩四年二月葬永
定陵之西北隅 〔宋后妃傳〕李宸妃生仁宗章獻以爲己
子仁宗不自知爲妃所出也明道元年薨章獻太后欲以宮
人禮治喪丞相呂夷簡奏太后倘念劉氏則喪禮宜從厚太
后悟夷簡請用一品禮殯洪福院夷簡又謂都知羅崇勳曰
宸妃當以后服殮用水銀實棺異時勿謂夷簡未嘗道及崇
勳如其言後章獻太后崩燕王爲仁宗言陛下乃李宸妃所
生死於非命仁宗號慟尊妃爲皇太后諡曰莊懿幸洪福寺
祭告易梓宮親往視之妃玉色如生冠服如皇太后以水銀

養之故不壞仁宗嘆曰人言其可信哉遇劉氏益厚陪葬永定陵慶曆中改謚章懿 〔丁謂傳〕謂爲山陵使雷允恭爲都監與判司天邢中和擅易皇堂地衆議喧騰謂庇允恭依違不決詔王曾馮拯曹利用等覆視成云應用舊地遂誅允恭貶謂崖州司戶籍其家 〔文獻通考〕始丁謂請陵名曰鎮陵及謂貶馮拯謂三陵皆有永字故易曰永定陵然永安乃縣名也宣祖陵止曰安陵又不知翼祖已名定陵於是復追翼祖爲靖陵議者譏拯不學當時無正之者 施府志營定陵時徐仁旺奏用牛頭山前丁謂定用山後爭之不可旺表曰山後之害坤水長流災在丙午年內丁風直射禍當丁

末年終其言卒驗今眞宗陵在西青龍山西北與牛山陵中隔羅水而徐丁所爭牛頭山前後者乃青龍西北別起一小山狀類牛頭而得名非太祖陵南之牛山也當時亦曰臥龍岡據史丁謂置皇堂土石相半繼之以水王曾奏丁謂包藏禍心置皇堂於絕地太后怒丁謂貶死當時已不用丁謂所定皇堂矣然今眞宗陵南高北下退就卑濕猶是丁謂山後之議也意丁謂所用更在北以王曾奏乃稍移就南耳至通考譏馮拯易名定陵與翼祖陵本名同良非但謂永安爲縣名宣祖陵止名安陵無永安之稱殊不然永安名縣乃因陵而名宋代諸陵皆有永字其稱之也或曰永某陵或但曰某

陵非宣祖陵無永安之稱也又真宗三后潘后葬永昌陵側郭后葬永熙陵西北故惟劉后祔葬定陵又楊后仁宗尊爲皇太后亦祔葬定陵李宸妃常從守定陵乃殯洪福院太后崩仁宗知爲宸妃所生尊爲皇太后陪葬定陵西俗呼呂道姑陵者恐是呂李聲譌卽李宸妃陪葬處也

宋仁宗永昭陵 〔東都事略〕嘉祐八年辛未帝崩於福寧殿冬十月甲午葬永昭陵 〔韓忠獻遺事〕仁宗永昭陵葬且有日忽傳皇堂棟損時諸使皆欲不聞而掩之韓公琦正色曰不可果損當易之若違葬期侈所費此責猶可當若苟且掩之後有壞而致人主疑心臣下何以當責 〔宋史禮志〕

慈聖光獻皇后曹氏元豐二年十月崩於慶壽宮命韓縝爲山陵按行使縝言永昭陵北稍西地貳百六十步內方六十五步可爲山陵上以迫隘詔增十步三月十日葬永昭陵 〔施府志〕范純禮知永安縣永昭陵在其境內初建時配木石磚甃及工徒於一路獨永安不受令請於山陵使韓琦曰歲時繕治無虛日願勿與諸縣均賦琦是其言而名勝志則以爲修曹后陵范公與曾魯公力爭與史不同蓋據過庭錄所傳也且又以永安爲今永寧宋陵多在焉大謬

宋英宗永厚陵 〔東都事略〕治平四年春正月帝崩於福寧殿八月癸酉葬永厚陵 〔文獻通考〕英宗崩遺詔山陵務

從省約所歷郡縣無科率煩民八月葬厚陵禮如舊制
演繁露一淵公日記記英廟山陵舊制曰山陵皇堂壘石爲
壁積材木於上以卷石覆之神宗以材木有時而朽則卷石
必墜於梓宮不便更令就地爲石槨以藏梓宮總管張若水
恐穿地或墮陷四壁乃請於平地壘石爲槨及後山陵復土
梓宮入降隧道升石槨西首御夷牀不及地一尺而止俟已
時一刻乃下仍於其上布方木及蓋條石乃設御座於蓋下
闔石門出築合隧道按此則是神宗慮木久遠必朽朽必壓
故專令卷石爲槨起自地上石既四周捲起交相鈎闔永不
壓壞最爲堅耐神宗雖有此旨若水董役不敢廢弛舊制故

卷石之上仍鋪蓋木設使蓋木朽壞而其下自有卷石承之
殆無害也〔宋史禮志〕英宗宣仁聖烈皇后高氏哲宗元
祐八年九月三日崩於崇慶宮詔園陵依慈聖光獻太皇太
后之制紹聖元年四月一日葬永厚陵〔施府志〕仁宗英
宗二陵俱在青龍山北孝義保英宗陵東去仁宗陵一里許
宋神宗永裕陵〔東都事畧〕元豐八年三月戊戌帝崩於福
寧殿冬十月乙酉葬永裕陵〔宋史禮志〕紹聖四年太史
請遷去永裕陵山民冢一千三百餘以便國音帝曰遷墓
得無擾乎若無所害則令無遷果不便國音當給官錢以資
葬費神宗欽聖憲肅皇后向氏建中靖國元年正月十三日

崩太常寺言大行皇太后山陵一行法物宜依元豐二年慈聖光獻皇后故事皇堂之制下深六十九尺面方二丈五尺石地穴深一丈明高二丈二尺鵲臺二各高四十一尺乳臺二各高二丈七尺神牆高一丈三尺五月六日葬永裕陵一后妃傳欽成朱皇后生哲宗崇寧元年二月薨追冊爲皇后陪葬永裕陵欽慈陳皇后生徽宗帝崩守陵殿未幾薨建中靖國元年追冊爲皇太后陪葬永裕陵

宋哲宗永泰陵 一東都事畧元符三年正月己卯帝崩於福寧殿七月壬寅葬永泰陵昭懷皇后劉氏政和元年崩陪葬永泰陵 一宋史禮志哲宗崩徽宗即位詔山陵制度並如

元豐 一施府志神宗哲宗二陵俱在九山東北麓二陵相去一里許 又按中興記建炎元年五月一日大赦天下詔永安軍祖宗寢西京應天禪院會聖宮影殿西墳可差西京留守及臺官一員日下前去躬親省視如合修奉去處一面措置仍密具奏聞南墳委汝州守臣依此一演繁露宗子自祔葬山陵之外又有南墳西墳

宋欽宗陵 一朝野雜記欽宗之喪舉哀於天章閣南以學士院爲几筵殿上陵名曰永獻暨乾道中朝廷遣使求陵寢地金人許以遷奉且併歸靖康梓宮朝廷難之金人乃以禮陪葬於鞏縣云 一文獻通考金人徙葬欽宗於鞏原而荆襄

謀報乃謂金以十萬騎奉還陵寢以來中外洶洶邊塞咸請
增戍後卒無事〔綱目續編〕乾道七年金葬欽宗於鞏洛
之原〔節錄施府志〕按鞏縣志辨鞏縣有欽宗陵無徽宗
陵固非無據但欽宗爲金人所葬鞏欽宗陵今亦無可考傳
聞是否猶不可知輟耕錄載楊髡發紹興諸陵之時言徽欽
葬五國城數遣使祈請於今凡六七年而後許至是被發掘
徽欽二陵皆空無一物徽陵有朽木一段欽陵有木燈檠一
枚而已蓋當時亦料其眞僞不可知不欲逆詐亦以慰一時
之人心耳而二帝遺骸浮沉沙漠初未嘗返也又孫陽曰徽
欽二帝陵在高麗地方二陵大如山高麗人皆知爲二帝陵
其寔矣

按舊志二陵照陵定陵昭陵外陵墓多有埋沒乾隆八年洛陽縣知縣龔崑林署縣中
勘得士民冒墾地二頃許奉撫中丞顧振勛清遠陵端知縣許軒昂蒞任後竭力清釐
詳奉給緡仍裁立陵界後
之官斯土者豫留意焉

宋太祖賀后陵 一東都事畧一太祖孝惠皇后賀氏周顯德五
年崩葬安陵之西北〔宋史禮志〕乾德元年十二月時議
改卜安陵於鞏並以二后孝明陪葬焉四月九日葬孝惠於
安陵之西北

宋太祖王后陵 〔宋史禮志〕改卜安陵於鞏並葬孝明王后

於安陵之北

宋太宗尹后陵 一東都事略 太宗淑德皇后尹氏早崩葬於

孝明陵之西北

宋太宗符后陵 一東都事略 太宗懿德皇后符氏葬於安陵

之西北

宋真宗潘后陵 一宋史后妃傳 真宗章懷潘皇后端拱二年

五月薨葬於永昌陵側陵名保泰

宋真宗郭后陵 一宋史后妃傳 真宗章懷郭皇后景德四年

崩葬於永熙陵之西北

宋徽宗王后陵 一東都事略 顯恭皇后王氏徽宗即位册為

皇后生欽宗崩葬永裕陵之次 一施府志 按東都事畧徽

宗王后初諡靖和改諡惠恭又改顯恭徽宗明達皇后劉氏

陪葬惠恭皇后園明節皇后劉氏與明達並園立祠如是則

徽宗三后俱祔神宗陵矣

以上陵

漢轅生墓 一隸釋 漢有兩轅良一為轅生後生隱嵩洛山中

及良貴顯修先人墓

按舊志有原良墓不詳何代人原良於鞏且取以名里矣恐原轅聲近而訛即隸釋所謂轅良者也但隱嵩洛山者乃轅生良其後人來修祖父墓者後人遂以修墓故名其

與墓

漢岑彭墓 一後漢書本傳 彭征蜀所營地名彭亡聞而惡之

欲徙會日暮獨刺客詐爲亡奴降夜刺殺彭彭首破荆門長
驅武陽持軍整齊秋毫無犯邛穀王任信聞彭威信數千里
迎降會彭已薨帝盡以任所貢獻賜彭妻子諡曰莊侯

施府志一按舊志鞏有岑彭溝彭墓在焉存之以俟博考

漢三田家 一李通志一家在鞏縣西有三家相傳葬田真田廣

田慶

晉潘武墓 一水經注一羅水又西北逕潘岳子父墓前有碑岳

父苾那太守

晉潘岳墓 一水經注一岳碑題云給事黃門侍郎潘君之碑碑

云君遇係秀之難闔門受禍故門生咸覆醢以增慟乃樹碑

鞏縣志 第五册 卷之十五 古蹟 二十三 河南商務印刷所印

以記事太常潘尼之詞也

按舊志載鞏有黃霸墓在芝田羅水畔考鞏陽夏人卒葬考城見輿地記舊志或因潘墓而誤耳

北齊小平津古冢 一三齊典略一齊王澄以舟師還次小平津

津岸古冢崩有銘令更葬之 銘見金石錄

唐杜甫墓 一溫公詩話一杜甫終於來陽墓葬之至元和其孫

始改葬於鞏 一施府志一偃志據元微之撰墓銘以工部墓

爲在首陽山前當陽侯之墓次而鞏縣康家店邨山上有工
部墓志以爲始葬偃而復遷鞏今考微之作墓志時乃途次
荆楚據譜謂當葬當陽侯墓次其實歸葬於鞏不葬於偃也

又鞏旁有一冢
宗文第一宗武墓

宋遂國公墓 〔李通志〕墓在鞏縣西南 舊志在鞏縣西南 太宗孫諡昭裕

一金石考 〔皇從姪衛州防禦使遂國公墓銘嘉祐五年歐陽

修撰

宋高密侯墓 〔李通志〕墓在鞏縣西南 舊志在鞏縣西南 太宗曾孫

金石考 一高密侯葬河南永安縣修為撰銘 〔施府志〕按

金石考據歐陽集載皇從姪筠州團練使安陸侯康州刺史

高密侯右監門衛將軍廣平侯皇從孫監門衛將軍右屯衛

大將軍武當侯右監門衛將軍夫人周氏右監門衛將軍夫

人金堂縣君錢氏武昌縣君郭氏東陽縣君鄭氏俱葬河南

永安縣修各為撰銘今其墓俱不可確指錄之以備參稽

宋吳王顥墓 〔東都事畧〕英宗次子吳王顥薨年四十七哲

宗哭之慟成服苑中贈尚書令兼中書令諡曰榮顥薨之五

日以月朔應視朝於文德殿哲宗以顥未成服改視垂拱云

顥通經史工飛白書善鼓琴神宗臨御久友愛彌篤哲宗尊

禮尤隆既薨葬於永厚陵之北徽宗卽位追封吳王

宋華陰侯仲連墓 〔司馬光撰墓誌〕葬永安縣

宋右屯衛大將軍令邦墓 〔司馬光撰墓誌〕葬永安縣

宋皇從姪右屯衛大將軍士血墓 〔司馬光撰墓誌〕葬永安

縣

宋趙普墓 〔東都事畧〕太宗謂近臣趙普國初元勛先帝與

朕最爲憐故能斷大事盡忠國家真社稷之臣聞其殂謝嗟
惜之懷不能自己因出涕左右皆感慟贈尚書令封真定郡
王諡曰忠獻太宗撰神道碑親書八分書以賜之遣右諫議
大夫范杲鴻臚寺卿護喪事葬日設鹵簿鼓吹如式

李通志墓在鞏縣西一舊志一在西孝義保

宋高懷德墓一東都事略懷德尚宣祖女燕國長公主加駙

馬都尉卒年五十七贈中書令渤海郡王諡曰武穆一李

通志一墓在鞏西南懷德歸德軍節度使一舊志墓在蔡

家庄

宋寇準墓一東都事略準貶雷州司戶叅軍太宗嘗得通天

犀命丁爲二帶一以賜準及是準遣人取自洛中至數日具
朝服被帶北面再拜呼左右趣設臥具就榻而卒年六十三
詔許歸葬西京一李通志墓在鞏縣西準沒於雷州詔許
歸葬西京卽此題其額曰旌忠一施府志萊公墓在鞏西
南寇家灣蓋陪眞宗陵也

宋包拯墓一東都事略拯拜禮部侍郎樞密副使終於位年
六十四贈禮部尚書諡曰孝肅一施府志鞏西南后泉溝
有孝肅墓亦陪葬眞宗陵也

按舊志載有狄青曹彬二墓俱無可考

元張恩墓一李通志墓在鞏西南坊郭保恩安撫使一金

石考一鞏縣有元清河郡侯張公神道碑至元六年歐陽元撰

元曹鐸墓 〔墓碑〕鐸山東道宣慰司副使轉雁門關三邊總督至元十四年詔贈譙國公

按墓碑載鐸有勳賊功其卒也勅葬於永安東墓旁石器今多有存者舊志墓在魯村

元薄元亨墓 〔墓碑〕亨以布衣授鹽鐵官至順十二年授隆

慶知州 舊志墓在趙封保

按舊志載有元安撫使邱君墓在羅口保知州薄墓在趙封保無墓碑可考附錄於此

近代家墓附

明

薄仲深墓在趙封保 仲深知州

魏敏墓在坊郭保 敏通政使祀鄉賢

竇祥墓在坊郭保 祥御史祀鄉賢

劉思顏墓在黃冶 思顏嘉祥知縣

劉登墓在黃冶村 登參議祀鄉賢

趙成墓在白雲山蛾眉嶺 成明威將軍

馬隆墓在神堤保 隆提學副使

趙迎墓在稍柴務北 迎兵備僉事

張可久墓在坊郭保 可久永年知縣祀鄉賢

趙景星墓在蔡家庄 景星獻縣知縣祀鄉賢

張宏基墓在神堤保宏基河陰教諭祀鄉賢名宦

姚若時墓在魯庄若時鳳陽通判

霍景霽墓在芝田景霽鴻臚寺丞

曹武墓在朱家河東原武大倉副使

國朝

范芝墓在涉村芝在漢道

范盡墓在涉村盡在化知縣

張乾二墓在橫嶺乾二通判知縣

曹大先墓在白廟東原大先新鄭訓導贈文林郎

孫祚隆墓在羅莊南祚隆贈修職郎

謝統運墓在邙原楊家嶺統運贈文林郎

康樞墓在石窟寺西南樞贈修職郎

謝杰墓在邙原楊家嶺杰深澤知縣

張昱斗墓在青龍山北昱斗贈修職郎

康中掄墓在石窟寺南中掄鄆陵教諭

孫汝工墓在羅莊南原上汝工授修職郎

張鞏墓在縣南五里堡鞏贈文林郎

曹鵬翊墓在白廟東原鵬翊和平知縣

以上墓

寺觀

漢慈雲寺 一寺碑 漢明帝時西僧摩騰竺法蘭創建 一施
府志一在青龍山內羣峰羅列石壁如削前人刻環寺五十
二峰於石佛堂後爲二老談經峰取形似也自青龍山口入
行數十里方抵寺幽僻窅窅人跡罕到

後魏元領軍寺 一伽藍記 京東石關有元領軍寺 一施府
志一今鞏縣西洛水北有地名石關卽伽藍記所謂京東石
關也

隋栢谷塢寺 一名勝志 栢谷塢在緱氏東北塢西有寺入谷
數百步有佛像精巧美麗有牛舂馬簸水碓之利 一施府
志一栢谷塢卽今鞏縣西南之百峪也其地正在古緱氏東

北名勝志所謂塢西有寺者今百峪西休水水澗中有白雲
寺者是土人在寺傍掘土有石幢一乃隋開皇年號則寺建
於隋矣考裴灌少林寺碑云隋開皇中有詔栢谷屯地一百
頃賜少林寺蓋栢谷地屬少林又於栢谷建寺寺因少林寺
僧所建也裴灌碑又云少林寺西北五十里有栢谷壑羣峯
合深谷遠迥複磴緣雲俯窺龍界高頂拂日傍臨鳥道居
晉成塢在齊爲郡王世充僭號署曰轅州乘其地險以立烽
戍太宗軍次廣武僧志操惠師抗表以明大順執充姪仁則
以歸本朝太宗嘉其義烈賴降璽書宣慰賜地四十頃水碾
一具卽栢谷莊是也名勝志所記牛舂水碓與裴灌碑同

但以栢谷塢爲在偃師則因偃師志而誤也偃師志以栢塢爲在今緱氏東去少林太近不知所謂緱氏東北者古緱氏也於今爲滑城鞏縣百谷正在滑城東北去少林五十里與裴灌碑亦合

一隋石窟寺一方輿紀要 寺在鞏縣西洛水北王世充與李密相持世充渡洛水過倉城爲營與密戰於石窟寺東一金石考一鞏縣石窟寺卽淨土寺有兩石幢一爲唐開元十九年一爲後唐長興三年

宋羅漢寺一金石考一宋羅漢寺禪院碑天聖八年張觀奉勅撰一施府志一羅漢寺在牛山之南嵩山之北前有水東北

注羅卽白馬溪之源也羅水上流又有蒲池水注之蒲池水源有菩提寺碑字剝落不詳何代所建

金普安寺一李通志 寺在鞏縣治南金貞祐三年建明洪武中置僧會司於內

元玉晨觀一淵鑑類函一太洞玉經曰玉晨宮中有玉映之宮又有元君六淵之宮黃老圖華之宮上清真湯宮太極上宮主衆仙誦詠一李通志一觀在鞏縣西南元至治元年建

明崇慶觀一李通志一觀在鞏縣南洪武十五年建置道會司於內

鞏縣志卷之十七

鞏縣知縣李述武纂修

金石志

金石文字可以補史傳所不及嗜古之士恒珍之殘編斷簡蓋亦考鏡得失之林也然其出也有時或在千百年後若神物為呵護焉鞏得邑為最遠茲所搜考者較他邑寥寥焉其為風雨所沉埋兵燹所灰燼多矣嵩之陰邙之垂豈無拭土繡於荒榛敗塹中者乎俟其人待其時而已志金石

帝堯雒璧書

佚 一尚書中侯「帝堯率羣臣東沉於雒刻璧書

曰天子臣放勳德薄行不元 一施府志「按水經注洛水入

鞏縣志

第五册 卷之十七 金石 四十

河南商務印刷所印

河處謂之洛汭黃帝東巡河過洛修壇沉璧帝堯修壇河洛擇良議沉又東沉書於日稷遂禪於舜其謂沉書於日稷者即尚書中侯所謂雒璧書也繫其事於洛汭下即今鞏縣洛汭為沉書處刻書於璧稱天子臣者天之子天之臣尊親之也放勳堯號德薄行不元元善也不元者自責之辭也對天自責將以禪舜也

晉九山廟碑

佚

一水經注「九山廟碑云九顯靈府君者太華

之元子陽九列號曰九山府君也南據崧岳北帶洛瀍晉元康二年九月太歲庚午帝遣殿中中郎將關內侯樊廣繼氏令王與傅演奉宣詔命興立廟殿焉 一施府志「九山在鞏

縣西南金石考入登封誤水經注箋太歲庚午一作太歲在
戊皇帝遣云按世譜晉元康二年太歲在壬子用歷經推之
是年九月乙亥朔無庚午日今詳所記太歲在九月下古人
無記太歲在月下例恐傳寫舛譌或是衍文又緱氏令王
與傅演宋本作緱氏令王與主簿傅演

晉百蟲將軍顯靈碑

佚

一水經注九山又有百蟲將軍顯靈

碑云將軍姓伊氏諱益字隕敬帝高陽之第二子伯益者也
晉元康五年七月七日順人吳義等建立堂廟永平元年二
月二十日刻石立頌贊示後賢矣

晉潘岳父墓碑

佚

一水經注羅水逕潘岳子父墓前有碑岳

父苾耶那太守碑石破落文字缺敗

晉潘岳墓碑

佚

一水經注岳碑題云給事黃門侍郎潘君之

碑文云君遇孫秀之難闔門受禍故門生感覆醢以增慟乃
樹碑以記事太常潘尼之辭也

北齊小平津古冢銘

佚

一齊輿略齊王澄以舟師還次小

平津津岸古冢崩有銘曰今卜高原千秋之後化為下泉富
逢霸主必為改遷令更葬之

按北齊文紀亦載此銘無名氏撰但以津岸為北岸與輿畧原文異今考小平津在鞏
齊王所次必在南岸近邱山若在北岸地既不名小平津且無高原古冢何自而崩乎

隋白雲寺石幢

開皇口年存

一施府志鞏縣西南乾溝休水澗西

有白雲寺土人新掘出隋開皇間石幢一而文稱雙寶柱似

尚有一埋土中也

唐康水文石佚

工部全集載逸事云甫十餘歲夢人令采文

石於康水依言得一石文云詩人本在陳芳國九夜捫之麟

篆熟聲振扶桑享天福

按少陵逸事載少陵先生少時遇仙人授一符命於康水採文石先生佩之而往歸見仙人仙人曰子適非肆觸吾符命子文而不貴

唐尊勝陀羅尼經石幢存

金石考開元十九年左率府長史

王元明立在石窟寺卽淨土寺石幢筆法古勁未詳何人所

書

按石幢先刻陀羅尼經末刻唐開元十九年歲次辛未十一月景午朔十五日庚申前左率府長史王元明建立此幢又記唐大中八年歲次中戊正月丙戌朔二十六日辛亥再立石幢又記漢乾祐年初歲次清灘月建辛酉五日辛巳重立此幢但唐諱丙故丙戌作景戌而大中下又直作丙戌不諱豈至宣宗時世久遠使不諱歟

唐佛頂尊勝陀羅尼經石幢存

一石刻儀鳳元年立

按石幢在西南燕村保關帝廟內

唐淨土寺故禪大德演公塔銘存

石刻唐貞元十八年歲次

壬午正月二十二日建鞏縣尉楊叶撰明經劉鈞書

唐淨土寺西院故大德禪和尚塔銘存

一石刻貞元十八年

正月二十六日建僧澄直撰

唐淨土寺太德塔銘存

一石刻元和十四年四月初八日立

釋門弟子文滄撰王淑清書

唐淨土寺毗沙門天王碑存

一石刻中和二年正月十八日

立朝議郎口口河南府鞏縣令王扎撰將仕郎口口守右令

軍衛口口參軍韋薰書

後唐佛說尊勝陀羅尼經石幢存 一石刻「長興三年壬辰歲

八月己酉朔二十三日辛未立」 一金石考「長興三年在石

窟寺立

宋太平崗石碑佚 一舊志「太平興國二年帝入永安駐驛洛

口賜西山曰太平崗新進士及第呂蒙正奉勅書石隸書也

雍正四年石猶存後河南徙沒於水

按綱目太平興國二年春二月賜禮部進士呂蒙正等及第夏四月葬永昌陵永昌太祖陵也在鞏西南帝自汴送葬則洛口為所必經之道駐驛崗下蒙正扈從賜名書石理有可信石廣四尺高八尺中鐫太平崗三字旁一行小字云太平興國二年四月己未臣呂蒙正奉勅書又按東都事畧四月乙卯葬永昌陵今立石以己未在送葬之後四日意者由掌返汴駐驛洛口偶觀山勢雄勝因而賜名乙卯以前墓期過迫固無暇立石也

宋佛頂尊勝陀羅尼神咒幢存 一石刻「景德元年六月二十

四日建知鞏縣事曹寺丞幢子記前太常博士直史館張孝

隆口口監主簿張師錫書

按曹寺丞諱格字仲則終郡太平人

宋羅漢寺禪院碑存 一金石考「天聖八年張觀奉勅撰李九

思書並篆額

宋皇從姪衛州防禦使遂國公墓銘 一金石考「嘉祐五年歐

陽修撰又歐公集載皇從姪筠州團練使安陸侯康州刺史

高密侯右監門衛將軍廣平侯皇從孫監門衛將軍右屯衛

大將軍武當侯右監門衛將軍夫人周氏右監門衛將軍夫

人金堂縣君錢氏武昌君郭氏東陽縣君鄭氏俱葬河南永安縣修各爲撰銘

宋華陰侯仲連墓銘 一金石考熙寧二年見溫公集

宋右屯衛大將軍令邦墓銘 一金石考熙寧二年見溫公集

宋皇從姪右屯衛將軍士虬墓記 一金石考熙寧三年見溫公集在永安縣

宋西京鞏縣大力山淨土寺住持寶月大師碑銘 存 一石刻

紹聖三年十二月二十二日立舟川退叟贊皇李洵遠游纂並書雲寮居士高陽許驥德制篆額永定陵都監供備庫使李宗立立石 見金石考

宋慈聖光獻皇后銅鐘讚 存 一石刻建中靖國元年九月口日奉議郎知鞏縣事賜飛魚袋臣宋直方撰並書 一讚稽首圓通圓覺主圓含一切救有情圓修自性妙湛然假以音聲而說法衆生聞音得悟解非色非空亦非塵方便無邊行法門成就如來大圓智稽首巍巍觀世音證入如是秘密門於一塵中現多身於多刹塵現一相於不可說微塵劫而救不可說衆生發起耳根直實門不與世間相流轉世間聲論已宣明聲無無滅有非生生滅二諦悉圓口六根由是皆解脫奇哉慶喜最多聞不知聞性常周普因鐘而聞佛所呵不應更立鐘之事當知金鐘不可捨能於未劫救沉淪茫茫六道

迷昏衢得見鐘聲為慧日悲酸惡趣忍穿中得憑鐘聲超彼岸鐘聲有是大福力能越苦海如智航我願一切諸衆生聞是鐘聲同證覺

按讚刻寶月大師碑陰上圖二銅鐘形刻大鐘六千觔小鐘三百觔讚作行書

宋昭孝禪院主辯證大師塔銘碑存 一石刻元祐八年立

馬都尉王誥撰并書翰林學士顧臨篆額

宋陀羅尼經石幢存 一石刻崇寧元年立

按上二石在康家店故城下為宋昭孝禪院遺址碑埋土中乾隆五十年邑紳士康新民掘出立高地

宋陀羅尼經序石幢存 一石刻政和三年立

按石在康家店壽聖寺宋神宗勅建昭孝禪院辛正和間改為壽聖寺後遭兵燹明初遷山麓

宋石窟寺佛頂尊勝陀羅尼經幢存 石刻宣和三年十月二

十三日建懷州口口口書

宋陀羅尼經兩石幢

按幢在康家店牛王廟立額篆刻西京永安縣橋西村餘字畫漫滅不可識

金鞏令牛承直題石窟寺詩存 一石刻大定十九年季冬二

十日書

按牛承直石刻金人舊志誤作元人詩行書舊志詩中怡作悠凝帳作盈室漁作魚冷作幽巖作松積翠作翠藹底藹作祇遠作朴刑作間並從石刻正之識藝文

金中京敦請昭公長老祝壽文 一石刻興復龍門山寶應

禪師第一代潛溪老人遷谷撰前中京留守推官少中李公

華國書惜 中京上清宮玉清真武公大順題額金興定三年

三月口日

金鞏縣大力山石窟十方淨土禪寺嵩洛軒記摩崖存 一石刻

韶陽紫霄道人高天瑞應之撰前汝州口中順大夫翟公進之書丹前汝陽縣令大中大夫隗公子玉校勘金興定四年重九日縣令奉政大夫溫敦頴陳建

按嵩洛軒記寫書旁淨土禪寺興定己卯分書正文行書款識俱分書

金淨土禪寺方丈遺軌摩崖存 一石刻 興定五年住持傳法長老

嗣祖沙門祖和立

金石窟摩崖碑記存 一石刻 中順大夫詩盧氏令楊公唐臣

撰大中大夫前開封縣令王公登庸書丹中大夫京行院經

鞏縣志 第五册 卷之十七 金石 四十六 河南商務印刷所印

歷楊公雲鄉題額

接記首刻興定庚辰之秋尾刻古唐楊起記俱分書

金石窟寺摩崖詩行書存 一石刻 禁幃不守人荒蕪三十無兒年

已枯賴有雲門輕着力幾乎醉倒沒人扶詩首題世尊初口

興定辛巳仲秋日口口口口方丈侍者雲惠習刊

金中京鞏縣石窟十方淨土禪寺初建釋迦牙像摩崖存 一石

刻一洛陽郭仲淵刊

金郭汾陽廟碑存 一 周叙遊嵩記 一 廟有古栢數百株蒼翠蔚

然可愛有碑二通一金元光二年天黨越琢撰云是崗嘗出

毒霧為災汾陽旋軍其上以厭之毒霧以息里人立廟祀之

元王公德政碑存 一石刻 王公諱翔字飛卿彰德人任鞏二年不容私謁不受饋獻折獄無留停縣有治僞鈔者皆化爲良民鄭州司諱吳澤民撰文大德七年洛口鎮劉德吳真王慶等立石

元重修文廟記存 一石刻 至治二年翰林直學士山東道宣慰副使薛友諒撰中大夫河南府路總管兼本路諸軍奧魯總管管內勸農事劉郁書

按記稱皇慶癸丑田宰瑞創起 大成殿三楹未落成李茂舉仲仙二公繼嗣其政竟無完功延祐七年十月新尹中山張瓚下車云云報備修廟頭未故登之

元清河郡張公神道碑存 一金石考 至元六年歐陽元撰 一施府志 一張公碑變變書據元史本傳稱其善書法得晉人筆

鞏縣志 第五册 卷之十七 金石 四十七 河南商務印刷所印

意輟耕錄載其自言一日能作三萬字未嘗以力倦而衰

附佛龕題名

東魏天平二年五月十二日僧雲祥造佛一龕

按天平東魏孝靜年號天平二年爲西魏大統元年

東魏天平二年五月二十四日比丘僧更造石像一區

西魏大統四年二月二十六日比丘僧靜造像二區

按大統爲西魏文帝年號查北史魏武帝永熙三年魏主西奔丞相歡至洛陽追主不及遂集百官耆老立清河世子善見爲帝遷都鄴改元天平世號東魏是年閏十二月大丞相泰奉大宰南陽王寶炬而立之是爲文帝改元大統四年乃東魏元象元年鞏地爲東魏已五年而此石以西魏紀年蓋爾時沙門猶奉西魏爲正朔也

北齊天保二年三月崔賓元造像一區

北齊天保九年六月十五日王明治造石像

北齊河清三年三月十七日造像

北齊天統元年三月三日比丘僧護敬觀世音像三區

唐龍朔元年四月八日河濱鄉楊表軌造佛一區

唐龍朔三年五月七日比丘僧法秤敬造釋迦牟尼佛并二普

薩加業二金剛力士并造七佛

唐乾封三年二月十五日鞏縣令路厲節妻客女刊

唐總章元年四月二日李光嗣造彌陀像一龕

唐咸亨三年七月十日魏師德粧像一龕

唐天后延載元季口月十八^①比丘僧貞刊

唐天后久視元季六月二十八^②弟子程基敬造立釋迦一區

唐咸通八年六月女弟子蘇氏重粧

附紀遊石刻

宋王子應李子才王求中弟剛中姪成伯劉中權元祐己巳二月二十九日遊此再宿泛舟自洛口還溫

宋宣和七年季冬十九日安陽宋霄昂

金鞏令楊翟林公綺子立孟津令渾源雷思西仲河南兵官會

寧完顏沙里朮大定甲申四月十五日同來

鞏 華 縣 志

第六册
卷十八
藝文志上
卷十九
藝文志下
卷二十
祥異志

地 150.29

34.54.1

3p=16

鞏縣志卷之十八

鞏縣知縣李述武纂修

藝文志上

自軒皇唐虞修壇洛汭而天地大文啓靈洩秘於圖書者已爲鞏邑開之先矣歷代藝苑詩如安仁子美文如蔡齊盧亞著述充四庫者因美不勝收但依志書常例取有關山川古蹟人物者登之以備稽考有志者將嗣響前賢鼓吹

休明亦今日之赤文綠字休氣榮光也志藝文

文

唐

鞏縣志

第六册 卷之十八 藝文上 一

河南商務印刷所印

賀黃河清表

權德輿

臣某言臣得進奏官狀伏承河陽奉泚水西界從洛口黃河清一百六十里又橫海軍奏界內河清激激分明者臣聞聖人在上天下和平風雨時若則海波不揚黃河清夫土所以載水水所以利物天意鍾土德之運開水瑞之華符我上聖祥於下士伏惟睿聖文武皇帝陛下蹈十聖之厚軌陳一王之大法垂衣裳以朝萬國舞干羽而來四彝平泰階于天蹕偃師節于靈臺故得濁波渾渾千載一清長淵浩浩百里如鏡氣新天宇光澈地脉仰分萬象之法中涵千聖之德初澈海裔表陛下橫恩波於海上再清洛口助陛下鋪文明于洛中二十八日光陛下告成之日也百六十里期

陛下得聖之數也臣謬承分閭之寄叨榮持節之權生當海宴之年幸誠河清之日未奉明詔不敢擅離軍府詣闕隨公卿蹈舞明庭下情無任西望踴躍之至

文苑英華

工部員外郎杜甫墓誌銘

并序

元稹

叙曰余讀詩至杜子美而知古人之才有所總萃焉始堯舜之君臣以賡歌相和是後詩人繼作歷夏殷周千餘年仲尼緝拾選練取其干預教化之尤者三百篇其餘無聞焉騷人作而怨憤之態繁然猶去風雅日近尙相比擬秦漢已還采詩之官既廢天下俗謠民謳歌頌諷賦曲度嬉戲之詞亦隨時間作至漢武帝賦柏梁詩而七言之體具蘇子卿李少卿之徒尤工爲五言雖句讀文律

各異雅鄭之音而詞意闊遠指事言情自非有爲而爲則文不妄作建安之後天下之士遭罹戰爭曹氏父子鞍馬間爲文往往橫槊賦詩故其遒文壯節抑揚怨哀悲離之作尤極於古晉世風槩稍存宋齊之間教失根本士以簡慢爲飾相尚文章以風容色澤放曠精清爲高蓋吟寫性靈流連光景之文也意義格力無取焉陵遲至梁陳淫艷刻飾佻巧小碎之詞又宋齊之所不取唐興學官大振歷世之文能者互書而又沈宋之流何練精切和順聲勢謂之爲律詩由是而後文變之體極焉而又好古者遺近務華者去實效齊梁則不遠於晉魏工樂府則力屈於五言律切則骨格不存閑暇則纖穠莫備至於子美所謂上薄風雅下該沈宋言奪

蘇李氣吞曹劉掩顏謝之孤高雜徐庾之流麗盡得古今之體勢而兼昔人之所獨專矣如使仲尼考鍛其旨要尙不知貴其多乎哉苟以爲能所以不能無可無不可則詩人以來未有如子美者是時山東人李白亦以奇文取稱時人謂之李杜余觀其壯浪縱恣擺去拘束摸寫物象及樂府歌詩誠亦差肩於子美至若鋪陳始終排比聲韻大或千言次猶數百詞氣豪邁而風調清深屬對律切而脫乘凡近則李尙不能歷其藩翰况堂奧乎余嘗欲條析其文體別相附與來者爲之準病懶未就爾適子美之孫嗣業啓子美之樞襄耐事於偃師途次於荆楚雅知余愛言其大父之爲文祈余爲誌辭不可絕余因系其官闕而銘其卒葬云系曰晉當

陽侯杜氏下十世而生依藝今家於鞏依藝生審言審言善詩官至膳部員外郎審言生閑閑生甫爲奉天令甫字子美天寶中獻三大禮賦明皇奇之命宰相試文文善授率府曹屬京師亂步謁行在授左拾遺以直言失官出爲華州司功尋遷京兆功曹劍南節度使嚴武拔爲工部員外叅謀軍事旋又棄其官扁舟下荆楚間竟以寓卒旅殯岳陽享年若干夫人宏農楊氏女父曰司農少卿怡四十九年終嗣子曰宗武病不克葬沒命其子嗣業以家貧無以給喪收拾乞丐焦勞晝夜去子美沒後餘四十年然後卒先人之志亦足爲難矣

銘曰

惟元和之癸巳粵某月某日之佳辰合窆我杜子美於首陽之山
前嗚呼千載而下曰此文先生之古墳長慶集

杜工部小集序

樊晃

工部員外郎杜甫字子美膳部員外郎審言之孫至德初拜左拾
遺直諫忤旨左轉薄遊隴蜀殆十年矣黃門侍郎嚴武總戎全蜀
君爲幕賓白首爲侍郎之客禮蜀契闊湮隨東歸江陵緣湘沅而
不返痛矣夫文集六十卷行於江海之南常著東遊之志竟不就
屬時力用武斯文將墜故不爲東人之所知江左詞人所傳誦者
皆公之戲題劇論耳曾不知君有大雅之作當今一人而已今採
其遺文凡二百九十篇各以事類分爲六卷且行於江左君有子

宗文宗武近知所在漂寓江陵冀求其正集續當論次云

文苑英華

宋

杜工部詩後集序

王安石

予考古之詩尤愛杜甫氏作者其詞所從出一莫知窮極而病未
能學也世所傳已多計尙有遺落思得其完而觀之然每一篇出
自於人知非人所能爲而爲之者惟其甫也輒能辯之予之令鄴
客有授予古之詩世所不傳者二百餘篇觀之予知非人所能爲
而爲之實甫者其文與意之著也然甫之詩其完見於今日自余
得之世之學者至乎甫而後爲詩不能至要之不知詩焉爾嗚呼
詩其難惟有甫哉自洗兵馬下序而次之以示知甫者且用自發

焉

王制
公集

校定杜工部集序

李綱

杜詩舊集古律異卷編次失序余嘗有意叅訂之特病多事未能也故校書郎武陽黃長睿父博雅好古工文詞猶篤好公之詩乃用東坡之說隨年編纂以古律相叅先後始末皆有次第然後子美之出處及少壯老成之作粲然可觀蓋自開元天寶太平全盛之時迄於至德大厯干戈亂離之際子美之詩凡千四百四十餘篇其忠義氣節羈旅艱難悲憤無聊一寓於此句法理致老而益精時平讀之未見其上迨親更兵火喪亂誦其詞如出乎其時犁然有當於人心然後知爲古今絕唱也公之述作行於世者旣不

華縣志

第六册 卷之十八 藝文上 五

河南商務印書館所印

多遭亂亡逸加以傳寫謬誤浸失舊文烏三轉而爲寫者不可勝數長睿父官洛下與名士大夫遊哀集諸家所藏是正譌舛又得逸詩數十卷叅於卷中及在秘閣得御府定本校讐益號精密非行世者之比長睿父歿十一年予始見其親校集二十二卷於其家朱黃塗改手蹟如新爲之愴然竊嘆其博學淵識有功於子美之多也方肅宗之怒房瑄人無敢言獨子美抗疏救之由是廢斥終身不悔與楊城之救陸贄何異然世罕稱之者殆爲詩所掩故耶因序其集而及之使觀者知公遇事不苟非特言語文章妙天下爾紹興六年丙辰正月朔

杜詩
全集

新唐書杜甫本傳

宋祁

甫字子美少貧不自振客吳楚齊趙間李邕奇其才先往見之舉進士不中第因長安天寶十三載元宗廟獻太清宮饗廟及郊甫奏賦三篇帝奇之使侍制集賢院命宰相試文章擢河西尉不拜改右衛率府胥曹叅軍數上賦頌因高自稱道且言先臣恕預以來承儒守官十一世迨審言以文章顯中宗時臣賴緒業自七歲屬辭且四十年然衣不蓋體常寄食於人竊恐轉死溝壑伏惟天子哀憐之若令執先臣故事拔泥塗之久辱則臣之述作雖不足鼓吹六經先鳴諸子至沉鬱頓挫隨時敏給楊雄枚臯可企及也有臣如此陛下其忍棄之會祿山亂天子入蜀甫避走三川肅宗立自鄜州瀛服欲奔行在爲賊所得至德二載亡走鳳翔上謁拜

左拾遺與房琯爲布衣交琯時敗陳濤斜又以客董廷蘭罷宰相甫上疏言罪細不宜免大臣帝怒詔三司推問宰相張鎬曰甫若抵罪絕言者路帝乃解甫謝且稱琯宰相子少自樹立爲醇儒有大臣體時論許琯才堪公輔陛下果委而相之觀其深念主憂義形於色然性失於簡酷嗜鼓琴廷蘭托琯門下貧疾昏老依倚爲非琯愛惜人情一至玷汚臣嘆其功名未就志氣挫衄陛下棄細錄大所以冒死稱述涉近許激違忤聖心陛下赦臣百死再賜骸骨天下之幸非臣獨蒙然帝自是不甚省錄時所在寇奪甫家寓鄜彌年艱窶孺弱至饑死因許甫自往省視從還京師出爲華州司功叅軍關輔饑輒棄官去客秦州負薪採橡栗自給流落劍

南結廬成都西郭召補京兆功曹參軍不至會嚴武節度劍南東西川往依焉武再帥劍南表爲參謀檢校工部員外郎武以世舊待甫甚善親詣其家甫見之或時不巾而性褊躁傲誕嘗登武牀瞪視曰嚴挺之乃有此兒武亦暴猛外若不爲忤中銜之一日欲殺甫及梓州刺史章彝集吏於門武將出冠鉤于簾三左右白其毋奔救得止獨殺彝武卒崔旰等亂甫往來梓夔間大歷中出瞿塘下江陵泝沅湘以登衡山因客耒陽遊嶽祠大水遽至沙旬不得食縣令具舟迎之乃得還令嘗饋牛炙白酒大醉一夕卒年五十九甫放曠不自檢好論天下大事高而不切少與李白齊名時號李杜嘗從白及高適過汴州酒酣登吹臺慷慨懷古人莫測也

數嘗寇亂挺節無所汙爲歌詩傷時澆弱情不忘君人憐其忠云贊曰唐興詩人承陳隋風流浮靡相矜至宋之間沈佺期等研揣聲音浮切不差而好律詩競相沿襲逮開元間稍裁以雅正然恃華者質反好麗者壯違人得一槩皆自名所長至甫渾涵汪洋千彙萬狀兼古今而有之他人不足甫乃厭餘殘膏賸馥沾丐後人多矣故元稹謂詩人已來未有如子美者甫又善陳時事律切精深至千言不少裴世號詩史昌黎韓愈於文章慎許可至於歌詩獨推曰李杜文章在光焰萬丈長誠可信云

論仁宗皇帝永昭陵疏

鄭獬

伏以仁宗大行皇帝永昭陵依乾興制度雖未爲過侈以今較昔

蓋有不同乾興帑庫充積財力有餘故可溢祖宗之舊制今國用空闕財賦不支將累歲邊備一日廢之不知何年復能充補萬一歲荒民饑少有風塵之警則將何策以禦豈可以乾興爲法也夫儉葬之制周公非不忠曾子非不孝以爲喪君愛父不在於聚財此前世之極論竊惟大行皇帝節儉愛民出於天性無珠玉奇異之好無犬馬游觀之樂服御至于澣濯器玩極于樸陋此天下之所共知也今山陵制度乃欲取乾興最盛之時爲準獨不傷先帝平日積儉之德乎臣以爲宜飭有司條其名數再議節儉

上英宗皇帝疏

范鎮

竊聞大行皇帝受命寶及沿寶法物與平生衣冠器用皆欲舉而

葬之恐非所以稱大行皇帝恭儉之意其受命寶伏乞陛下自寶用之且示有司傳付若衣冠器玩則請陳於陵寢及神御殿歲時展視以慰思慕詔檢討官討尋典故及命兩制官禮官詳議翰林學士王珪等奏議曰受命寶者猶昔傳國璽也宜爲天子傳器不當改作古者藏先王衣服於廟寢至于平生器玩則前世既不皆納于方中亦不盡陳于陵寢謂今宜從省約以稱先帝恭儉之實臣等謹議

名臣集

代富弼上神宗皇帝論永昭陵疏

程頤

臣弼伏觀太皇后山陵有期老臣之心有所甚切不忍不言昧死以聞惟陛下深思而力行之不勝大願往者營奉昭陵時英宗皇

帝方不豫未能聽事朝廷罔然不知其制失於迫卒不復深慮博訪凡百規畫一出匠者之拙謀中人之私意以巨木架石爲之屋計不百年必當損壞曠中又爲鐵罩重且萬劬以木爲骨大止數寸不過二三十年決須摧毀梓宮之厚度不盈尺異日以萬劬之石自高而墜其將奈何思之及此骨寒膽喪臣始則不知其詳後則無以爲計士民之間有知之者無不痛心飲恨况老臣之心乎况陛下之心乎其後厚陵始爲石藏議者竊議主事大臣已悟昭陵之事獨陛下未之知爾今也不幸太皇太后奄棄天下之養因此事會當爲之謀竊以周公制合葬之禮仲尼善魯人之祔歷代諸陵雖不盡用亦多行之太祖皇帝神謀遠慮超越萬古昭憲太

后亦合安陵夫以周公之制仲尼之訓歷代之舊藝祖之法循而行之可無疑也老臣願陛下思安親之道爲後日之慮決於聖心勿循浮議奉太皇太后合祔昭陵因得徹去鐵罩用厚陵石藏之制仍更別加裁處使異日木壞石墜不能爲害救仁皇必至之禍成陛下莫大之孝復何難哉在陛下斷之而已既合典禮又順人情雖無知之人必不敢以爲非是但恐有以陰陽拘忌之說上惑聰明者在陛下睿斷不難辨也不遵聖訓不度事宜而規規於拘忌者爲賢乎爲愚乎且陰陽之說設爲可信吉凶之應貴賤當同今天下臣庶之家夫婦莫不同穴未聞以爲忌也獨國家忌之有何義理唐中宗庸昏之主尙能守禮法盡孝心責嚴善思愚惑之

論卒祔乾陵其後高宗子孫歷世延永是同葬非不利也老臣位至三公年將八十復何求哉所保者名節而已肯以不是事勸陛下取譏於後世乎誠恐陛下謂臣心雖忠切而識慮愚暗不能曉達事理臣誠至愚然臣所言者欲陛下守經典之訓遵藝祖之規使仁宗皇帝得安全之道於太皇太后想崇奉之意豈獨老臣之心哉天下之心莫不然也陛下不信試以臣之所陳訪於群臣必無以爲非者若以臣言爲非則是使仁宗遺骨聖體碎於巨石之下而不恤乃爲是也凡有血氣之類孰肯爲此意乎臣事仁宗皇帝三十餘年位至宰相讐替之蔽不能早知而救之於始已爲大罪今遇可爲之時若更惜情願已不能極言天地神靈必加誅殛

死何面目見仁宗於地下且陛下不知則已今既聞之在常人之情無可忍而不爲之理況陛下至仁大孝乎惟陛下深思而力行之則天下不勝大願

伊川集

華陰侯仲連墓誌銘

熙寧二年

司馬光

華陰侯仲連字齊賢魏恭憲王元佐之曾孫郇國公允成之孫遂照裕公宗顏之長子母曰太原郡君郭氏初除右內率府副率歷率府率右千牛衛將軍右監門衛大將軍英宗即位遷右武衛大將軍撫州刺史今上即位遷右羽林大將軍辰州團練使侯幼不好弄長而樂善學尤精于漢書照裕公素好學喜爲詩藏書萬卷侯能嗣承其志曰其詩曰貽慶集熙寧二年五月戊子以疾終享

年三十有六上爲之輟視朝一日追贈華州觀察使封華陰侯夫
人長安縣君劉氏男二人長曰士轡早卒幼曰士頰右內率府率
女六人四早卒二未嫁以其年十一月癸酉葬永安縣銘曰照裕
愛子以詩書教名而藏之志在則效能守富貴爲諸侯孝

右屯衛大將軍令邦墓誌銘

熙寧二年

司馬光

右千牛衛大將軍令邦字安國冀康孝王惟吉之曾孫丹陽僖穆
王守節之孫右龍武軍大將軍隴州防禦使世符之子也母曰南
陽縣君張氏將軍生五年除太子內率府副率英宗即位遷右監
門率府率今上踐祚遷右千牛衛將軍熙寧二年五月甲午遇疾
卒年十九贈右屯衛大將軍治平初英宗詔宗子無幼長皆就學

次其年爲大中小三宮各置師以教之將軍時年十二從父南康
修孝王愛其才性命爲小學錄以表率群兒及年十五以新制試
孝經論語於大宗正司二宗正以其誦習最精屢稱嘆之將軍起
謝不敏拜於牀下衆益美其警悟而不伐遂升中學授左氏春秋
將軍事親至孝親有疾至焚香於臂以禱請然親有過未嘗不諫
爭其所爲得禮義類皆如此不幸早世識之者無親疏共惜之二
子男未名而卒女尚幼是歲十一月癸酉葬於永安縣銘曰學則
敏行則孝志業修宜遠到命不融衆所悼

皇從姪右屯衛大將軍士虬墓記

熙寧二年

司馬光

右千牛衛將軍士虬右武衛大將軍果州團練使齊安郡公仲邵

之子贈安化軍節度觀察晉後高密郡公宗望之孫贈安遠軍節度使同中書門下平章事密國公允言之曾孫也母曰安康縣君李氏將軍生五歲以例賜名除右內率府副率明年遷右監門率府率今上踐祚遷右千牛衛將軍幼而秀慧不嬉戲異於常兒七歲始就學授孝經孜孜不舍晝夜教授劉仲章老儒生常於廣坐問之曰將軍誦孝經果有何得對曰事親孝故忠可移於君居家理故治可移於官此其所得也仲章驚嘆曰異日長成必爲德器數年愈自修立有成人之風親親尊尊動皆應法問安視膳朝夕無倦不幸遇疾以熙寧二年五月丙戌卒年十二宗室共嗟惜之朝廷贈右屯衛大將軍其年十一月癸酉葬永安縣謹記

以上三篇公集

元

東西周辯

吳 澐

東西周有二一以前後建都之殊而名一以二公封邑之殊而名昔武王西都鎬京而東定鼎於郊鄩周公相成王宅洛邑營澗水東澗水西以朝諸侯謂之王城又謂之東都實郊鄩於今爲河南又營澗水東以處殷頑民謂之成周又謂之下都於今爲洛陽自武至幽皆都鎬京幽王娶於申生太子宜臼又嬖褒姒以生伯服欲立之黜宜臼申侯以郢及西狄入寇殺王諸侯逐西狄與申侯共立宜臼是爲平王畏狄之逼去鎬而遷於東都平以下都王城曰東周幽以上都鎬京曰西周此以前後建都之殊而名也自平

王東遷傳世十二而景王之庶長子朝與王猛爭國猛東居於皇
晉師納之入於王城入之次月猛終立句踰半期而子朝又入王
辟之東居於翟泉子朝據王城曰西王敬王在翟泉曰東王越四
年子朝奔楚敬王雖得返國然以子朝餘黨多在王城乃徙都成
周而王城之都廢至考王封其弟揭於王城以續周公之官職是
爲周桓公自此以後東有王西有公而東西周之名未立也桓公
生威公威公生惠公惠公之少子班又別封於鞏以奉王是爲東
周惠公父子同諡以鞏與成周皆在王城之東故班之兄則仍襲
父爵居於王城是爲西周武公以王城在成周之西故自此以後
西有公東亦有公二公各有所食而周尙爲一也顯王二年趙魏

分周地爲二二周公治之王寄焉而已矣周之分東西自此始九
年東周惠公卒子傑嗣慎觀以上皆在東周赧王立始還於西周
即王城舊都也史記云赧王時東西周分治今按顯王二年已分
爲二不待此時矣其後西周武公卒子文君嗣五十九年秦滅西
周西周公入秦獻其邑而歸是年赧王崩次年周民東亡秦遷西
周公於惠狐聚又六年秦滅周遷東周公於陽人聚此以二公封
邑之殊而名也前後建都之殊者以鎬京爲西對洛邑爲東周而
言也二公封邑之殊者又於洛邑二城之中以王城爲西周對成
周而言也大概周三十六王前有十二王都鎬京中有十三王都
王城王城對鎬京則鎬京在西而王城在東其東西之相望也遠

季十王都成周赧一王都王城王城對成周則成周在東而王城在西其東西之相距也近一王城也昔以東周稱後以西周稱夫周東西之分因武惠二公各居一而名王則或東或西東西之名繫乎公不繫乎王也邵子經世書紀赧王爲西周君與東周惠公並而西周公無聞焉則直以西爲王東爲公矣抑知東之有公而不知西之亦有公也知王之在西而不知赧以前之王固在東也國策編題首東周次西周豈無意哉二周分治以來顯王慎靚王二代五十餘年王於東赧一代五十餘年王於西先東後西順其序也近有縉雲鮑彪注謂西周正統不當後於東周升之爲首卷於西著王世次於東著公世次蓋因邵子而悞者旣不知有西周

公且承宋忠之謬以西周武公爲赧王別證反以徐廣爲疏是未嘗考於司馬貞素隱之說鮑又云赧徙都西周西周鎬京也嗚呼鎬京去王城成周八百餘里自平王東遷之後不能有而以命秦仲曰能逐西戎即有其地鎬之爲秦已四百年於茲其地在長安上林昆明之北虎狼所穴而王得往都於彼哉高誘注曰西周王城今河南東周成周故洛陽辭旨明甚鮑注出高誘後何乃以西周爲鎬京也乎鮑又云邠鄆屬河南爲東周殊不知此昔時所謂東周也於斯時則名西周矣斯時之西周與鎬京邠鄆對稱東西者不同顧乃一之何歟蓋有不知而作之者我無是也鮑氏之於國策其用心甚勤而開卷之端不免謬悞如此讀者亦或未之察

也與夾谷王常程鉅夫偶論及此一一公命筆之遂爲之作東西周

辯草廬集

清河郡侯張公神道碑

歐陽元

清河郡公姓張氏其先解梁人也今家河南鞏縣子爲中書參議贈集賢直學士大中大夫上輕車都尉追封清河郡侯子累遷江浙等處行中書省參知政事護軍追封清河郡公及其孫爲吏部侍郎近臣請於上有勅翰林院侍講學士歐陽元撰公神道之碑以賜惟公贈典致以子賜碑致以孫若享自然之福而膺身後之名者徐考其行事則二者之謂皆公所自致也子若孫致位於斯其致亦以公也公之父前仕爲嵩州安撫使張氏宦業在嵩州矣

以直言忤時貴嘗退而不居公少署司竹監嵩州遺澤在公矣公以其厲民又退而不居是仁人君子之爲心也張氏再世有仁人君子居之此子若孫之所以致今日也公諱思忠字誠之幼靜重簡默群兒斫之不爲動侍立長者進退如成人稍長從諸弟入學舍學舍先生見其早慧授以孝經使做書公受教即能無苟且學舍先生謂其父曰孺子可教他日必以名儒起家浸長果日嗜學不倦弱冠王師圍襄陽爲庠吏給營中糧備不匱改司嵩州竹課公甫壯年獨不樂爲苛征棄去不復仕公性孝友親疾晝夜不解帶公兄從軍襄樊三月書不達二親憂之公徒步至行間不避鋒鏑獲安耗歸寧其親行道遇螻蟻必迂步以避之惟恐踐傷又一

日謂其兄曰古人有十世共舉火者今何獨不然得非俗之不古與兄若弟感其言即不敢謀析居鄉隣族黨貧不能婚葬視親疎爲施無不有所周恤人有歸其負貸者付以量衡使自均其輕重降役爲報其不能者聽之遠近以忿爭見質隨以禮譬析之往往情平家居隆師教子尤好眉山三蘇文嘗手抄百餘篇授諸子使矜式有暇日即從賓朋觴咏自耽樂視世態泊如也至元年月日終於正寢年四十有九以明年月日葬洛陽青龍山先隴之陰嵩州安撫公諱恩字某某金季官爲元戎以讜論與達官齟齬勇退于家王師徇河南主帥聞其賢版其原職力辭已乃嵩人所歸未幾改鞏令有仁政人號張佛爺德之也以孫貴累贈嘉議大夫禮

部尙書上輕車都尉追封清河郡侯配王氏追封清河郡夫人生丈夫子四人公居三思敬初襲鞏令歷鄆陵泌水洛陽大名鄒平五縣總管江寧府判知鈞澧兩州同知揚州路總管府事所至稱良吏壽八十一終思信以百夫長從征合州襄陽以功拜管軍把總遷上千戶佩金符屯洪澤以壽終思孝不仕以善人稱於鄉公先娶薄氏繼蘇氏皆賢淑並追封清河郡夫人生子三人長曰毅浙江叅政偉度稚望歷踐華貫爲時名卿引年閑居福壽鼎盛次日規三日弼弼內正司照磨孫男八人惟敏即吏部侍郎博學擅詞章練達國務卓有父風惟賢有文聲工詩律辟掾禮部早卒宋御史襲爲之作傳弟惟則亦早卒惟一惟中惟遜惟正惟權仕學

俱進未艾也孫女一曾孫男五曾孫女三先儒有言稱人之善必本其父兄厚之至也豈獨朋友之道爲然人君之御群臣其於先世所以重追封之典者要以爲厚之道也厚之極致則贈典之外繼之以賜碑焉元代之詞垣詔銘諸臣家先隴因思昔魏晉君臣以海內彫耗禁厚葬立碑而終莫能制當時有兄爲其弟作表德論刻之墓陰曰祇思國典不得爲銘嗚呼陋哉晉魏之爲政也今元以一人命銘天官之先祖而特著斯言者以人臣封贈碑諡古掌於天官使知國恩之厚固前代之所罕得也又因以告夫他臣之受是恩者相率而厚報我國家不其蹉歟碑未立惟敏由吏部選中書左侍郎銘曰

張氏之業舊自嵩州將翊而戢直與世鬪吏於天朝初命而俯鞏縣之澤桐鄉之隴有蓄不施實鍾在公公曰善仕毋府辜功公征于野有竹如貴公休於家算不遺策稱干比戈言求其兄我志則勇違郵有兵遭蠹于途却步踟躕我心則仁是用不武惟此張氏載集載騫自晉再遷及茲蟬聯彼木十圍枝葉旣蕃雨露所澤反注根本孰識根本下踞九地晝夜轉輸枝葉不瘁國有壽駿聽車於梁展也有孝德厚流光又有蓋臣爲王宰旅乃祖乃父貽厥譽處從臣以聞當宁賜允詞臣作誄百世無靈洛水之濱神道如砥勒文貞石負以龜趾

元文

明

杜詩舉隅序

宋 濂

詩三百篇上自公卿大夫下至賤隸小夫婦人女子莫不有作而其託於六藝者深遠元奧卒有未易釋者故序詩之人各述其作者之意復分章析句以盡其精微至於東山一篇序之尤詳且謂一章言其完二章言其思三章言其室家之望女四章樂男女之得及時一覽之頃綱提領挈不待註釋而其大旨煥然昭明矣嗚呼此豈非後世訓詩者之楷式乎杜子美詩實取法三百篇有類國風者有類雅頌者雖長篇短韻變化不齊體段之分明脈絡之聯屬誠有不可紊者註者無慮數百家奈何不爾之思務穿鑿者謂一字皆有所出泛引經史巧爲傅會煊釀而叢脞騁新奇者稱

其一飯不忘君發爲言詞無非忠君愛國之意至於率爾咏懷之作亦必遷就而爲說說者雖多不出於彼則入於此子美之詩不自於世者五百年矣近代廬陵劉氏頗患之通集所用事實別見篇後固無繳繞猥雜之病未免輕加批抹如醉翁寤語終不能了了其視二者相去何遠哉會稽俞先生季淵名浙別號默翁以卓絕之識脫畧衆說獨法序詩者之意各析章句具舉衆義於是衆然可觀有不假辭說而自明嗚呼釋子美詩者至是可以無遺憾矣抑余聞古人註書往往託之以自見賢相逐而離騷解權臣專而衍義作何莫不由於斯先生開慶己未進士出典方州入司六察其冰蘖之操諒直之風凜然白於朝宁不幸宗社已屋徘徊於

殘山剩水間無以寄其罔極之思其意以爲忠君之言隨寓而發者惟子美之詩則然於是假之以洩其胸中之耿耿久而成編名之曰杜詩舉隅觀其書則其志之悲從可知矣先生旣沒其元孫安塞丞欽將鏤諸梓來求序文甚力因不辭而爲之書

工部全集

遊嵩記 節錄

周叙

宣德丙午三月十五日予在鞏祀宋陵畢瞻望嵩少諸山慨然想其勝與廣文宜春吳公遜志約遊焉行李僕御已戒至期聞有達官至吳君不果行越二日子遂携邑庠生王庸劉清李暄同往行二十五里至黑石渡沿洛陽南上河水清駛水濱山石礫礫下步行二里餘午食將軍趙仁家又行半舍許地曰漫流岡上有郭汾

陽廟環廟古柏數百株蒼翠蔚然可愛有碑二通一金元光二年天黨趙琢撰云汾陽嘗領兵清河上至是索芻粟不獲里人告以是邦西南岡嘗出毒霧爲災故田穀不秋無以供餉汾陽乃旋軍登其上以壓之毒因以息里人遂立廟祀之相傳祠下有洞時有聲隆隆然葢毒霧所出處予惟古人稱掃清氛稜汾陽之謂矣一則緱山東老人所題老人逸其名必宋元顯者夜宿原良村王庸家自鞏至是七十餘里翌日遵趙城陟嶢嶢道石徑崎嶇盤迴以上中有關名峯嶺老卒數人守之

李濂通志

鞏新城記

張可久

鞏古東周也自惠公封少子於茲以嗣王祚葢終八百之歷云其

地古今稱形勝而利害因之方漢之走成臯堅壁而守也楚志殆不可涯矣然卒不能越寸趾而西者則以鞏距之耳且河洛迺六宇中兩名川也河自積石而來猶瀆流迨東過洛納其流始湯湯而不可禦夫四塞崢嶸是天險也兩流湍淩是地險也二者備而鞏可以無城城可以不固哉舊城築土爲之曾不足以備臆狸經霖澇矧當茲二險哉武廟時最爾流賊嘯聚境內城郭動搖世廟之癸丑及穆廟之壬申突然懸水數仞衝城汨沒借令鞏城固則茲數患不至如此甚已自後里人擔畚塗暨歲歲相仍未幾而視之又磊磊然復于隍矣每與士人聚議曰必大治其城然後可間有一二以爲費且不貲未可輕動余曰是未知所甚費也昔秦皇

伐楚李信以二十萬人不勝雖少亦費也王剪以六十萬人獲勝雖多不費也今鞏城比年塗暨而憚一大舉是寧以歲歲二十萬人之費置之空虛無用之地而不以一舉六十萬人之費成千百年久遠之功也故爲今日計亦問其勝不勝耳奚問其費哉無何甲戌秋僉憲丁公以職事按鞏咨詢民瘼時可久晉謁間首以城事爲公歷歷陳之公乃起而嘆曰茲役也其長慮哉遂決然持其計以明年之春始其事令縣尹李公主之少尹譚公督之尋復檄二府楊公相度地宜量加式廓約高三丈二尺環八百丈有奇袤二百丈有奇計賦供傳計丁供役其餘諸所應用者勸之議不足者取之贖其處置周密如此且慮夫工大費繁不無玩愒乾役等

弊又時加巡閱出人不意使人竦然不敢爲奸其身先勤苦又如
此頃之公以制行輩之人則悶悶然失所天矣已而李公至謂是
役宜終加意督程時則縣尹閔公實當之蓋自乙亥及己卯先後
凡五載僅僅就緒觀者曰輩其有金湯之固哉而向之雌黃懼者
且熙熙樂享其成矣乃相提而論曰皆諸公力也不可無紀衆以
可久嘗倡其詞遂屬之余曰聞之人心險於山川旨哉言也昔尹
鐸治晉陽爲保障不爲繭絲後襄子有難卒以爲歸至城不浸者
三版而晉民終無叛意則所謂保障云者殆匪直以城而已也任
專城者果注民隱培國脉使湛恩汪濊不啻尹鐸之寬晉陽則民
心固結若增爾藩籬壯爾堞雉即間有水患盜賊之警可無土崩

瓦解之慮矣蓋鞏有天險地險故以人險之說終焉若夫培缺補
漏則後之君子責也余何容喙僉憲丁公名惟寧由進士山東新
城人李公名之茂山西屯留人二府楊公名世卿山西長子縣人
縣尹李公名再思陝西藍田人俱由舉人閔公名和祥由恩貢江
西安義人二尹譚公名守愚由歲貢湖廣巴東人時萬歷十四年
歲在丙戌春三月吉日

舊志

改學記

昔余大父方溪公有地理神授書行世余以此粗知堪輿梗概熟
觀鞏學宜在東南巽方而始制稍偏于西以土木之費未敢輕議
遷徙始爲煉石補天增修奎星樓於巽地以補其缺略使後之賢

而能者一大創之得其正位可必文運之盛當甲於宏農一郡此非浪語也蓋滎關東來山水盡聚於鞏南枕嵩山北挂太行嵩邨二峯作門戶關欄伊洛瀍澗之水隨龍護送而黃河橫欄環繞如帶地脉焉有不凝聚其間乎且千百秀峯羅列環峙補缺障空極中天之大觀以故宋代諸陵俱卜葬於此但惜其未刺真穴故有吳景鸞之譏耳然鞏亦不減都會之地而拙於用大僅限一邑豈地脉之弋藏不盡洩於人耶抑天時猶未至耶隱隱隆隆當自有造化之巧合者在余因修學之後妄存此記以俟吾言之驗耳中秘之藏亦有孔子朱子地理成書豈予小子好言方術哉

志

範圍數序

趙迎

大哉造化之妙也理而已矣氣而已矣數而已矣理一也分而爲二氣氣二也析而爲九數在天有十干是之謂天元在地有十二支是之謂地元天地交感支干配合錯綜流行有六十納甲是之謂人元靜極而動于是乎有陰陽之清濁厚薄焉于是乎有四時之生旺死絕焉于是乎有八卦之興成休廢焉于是乎有五行之消化生剋焉于是乎有八物之吉凶富貴貧賤壽夭焉舉莫逃乎其數也是之謂範圍伏羲之先天露其機大禹之九疇著其迹文王之後天圖其微厥後劉牧得其傳傳之范諤昌范諤昌傳之許堅許堅傳之李漑李漑傳之种放种放傳之陳希夷陳希夷傳之邵康節他如野舟如白雲如西峯者皆傳此數之緒餘以自鳴於

世顧其爲書猶頗放失散無統紀皆術士者秘其訣以自神其數使人莫得而測其機且其簡編浩博煩亂重複外譌執此以定人之吉凶豈可得哉古語有之數之不靈非數之罪也算數者之罪也愚則曰非算數者之罪也作數之書者之罪也于是約其浩博刪其繁亂削其重複正其外譌分其門類謂範圍不可以無圖式也始之以圖式不可以無起例也次之以起例不可以無源流也次之以源流不可以無格局也次之以格局不可以無卦爻也次之以卦爻不可以無取斷也次之以取斷十干有陰陽次之以陰陽五行有眞化次之以眞化至于更互演義發明此數則又有五行得失五行分局九數總論九數分論五命分論以次而列其編

也若夫流年斷訣此又命數所不可缺焉且故以是終焉古人有言依經考斷應驗如神信是言也嗚呼造物之物物也使物莫得而知也是數之出造物物物之得失舉瞭然於推測布算突破造化之秘洩鬼神之機斯有罪焉雖然天地萬物莫逃乎數世之戚戚于貧賤役役于富貴際寵利而驕矜處患難而恐懼者多見其心之誤用也故曰樂天知命又曰修身俟命明乎範圍之數達乎造化之理則人之吉凶禍福固素定也豈非不憂俟命之一助哉幸勿例視之術數云

本集

禱雨文

楊嗣昌

崇正三年歲次庚午六月己酉朔越十有九日丁卯分巡河南道

布政司右叅政兼僉事武陵楊嗣昌以公事入省還經鞏縣觀旱
魃爲灾惻然興懷明日戊辰乃爇香焚楮告於 城隍之神曰嗚
呼是神責也且夫有天地則有山川是興雲雨以滋百穀而利民
生雲雨不作何貴於神嗚呼天地蓋遠山川弗靈陟則在天降則
在民神乎神乎誰貌爾廟土木崢嶸誰肖爾像金碧精瑩歲時伏
臘兒童父老禱祝紛紜蓋雖天地之大山川之廣而有時乎 城
隍之弗若者血氣之尊親今爾鞏自五月不雨至於是月二麥已
耗早塲弗登秋苗在野枯莖索索無復霑榮黃病之糞青烘之柿
亦將自零嗟此下民仰父俯子左餐右粥其何以憑官私逋負鞭
笞叫罵銀鐺桎梏其何以寧唯鞏之邑負山阻河旣瘠且險賊盜

將至亦惟茲日人用弗靖神何以欣而爾有神豈固弗聞也者嗚
呼天地不雨神當上陳山川不雨神當怒爭若夫吏茲土者下罔
淑德上罔端型科歛不戢獄訟乖平神之施之何憚不速而豈以
是移歲移民嗚呼往矣神之聽之一雨五日粒我蒸民民旣寧爾
我來駿奔歌功誦德瑩彼眞氓敢告

舊志

國朝

姚岳生日知錄序

湯斌

天下無無理之物吾人無無理之學非學則理無由明非理則學
於何施此自古及今聖哲賢儒未有不由斯理之中而能繼天立
極者也然斯理豈假外至亦求之此心而已蓋本性之中五常備

具當其少也見親知愛遇長知敬見可矜可惡之事則惻憫之差
赧之其良知良能雖庸愚與聖人不異也但唯聖人爲能察識天
理之本然終日乾乾由日用飲食以至盡性至命之能本祇父恭
兄以極窮神知化之域究竟不過滿的此心之量此正所謂性善
之外不加毫末也堯舜禹授受厥唯一中歷三代以迄鄒魯師儒
聖聖相傳此理而已賢賢相師此學而已厥後道喪文敝漢隋唐
三子衍其端濫洛關閩大其傳而聖人之學始家孔孟而戶周張
矣雖所見之大小不同偏全各異要莫不本是理爲柄依而已歷
明至今世之儒者或務記誦而輕德義或重冥悟而略實行更有
爲儒佛合一之說者豈知佛氏之說原竊吾儒之似而立言至於

外人倫遺事物烏可以治天下國家乎若夫吾儒之學本格致誠
正推之以至於國家天下須此理也須此學也故曰天德王道一
以貫之矣體用一原顯微無間以視佛氏之虛僞空寂爲何如也
壬戌秋余巡撫江淮奉 命北上路終梓里適弟鳳來自東周旋
持岳生姚子所寄日知一錄太極圖辯余反覆讀之知河洛之間
復有如月川雲浦者出焉吾道之幸不勝喜躍且仁義禮智開眼
便見四字則世上道理若決江河沛然莫之能禦此不是尋章摘
句得來亦不是空空思索可至必于日用之間日有所知月有所
驗久久純熟方有一日豁然大悟處此卽上與聖聖相印証此心
此理夫豈有異哉若欲問道于盲者則何敢當昔象山謂東西海

有聖人出焉此心此理同也千百年上下有聖人出焉此心此理亦莫不皆然學者誠求得於心戒慎恐懼使此心渾然天理至于
一私不存萬理明淨則中和在我于以參贊位育何難矣若夫不務實體之心返而求諸吾性之理雖日與聖賢相晤對究屬無益
况又兼以文藝訓詁之牽滯與佛氏空寂之浸淫其克至于聖道也幾希矣岳生姚子于余知最深自丙辰夏就余講習不揣妄爲刮磨其沉潛堅貞穎悟不拔信非近代諸儒所及且義理所見針芥不爽二十餘年來力闢蠶叢攘斥佛老洵吾道之干城也烏可無以叙之哉

潛菴集

理學要旨序

姚爾申

天下之事理爲樞紐吾人之學道爲歸宿不得其要則泯泯棼棼茫焉而不知所趨貿焉而不知所止所以百家異鳴皆得起而亂道旁門曲徑皆得進而紛學其爲蠢蠢豈淺小哉故善求道者必溯其源必尋其本源本明而後可以進德善爲學者必掇其綱必挈其領綱領得而後可以修業思昔堯舜禹之以中授受也心學肇開厥后湯曰降衷武曰敬勝孔門求仁子與養性總以求之此心而已矣何則心者命之寄理之原也千古上下聖賢之窮達顯晦時雖不同而心則同心既無異而道亦無異也故曰殊塗而同歸百慮而一致自孟氏沒異學榛蕪聖道淪亡中間雖以江都昌黎隋文中子之賢而不能大闡宗風唯有宋四子直決鄒魯之秘

探義文之奧開關啓鑰傳燈緒薪其表章續述備極苦心自以爲斯道大明經天行地天下後世無不家周程而戶張朱矣乃傳習未久高者淪於虛無卑者流於誦習馳騫者奔外詭異者炫奇種種僞學浸以滋盛邇其所由皆原于要領未悉旨歸不明之故耳此嵩陽耿先生所以有理學要旨之集也先生之學以敬爲體以恕爲用而要歸于存誠申從遊門下親其道範聆其緒言見其工夫純實道履敦篤其所以身體力行者非伊朝伊夕矣而又憫世之學者詞章塊麗紛紜矛盾苦力一生原本不晰入聖無門乃取濂洛關閩四子之書彙纂成帙集其語錄之最精要者獨於太極西銘採輯諸家註解發揮毫無障隔使人一展而讀之恍然於吾

性之本體既透而工夫又有據也由是本以程之主敬擴以朱之窮理優焉悠焉日有體驗則由濂洛關閩以上窺堯舜禹湯周文孔孟其於所爲精一執中之訓一貫性善之旨皆將漸進而有悟矣苟如舍此而馳志博觀吾恐循海者不得其道將必航於斷港絕潢適京者不循其路將必竄於殊域遐荒噫其可惜也哉

本集

耿先生棄餘文章序

姚爾申

夫文以載道也文不載道則大言而夸淺言而浮是皆無裨於學奧唯六經四子之書語上極於精微語下詳於人事兼內外該大小要亦不過發明天之理與吾之心而已學之者不明其理不體諸心其不流於泛濫汗漫而無所歸者幾希故夫明於心矣不迷

其途必尋其源力行以求至焉猶懼其怠也無墮於已歷無安於中沮孜孜焉存誠以幾之然後浩乎其有會沛乎其有得也夫子曰文莫吾猶人也躬行未之有得周濂溪曰不深於道而文焉藝焉而已則古今之立言垂世者其亦可以知所折衷乎哉嵩陽耿先生讀書樂道強學力行有年矣中有所得輒札記之一日彙錄文集二卷自爲序曰棄餘草余讀而咤之曰先生履蹈日純詣業日精夫固何有棄取之可言也然則斯編以棄餘名余竊妄有所窺焉試讀其文曲折經營物情洞悟而心氣恬雅言歸道理覺宇宙內觸處皆天命流行是真格物窮理之餘也讀其詩清越疎宕直發性靈一洗烟雲月露之習是真體驗日久性情抒見之餘也

讀其語錄精奧內蘊而純正切實直與濂洛關閩相接統是真居敬操存體驗身心之餘也噫先生之學亦綦精矣申不敏何足以知之惟冀進而教之是余之厚幸也夫

本集

宋太祖太宗眞宗仁宗四陵碑記

蔣漣

歲在癸亥臣漣奉

皇帝命以

孝惠仁憲端懿純德順天翼聖章皇后升祔

太廟禮成分告河南歷代帝王陵寢肅將祀事星言至鞏有宋四陵在焉 薊薦幣之餘周視寢園不覺穆然於宋系之盛宋治之隆而歎其卜年綿遠禮祀弗替良不誣也在易之恒曰聖人久於

其道而天下化成孔子曰王者必世而後仁又曰善人爲邦百年亦可以勝殘去殺夫以聖人居王者之位猶必久於其道而仁覆天下而況於善人乎莫爲之前雖美弗彰莫爲之後雖盛弗傳稽古堯授舜舜授禹是非一姓有商之君賢聖間作是非一時惟周文武授命嗣以成康百姓安寧刑措四十餘年不用唐虞以來於斯爲盛漢興至於孝文亦四十有餘載凜凜鄉改正朔封禪矣謙讓未遑東京建武永平之政粲然具有條理章帝又體之以忠恕文之以禮樂逮於永元雖頗有弛張而俱存不擾然則聖人在位而至於歷世者周之四代是也善人相繼而不俟百年者東漢之四代是也有宋之興其後周而迭漢乎太祖起介冑之中踐九五

之極四方列國次第削平創業垂統規模宏闊釋藩鎮兵權繩賊吏重法務農興學慎罰薄斂與世休息太宗繼之以慈儉爲寶絕遠物抑符瑞炳煥史牒號爲賢君眞宗聰明英武用剛鯁不撓之臣興制舉常平之法祥符以後天書疊降說者以爲假神道設教之言以消逃遠窺覲之志九野清泰黔首晏如仁宗恭儉仁恕出於天性其時吏治若媮媮而任事鮮殘刻之人刑罰似縱弛而決獄多平允之士小人不足以傷善類之氣小眚不足以干造物之和君臣一德朝野一心上可望而知下不言而喻合而論之太祖開其基太宗續其緒眞宗守其成仁宗善其化蓋優優乎勝殘去殺以庶幾於仁而稽其歷數已百有餘年矣豈不盛哉漣忝祠官

例得紀分祀歲月立石廟下并論次有宋四陵所以列聖朝祀典者其本末如此來者有攷焉

建杜工部祠記

張漢

先生生於鞏歸葬於鞏而世稱先生不舉鞏何哉蓋先生籍出楚而卒楚故稱襄陽仕秦稱少陵流寓於蜀稱成都之浣花溪故詩在秦楚蜀獨多洛中絕少卽過汴州登吹臺慷慨懷古亦無詩世故不識先生爲鞏人嗚呼詩小技也有時亦係其地之顯晦豈小焉者哉漢守河南郡五載於茲矣每過鞏邑洛汭之間先生之故里有神存焉古人謂歿而可祀於其鄉者先生定無媿乃聞其塚在鞏之康家店祠則無有喟然嘆曰是非後死者之責歟漢不守

茲土斯已耳又况先生之詩漢願學焉如子輿氏之於先師孔子者歟漢乃於鞏之東站爲先生置祠三楹以慰吾生平願學之意而又訪求後裔置奉祀生一人自是人人知先生爲鞏人矣而漢竊有未慊於心者蜀中山水奇險雄傑甲天下形狀不可名言得先生詩表而傳之工力與山川匹敵往往經歷其地者至掀髯叫絕謂山川之勝與先生之詩皆有造物者爲之故如是卽未遊於蜀者得先生詩臥而遊焉亦可不必親至其地而可厭其嗜奇之心洛陽則天地之中雖山水畧讓於蜀而自苞羲有熊氏以來其名跡最多復最奇所係又重以大令先生當日老死其鄉洛中名勝一一據其遺跡見之吟咏而道其所以然論著必奇且確惜先

生竟未之及吹臺慷慨所懷幾何是不能不爲洛中之憾雖山川
題咏代不乏人如集大成者之無其人也豈造物者不欲盡發其
奇哉漢一拜先生每懷此憾因置先生祠並及之石刻

代杜君錫工部祀田記

張生馨溫邑進士

昔我伯父承郡伯張公之命旣建修文貞公祠堂之後於倉西北
原置祀田一區蓋以金貿之蔣氏時雍正五年也迨十三年秋洛
水漲漂沒祠堂其墻壁欄楹盡付洪流我伯父懼隕郡伯之命亟
招工修葺之而貲力不給不得已質田於倉西李氏夫昔日之置
此田以祀神也其後之棄此田以安神也堂廢則神失所依田廢
亦祭無所出祭無所出尙可以荐時物神失所依將陟降無地對

越駿奔之事永絕矣故與其廢堂而留田毋寧廢田以存堂堂存
而田可徐圖然以貲力不給之故至棄親身所置之田則目前苾
芬之祀事旣失即當年報本之初意頓乖我伯父實隱痛之故時
時以不及贖復爲恨爲我兄弟語及之輒流涕余耳熟焉惜欲承
命而力未能也每春秋享祀之期凡一切粢盛牲具無不竭力供
奉然要不若有此祀田尤可以告豐盛成先志所以數十年來痛
心疾首夙夜不敢少安者職是故也去年十月間適承梁縣主之
命爰出金二百二十鎊贖田於李氏乃以所得課資三分之二供
祀事其一儲爲修葺之費夫然後先人之隱痛以釋嗚呼在我後
嗣人其宜共體斯志矣向後家資若有贏餘可再置數畝以廣其

居否則謹守之勿令失墜夫以十數畝之田不遇水旱之灾罄其土之所出諒無不給於用苟或不給亦當出家之物力以補其缺乏之故凡修葺祠堂之費寧損我財產必不可再棄此田者以先人之爲是舉出於萬萬不得已之計慎勿襲爲成例以滋先人之痛也其地糧隸東儒里昔伯父從蔣氏名下收取者今復取之倉西李氏而以景熹掌其事其正糧上地一畝三分五厘五毫中地十五畝八分七厘三毫加地一畝一分余恐傳之久遠後人莫悉其源流故併詳載之以垂不朽是爲記

石刻

太和谷老人詩集後序

張生馨

善詩者在於知詩意詩之意無日不在天地間昧者不知也求之

音調詩之意在天地又未嘗一日不在我昧者不知也求之聲律音調聲律自古而有古以在我與天地者協諸是非協是也周之盛也太和在成周而詩興焉降及幽厲賢人君子刺時傷道衰也不足以汨和鄭之溱洧衛之桑中猶中聲也由是推之吾人致和不爲詩詩意在我爲詩詩意不在詩天地太和善詩者得意於天地即不爲詩得意於天地未嘗無詩老人挹天地之和以致和者也其詩意又可以音調聲律求之哉孔顏有樂而無詩蔬水簞瓢皆詩意也靈運之傲沈休之冶適兒爲小失其意矣故夫善爲詩者不學詩以我爲詩可也善學詩者學不在詩以天地爲詩可也夫見我則不見詩矣見天地更不見我矣而老人又實不見天地

也見太和而已矣故曰其所居曰太和谷

本集後

治深紀略

謝杰

余治深十年而歸休年六十三矣其初成進士也以雍正十一年癸丑引見即發直隸試縣越三年而有深澤之命歲暮之任省壇宇闕城堤立期約不尙煩苛與民休息嚴除征輸洒派之弊首修六賢書院延各師以課士訟獄不留人無淹宿乾隆三年秋水決堤防禾稼殆盡時余病滯下躬力堵禦水既去復請發粟以賑民咸安堵無流徙其冬又以此堤年久殘壞卑薄不足以資防捍援代賑之例亟爲請帑而廓修之增高益厚襄長六十餘里屹然以固蓋以四年春興事麥秋告竣迄今五六年猶宛然如新也夫

水患之不去皆河道之不治也是年大中丞孫奏請疏濬積水俾所治州縣一體開通無使壅滯余遂肆力河渠曩西內堡有新河一道瀕年被水三年之水尤其甚者顧以事隸本州不果至是乃快然於有爲也於是詳請施治因舊水道溝爲之開寬浚深上界隣邑下達州境由州之清水溝以入於資併陳家庄之水亦附茲溝而合流而人慶有秋矣不寧惟是深西堤北宋家庄均有水患堤北則由黎元霧頭諸村環城東注歷趙庄馬壘諸村而達於安平宋家庄則由王家庄以北達於祁州惟中多淤阻亦爲大施開通相其勢而利導之其白庄馬壘俾成就理勿害禾稼而水患乃以永息也學官爲育養人才之地歲久傾圯始謁廟卽欲修之計

其費不貲且歲未豐民數勞不遑有事至六年捐資營繕經畫相
看朝夕督工不敢憚勞以時告成有鄉兵者始於明季之亂募民
自衛以捍寇盜者也 國初相沿未除其籍人世其役城柝監禁
庫署糧運之役皆取於是有兵之名無兵之食人不堪其苦久矣
余憫之盡燬其籍而外僱役察役食之閑曠者均而賞之更捐俸
以益其不足深人爲之快然稱便他若改壇宇建養濟設考棚於
州城修橋道於東墩徵會期發巡行點查皆同其便使享其利胥
無擾累焉嘗自聯以書於座右曰明理以治人體情而達物蓋不
敢任己之私而拂人之性有若此者既歸休乃紀其略以告諸同
志若其始末之詳則深之邑乘碑記具載云

舊志



鞏縣志卷之十九

鞏縣知縣李述武纂修

藝文志下

賦

魏

洛神賦有序

曹植

黃初三年余朝京師還濟洛川古人有言斯水之神曰宓妃感宋玉對楚王神女之事遂作是賦其詞曰

余從京師言歸東藩背伊闕越轅轅經通谷陵景山日既西傾車殆馬煩爾乃稅駕乎蘅皋秣駟乎芝田容與乎楊林流盼乎洛川

於是精移神駭忽焉思散俯則未祭仰以殊觀觀一麗人於巖之畔迺援御者而告之曰爾有覩於彼者乎彼何人斯若此之艷也御者對曰臣聞河洛之神名曰宓妃然則君王所見也無迺是乎其狀若何臣願聞之余告之曰其形也翩若驚鴻婉若游龍榮曜秋菊華茂春松髣髴兮若輕雲之蔽月飄飄兮若風流之迴雪遠而望之皎若太陽升朝霞迫而察之灼若芙蓉出綠波濃纖得中修短合度肩若削成腰如約素延頸秀項皓質呈露芳澤無加鉛華不御雲鬢我我修眉連娟丹脣外朗皓齒內鮮明眸善睐鬢輔承權 姿艷逸儀靜體閒柔情綽態媚於語言奇服曠世骨像應圖披羅衣之璀璨兮珥瑤碧之華琚戴金翠之首飾綴明珠以耀

軀踐遠遊之文履曳霧綃之輕裾微幽蘭之芳藹兮步踟躕於山隅於是忽焉縱體以遨以嬉左倚采旄右蔭桂旗攘皓腕於神滄兮采湍瀨之元芝余情悅其淑美兮心振蕩而不怡無良媒以接懽兮託微波而通辭願誠素之先達解玉珮以要之嗟佳人之信修羌習禮而明詩抗瓊瑋以和予兮指潛淵而爲期執眷眷之款實兮懼斯靈之我欺感交甫之棄言兮悵猶豫而狐疑取和顏而靜志兮申禮防以自持於是洛靈感焉徙倚徬徨神光離合乍陰乍陽竦輕軀以鶴立若將飛而來翔踐椒塗之郁烈步蘅薄而流芳超長吟以永慕兮聲哀厲而彌長爾乃衆靈雜邃命儔嘯侶或戲清流或翔神渚或采明珠或拾翠羽從南湘之二妃携漢濱之

遊女嘆匏瓜之無匹詠牽牛之獨處揚輕袿之綺靡翳修袖以延佇體迅飛鳧飄忽若神凌波微步羅襪生塵動無常則若危若安進止難期若往若還轉盼流精光潤玉顏含辭未吐氣若幽蘭華容婀娜令我忘餐於是屏翳收風川后靖波馮夷鳴鼓女媧清歌騰文魚以警乘鳴玉鸞以偕逝六龍儼其齊首戴雲車之容裔鯨鯢踊而夾轂水禽翔而爲衛於是越北沚適南崗紆素領迴清揚動朱唇以徐言陳交接之大綱悵神人之道殊怨盛年之莫當抗羅袂以掩涕兮淚流襟之浪浪悼良會之永絕兮哀一逝而異鄉無微情以效愛兮獻江南之明璫雖潛處於太陰長寄心於君王忽不悟其所舍悵神霄而蔽光於是昔下陵高足往神留遺情想

像顧望懷愁冀靈體之復形御輕舟而上泝浮長川而忘返思綿綿而增慕夜耿耿而不寐霑繁霜而至曙命僕夫而就駕吾將歸乎東路攬騶轡以抗策悵盤桓而不能去

按陳王賦乃離騷美人之遺文選注思甄事訓辯詳何義門批本

晉

懷舊賦

潘岳

余十二而獲見於父友東武戴侯楊君始見知名遂申之以婚姻而道元公嗣亦隆世親之愛不幸父子凋殞余既有私艱且尋役於外不歷嵩邱九年於茲矣今而經焉慷慨懷舊而賦之啟開陽而朝邁濟清洛以徑渡晨風淒以激冷夕雪嵩以掩路轍含水以滅軌水漸輒以凝洩塗艱屯其難進日曛晚而將暮仰瞻

常縣志

第六册 卷之十九 藝文下 三

河南商務印刷所印

歸雲俯鏡泉流前瞻太室旁眺嵩邱巖巖雙表列列行樹既興慕於戴侯亦悼元而哀嗣墳纍纍以接隴栢森森以攢植何逝波之相尋會舊草之未異念總角而獲見承戴侯之清塵名余以國士眷余以嘉姻自祖考而隆好迷逮二子而世姻親懽携手以偕老庶報德之有鄰今九載而一來空館闐其無人陳芟被於堂除舊圃化而爲薪步庭廡以徘徊涕流泫而沾巾宵輾轉而不寐驟長嘆以達晨獨鬱結其誰語聊綴思於斯文

唐

神龜負圖出河賦

以作瑞前王始啓文教爲韻

裴度

茫茫積流祚聖有作動上天之密命假靈龜以潛躍蓋欲以慶遙

源敷景鑠寫物象之精密化人物之朴略豈不以河之德兮靈長
龜之壽兮會昌載正符先早於古帝稱大寶後遺於寧王故將出
也感天地動陰陽浮九折之澄碧散五色之榮光然後蹈箭流而
泳花浪露元甲而明繡裳初若沉圓璧而未沒稍似泛孤鳥而欲
翔既而降芳蓮蹈清沚五老游而共睹列聖過而每喜出朝日如
濯其寶圖伏靈壇狀陳其鏤筮布爻象之糾紛蘊天地之終始負
謀謨之畫將化洪荒當授受之時豈思綠水非臆對之可述諒鈎
梁而有致所以出河宗作天瑞馮夷倚浪以相送神魚鼓舞而旋
避於戲冥數宵然自我而傳外骨明賁中心善泉將後天而思永
豈爲贊而居前至如魚託素以達情鳳銜詔而展禮未若祥開八

卦兆動四體闡文教寧木鐸之足儔贊貞明與日月而同啓洎乎
形貌既著品物類分榮萬化之茫昧合一氣之網緼識用光於夏
葉絲每煥於義文此乃天理用彰神道設教故躍波而委質殊以
文而飾貌觸綸誠怪於文鱗隱霧徒嗟乎元豹此悠久也可可是則
而是效

按賦題本緯書而五老列聖等語則用鞏河洛
壇故寔與永寧孟津圖書與故登之

國朝

鞏遊賦 有序

諸正達

康熙戊子歲冲霞多世兄令鞏邑余貽書云余將登覽嵩高洲
洄河洛極宇內之壯觀盡生平之快事今庚寅歲六月竟至矣
欲酬夙言遂舉然有高望之想觸目所形率爾成賦其辭曰

自發軔乎皖城日驅驟於隴陌紛倭遲以千里漸辭南而入北繫曠野之茫茫悵凝眸其何極旋陔谷而陟岡遙層巒之遞逼榮波定丘其其名知爲陳鄭之舊域曩對簡而神遊今踐乎余之轍跡爲詢鞏封原歟歟歟指彼嶺岵中即其區杖策赴之稅於東關馬煩車殆輿日以閑月六初吉乃謁賢宰禮數優崇意氣和豈倦憊之餘繙厥邑志崇山廣河繪於圖序余情不能已將歷覽而考其實焉於是踞虎頭躡龍尾履巉巖躋崑崙倏目眩而心駭惟嵩高之奇偉崑崙崑崙少室相對拱恒霍而擁岱華巍然天地之中位以鍾秀於洪濛發乾坤之怪秘握元樞以成尊遂雲透而波逝聖賢誕以蔚興畿都錯其壯麗自周漢以迄宋唐皆鍾毓乎此氣首

極荒微尾與洛連翔舞鸞騰是曰邙山矯如蒼虬之浮空俯若翠峴之飲川展雲蓋兮嶢嶢建雲標兮軒軒詎攝岳靈之尊威實障紫微之屏垣北枕河流中貫伊洛伊西迤而與洛交洛北匯而與河合黎陽大邙之野彌望北流之活活帝王之興河洛先溫寒逾九日五色繽紛堯帥諸侯沉璧於濱元龜負書綠字赤文龍馬臨壇文吐列星舜受神書玉檢金繩青雲浮度榮光晶熒凡膺圖而受瑞惟二川之效靈所稱虎牢之關成臯之塞昔爲新鄭之藩今屬邑東之界山綿綿其若鎖水盈盈而如帶嚴固閉密阨塞要害宜赤帝之據險使重瞳之困憊惜乎千紅洛口莫覩錦繡之粧萬柳神隄罕見翠螺之黛西眺孤峯高秀不羣紫金曜日青堆暎雲

五枝析嵩山之脉輾轅驚修坂之名然而蒼莽之間宋陵在焉匪
鬱葱之佳氣盡迷斷之漉烟金盃玉匣莫闕幽泉錮南山猶有隙
念及此而永嘆大抵瀆宗維河嶽宗維嵩鞏雖渺矣彈丸適當平
二宗之中固四塞險隘之區亦千載戰爭之衝嗚呼余徘徊而延
佇竊憑今以弔古欲追希乎前人將歌哭其誰語顧洪流之奔駛
慨然想見禹之明德遠矣訪桑林之故墟商王六事之禱猶存乎
膠鬲迎鮪水之師而下周之興於西惠公錫子般之封而嘆周之
衰於東黑石之水潺湲膺秦同舟而若仙回郭之野追遙汾陽封
寡以平妖秋風明月繼山子晉之笙若近若遠春雨微波洛水宓
妃之神若隱若現荆榮孝義之村芝秀榜元之田玉川之書船可

識少陵之詩魂黯然魏公殘壘孤雲欲墮劉武荒堡茂草誰芟而
况秦險首什谷之口阿房炬而一卒莫守隋富誇洛口之倉迷樓
毀而粒粟莫嘗嗟乎哉洪爐同鑄孰大孰細巨鼇共負誰夸誰阻
睇曠馭其如蟻兮騰萬馬而莫追容撓不能紀其歷兮劫灰蕩於
須臾牧跛羊於泰山之上兮藏太行於康衢折鈎喙以爲九鼎兮
封函關於丸泥此老氏幻無名以爲母莊生糅物論而欲齊者也
嘆混關之轉瞬識平傾之迭移觀晝夜之不舍悟逝者之如斯余
將陟介丘之崇巔溯直瀆之河紆探混芒於誰鑿尋真源其何歸
豈獨宇內之大觀盡是五嶽之壯遊始茲感不罄於余懷爰登高
而賦之

詩

上古

錄圖文

(河圖經輔佐)黃帝游於河洛至壽淵之泉有大鱸魚負圖以授帝蘭葉朱文名曰錄圖○一作錄圖

渾渾噶噶焚焚雉雉與物俱化

陶唐

籀璧書

(尚書中候)帝堯率羣臣東沉於碓刻璧書云

天子臣放勛德薄施行不元

元善也

夏

五子歌五章

(夏書)太康尸位以逸豫厥德黎民咸貳乃盤游無度畋於有洛之表有窮后羿因民弗忍距於河厥弟五人御其母以從後於洛之滄五子

咸惡述大禹之戒以作歌

鞏縣志

第六册

卷之十九

藝文下 七

河南商務印刷所印

皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民慄乎若朽索之馭六馬爲人上者柰何不敬訓有之內作色荒外作禽荒甘酒嗜音峻宇雕牆有一於此未或不亡

惟彼陶唐有此冀方今失厥道

左傳作行

亂其紀綱乃底滅亡明明我

祖萬邦之君有典有則貽厥子孫

叶

關石和鈞王府則有荒墜厥

緒覆宗絕祀

叶養里反

嗚呼曷歸予懷之悲萬姓仇予予將疇依鬱陶乎予心顏厚有怙
惛弗慎厥德雖悔可追

商

桑林禱辭

(荀子大畧篇)湯之時大旱七年剪髮斷爪以身爲犧牲禱於桑林之野以六事自責曰何不雨至斯極也言未已大雨

政不節與使民疾與官室崇與婦謁盛與苞苴行與讒夫興與

叶即盛叶成視川教之祝云云

漢

太學中謠

八韻之一

天下英藩尹伯元

尚書令河南鞏尹勳

晉

在懷縣作

選一首

潘岳

我來冰未泮時暑忽隆熾感此還期淹嘆彼年往駛登城望郊甸遊日歷朝寺小國寡民務終日寂無事白水過庭激綠槐夾門植

鞏縣志

第六册 卷之十九 藝文下 八

河南商務印刷所印

信美非吾土祇攪懷歸志眷然願鞏洛山川邈離異願言旋舊鄉長此簡書忌祇奉社稷守恪居處職司

選文

鞏道迎駕

潘尼

南山鬱岑峯洛川迅且急青松蔭修嶺綠繁披廣隰朝日順長途夕暮無所集歸雲乘幘浮淩風尋帷入道逢深識士舉首對吾揖世故尙未夷嶠函方險澁狐狸夾兩轅豺狼當路立翔風嬰龍檻黠驥見維繫俎豆昔嘗聞軍旅素未習且少停君駕徐待干戈戢

選文

唐

洛

李嶠

九洛韶光媚三川物候新花明丹鳳蒲日映玉鷄津元禮期仙客
陳王觀麗人神龜方錫瑞綠字重來臻粹文

鞏城南河作寄徐三景暉

儲光義

初年雨候遲鞏洛河流小搖搖芳草岸屢見春山曉清露洗雲林
輕波戲魚鳥唯言故人遠不念鄉川渺舟楫去濼迴湍激行奔峭
寄書千里路莫道南鴻少

鞏城東庄道中作

儲光義

北陵散寒鳥西山照初日婉變晉陽京踟躕野人室南軒草間去
後乘林中山雲霧長路暖遲遲狹路歸蜂蟬時蔽月枳棘復傷衣
城上東風起河邊早雁飛夏王紀冬令殷人乃正月涯口度新雲

山陰留故雪幸逢耆舊話餘待親隣別總轡出叢薄歇鞍登峻隅

春源既蕩濟伏戰亦睢盱未獲遵平道徒言信薄夫以上本集

尋鞏縣南李處士別業

岑參

先生近南郭茅屋臨東川桑葉隱村戶蘆花映釣船有時著書暇
盡日隱中眠且喜開井近灌田同一泉

送孟十二倉曹赴東京選

杜甫

君行別老親此去苦家貧藻鏡留連客江山顛顛人秋風楚竹冷
夜雪鞏梅春朝夕高堂念應宜綵服新工部集

遊石竈寺

劉滄

苦徑縈迴景漸分憐然空界靜埃氛一聲疎磬過寒水半壁危樓

隱白雲雪下石籠猶在定日西山木鳥成羣幾來吟嘯當朱檻風
起天香處處聞

自鞏河舟行入黃河卽事

寄府縣
寮友

韋應物

夾水蒼山路向東東南山豁大河通寒樹依微遠天外夕陽明滅
亂流中孤村幾歲臨伊岸一雁初晴下朔風爲報洛橋遊宦侶扁
舟不繫與心同

雜言寄杜拾遺

任華

杜拾遺名甫第二才甚奇任生與君別來已多時何嘗一日不相
思杜拾遺知不知昨日有人誦得數篇黃絹詞吾怪異奇特借問
果然稱是杜二之所爲勢攫虎豹氣騰蛟螭滄海無波似鼓蕩華

鞏縣志

第六册 卷之十九 藝文下 十

河南商務印刷所印

岳平地欲奔馳曹劉俯仰慙大敵沈謝逡巡稱小兒昔在帝城中
盛名君一個諸人見所作無不心膽破郎君叢裏作狂歌丞相閣
中嘗醉臥前年黃帝歸長安承恩闕步青雲端積翠扈遊匝披
香寓直月團奕英才特達承天眷公卿無不相欽羨只緣汲黯好
直言遂使安仁却爲掾如今避地錦城隅幕下英僚每日相就

列云就
一作隨

提玉壺半酣起舞將髭鬚乍底乍昂旁若無古人制禮但爲

防俗士豈得爲君設之乎而爲不飛不鳴亦何以只待朝廷有知
已已曾讀却無限書鼎詩一句兩句在人耳如今看之總無益又
不能崎嶇傍

原刻云傍
一作倚

朝市且嘗畊稼豈得便徒爾南陽諸葛爲朋

友山東謝安作隣里間嘗把棊弄悶即提樽起鶯啼二月三月時

花發千山萬山裡此時幽曠無人知
火急將書憑驛使爲報杜拾遺

酬李相公喜歸鄉國自鞏縣夜泛洛水見寄

劉禹錫

鞏樹煙月上清光含碧流且無三已色猶泛五湖舟
鵬息風還起鳳歸林正秋雖攀小山桂此地不淹留

全唐詩

鞏路感懷

呂溫

馬嘶白日暮劍鳴秋氣來我心浩無際河上空徘徊

宋

題鞏縣西門周襄王廟

鞏縣志

卷六册

卷之十九

藝文下

十一

河南商務印刷所印

人來人去市朝變山後山前煙霧凝縈帶二川河洛水寂寥千古

帝王陵

王荆公詩註

永昭陵挽詞三首

歐陽修

與子雖天意知人昔帝難一年謀早定九鼎勢先安
大舜仁由性成湯治以寬孤臣恩未報清血但沈瀾

干戈不用臻無事朝野多歡樂有年便坐看揮飛白筆
侍臣新和栢梁篇衣冠忽見藏原廟簫鼓愁聞向洛川
寂寞秋風羣玉殿還同恍惚夢鈞天

行殿沉沉畫髮重淒涼挽鐸出深宮攀號不悟龍胡遠
侍從猶穿豹尾中日薄山川長起霧天寒松柏自生風
斯民四十年涵煦耕

鑿安知荷帝功

歐公全集

續作永昭陵挽詞四首

歐陽修

王者居尊本無外由來天下以爲家六龍白日乘雲去何用金錢
貢道車

苦霧霏霏著綵旗猶排吉仗雜凶儀嘗時鳳輦行遊處今日龍輶
動哭隨

都人擾擾塞康莊西送靈車過苑牆金鼎藥成龍已去人間惟有
鼠拖腸

素幕悠悠逗曉風行隨哀挽出深宮妃嬪莫向蒼梧望雲覆昭陵

洛水東

歐公全集

鞏縣志

第六册

卷之十九

藝文下

十二

河南商務印刷所印

鞏縣初見黃河

歐陽修

河決三門合四水徑流萬里東輸海鞏洛之山夾而峙河來鬪山
作沙觜山形迤邐若奔避河益洶洶怒而訾舟師弭楫不以帆頃
刻奔過不及視舞波淵旋投沙滌聚沫倏忽爲平地下窺莫測淵
且深癡龍怪魚肆憑恃我生居南不識河但見禹貢書之記其言
河狀鉅且猛驗河實書信皆是昔者帝堯與帝舜有子朱商不堯
嗣皇天意欲開禹聖以水病堯民以潰堯愁下人瘦若臘衆臣薦
絲帝曰試試之幾載功不效遂殛羽山慙而斃禹羞父罪哀且勤
天始以書畀於妣書曰五行水潤下禹得其術因而治鑿山疏流
浚賦滄分孽枝派有條理萬邦入貢九州宅生人始免生鱗尾功

深德大夏以家施及三代蒙其利江海淮濟洎漢沔豈不浩渺汪
而大收波卷怒畏威德萬古不敢肆凶厲惟茲濯流不可律歷自
秦漢猶爲害崩墜決壅勢益橫斜跳旁出惟其意制之以力不以
德驅民就溺財隨弊蓋聞河源出崑崙其山上高大無際自高瀉
下若激箭一曲一直一千里湍雄衝急乃迸溢其勢不得不然爾
前歲河怒驚滑口澄激洋洋淫不止滑人奔走若鋒駭河伯視之
口爲戲呀呀怒曰缺若門日啖薪石萬萬計明堂天子聖且神悼
河不仁嗟曰喟河伯素頑不可令至口一感惶且畏引流辟易趨
故道閉口不敢煩官吏遵途率職直東下咫尺莫可離其次爾來
歲星行一周民牛飽芻拜羨費滑人居河飲河流耕河之墟浸河

濟河改河作民福嗚呼明堂聖天子

歐文全集

遊石子澗

歐陽修

巖巖高亭古澗隈偶携佳客共徘徊
席間風起聞天籟雨後山光入酒杯
泉落斷崖衝谿響花藏深崦過春開
麋鹿禽鳥莫驚顧太守不將車騎來

文忠集

轅轅道

梅堯臣

絕險稱漢關晨躋瞻二室盤紆石路回
迤邐雲峯出古壁挂青蒼天風起蕭瑟
洛城回首時望望平烟密

送直講吳殿丞宰鞏縣

王安石

青嵩碧洛曾遊地墨綬銅章忽在身
擁馬尙多畿甸雪隨衣無復

禁城塵古來學問須行已此去風流定慰人更憶少陵詩上語知君不負鞏梅春

出鞏縣

王安石

昭陵落月煙霧昏篝火度谷行山根投鞭委轡涉數村寤出鞏縣城東門向來宮闕不可見但有洛水流渾渾

書任村馬舖

王安石

兒童繫馬黃河曲近岸河流如可掬任村炊米朝食魚日暮滎陽驛中宿投老經過身獨在當時洲渚今平陸穠黍冥冥十數家仰視荒蹊但喬木冰盤鱸美客自知起看白水還東馳爾來百口皆年少歸與何人共此悲

以上臨川集

渡洛因泛丹東下數里頗意淮上

張來

云江清洛轉山隈渺渺東流不復回輕鳥竟隨青嶂去亂波爭泛夕陽來偶驚舟楫鄉心起乍脫塵埃病眼開疑是盱眙郭門外月明帆席過清淮

宛邱集

金

石窟寺

牛承直

邑令

老去尋山意漸便興來登覽獨怡然僧歸禪榻香凝帳人喚漁舟晚濟川滿洛冷光浮巨棟靈松積翠拱中天公餘底事頻來此民遠官刑不用鞭

石刻

明

鞏洛道中

薛瑄

嵩高雲氣晚嵯峨清洛西風响急波水色山光渾似舊宋家陵墓

夕陽多舊志

題宋復古鞏洛圖

謝徽

青山鞏洛舊林園彷彿昇平古意存雨外人歸秋葉浦煙中鳥下夕陽村昔年題字宸光合今日披圖野興繁風景西湖仍不異惟餘故老說中原明評綜

石窟寺

張綬 府尹

野寺枕清洛古像鑿崖石軒窗眇空曠樓閣恍金碧僧多龕窟居門爲嵩少關我來值秋晚高下窮勝蹟萬籟息衆竅千花紛講席

鞏縣志

第六册

卷之十九

藝文下

十五

河南商務印刷所印

乘興宿禪房梵音徹寒夕

甲社公墓

陳獻章

裸葬不葬等悠悠有生無生名可留壽遲殤子千年在文與江河萬古流天借人心照日月山藏廟貌自春秋拾遺苦被蒼生累贏得乾坤不盡愁

黑石渡

于範

山足潭清波渡頭枕黑石野花學菊黃山東如丹赤高岸穿山過深溝落葉集雲靜正秋空出門雙眼碧

韓烈婦節義歌

王冕 洛陽進士

節義宏剛天地窄凜凜生風薄日月人生萬古皆有死惟有風霜

不忍折恥向醜虜馬下休而今僅見誇中州此血寧作劍上紅此
顏不肯向人污怒氣直上冲碧霄化作長虹萬里耀須臾天地無
顏色百萬英雄稱且嗟至今城下義魂咽猶是當時對刃決死生

經少陵墓

周叙

杜陵詩客墓遙倚北邙巔斷碣居人識高名信史傳猿聲悲落照
樹色鬱寒烟惟有文章在輝光夜燭天

洛口驛

失名

驛古人初靜林深夜倍清寒蛩引鄉泪歸雁帶邊聲明月知心事
青山減宦情馳驅何日了溫飽愧生平

舊志

石窟寺

藥浦分府

二月十七郊外行嵩山洛水眼分明已勞地主盤餐薦更遣山僧
管齋迎緣證酣歌春日暮凭闌擊目晚風清酒情不盡登臨興月
印灘頭一艇橫

慈雲寺

趙迎

昔我登山未盡頭此心鬱鬱幾經秋重過溪澗前前志再陟巉崑
繼舊遊接地風雲隨我轉連天景色許誰收危峰絕頂堪舒目得
句敢云家倚樓

石刻

送周編修代祭宋陵

王直

函香分祀宋諸陵使節皇華寵渥承河水遠通平野外嵩山高處
亂雲層馬遷勝覽憐予病李白豪吟美子能君到薇垣謝知己山

陰短棹興難乘

前題

王英

明庭秩祀降深恩詔遣詞臣出諫垣遠歷山川周濬邑肅陳俎豆
宋陵園御香滿路花爭發宮柳連堤日正殷最愛近陵諸父老攀
援羅拜擁行軒

市河橋

劉醇

尋芳策杖市橋前柳色垂金二月天宿霧纔開初出日經風又散
曉來烟沙汀燕子啣泥語蓼岸鴛鴦貼水眠尤勝瀟陵風景好一
川城郭翠微連以上縣志

國朝

鞏縣志

第六册

卷之十九

藝文下

十七

河南商務印刷所印

渡洛水

王士正

脉脉中流望盈盈羅襪塵西園魏公子南浦洛川神蘅薄芳猶在
楊林意未申凌波何處問秋水正魚鱗

宋陵

王士正

洛水邙山飽廢興宋家幽寢闕魚燈奉香不見臨安使白日茫茫
下七陵

七夕前二日鞏縣阻雨

王士正

大火西流日昇仙故跡存秋風來鞏洛暮雨阻轅轅欲把浮邱袂
難招杜甫魂神嵩不可眺三十六峯昏以上漁洋集

轅轅關放歌

田雯

五丁神力齊鬪強二室驚破森開張宏竇洞壑立門戶下流洛水
奔洛陽車馬不從此地入途迷七聖風沙黃轆轤關自何代始崎
嶇嶮确迴羊腸石子大者似石困小者彈丸如珠光禹行治水錯
伐鼓塗山氏女來相將野語創自淮南子搜神述異何謫狂五乳
峯嵐但咫尺山椒神漢紛低昂三素雲涌駭霞漏吹笙王子摩青
蒼天邪桃花路側塞翠莢天棘排兩行驚流聲搖緱氏嶺匹練飛
下金牛岡白髭老子游嵩客八風四扈來徜徉春山淡冶迎人笑
燕子戴勝鳴村旁便與洪崖採藥去手抄朮序長生方雲駢一駕
羣靈接上朝三十六玉皇

古歌
堂集

黑石頭渡洛水

李因篤

古道長依洛前津始放船青泥通沃土黑石泛疎烟豆粥凌晨具
魚肪度地偏御風隨所適江海正悠然

受祺
堂集

鞏洛道中書所見

湖海樓集

陳維崧

鞏洛饒陂陲水土互蟠結抉幽布險勢鑿孔露奇節重隳積屨屨
怪竅囊壻堞居民數百家伏處類巢穴村墟窳曠吮蕪宇補凹凸
批亢架桶梁擣虛置樞稅玲瓏勝鬼工妥貼儼地設乃知般僑外
別自有巧拙東南一土嶽壁若昆刀切居者累彈丸縹緲詫奇絕
重樓俯鳥道盤厓曠曠蟻垤盤旋萬累紋雕樓百蟲齧盡室頗淳熙
聚廬復精潔噉咄雜童穉偃僂半耆耄嬌女曉塗抹瘦妻解補綴
春秋放鷄豚早晚閉門闌我顧居者言此境堪咋舌一朝秋雨塌

陵谷遭崩缺將毋愚公移或者龍火掣居者啼向我長跪對余說
前朝昔喪亂蛾賊起作孽秦隴跳銅脛楚豫潛草竊我我洛陽道
千里大流血白晝舞猓獠黃天恣饕餮妻孥飽刀鋸骸骨供蠶繭
詎料寰宇清及見櫜槍滅興亡祇轉瞬世事纒一瞥苟活幸至今
枯堯何區別我聞吳越間甲第金張列文椒塗不足更取都梁藝
此疑太暴殄翻恐致蹉跎何如此間人任運無曲折飽飯過殘年
踏盡邙山雪

萼嶺

潘 耒

嵩嶺中開處關傳古轍轅時清無埃卒地勝有祇園嶽勢趨邙轉
河流帶洛翻烟村青不斷如掌見平原

遂初堂集

鞏縣志

第六册 卷之十九 藝文下 十九

河南商務印刷所印

鞏縣

潘 耒

鞏洛東周隘經行險始知河流吞岸窄山勢壓城危勇豈投鞭渡
輕難並轡馳洛倉遺蹟在轉粟至今宜

遂初堂集

黑石渡

湯右曾

昨前邙山來今從邙山去邙山朽骨萬萬古惟有行人朝復暮黃
金蝕盡白石爛螻蟻三泉尙知處我來欲酌酒一盃落日荒荒下

前渡

懷情堂集

元日發鞏縣

看山四面碧嶙峋且免車中邑邑人殘雪未消前度臘寒梅已帶
乍回春老知時節心情減閒覺風花景物親二十年來兩元日天

門頂上洛河濱

丁丑元日舟次白沙
得登天門山絕頂

嚴子陵祠

呂履恒

霜落秋城木葉丹
客星祠畔肅衣冠
故人無意驕同臥
天子何能屈一官
嚴瀨江山空浩渺
原陵松柏自高寒
東都多少知名士
不及冥鴻一羽翰

黑石關

呂履恒

嚴關東望意蕭騷
石立山開見古濠
曉樹片帆回洛汭
霜天一雁下成臯
人家雨後黃沙靜
戰壘秋空白日高
底事棄繻猶履躋
三年重過問村醪

夢片
巖集

黑石渡

劉青藜

鞏縣志

第六册

卷之十九

藝文下

二十

河南商務印刷所印

朝發上東門夕抵黑石渡
川原何逶迤崗嶺莽回互
伊洛與瀍澗派別齊東赴
匯流朝大河羣山夾北注
側聞李郭儔當年曾此聚
門龍舟亦仙御榮渡還慕
名流矜氣節義士爭馳騫
惜哉標榜盛奇禍中黨錮
羣小焉足尤諸公無乃固
遂俾國一空炎運以不祚
我來千載下俯仰空自顧
扣舷獨放歌伊人不可晤

宋陵行

劉青藜

前有嵩高後北邙伊洛縱橫盤中央
青龍掉尾紫金接天水遺冢紛低昂
殿宇灰飛松楸盡殘碑斷碣橫
夕陽伊昔東都全盛日朝陵儀制何煒煌
金吾百里罷傳呼黃麾仗絡鼎湖傍
素衣步入司馬門百官麟次鳴
參琅歲時二仲奠宗正冬衣捧獻來
嬪嬙七世

相沿成故事青城禍起殊淒涼懷感蒙塵瑯琊南翠微不守熊羆
亡驪山銀海九嶷匣埋金何代無中郎神臺墜裂特諱詞南山雖
銅得無戕十二金牌棄兩河獲陵劉湛空相償澗水流澗亦偶然
可憐父老夸貞祥五國遊魂置腦後含桃那問金粟岡轉眼崖山
颶風起蘭亭眞帖尤堪傷冬青樹上靈禽飛法惠詩名遙祀復何望
雪晴日暖西京道昨朝夾馬今隋倉歷歷興亡在眼底臨風三嘆
獨傍徨回頭却憶陳橋驛黃袍擁戴日無光

杜少陵墓

劉青藜

萬里清明節回頭憶北邙可憐出巫峽曾永到襄陽故國三千里
羈魂二十霜蹉跎稷契志終古恨茫茫

登鞏縣南城樓

劉青藜

獨上城南百尺樓山川迴合古東周螭碑萬笏插龍尾雉堞千尋
跨虎頭洛口倉空餘故壘平津橋斷冷荒洲東風楊柳垂垂綠極
目斜陽動客愁高嶺山人集

至鞏縣芝田鎮恭祀宋太祖太宗眞宗仁宗四陵紀事並示

多明府

蔣

漣翰林編修

秣馬息芝田地僻茅簷小籃輿行山中四圍青綠遶鬱鬱宋家陵
迴環勢相抱幽隊埋衣冠高原自昏曉斷碑臥蒼苔最屬伏衰草
石麟與翁仲或植或顛倒想見南渡前雙闕臺穹昊守家環松門
泉宮秘深窈我來撫遺墟拜手酌清醪對越儼前王盤亘潔蘋藻

是時風日佳冠蓋出木杪盛典傳鄉閭聚觀走翁媪有令前致辭
承乏茲邑早每當恩詔宣山深集旛旒是歲輒有秋秋風足畦稻
答言令無疑此實神所保昔一祖三宗當陽臨億兆功德遞相承
百年遞肇造如文武成康精靈在豐鎬秩祀禮所宜豈徒事所禱
語罷立躊躇夕暉掛華表去去指前途明發滎陽道

芝田望嵩

蔣 漣
翰林編修

山居村聚小四面簇煙巒曉來呼僮捲布幔畫圖歷歷恣飽看太
室盤礴踞絕頂衆峰環立爭噴噴迷離掩靄極變態一一拔出青
雲端亭亭萬車蓋濯濯千琅玕山腰排比蒼翠滴荆扉隱見臨清
湍炊煙一線氣蓬勃得非西崦人家煮笋方朝餐須臾雲淨日斜

照但見碧綠青紅攢翠微遠望紛秀色陰崖想像春猶寒我聞洞
天第六神仙宅洞口平莽千里寬此時仙人鄧雲山乘雲出入騰
飛鸞峯頭玉女案玉齒搗衣碣畔憑雕闌開母少姨並相過時聞
雜珮聲珊珊石上萑蒲生九節溪邊巨勝長闌干山頭有仙山更
好方壇古鼎燒金丹偶然遊戲出幻景縱橫轉側留與人間爲殊
觀霞梯高無極磴道何盤盤那不手携筇竹杖風清兩腋生羽翰
隨意雙峯選石坐碧桃花開當未殘便程有期未敢去仙宮咫尺
躋登難林中風簌簌塔下露溥溥空庭坐對青山暮少焉雲峯缺
處冰蟾湧一丸邱壑臥遊茲亦足目見雖夥口莫殫寄謝山中猿
鶴伴詰朝吾欲理歸鞍

渡洛水作

蔣漣

纔出青山郭，還臨古渡頭。波聲連兩岸，簷影洛中流。節近安期禊，人登郭泰舟。飄然心不繫，萬像正清幽。

鞏縣東看隔水桃花

張漢府尹

桃花能綠柳能紅，互影含光晚日融。四水交流山盡處，三春一半客愁中。尋常島嶼仙源出，咫尺煙雲驛路通。竟敢題詩詩聖里，為憐風物鞏城東。

黑石關題壁

張漢府尹

有水嶽嶽有石齒，齒我數乘槎。往來於此但記姓名，功無足紀。萬山之上萬山之下，杜當陽侯意何為者？問彼身後名，生前酒盃孰

真假

詩聖祠

張漢

天縱詩將聖人驚，筆有神禹臯元始。志寒餒竟終身，廟祀忘鄉里。石文記水濱，辨香吾所重。此地獨尊親，以上縣志

石窟寺

呂謙恆

匹馬倦猶往，啼鶯聲自和。客來樵徑少，松覆澗雲多。奧蹟占興廢，孤遊寄嘯歌。偶逢田父至，話向北山阿。詩要

杜工部故里

桑調元

青山入鞏洛，秀色超塵寰。鍾英產詩老，悲歌成史編。契稷輒自許，高李空隨肩。東郊傷瘦馬，西川拜杜鵑。我行敬草樹，式此南瑤灣。

嗚呼斯人逝吟者無其賢

三田故里

桑調元

三田如荆樹本自懼同株如何中離異頓使連枝枯離者輒復合
枯者仍榮敷遺風成雍睦足爲鄉里模曠林不相能帝遣各一區
歷山憂未解于田泣嗚嗚周公與管蔡零雨涕淚俱可堪粟布謠
漢文心煩紆有生遇乖違飲痛無賢愚李樹代桃僵交讓同悲獻
相輝良不易華蔓愁蕭疎精誠感草木涕下沾衣襦

望宋陵作

桑調元

洛水春蕩涵邙山高崔嵬山水映終古人事多興衰陳橋黃袍擁
鼎業東京開羣姦不破碎靖康釀奇災宋社旣南遷良嶽生蒿萊
盤回七陵氣蕭瑟蒼山隈臯亭飛白燕舟覆無遺骸江東燐火冷
鬼哭冬青哀升高睇珠邱濟決隔風埃其誰腸木石不識昆明灰

轘轅

桑調元

飛雲過轘轅山蹊翠曲折溪澗匯湍淙春流鳴決決迤度縮嵩橋
橫波臥雌蜺麥疇綠如染葱蒨藹可悅坦修馳道通峭隘鏗嶸嶮
沙平蔓嶺口石滅古車轍來往遵夷庚無復嚴關設惟瞻少室峯
青山粲行列

以上嵩山集

杜工部祠

呂守曾

邙嶺東來勢不齊殘碑屹立河之西金薜剝落字難捫空來繫馬
綠楊枝鷄皮野老相邀坐淡水濃陰憩少時指點路東新廟堂建

自周南張大史額曰詩聖杜工部當年篤生在此里天地間氣鍾
一身穆然詩思含真宰一飢不敢忘君國可但區區驚神鬼新安
石壕恣苦吟西去北征徒憂死後世詩人皆師承契合非詩以性
始太史名集傳河洛爲聖者徒應如此有唐到今已千年請爲太

史屈一指

松坪詩神

聚山園

姚爾申

東園肄業地風雨蔽數椽遙望五乳秀近窺白雪巔風光圍斗室
衆壑與塔連春和聽鳥啼秋深看鹿眠晴明文物景陰雲太古天
經歲覽勝槩幽奇總無邊端居茅檐裏頓爾忘塵緣游心仁義府
畊我方寸田冬裘與夏葛奚復羨餘錢爲憶陶靖節樂以忘其年

洛縣志

第六册

卷之十九 藝文下 二十五

河南商務印刷所印

不

登紫金峯

劉高青邑令

乞休猶復此羈縻指點名山喜共躋曲徑籠葱芳草合層臺縹緲
白雲低遲遲霽景穿書幌漠漠青陰護畦乘興盤桓渾不厭後
遊還擬細留題

青龍山洞

孫汝工

携筇信步入山隈古洞幽深翠栢栽路向荒陰留白雪門臨石磴
長青苔塵封佛像無今昔遊歷人踪有去來閒覓殘碑墓古篆夕
陽欹下幾徘徊

將夕洛水上

曹鵬翔

傍晚蒼茫意何知造物閑波搖西落日影動北邙山暮鳥鳴前渡
歸樵走下灣吾生波浪裏淡淡解愁顏

石窟寺

焦侗

森森長川天際來急流迴處寺門開洞深蘿薜疑無路境入烟霞
別有臺殿角山泉常濺雨壁間石像半侵苔逢僧偶借蒲團坐話
到無心萬想灰

夏日竹林寺覓竹栽

趙作人

竹院行來暑氣蘇問僧肯乞此君無數竿移種茅簷下風雨瀟瀟
伴老夫以上舊志

小憩亭

陳龍章邑令

十載芝田轉眼過茅亭小築近岩阿携來綠綺隨身久醉後青山
入夢多微雨頻翻栽菊譜薰風時送採蓮歌莫嫌斗室惟容膝且
免星軺動薜蘿

補遺

嚴子陵祠

呂履恒

鞏邑東來淨路塵子陵祠畔正芳春客星不與炎灰滅一代流風
賴故人

田氏紫荆里

翁志琦

田氏遺墟沒草萊春風猶見紫荆開願攜當日連枝種分與人間
處處栽

鞏縣志卷之二十

鞏縣知縣李述武纂修

祥異志

聖人不言祥瑞春秋書災書變而不著事應天人感證之故微矣江都中壘曲配時事所以為鄭氏譏也志例載祥異據史傳係於邑者載之以存往蹟統於郡者不錄焉志祥異

黃帝東巡河過洛修壇沉璧受龍圖於河龜書於洛赤文綠字堯帝又修壇河洛擇良即沉榮光出河休氣四塞元龜負書背甲赤文成字遂禪於舜舜又習堯禮沉書於日稷赤光起元龜負書至於稷下榮光休至黃龍卷甲舒圖壇畔赤文綠錯以授舜舜以禪

禹殷湯東觀於洛習禮堯壇降璧三沉榮光不起黃魚雙躍出濟於壇黑烏以浴隨魚亦上化為黑玉赤勒之書墨龜赤文之題也湯以伐桀故春秋說題辭曰河以通乾出天苞洛以流汎吐地符

王者沉禮焉

按水經注載於洛河之下

湯二十有四祀大旱禱於桑林以六事自責雨

綱目

史記曰湯既放桀大旱七年以身禱於桑林之野祝曰無以予一人之不敏傷民之命以六事自責曰政不節與民失職與宮室崇與女謁盛與苞苴行與讒夫昌與言未已大雨方數千里

節前編

唐高祖武德元年鞏數有回風發於地激沙礫上屬白日為晦密

屯營羣鼠相銜尾西北渡洛徑月不散密敗來歸

見唐書李密傳

元宗先天元年鞏縣大水壞城邑損居民數百家

見唐書五行志

宋太宗太平興國八年六月河南府澍雨洛水漲五丈餘壞鞏縣

官署軍營民舍殆盡

眞宗大中祥符元年九月鞏縣柴務牡丹華

神宗元豐七年永安陵下宮芝生一本

以上見宋史

金世宗大定五年六月河南府進芝草於芝田石上

見金史

元世祖至元十五年十二月河水清自孟津東栢谷至汜水蓼子

谷上下八十餘里澄瑩見底數月始如故

惠宗至元四年六月河南鞏縣大雨伊洛水溢漂居民數百家

至正二十一年六月鞏縣蝗食稼殆盡

二十六年七月河南府鞏縣大霖雨地震山崩

以上元史五行志

